



چىراق

ايشانچ تۇره

ايشانچ تۇره

چىراق

حكايله تۇپلمى

يازوچى نىنگ چاپدن چىققن اثرلىرى:

1. اۋزىبك ادبىياتى فرهنگى (استاد عالم كۈهكن بىلن بىرگه لىكدە)
2. حاضركى اۋزىبك تىلى (مارفولوگىيە)

مجازى ترماملر آرقه لى نشر ايتىلگن اثرلىرى:

1. نوايى نى انگلش (مقاله لىر تۇپلمى)
2. سىنىشتە (حكايله لىر تۇپلمى)
3. چىراق (حكايله لىر تۇپلمى)

چاپگه تيار اثرلىرى:

1. ينه قىتەمن (مىنى رومان)
2. اوچرە شە ياتگن تاغلر (شعرلر تۇپلمى)
3. بايقوش (صادق ھدايت نىنگ «بوف كور» رومانى ترجمەسى)
4. بىر قىشلاق نىنگ كۈز ياشلىرى (قصة)
5. دوتار چۇغلىرى (قادر مرادى نىنگ «سۇرمە و خون» رومانى ترجمەسى)
6. مقاله لىر تۇپلمى



چىراق

ايشانچ تۇره

چىراق

حكاية لرتۇپلەي

ايشانچ تۇرە

۱۴۰۲ ھ.ش.

کتاب بېلگيلری

کتاب آتی: چیراق

يازووچی: ايشانچ توره

نشرگه تيارلاوچی: محبوب الله توران

صفحه لرنی ترتيبگه سالووچی: محبوب الله توران

مقوا چيزووچی: محبوب الله توران

چاپ يېری:

نشر يیلی: ۲۰۲۳/۱۴۰۲

چاپخانه:

تیراژ:

اوشبو حكايله لريم تۇپلمىنى جاندىن عزيز سېۋىكىلى عمر يۇلداشىم زھرا جان گە بېغىشلەدىم.

ايشانچ تۇرە

عليحده منتدارچىلىك اظهاري

مىنىنگ شىرلىرىم، حكاىە و باشقە ژانرلردەگى يازگنلىرىمنى بىر يىرگە تۇپلەپ، نىشەرگە تيارلەگنى اوچون **مىحبوب الله جان توران** گە چىن كۇنگلىمدن صمىمى منتدارچىلىك بىلدىرەم. بىلمەن بو مىشقتلى ايش جودە كۇپ پىشانە تېرى تۇكىش و آلتىن وقتنى اىەمسلىك عوضىگە عملگە أشىرىلەدى. قنچە مىقتەسم شونچە كم. بار بۇلىنگ **مىحبوب بېك**، چرچەمىگ دىپىم. سىزىنىگ بو اولوغ خىمتلىرىنگىز آلدىدە قرضدارم. شو اۋرىندە برچە اىجادى ايش و فعالىتلىرىنگىزگە پروازلر تىلب قالەم. ىنە-دە مەم و جدى فرەنگى ايشلرنى قىلە آلىشىنىگىزگە اىشانەم. تىنىگىز ساغ، قلمىنگىز كېسىكىر و كۇركم بۇلسىن.

ايشانچ تۇرە

اۇقۇچىلار دىققىتىگە!

قۇلىنىڭىز دەگى اوشبو رسالە، استاد ايشانچ تۇرە جنابلىرى حكايلەرنىڭ ايكىنچى تۇپلىمى دىر. اونده، تورلى موضوعلارنى اۇز ايجىده آلگن ۲۸ تە حكايله سىغدىرىلگن. بو حكايلەلرنىڭ كتە قسىمى ملتىمىزنىڭ اچىق-چوچوك حيات مسئلەلرى بىلن باغلىق دىر. بو رسالە خلقىمىز خذمتىگە يېتىب بارگنيدە، اۇقۇچىلارنىڭ دقتىنى اۇزىگە تارتىشى اوچون ايشانچىم تۇلە.

بو رسالەنىڭ يازووجىسى حرمتلى استاد ايشانچ تۇرەنىڭ عمرىنى اوزون تىلشىمىز بىلن بىرگە، استادنىڭ قلمى اۇتكىر و الهام پرىلرى او ذاتى هىچ قچان ترك اېتمىسلىگىنى آرزو قىلەمىز. نصىب اېتگن بۇلسە، حماسەلرنىڭ دوامىنى-دە اۇقىب بارەمىز البته!

شو اۇرىندە اېسلىش كېرەك كە، كىمىنە، اۇزبېك تىلىنىڭ حقىقىي خذمتكارلرىدن بىرى بۇلمىش عزيز استادىمىزنىڭ اجتماعى ترماملر آرقەلى نىشرا اېتىلگن اثرلرىنى جمعلب، اولرنى ترتىبگە سالىب، قىتە نىشراگە تيارلە ياتگنىم اوچون اۇزىمنى بەغایت خورسند حس قىلىب، كوچىم بارىچە بو ايشنى دوام اېتدىرىشگە عھد قىلگنمىن. حيات باقى اېسە، اولرنىڭ برىسى ترتىبلى روشدە البته كە خذمتىڭىزگە يېتكىزىب بېرىلەدى.

حرمتلر ايله

محبوب الله توران - كابل

مندرجه لار

- ۱ قاره باتيرلر
- ۱۱ قۇزغالان
- ۱۷ ألنگه
- ۲۹ كوتيلمه گن خط
- ۳۸ حاكم
- ۴۴ بيرينچى قۇنغىراق
- ۵۱ ايکينچى قۇنغىراق
- ۵۶ قاره قوش
- ۶۳ كۇز مونچاق
- ۷۴ اوچره شوو
- ۷۹ قلديرغاچ
- ۸۶ مکتبده سينگن كۇنگيل
- ۹۵ توشده گى اۋيلر
- ۱۰۰ قبردن قيتگن مهمان
- ۱۱۰ ابورييليش
- ۱۱۸ ايلک سباق
- ۱۲۵ بيرهم
- ۱۳۲ بۇلسه بوتگار، بۇلمسه حكايه
- ۱۴۰ قيدهسن تينچليک-آمانليک؟

۱۴۴	كۆرگۈلىكلر
۱۵۱	ارمان
۱۵۸	اۋلىم ياپىنچىغى
۱۶۵	وصىتىنامە
۱۷۲	غۇرلىككە شۇرلىك
۱۷۹	خان آيىم
۱۸۶	آق رومال
۱۹۲	درد
۱۹۹	بىر پرچە نان

۱. قاره باتيرلر

قارە باتىرلار

قەرمانىمىز اېنگ چېككە قىشلاقلردن بىرىدە يشەيدى. ھىچ قندەى امكانىت يۇق. اونىنگ آتى ابراهيم، صولتلى كۇرىنىشى بار. اونىنگ لبلرى اوستىدە اېندى گىنە سىيرەك-سىيرەك توكلر سىزە اورە باشلەگن. اېلكەلرى كېنگ-كېنگ؛ سېر غىرت، يوزلرى آپاق، قۇللىرىن كوچ ياغىلىب تورگن كېى؛ تازەلىگىدىن تىشلىرى قاردەى پارلب تورەدى؛ ساچلىرى غاو، قاشلىرى قويوق، بۇيى ناوچەدن كېلگن، بورنى اېسە قىلىچدەى، بۇيىنى ھم عادندەگىدىن كۇرە اوزونراق. كۇركلى بىر بالە.

اۇقىشدىن بىراق قالگن بو بالەنىنگ ذھنى راسە اۇتكىر، خاطرەسى چۇنگ تىنىق، اۇيلىشلىرى تېرەن. باردى مکتب اۇقىب، عالی معلوماتلى بۇلگنىدە اېدى، بىر معنادە اىگنەنىنگ كۇزىدىن نق تويەنى اۇتكىزدەى قابىلىتى بار. بو كېتىشە، يولدوزلرنى نروانسىز اورەياتگن بۇلىب اولغەيىشى بار گپ. افشوس كە، اولكن شەرلرگە بارىب اۇقىى دېسە قۇلى يېتمەى توريىدى. اوستىگە-اوستك تىنىمسىز بى ئمر اوروشلر توپراق، قومگە اۇخشىب، انەشونقە گوھرەدى استعدادلرنىنگ كۇزىنى يايىب تشلەگن.

كتە-كېچىك ابراهيمگە بىرار آفت دارىشدىن خواطردە. بالەسىگە امانلىك تىلەگن آتە-آنە تون و كون خدایلب چىقەدى. زۇر قابىلىتى طفىلى ابراهيمگە «قرآن»نى يادلتىش اوچون يقىن-اوزاقدن مجاهدلرنىنگ سۇرەب كېلگنى كېلگن. بىراق آتە-آنە بونگە سىرە كۇنىشمەيپدى. اولرنىنگ نىتى بىر يۇلىنى قىلىب، رواجلنگن چىت مملكتلرگە يوبارىش. بالە اېسە اۇرتەدە سرسان.

كتە بىر حادثە يۈز بېرىپ، ابراهيم يشەياتىن قىشلاققە برق تارتىلدى. بنا بۇلگىدىن بويان يالقىن نىنگ طعمىنى تاممەن قىشلاققە نور اولەشىلدى. قىشلاق نىنگ يۈزى چىقن بىر ئاچىلدى. چىقماق دەپ چىقىلگن برق نورلرى، ابراهيم نىنگ ھەم كۈزىنى ئاچدى. كەم قىچىغە ئتە-ئە او يىگە تلۈزىون ساتىب ئلىشىدى. بالەكى بارە سالىب تلۈزىوننى ياقىدى. ماوي شىشەدىن پارلەگن نورلر ئرتىدىن مجازى دنيا اېشىگى ھەم لىنگ ئاچىلە باشلەي كېتىدى. نور پىردەلر ئرتىدەگى دنيا جومباقلرى، معلومات ئمبارىگە ابراهيم نىنگ كۈزى ئىلىندى. قرەسە كە، برق سىملرى ئرقەلى تلۈزىون بېتىگە طرفە-تومن تصویرلر بلقىب چىقماق دەپ كېتىدىن دانا كىشىلر تىلدىن معنالى فكر و چوقور ئوگىتلر ىنگرەماق دەپ. ىنە توگەمس و اوزلوكسىز كۈزلرنى قوونەتر^۱ منظرەلر ترەلەپىدى. ابراهيم نىنگ ئۈي-فكرلرى، زمانوي جانلى تۇلقىنلر گپلرى بىلن او يىغون-ماس. او كاناللىرى المىشتىرگن سەبىن واقە-حادثەلر توبىگە شونىغىب بارر، چىققا بىر حالتدە موجلر بىرەدىن سوزىب كېلەياتىن عجابياتلر قىرەگە بېتىگۈدەي بۇلىب تورر، بولرنىنگ بىرىسىنى ئاقىزمەي، تامىزمەي قۇشنىسى نىنگ قىزى رىناگە ئىتىب بېرىشگە ئشىقردى.

تلۈزىون دەپ كۆرسەتۈلەر دوام ئىتىب تورىدى: بالەلرگە ئتەب نىمايش ئىتىلەياتىن قۇغىرچاق ئۈيلىرى؛ چىقەلىب، شاشقىن كەمەشاق ئقەياتىن دريا سوولرى؛ شمال ئلىب قاقچەياتىن مېسەلرنىنگ مەبىن سىلكىنىشلىرى، پىرلىرى نىنگ ئىشىلىب-ئىشىلىب رقىسگە توشماقلرى؛ حىيات بىخش قۇشقىق و نىفىس صنعت ئثرلر اجراسى؛ تىنىب قالگن ياغمىردن كېىن بولوتلر ئرتىدىن بۇزەرىب چىقەياتىن رىنگىن كەمەلكلر؛ گۈزلرنىنگ ياىب تىشلىگن تۇلغاق ساچلرىدېك تاغ بىرەدىن قوبولىب توشەياتىن سكرەمەلر^۲؛ قىز-بالە، ئبركك-ئىلالرنىنگ ئبركىنلىگى، جلۈە ساچىب تورگن ئچىق-ساچىق قىافەسى؛ قىراقلرگە شىدت ئىلە اورىلەياتىن دېنگىز تۇلقىنلىرى؛ كتە-كتە شىرلرنىنگ قاق ئۈرتەسىدە كۈككە

^۱ قوونماق: خورسند، شاد قىلماق.

^۲ سكرەمە: شىرە.

بۇ چۈزگن آسمان اۋېر بنالر؛ يىلاوردە^۱ اۋىناقلىق، يىرەب، مععرب اۋتلەياتگن قۇي-قۇزىلر؛ يىم-يشىل درختلر برگرلىرى ارەسىدن چوغورلپ اوچىب-قۇنەياتگن سىراقى قوشلر؛ اشقاۋاق^۲ پلەسىگە اۋخشەگن آى مامانىنگ كۈكدە بې تىنىم سوزىب بارىشى؛ آنە يېرگە زىن ياغدولرىنى ساچەياتگن آپاق بابا قوياش نىنگ پارلپ تورىشى؛ گل-چېچكلر اوزرە تورلى-تونىس رنگلرگە قناتى چەبىلگن كپەلكلرنىنگ چرخ اوروشلرى؛ ماوي آسمان بغيرىدن يېرگە قرەب مىلتىللىب تورگن سان-سناقسىز يولدوزلر؛ خالص، اۋت-اۋنلر يىراقلىرىدن مولدىرەياتگن تامچىلر... خياللىرىنى بند اېتىدى. بو نرسەلرنى اىلك بار زنگارى اكرانده كۈرگن ابراهيم، حىرتدن برماقلىرىنى اىبەگىگە تونگنچە خيالگە چۈمدى. يورسە-تورسە رنگمە-رنگ بو طرفە عالم، اېندى، تلوزيون اكرانده اېمس، خودى اونىنگ مىيەسىدە گۈدەلنەياتگن بۇلىب قالدى. او شوندىگەچە بوندى بىر گۈزل و ياقىملى دنيا، بختيار حيات بارلىگىنى عقلىگە سىغدىرەلمەدى. ابراهيم بو كى بې غبار، تىنچ و آسايشتە لحظەلر بارلىگىنى شوندىن كېىن حس اېتە باشلەدى. يۇق اېسە، دنياگە كېلىب كۈز آچىدى كە، كۈرگنى فقط اوروش، كلفت، مصىيت؛ بمب، تۇپ، تانگ، مىلتىق، هر خىل اۋق يراقلىرىنگ ناخوش صداسى و قارە كونلر.

تلوزيون ابراهيم نىنگ آنگىدە توب بورىلىش يسەدى. اۋقىمىشلى بۇلمسە-دە، خيال كوچى بىلن اۋزىچە حيات و دىئانى قريچلەى باشلەدى. اۋراقدهى-اۋراقدهى سواللرگە رۇپەرە كېلەوېردى، كېلەوېردى. نختاكى، يشش فقط اوروشدن عبارت بۇلسە، دېگن اۋى اونىنگ روھىنى ضبط اېتردى؛ اىچىنى ويران قىلىپ كېت اېدى. نختاكى انسانلر كولگى نىمەلىگىنى اونوتىب، شاد-قووناق يششنى بىلمسەلر؟ -دېدى اۋزىچە. نېگە

^۱ يىلاو: چاروا ماللر اېركىن اۋتلەيدىگن كېنگ دلە، ميدان؛ اۋتلاق.

^۲ اشقاۋاق: پلك آتېب اۋسەدىگن، شېھلاق برگلى، كرنى سىمان يىرىك سىرىق گۈللى، بىر ياكە كۈپ يىللىك پاليز اۋسىملىگى و اونىنگ تورلى شاكلردە بۇلەدىگن يىرىك حاصللى.

انسان بۇلر-بۇلمس نرسەلرگە اوچونىب، اۋلىكلرگە سىغىنب، فقط يىغلب اۋتسە-يە؟! دېگن اغير سۇراقلر اونى كۇپ قىينەيدى.

اۋورلىشلر، اۋزگرىشلر تائىرىدە ابراهيم قىتە توغىلىشىنى آرزولب قالەدى. مىيەسىدە مۇهرلىنب قالگن مىنگلب قۇرقىنچلى صحنەلرنى بىردن اۋچىرىب، يوويب تشلەسم، دىيدى-يو، چارە تاپەلمەيدى. بىر سىم اىچىدە شونچەلر حىرت و حكمت ياشىرىنىب يىنە مېن بىلمەگن الەقندەى سر-اسرار بۇلسە كېرەك، قوروغور بو سىمدە، دېگن فكر بىلن يورەدى. ايكى-اوچ كون بىلگنى اىچىدە بۇلىب، تفكرگە غرق يشب كېلەدى. كۇرگن-بىلگنلرنى بىراو بىلن بۇلىشكىسى، دردلىشكىسى كېلەۋېرەدى. ھە، كۇنگلىگە سىققىنى، ايشانگنى قۇشنىسى نىنگ قىزى بىرگىنە رىنا. ھلى اونگە ايتىر گېلىرى مۇل...

الغاق-تۇلغاق زمانلردە آتە-آنەسى زومدن كوزەتىب بارماقدە اېدى. سوادسىز سادە عايلەنىنگ خوشونتسىز تورموشى بركتىدن ابراهيم نىنگ مىيەسى بوتون قالدى. او بىر كونى آتە-آنەسىگە گپ قاتىب: نېگە كۇچە بالەلرى مونچەلر قۇپال، سۇكەغان، جىگرى؟ نېگە باشقە عايلەلردە دايم اوروش؟ اكە-اوكە، آپە-سىنگىل، اېر-خاتىن، برچە-برچەلرى بىر-لرى بىلن ياقە-مشت؟ نېگە كۇچە بالەلرى شىرىن سۇز ايتىب كولىشىنى بىلىشمەيدى؟ آخر نېگە آدملىر بىر-بىرلىگە اىرتقىچ قشقىرلردە¹ معاملە قىلىشەدى؟ نېگە نېگە، نېگە؟ -دېيە كېتىدى. -اصلىدە آدم-آدم بىلن دشمن اېمس بالم. بلكە اولرنىنگ اۋى-نىتى بىر-بىرىنى انكار اېتەدى. دنىامىز ھر خىل فكرلرگە تار بۇلىب قالدى بالم. آدملىر دومەلاق يېر مىدانىدە سىغسە-دە، اولرنىنگ نىتلىرى، فكر و افكارى سىغمەيدى؛ بىراونىنگ ايتگىنىنى قىلمەسنگ، يوروغىدن يورمەسنگ آدملىر باشىنگە عىب قەلب تۇرت كتابگە كافر چىقرەۋېرەدى. دنيا شونقە بۇپ قالدى جانىم بالم. قنى اېدى بىزنى شو غرىب حالىمىزگە قۇيشسە. پىشەنەدە يازىلگىنىنى كۇرەمىز-دە اېندى، تۇرەم،

¹ قشقىر: بۇرى.

قىلىچ آتە اۋغىلى نىنگ سواللىرىگە جواب قىلرکن، -عاقبت بخير بۇلسين بالەم، دېب خۇرسىنىپ قۇبەدى.

... اپرتەسى كۈنى كېچ پىت اوخلشدىن آلدىن ابراهيم تلويزيونىنى اېسكى چاپانگە اۋرەب، نېگەدىر اوزومزارلر آرەلب كۈترىب، آلب بارىب، قەلىنراق تاكنىنگ تىگىگە تىقىب قۇيدى، بېكىتدى. بىر قولاق نراقده، كېگە اۋخشەگن كېكسە تاك آستىدىن اۋزىگە جاي سالىب، اېسكىراق شالچەسىنى تۇشب، بىرىنى جۇيەنىنگ بېتىگە تشلب ياتەۋەردى. آرە-سىرە ابراهيم، تويە يورسە كۈرىنمەياتگن جۇيەلرگە؛ تاكلرنىنگ منظرەسىگە كۈز قىرى تشلەيدى. تۇلىن آى نىنگ نورلر آستىدە كۇم-كۈك باغنىنگ رنگلر بۇغىق توسگە كىرگن. نظرىدە تاكلر برگلرلى انچەگىنە سۇلغىن. بىراقلر يوزىدەگى آغرىقلر و خستەلىك زنگىنى، يامغىرلر هم آرېتەآلمسدەى بىر حالت. عجايب منظرەلر: تىپ-تىنىق اوزوملر كېلىنلرنىنگ برماغىگە اۋخشىب سوزولېب تورر، كەمەلكلر گىر-گىر آيلەنر؛ چتېشىب كېتگن تاكلرنىنگ بۇغىنىدە يىغىلگن شىرەسى اوزرە بىنگك، زامبىرلر اين قورىب آلىشگن. يكە-يرىم تاكلرنى بى مەزە ازغىشلر چنگەلى ايلە بۇغىب تورگن. حسىنى اوزوم تاكى اوستىدە اۋرگىمچك تۇرىنى يايىب تشلەگن. بىتە-يرىمتە سرغەيگن تاك برگلرلى جۇيە پشتهلىگىگە قاوجىرەب توشگن. ابراهيم انە شو جايدە توننى كونگە اولشى كېرەك. كۈنگلى غش؛ باشىدە خوف-خىطرلر همان كۈلنكە سالىب تورىدى. «بىر كۈن بۇلمسە بىر كۈن باسەمەچىلرنىنگ تشلىنىشى بار» دېگن اۋىلر ابراهيم نىنگ اىچىدىن اۋتە باشلەدى. بۇز بالەدە؛ اۋزىنى تىنچىتەآلمەى، مىنگ خيال اىچىدە اۋارە، مىنگ كۈى جن كۇچەلرىدىن سرسان-سرگردان.

بىراز اۋتمەى كۇچەدن گوسوردب كېلەياتگن اتلرنىنگ كىشەنەشى، ابراهيم نىنگ اىچىگە غلغە سالدى. بختى كولىب شو پىت يېنگىل اېسەياتگن تون شمالى تۇختەگن. شىغىرلەياتگن تاكلرنىنگ آۋازى هم تىنگن. ابراهيم نىنگ قولاغى اۋدە، بېكىنىب آلگن



يېرىدىن باش كۈتۈرىپ، تېۋرەككە قرەيمىن دېسە، قوخ-قوخ قىلىپ يۈتلگۈدەي بۇلسە بىرمى؟ ياكە پىش-پىشلىپ قىيىراق نىفس آلسە، بو حالت باشنى كۈندەگە قۇيىشەدى بىر گپ. ابراهيمى مرچان اسملى ايتچەسىنى اۈلگۈدەي يىخشى كۈرەدى. يىخشى يىم كە اۈشە كېچە، اونىنگ پناە تاپگىنىنى مرچان گىنە پىقەمەي قالگن. ايسىمدن بىلىپ، آرقەمدن كېلمسە كاشى، دېب دغ-دغ تىترەيدى. خىالىدە كىمدىر «سېنىمى كافر تىرآنچە ابراهيم!» دېگندەي گۇيا. قندەيدىر تېمىر قۇللىر خۇدئى تاماغىدىن بۇغىب اوشلب، تاكلر آستىدىن جانسىز تنەسىنى سودرب آلىپ چىقىپ كېتەياتگندەي. حتى كە، بىلگىدەگى ساعت مىللىرى نىنگ چىق-چىقلىشى كتە قىامت باشلىنىشىدىن نشانەدەي كۈرىنەدى. ابراهيم بىلگىدەگى ساعتنى سېكىن يېچىپ، غدىر-بودىر كېسكىنى كۈتۈرىپ تگىگە قۇيماقچى ابدى ھم كە، برماقلىرى اوچىدە شپاتدن اوزون قۇنغىر چىان اۈرمەلب كېلەيپدى. «ۋاى داد آنە جان!!!» -دېبە بار كوچى بىلن بقىرماقچى بۇلدى. اويىدەگى ايتى، باسمەچىلرنىنگ باستىرىپ كىرەياتگن آتلرگە آسىلىپ، ھاو-ھاولب ھورە باشلەدى. قسىر-قوسىر تاووشلر آرەسىدىن بېگىم خالەنىنگ «كىم سىللە؟ نىمەگە كېلدىلر اۈزى؟ بىزدن باشقەنى تاپمەدىللەمى؟ تۈشەنرىمىز بىر، ياپىنرىمىز آسمان، بىزلە بىر كىمىغل آدملىرىز، سىلر آلىپ كېتردېك نرسەمىز يۇق آغلر!» دېگن سۇزلىرى ابراهيم نىنگ قولاغىگە اېشىتىلدى. يۈرەگى گورس-گورس اورەياتگن بالەنىنگ نىفسى بىردن اىچىگە توشىپ كېتدى. آغزى-بورنى اۈرەلگن قشقىرسىمان آدملىرنىنگ گېلرىگە ايتىنىنگ ھكىللب ھورىشى خلەقىت بېرىپ تورىپدى.

- اېمچىگىنگدن درختگە آسەيمى؟ كوچىگىنگنى باغله مېكەجىن! عقلى كلتە قنىغى!!! -
دېب غۇنغىللەدى آتىنى تىزگىنلې^۱ تورگن قارە باتىرلردن بىرى.

^۱ تىزگىن: جلاو.

تىزگىنلەماق: جلاولب تورماق.

بېگىم خاله كوچوگىنى قوچاغلب، اوتماقچى بۇلىب: -يا تنگريم نيمه بۇلەيىدى؟ -
يىغىسى بۇغزىگە تىقىلىپ توريپ، -بىر پس جىم تورگىن جانىم، چقىرىلمەگن
مەھمانلارنىڭ گىي بار اېمىش، -دېدى ھىجان بىلەن مرجان كوچوگىنىڭ باشىنى
سىلەياتىپ. ايتىنىڭ تاووشى پەسىمەدى، عكسىنچە، آوازى زۇرەيگن سىرى زۇرەيىدى.
نيمە قىلمەسىن بېگىم خاله ايتىنى تىنچىتەلمەدى.

بىر پىت قارە باتىرلارنىڭ شەت ايلە ايزغىب، خانەلرنى آغدر-تۇنتىر قىلىشلىرى باشلەندى.
اېلكەلرەيدە كلاشنىكوف قورالى كۇترگن؛ بىتلرەنى جون باسگن، بىر يىلدە ھەم بىر بار
حمام يوزىنى كۇرمەگن، توغىلىدى كە، تىشلىرىگە بورس تېگمەگن؛ كتە ايشتانى
بۇربايدە كلەولەنىپ تورگن قارە باتىرلاردا قنغسىگن شۇر ھىدلر ائقىب، قىلىچ آتەنىڭ
اويىنى ايسگە تۇلدىردى. صفەنىڭ بىر چېتىدىن بېلى آغرىپ، آياغى سىنىپ ياتگن قىلىچ
آتەنىڭ قارە مەھمانلارگە قرەتە: -قرانى شفا كېلتىرەمن، خدادان قۇرقىنگلر، آنت اىچىپ
آيتەمن كە، بىز بېگنە بىندەلرەمىز، دېگن يالبارىشلىرى قولاققە چلىندى.

- سوبودىنگە سوو قويەمىز، ھلى سېن منجەلەقى¹، سېن خام كلەلرنى سىخىدىن
اۇتكزىپ، كىباب قىلەمىز، بۇغىزلىرىنگە ايرىتىلگن قۇرغاشىن قويەمىز، -دېدى بېگم
خالەنىڭ اق آرەلەگن ساچلىرىنى قىسىمىدە توتملەگن قارە باتىرلاردا بىرى. شوندا
غۇبىدىن قانى قىنەگن قىلىچ آتە غىرتى جۇش اورىپ عىساسىنى قۇلىگە آلرگن، اۋرىدىن
سېچىپ توريپ:

- ناموسلارنىڭ بارمى اۋزى سېن قشقىرلرنى، -دېپە قۇزغالماقچى بۇلدى-يو، اۋرىدىن
تورەلمەدى؛ «وا درىغ!» -دېپ اۋتيرە قالدى.

¹ منجەلەقى: ناتۇغرى يۇلگە كىرگن؛ بوزوق.

تېرگە باتگن ابراهيم تونگى قارە فرشتەلر بىلن آنەسى آرەسىدە بۇلەياتگن تارتىشوو، مېشمە، قىي-چۈولرگە بىر قولاق آسماقچى بۇلدى. يەنە وھىمە باسىب يانباشلەدى. قرەسە كە، پارتلشەدە يارىلگن قارە پولادگە اۇخشىب قاپ-قارە چيان اۈنگ قۇلدىن كۇكسىگە قرەب، اۈرمەلەبىدى. شو زمان بىردن گورسىللب كۇچگن ملتىق آوازى تون نىنگ بغيرنى سۇتىب، ساكنلىكنى بوزىب يوباردى. شوندىن سۇنگ كوچوك نىنگ بېزواتە آوازى جىمىب كېتدى.

قارە باتىرلر بېگىم خالە نىنگ داد-اويلرگە قرەمەى، خانەلرنى بىر-بىر تىنتاو قىلىب چىقىشىدى. تونگى باتىرلردن بىرى قۇلىدە كبرا ايلانگە اۇخشەگن قانلى قمچىسىنى اوشلەگنچە ھوانى كېسىب-كېسىب اۈينە تردى. رحم سىز بو قارە باتىر دراۋ:

- كلمەنگى كېلتىر كافر! قنى تىلبىزىن؟ اۈغلىنگى تاپ دېمن! - اولر قىلىچ آتە نىنگ ياقەسىدن اوشلب، بىر جايگە چە سودرب باردى، - اگر اۈغلىنگىنى تاپمەسنگ سېنى آنگە باغلب، اۈيىنگدن آلىب چىقىب كېتەمىز-دە، بىقىنىنگدن درىچە آچەمىز، - دېپە دغە سالىشىدى.

ياناغى اوزرە اونگە چە سىم-سىم كۈز ياشى تۇكە يانگن بېگىم خالە:

- اۈيىنگگە اۋت توشكورلر، تلوزونمىز يۇق بىزدە، اۈغلىم بۇلسە، يان قىشلاققە باباسى نىنگ اۈيىگە كېتگندى، او اېرتەگە، قىتىب كېلەدى، بىزگە رحم قىلىنگ، - دېپە اۈلگە يەلىندى؛ سۇنگ كۇكەگى كېسىلېب قرغىشگە توشدى.

كىر ساقاللرى سېرپەيگن تونگى قارە مھمانلر آچىق بىلن برق سىملرىنى اوزە كېتدى. يەنە بىر بار كلاشنيكوف مىلدىن تر-ترلەگن بىر سىدرە اۈقلىرنىنگ قىزىل آلاوى كۇك يوزىدە چقن بېتدى. بېگىم خالە نىنگ يايىلگن ساچلرى مرجان نىنگ قانگە باتىب ياتگن جىسدىنى يايىب تورر، عىال نىنگ محزون كۈزلرى بىداۋ اتلر ھۇل قىلىب كېتگن لاي اىچىدن قىلىچ آتە نىنگ بۇم-بۇش جايىگە قرەب تىكىلردى.

كىشەنە ياتىن ئاتلارنىڭ توپور-توپورلىرى باشلىدى. گوسور-گوسور اىچىدىن قىلىچ
آتەنىڭ: -آه تنگىم اۋزىڭ مدد بېر، اۋزىڭ پناھىنگە آل بىزنى!! احوالىمىز بىر
سېنگە عيان!!! جگىرىمىڭ بىر بۇلگى، تابوتىمنى كۈترە ياتىن اۋغلىم، تىلب آلگنىم
الوداع ابراهيم!!! عمر يۇلداشىم، عزيز ياستىقداش بېگىم سېن بىلن ھم خىر باد! اېندى
الوداع، الوداع!!!! دېگن سۆزلىرى اوزاق-اوزاقلردن ايلس-ايلس اېشىتىلىپ، كېين
جىمىپ كېتىدى.

اۋشە تاك پناھىدە رەئانىڭ عكسىنى بىرگە باسىپ ياتىن ابراهيم، اونى تىلمس
سرداشىنىڭ يارقىن خاطرەسىنى اېسلە ياتە دىر اېدى. سلطنت تىختىگە چىقىپ آلگن
حكىمرانگە اۋخشەگن، بەھىيت چىيانىڭ شىرپەسى، اۋتە ھىجان و قۇرقوودن ھوشىنى
يوقاتە يازگن ابراهيمنىڭ ساووق تەنەسىدە، حكىم سورردى. نامراد آنە اېرى قىلىچ آتە و
عزيز اۋغلى ابراهيمنىڭ داغ و ماتمىدە اۋرتە قالدى.

۲۰۱۱

تورانتو، كانادا

۲. قۇزغالان

قۇزغالان

قۇزغالان نىنگ بىرىنچى كۈنى اېدى. توشدن سۇنگ، كوتىلمەگندە، رادىودن يىنگرەگن كېسكىن ھىجانلى «كۈى» ترەلماقده اېدى. بو عادى بۇلمەگن بىر فوق العادە وضعىتى اېسگە سالردى. يورتدە قندەيدىر بىر اولكن حادثە، بورىلىش يوز بېرگىدىن دلالت بېرىب تورىدى. سراسىمەلىك كۇلكەسى آستىدە اوزون قولاق گپلر ھمە ياققە ترقلگن... بىردىنگە چومالى اينىگە سوو قويگندەى بۇلىب، بوتون مملكت تۇزىدى؛ آدملر ھم آياققە تورىب قۇزىدى. نىمەلىگىنى بىلمسە-دە، انسانلر «انقلاب» دېگن سۇزنى اۋشندە اېشىتگن بۇلدىلر. ماھىتىنى كېنىراق بىلىب آلىشىدى. مامە قلدىراققە اۋخشىب دەشتلى گومبىرلب كېتگن «انقلاب» چقماقلىرى اۋز آرتىدىن قندەى ۋھىمەلى تىتراق، قۇرقىنچلى پارتلىشلر، ھىيتلى قۇپارىشلر، شدتلى تېرەنىش، وىران قىلگووچى سىلكىنىش و اۋپىرىلىشلر آلىب كېلىشىنى ھلى ھىچ كىم اۋىلب كۇرمەگن. تىنچ ىشب كېلەياتگن آلامان^۱ بو نرسەلرنى قىدىن بىلسىن. «ىشەسىن يۇقسىلر!!!»، «اىشچىلرگە شان-شرفلر!»، «اۋلسىن باىلر!!!»، «ىشەسىن دەقانلر!»، «آلغە، آلغە و آلغە!!!» شعارلر قولاقنى قامتگە كېلتىردى. كۇزلرنى قمشتىرووچى الوان يلاو، بىراق و بىراقچەلر كىشىلر قۇلىدە شدتلى ھىلىپىردى؛ قلدىرغاچگە اۋخشەگن قىز-يىگىتلر قىرمىزى كىيىملرگە بوركنىب، «انقلاب» ترانەلرى آستىدە، مارشلر تۇلقىنلىرىنى وجودگە كېلتىرگنلر. انقلاب نىنگ بىرىنچى كۈنى. اېندى بو ياغى ھورا-ھورالر... توتىب آل، اور-بىقىت، سلە دەپسە كلەلرنى كېلتىرىش...

^۱ آلامان: اۋز-اۋزىدىن، كوتىلمەگن حالده تۇپلنگن آدملر؛ خلاق.

ساعت ايكيگە دۈر شەر آدملىرى، بازارچىلەر، مەكتەپ ئوقۇغۇچىلىرى قۇللىرىدە دستە گلەر تۈتگەنچە، يىڭى مەھماننى كۈتىپ ئايش نىتى يىلن بىلدى مەيدانچەسى ئالدىدە تۇپلىنىشىدى. ئايقراغى ھەر ياقىدىن سۈرىپ كېلىپىلدى اولر. بىر ئاز ئۈتمەي، كېتەمە-كېت تىزىلگەن بېش-ئالتى ماشىن غىر اېتىپ شەرگە كىرىپ كېلدى. شادىانە ھورالركۇتريشگن ئالامان قىچقىرىقلىرى ايله «يشەسىن خلىق!!!»، «يشەسىن انقلاب!»، دېگن شەرلرنى ايتە باشلىشىدى. بىرىنچى قارەمتىر تۈسدەگى جىپ مۇتردىن بىللكلىرى تۈرىلگەن، اوزون بۇيلى، قباغى اسيق، بروتى سىخ-سىخ، تورقى قارەيگنراق بىر كىشى تۈشىدى. گۈلدوراس قىرسلەر اىستىدە، يىڭى حاكمنى باشلەپ كېلىشىدى. زىنەدىن تېپەگە كۈتۈرلىپ بارەياتگەن حاكىم مۈشتۈمىنى بالغەدېك تۈككەن خالده تۇغرى بارىپ، مەنبرنى اېگىللەدى و آدملىرگە قرەتە ائشىن نطق قىلە كېتىدى. قۇپال كۈرىنىشىلى، لقمەلىك قىلىشىدىن تايەمەي، سۇكانغىچ بو شىخ دغلى سۇزلىرنى ايتىشىدىن قالمەدى. بو تەيىنلنگەن قۇرساق¹ حاكىم اېدى. ھىچ نرسەنى بىلمەي، انگرەبىپ قالگەن اولوس نىنگ كۈنگىلىنى اۋوتىق سۇزلىر بىلن ائگن بۇلدى حاكىم تۇرە. يىڭى حاكىم «قى» خرفىنى ايتە ائلمىدى. كىمىدىر ارقەدىن «بونىسى ھەم اۋشە دغەلردن-اۋ!»، دېپ غۇنغىللەدى. شو پىت اۋزىنى سېرگك تۈتگەن كىشى: «تېلىنگىنى تېي²، كلفى و درىدلىكلەر ھلى ارتدە؛ امان بۇلسك كۈرەمىز باغدەگى باغ گىلىنى!» - دېپە بايەگى آدمنى تىرسىگى بىلن تۈرتىپ قۇيدى. حاكىم انقلابى نطقىگە دوام بېردى:

- اوو خلىق آگاہ بۇلىنگ! بوگون كلەخۇرلرنى اېزىپ يىنچىش دۈرى. بىلىپ قۇيىنگ: سىز بوگوندىن باشلەپ قىرزدىن ازاندىسىز، اۋز تەقدىرىنىڭىزگە اۋزىڭىز خۇجەبىن سىز! دېگن گىلەر قىلىپ كەمبەللرنى بايلەرگە قىرشى ابدان قىرەدى.

¹ قۇرساق (قۇرس): كىشىگە قىسقى تېگەدىگن؛ قۇپال، دغلى، تۈنگ.

² تېيماق: بىرر ايش - خىركىدىن تۇختەماق، اوندىن اۋزىنى ياكە كىمسەنى قىتماق؛ باسماق، اېرەك بېرمىلىك.

عمر بۇيى كېكىرتكى گەچە قىرۇگە باتىب، بىرى ايكى بۇلمەي كېلەياتىگن يۇقسىلارنىڭ ھم يۈرەك توگونلرى آچىلىب، وجودى يىرەب يازىلدى. خودى، ابلەكلرىدن تاغ آغدىرىلگندەي بۇلىب، شو ايكى ساعىتلىك نمايشدن يىنگىل تارتىب، چوقور-چوقور نفس آلگن بۇلدىلر. قووانگندن كۇز ياشى ھم قىلدىلر. كۇپچىلىك «انقلاب» دن اۈز ھامىتنى بىلدىردى اۈشندە. شو وقت يىغىلىشىگنلر آرەسىدن بېش كىشى سوغوربلىشىب، اۈزلىرى بىلن اېرگىشتىرىب كېلگن گۇدك بالەكىلرېنى ھاكمىنىڭ آلدىگە آلىب چىقدى و كېلىب ھاكمىنىڭ يانىدە تورىب آلدىلر. اۈزلىرىنى بىرىن-كېتىن منە بوندە تىنىشتىرە بېردى:

- مېن خاك عبدالصمد دھقان من. منە شو اۈغلىم عبدالرزاقنى انقلابگە بېردىم، -دېدى اۈغلىچەسى نىڭ قۇلىنى ھاكمىنىڭ قۇلىگە توتە ياتىب.

ھاكم اېسە، بالەنى كۇكرەگىدە كۇترىب: -منە، يشەسىن انقلاب فرزندلرى، -دېب يومروغىنى^۱ ھواگە صلابتلى سىلكىب-سىلكىب قۇدى.

گلدىگى آدم قىلىچ اكه ابدى. او ھم تۇرت يشر بالەسىنى يىتكىل كېلرگن، اۈزىنى منە بوندەي تىنىشتىردى:

- مېنى ھمەلرېز تانىسىللە. كىمىغل نىڭ باشقە نرسەسى بۇمەيدى. مېن ھم منە شو اۈغلىم مەمە نظردى انقلابگە بېردىم، -دېدى سېوېنگىدىن و اىچىدە قووانچ بىر قىافەدە.

نوبت اوچىنچى آدمگە كېلدى. اۈزىنى منە بوندەي تىنىشتىردى او:

- بىلىب قۇيىلە، مېن بايلرنىڭ قۇلىدن كون كۇرمەگن بىر قلاش^۲، ياقە يىلنگ تىنگرى قول من. بىلەسىللە، ياشىم اېللىكىدە بۇسە يم، شو انقلابگە عىسكەر بۇلىشىگە تيار من. اۈغلىچەم توردىنى بېردىم انقلابگە.

^۱ يومروق: مُشْت.

^۲ قلاش: مَفْلَس، قِشَاق.

شو ذىل تۇرتىنچى، بېشىنچى آدم ھەم يۈرەگى نىنگ بىر بۇلگى بۇلمىش بالەلرىنى انقلابگە تارتىق قىلدىلەر. كۆرىنىشەن نوبت اوزونلشىپ بارردى. اولر بىرار بويورتمە اسايده اېمىس، چىندىنم كۈنگىل امرى ايله شو ايشگە قۇل اورىشىدى. ايشانگىدىن شوندى قىلىشىدى. شوندىن سۇنگ حاكىم نىنگ شدتلى رۇدەپا^۱ و بېمزه سۇزلىرى اداغىگە يېتىدى. سۇنگ نىمايش كېتىدىن نىمايش باشلىنىپ كېتەۋېردى؛ ھوراگە ھورالر اولشىپ كېتەۋېردى. كىمدىر سوريك-سوريك قۇيلرىنى، يىنە كىمدىر پىكال-پىكال يېرلرىنى انقلابگە بېغىشلەدى. نىمايش-مېتىنگ شونچەلر كۇپەيدى كە، ايرىم آدملر وقت تاپەلمەي، اۈز كىسب و كار، تىرىكچىلىك و يوموشلرىدىن ايرىلدىر. بو وضعىتىدىن چمەسى بىر آى اۋتىگن اېدى. گولدىرېر يارىلگن انقلاب چىماقلىرى كېتىدىن طوفان، داۋول، قىران^۲-سورانلر^۳ باشلىنىپ كېتىدى. آدملر «انقلاب»گە قرشى قۇپدىلەر، سېل كىبى قلقىپ اياقلىنە باشلىشىدىلەر. قىشلاقلردن آسايشتەلىك آرىي باردى. كۇچە-كۇيدە آدملر آره سىدە «قارە رويخط»، دېگن عبارە پىدا بۇلدى.

كۇپ اۋتمەي، باش-باشداقلىك^۴ اۋجىگە مىندى. مجاھدلر قىلمىشىنى حسابگە آلمەگندە، بىر-بىرىدىن اۋچ آلىب اۋلدىرىشلىرنىنگ اداغى يۇق. مصىبىت اوستىگە مصىبىت. يىنە اوزاق-يىقىندىن مشئوم خىرلر ترقەلە باشلىدى. توتىلر قنچە؛ اوشلر آلىب كېتىلگن قنچە؛ جايىدە، اويىدە آتىب اۋلدىرىلگنلر قنچە... ھەر تور جىنايتلرنىنگ كېتى كۇرىنمە ياتىر.

^۱ رۇدەپا: بې اۋخشاۋ، قۇبال، بې سۇنقەي.

^۲ اۋلدىرىش، قىرغىن.

^۳ سوران: كوچلى شاوقىن، شاۋ-شوو؛ كتە قىينچىلىك، مشقت.

^۴ باش-باشداقلىك: ھىچ قندەي تىرتىب-انتظام بۇلمەگن، ھەر كىم اۋز باشىگە ايش توتىگن؛ اۋز باشىمچە، بې باش.

شهر ساكنلىك اغوشيده تينچ آلهياتگندى. قيشلاقلر بېجىرىم اويقوده اېدى. بو يېرلرده يگه-يىرىم ايتلر نينگ هوريشدن تشقرى مطلق ساكنلىك حكمران. تينچ آدملىر شىرىن اويقوده؛ خوش-ناخوش توشلر ميهلر قىلمى بۇيلب واقعه-حادثة تۇقيتگن بۇلسه عجبمىس.

يىر اوستيده، آسمان تگيده؛ آى چىقمه گن يىر آقشامده؛ بوتون جانزاد تين آلهياتگن آنلرده؛ يازگى تونلر نينگ سقلين كېچەلر يىدن بىرىده؛ توننى كونگه اولب اوخلىشدىن محروم چال-كمپىرلر نظرىده؛ يىرىم تونده بېش آتر مىلتىق كۇچدى. زلورالى مىلتىق تاووشى تون نينگ قاره ياپىنچىغىنى چاك-چاكيدىن سۇكيىب يوباردى. شو تون تينچلىك دېگن آلتين وقت زيغىردهى ساچىلىب كېتىدى. مىلتىقلر آلدىن-كېين بېش مرته اۇق اوزىلگىنىدن، هاو-هاولب تورگن ايتلر نينگ-ده اوازى اۇچدى. قارانغى كېچە جىم-جيت ساكنلىك شهر باشىگه قلىن اورتوگىنى¹ ياپىب قۇيدى. يولدوزلر آلتين بلداققه اۇخشىب قاره چادر آرتىدىن مولتيلب كۇز ياشى قىلگندهى تاوله نردى. تونگى شمال الله قيسى چىرقىرب يىغله ياتگن خاتىنلر، قىز و گۇده كلر نينگ نالىش و اينگره شلر ينى ايلك بار تينچ قولاقلىرگه تامچىلىب تامىزه ياتگندى...

۱۹۸۸

شېرغان

¹ اورتوك: پرده.

۳. اَنگَه

(رومانتیک حکایه)

النگه

(رومانتيك حكايه)

ياشلىگىم بې باشلىگىم... كۈچەنى چىنگىتىپ، اۇرتاقلرىم بىلن اۋىنىشدىن ھلى تۇيگىم يۇق پىتلر اېدى. آينىقسە گلېھار جان بىلن يىشىنمەچاق اۋىنىش - جان و دلېم! لېلرېم اوزره مەيىن توكلر اېندى سايه ساله باشلەياتگن. اۋيىن آره گلېھارنى باله لچە اېركەلب، بىر قوچىب قۇيەمەن. چۇلپىللىتىپ كۇمەسىدىن اۋپەيىن، دېسەم اويەلەمەن. ياناقلىرى اوستىدە اۋىن تۇرگن كاكچەلرېنى شىمال آلب قاچگندە، يورەگىم آرتىدىن قوويپ يېتە آلمىدى. او قاچەدى، مېن قوۋەمەن. يېتە آلمەگن وقتىمدە كلە پۇشىمنى آلب بالدېرلرېنى گزلب آتەمەن. قىقىر-قىرى كولىچلرېدىن ذوق آلمەن. بالدەى تىلدىن مېن اوچون آووتىق سۇزلر تامىب تۇردى. گلېھارنىنگ يىغىسى ھەم كولىگىسى ھەم قاشىنىنگ اوستىدە. كون بۇيى تۇيىب-تۇيىب بىرگە مستانە اۋىنىشەمىز. اۋيىن قىزىگن تابدە، آتەم-آنەم ايش-يوموشگە چقىرمەسىدى كاشكى، دېمەن اىچىمدە. بىرار يېنگىل قىلغىم سەب گلېھارنىنگ مېندىن رنجىب قالىشىدىن قۇرقەمەن. شونىنگ احتىياطدىن ايش آلمەن. يوز بورمەسىن تەغىن او مېندىن، دېگن اۋىلرگە بارەمەن. باردى او مېندىن يوز اۋگىرسە بارمى، آسمان اۋىيلىپ باشىمگە تۇنتىرىلەدى... بوندىن بدتۇراغى ھەم يوز بېرىشى مەكەن. شوندىە بۇلسە بارمى، سېۋىنچلرېم اېندى آپاق موغچەلەگن اۋرىك گللىرى دېك بىردىن تۇكىلىپ بىرگە توشىشىدىن ھدىك سىرەيمەن... سېۋىگى لذتېدىن ھلى تاتمەگن اېسەم-دە، قندەيدىر شىرىن تويغول حسلىرىمنى قىتقىلەي بېرەدى. گلېھارنى تېز-تېز كۇرگىم كېلەبېرەدى... وقتلرېم اونىنگ خىالى ايلە قارىشىب كېتگن. اونگە مۇقتاولر ياغدېرىپ،

قۇشلىقلار تۇقىب دلىمدە زمزمە قىلىپ يورەمن. ھەمدەن مەھمى گلبھارگە قۇشنى اېكىنمىدن
اغزىم قولغاغىمدە. اونى باشقە بالەلردن قىزغانەمن. آينىقسە غلەمىس دنگلدىن
خوفسىرەيمىن. ياقە وىران بېمزه بالە اېدى. شادىانە قووناق لحظەلرئىمىز تۇى، بىرەملرگە
اولشىب كېتەدى بەضاً. بېغبار بالەلىك انلر اېدى او زمانلر!

بوگون قربان ھىيتى! ھر يىلى ھىيت كېلىشىنى اىنتىق كوتەمن. مېن ھىيتگە عاشق
بۇلگندىم تۇغرىسى. بو كونلردە كۇپلرئىنگ مرادى حاصل بۇلر، مېنى دە-اوستىم بىتر،
آياغىم كاووش كۇرر، اېگنىمگە چاپان اىلىنردى. شوندى يىنگى كىيىم-باش بىلن اتم
مېنى سىلر اېدى ھر ھىيتدە. كېلىشگن قىزلرنى اىتمەيىن. تىنىق يوزلر يىسن-توسنلر
بۇياغىدە تاولنەدى. بۇيىنلردە خفەبند، برماقلردە اوزوك، قۇللردە بىلك، قولاكلر، قولاكلردە
سىرغەلر، بورونلردە بورونچاق، يناقلر قىپ-قىزىل، مەملر قىزىل آلەملرنى اېسلتەدى.
زلف و كجكلر ايلان و چيان كى كۇرىنىش بېرەدى. گىژدەلە-گىژدنگ چىلدېرەمە، دىف
و دايرەلر اونى^۱ يورەگىمگە غلغە سالر اېدى...

خورسندچىلىگىمىدن اېرتەلب تورىب آىب، يوز و قۇلىمنى يوويب، تۇق ماوي كۇيلك-
اىستانىمى كىيدىم. اتم بۇلسە ياقەمىنىڭ باغلىرىنى يىخى نىتلر ايلە بايلەدى و مېنگە
اىت تىككن طومارچە گللى قىزىل تاقىنى باشىمگە قۇندىردى. چىزىق-چىزىق، يۇل-
يۇل يىشىل تۇنچەمنى اېگنىمگە اىلدى اتم. انە شونقە، ھىيتگە تيارگرلىك زۇر بۇلردى
اۇشە كېزلر. شەردن اوزاقراقدە يشەيمىز. اوچ-تۇرت چقىرىم اياقدە يورىب، نمازگاھگە
بىتىب آلىشىمىز كېرەك. اتمنىڭ يۇلگە چىقىشىنى صبرسىزلىك بىلن كوتەمن. خوددى
پايگە قۇيىلگن تايچاقدەى سكرىب-سكرىب توشەمن سويونگىمىدن...

^۱ اون: سېس، آواز.

بوگون قربان ھىيتى! آتم بۇلسە آغىز آچمەي، طھارت آلىب، جامە مچىتىگە چىقىشگە شىلەنر ابدى. آتم نىنگ تۇنى نىنگ اۋنگىرىگە آسىلىب آلدىم. قربان ھىيت نامازىنى اۋقىگىنى آتە-بالە جۇنەدىك. اصلىدە آتم مېنى: «اۋغلىم سېن ھەم اېندى امت بۇلدىنگ، بېش وقت نامازىنگىنى اوزمەي اۋقىگىن، اولوغ ھىيت كونلرى اماملردن اۋگىت-نصىحتلر اېشىتگىن، ايمانلى-ديانتلى بۇلگىن بالە!»، دېب عىدگاھگە آلىب بارىشگە تيارلر ابدى. اۋن آلتى ياشنى تۇلدىرىش آلدىدەمەن. بىرەملردن ھەم كۈرە، اۋيىن-كولگى مراقلى ابدى مېن اوچون. يەنە ھىيتدن قىتىب كېلىپ، اۋشە «بالەلىگىم پاشالىگىم!» دېگن اُمىدەمەن. تېنگفورلر بىلن اۋىنېب، مىرىقىب كون اۋتكىزىشدىن يىخشىسى بۇلمسە كېرەك. يامانلر قۇيىشسە بىزنى بالەلىك گىشىمىزگە. راست گپ، بالەلىك مۇلكىگە كۈز آلەيتىرەياتگن، بو طىبعىي اېركنى بالەلردن تارتىب آلەياتگن كىمسەلر آز اېمس تېورەك-تاشىمىزدە. كېلەجك قاراغنى...

بو ھىيت اىلك بار عىدگاھگە بارىشىم ابدى. بۇساخە ھتلب كتە كۈچەگە چىقىشىدىك. «منە مېن ھەم يىگىت بۇلدىم» قىلىپ، قۇشنىمىزنىنگ اۋيىلگن پىخسە دېوارىدن بۇنىمنى چۇزىب، سەتنگ يىگىتلر قاتارىگە قۇشىلگىمنى كۈز-كۈز قىلىش مقصدىدەمەن. شوندا يەنە «منە مېن كېتىم گلبھار!!!» -دېبە يىگىتلرگە خاص صلابتلى قىچقىردىم. قۇلىدە كۇكىمتىر سفال كاسە اوشلب تورگن گلبھار ھەم، قىقىردەگنچە كولدى و مېنى كوزەتگنى دروازەگە چىقدى. «ھىيت قوللوق! يىخشى بارىب كېل مراد!!!»، دېب كوزەتىب قۇيگن بۇلدى مېنى. مېن بۇلسە، آدملر آرەسىدە كىچكىنە گودەم بىلن فاتحلرگە اۋخىش اىشتراىلش بىلن آلغە آدىملەيمەن.

قىشلاقداشلىرىمىز بىلن آت-اولولردە اوزاق-يىقىندن كېلەياتگن يۇلاوچىلر اقمىگە قۇشىلدىك. گېردەيگنچە كېتەياتىب، اورتاقلرىمگە آتەيىن «ھى بالەلر!» -دېبە قۇل كۇترىب كۇرىنىش بېرەمەن. ايلان ايزلى يىنگى تۇنچەم نىنگ شىرازەسىنى سىيرىپ،

تېكىسلىب بارركنمن، «قنى اېندى كتهلر صفيگه قوشىلگىم ذوقىنى گلبهار اۋزىب تويسه يدى، كۈرسه يدى» - دېمىن ايچىمدە. يۇل باسەمىز، قوياش آدم بۇيى كۈترىلگندە عىدگاھگە يېتىپ باردىك. كته جامع مچىتدە تومنات آدم، جاي نمازلىرىنى تۇشب، قبلەگە يوز بورە ياتگندى. بىز ھم جاي نمازىمىزنى تۇشب، صفگە تىزىلىپ، تىزەدە چۈككەلب اۋتيردىك. مېن ھم اتم نىنگ ياندىن تىزەمدە چۈكدىم، يېرلشدىم. بندەلرى صاف كۈنگىل ايله تسبيح اعدريشىب، يره تگنگە ذكر ايتىب، ھىيت نمازىنى اۋقىشگە چاغلنە ياتگندى. مۇملرنىنگ يېرگە كۈز سوزىب الله گە توبە - تضرع قىلىشلىرىدىن جودە قتيق تاثرلندىم. خودى فرشته لەرگە اۋخشىب بۇشلىقلردە پرواز قىلە ياتگندە يمىن. اما، نماز قندە ي باشلىب، نيمە بىلن توگەشىدىن يخشى واقف اېمىمىن، گرچند اتم توشىنتىرگن بۇلسەلر ھم. نمازلىكنى يخشى دۇندىرىپ اۋقىي ائمە يمىن. ايتلرنى ايتىشە گېيم چوۋەلىب كېتە بېرەدى. «ف» حرفىنى ايتىشگە تىلېم اۋگىرىلمە يدى، ايلنمە يدى - دە. چلە - چولپە بىلگنلرېمنى معنالەي ائمە يمىن. تىلېم عربچە گە يخشى كېلىشمە گىدىن تەيىب كېتەمىن. ايزە^۱ بۇلىشدىن قۇرقىب، ركوع و سجدەنى بىر - بىرىگە االمشتىرىپ قۇيمە يمىن تەيىن، دېگن اۋى حكمران مېندە؛ شوندىن كۇپ خواطرده اېدىم. باشقەلر باش قۇيسە مېن اياقدە توريپ االسە؟!...

بارىشىمىز بىلن باش امام نىنگ وعظلىرى كرنى، اواز كۈترگىچلردن^۲ يىنگرە ياتگن اېدى. اۋشە صحنەدن اېسىمدە قالگىنىنى ايتىم: يازنىنگ اۋرتەلرى اېدى. ھوا دېم، بۇغىق. جامع مسجد شەر ارقەسىدە جاپلشگن. ھىيت طفىلى شەرنىنگ غلە - غاۋورى اېندى تىنە ياتگندى. سماۋار، ھوتلردن كۈترىلگن قويوق توتون جامع مسجد اوستىدىن تۇلغەنە - تۇلغەنە سوزىب اۋتەدى. تنگرىگە التجادە بۇلگن كىشىلەرگە بو منظرە يخشى عيان اېدى.

^۱ ايزە ~ استەزا.

^۲ اواز كۈترگىچ: لاود اسپىكر.

قيامتن گپ كېتىدى، قوتغو^۱ تىمىزنى چولغى، روھىمىز قىت-قىتىگە كىرە بارىدى. باشىمىز اوزره اغىر سىكوت چۆككەن. ھەممە پروردگارى بىلەن رازلىشماقەدە. ياشى اولوغلار آخىرتى اېسىل، سىم-سىم كۆز ياشى تۆكماقەدەلەر. مۇئم-مىلمانلار خىدا خىزىرىدە جىزا و حساب-كىتاب كۆنىگە خىزىر و ناظر تورىشىدى. مېنىگ خىالىم قىشلاغىمىدە - گىلبھاردە. مېن ھىلى يىنگى كىمىمنى بۇيداشلىرىمگە كۆرىتىپ اولگورگىمچە يۇق. اىچىمىدە گىلبھار ياققەن مىنگو اۋت تىشقىرىگە ائنگە ائەياتگەندە گۇيا. ھوش و خىالىم اۋشنىگە بند. تىنگرى خىزىرىدە بوندە احوالگە توشىشىگە مېنگە ائەن بېرىلمەگىنى، كېيىن-كېيىن بىتېم قاتگەندە انگىل بىتېم. اولوغ ايام كۆنى، او يىم نماز اوستىدە گىلبھارنى اېسىلەگىم گناھ دېبە يازىلگەن بۇلسە كېرەك. توشونىب بىتېم، گناھ اېكەن بىلىم! وعظىنى يىخشى توشونمەسىم، عربچە گىلرەنىگ مىناسىنى بىلەسىم-دە، بار وجودىم بىلەن بندەلىك ارادەتى اىلە تىنگىلر اېدىم. ياش بالەمەن؛ قىسى گناھىم اوچون توبە قىلەيىن؟ شونىنگ اوچون خىتادە كۆپ بارە بىقىلىپ، قاقىلىپ بىغلىشىگە تيار اېمىس اېدىم. بالەمەن-دە، كولىشنى يىخشى كۆرەمەن، كولىشنى. باش امام خىزىرتلىرى چۆزىق ساقاللىرىنى كىتىگە اىشقىلەب تورىپ، تاماغىنى قاقىپ، تاووشىنى صافىل و عىظلىرىگە دوام بېرىپ جىملەدن شوندى دېدىلەر: «مۇئم-مىلمانلار! اللە يۇلىدە چىدىملى بۇلىنگىز، رىيىم سىزنى سىنەماقەدە. اونىنگ يۇلىدە ھەممە نرسەلرىمىزدەن وازكېچىشىمىز شىرت. جانىمىزدەن ھەم! روھ و جانىمىز اونىنگ ائەيدە گراو. خدانىنگ بوپروغىدەن بۇيىن تاوولب بۇلمەيدى. پىغمبەرلر اوللا شو يوروققە اطاعت قىلىپ، اۋزلىرىدەن فداكارلىك كۆرىستىگىلەر. مەن قرەنگ كە، بندەلىك خىقە خىزىر ابراھىم اولوغ تىنگرى شىرفىگە اۋز اۋغلى اسماعىلنى قىربان قىلماقچى بۇلەدى. اۋشندە خىزىر ابراھىم اۋغلى اسماعىلنى قىربانگاھگە ائىب چىقەدى. اونى بىقىتىپ، سۇيماقچى بۇلىپ، بۇنىگە پىچاقنى تىرەيدى... -دېدى-بو، ائەملر

^۱ قوتغو (قوتغو): قۇرقوو باسىش، قۇرقوو.

ھۈنگ-ھۈنگ يىغلىشىگە باشلەدى. مېن اېسە ۋەھىمەگە توشىپ، تامىرلىرىمدە وحشت يورگۈرگىلىپ، قارە تېرگە باتدېم. قۇرققىمىدىن سىكرب اۋرنىمىدىن تورىدىم. ابراهيم اكه نىنىگ اۋغلى اۋرتاغىم اسماعىل اېسىمگە توشىپ كېتىدى، يىغلب يوباردىم. قۇرققىمىدىن كوچىم بارىچە چىرىلىپ بقرىردىم. و اۋرنىمىدىن سىچىپ، تىسەرىلىپ، عىدگاھنى ترك اېلب، بىردن زىنغىللەدىم^۱. كاوشلىرىمنى قۇلىمگە اېلب، ارقەمگە قرەمەى قاچدىم. كېلەياتىب، مېنى گلبهار بو احوالده كۇرسە نې بۇلركن؟ دېگن خياللر اىچىمىدىن اۋتدى. بالەلىك ذھنىم سۇراقلىرى ھجومىگە قالدى. نېگە الله گە قان كېرەك؟ دېگن سوال اىچىمنى كېمىرە باشلەدى...

ۋاى داد! كۇز كۇرىپ، قولاق اېشىتەياتگن گپ بۇلمەدى. بالەلرنى بوندەى جايلرگە اېلب بارىش شرطىمىكن؟ -دېب اۋىلب قالدىم. بالەلىك روھىمنى قوتغو پرچەلب يوباردى... جانىم بارىچە قىشلاغىمگە قرەب يوگوردىم. چاپە-چاپە اويىمگە ائم نىنىگ قاشىگە يېتىب الدېم. يۇلدە مېنى تنىش، ناتنىش كۇرگنلر ھم بۇلدى. بو گونگى غرورىمگە درز كېتىدى شېكىللى، دېب اۋىلەدىم اۋزىمچە. كېلە سالىپ، بىر چوقور خۇرسىنىپ، ائم نىنىگ قۇينىگە باشىمنى قۇيدىم. اقرگن رنگ و قوتىمنى كۇرگن ائم «خىرت بۇلسىن بالم» قىلىپ، بسم الله، بسم الله، دېب بىردن قارەكوبە اىچىردى و سۇرەدى: -نىمە بۇلدى بالم، نمازىنگنى اۋقىمەدىنگىمى، ائنگ قنى؟ -ائم باشىمنى سىلەى تورىپ.

- ملا امام ھىيت نمازىدە: «اسماعىلنى ائەسى يىچاق بىلن سۇيماقچى بۇلگن...» - دېدى. ائەىم اۋز بالەسىنى سۇيەدىمى؟ -دېب وحشتگە توشدىم. قۇرققىمىدىن قاچىپ كېلدىم ائە جان، -جواب قىلدىم ائمگە. يىنە ائم دۇپاسلمەسىنلر، اورمەسىنلر، مېنى سىقلىگ، دېب ائمگە يالباردىم.

^۱ زىنغىللەماق: جودە تېز يورماق، زىبىللەماق، غىزىللەماق.

بو احوالىمنى كاشكى، گلبهار كۆرۈسەيدى، دېگن اۋى ايچىمدن اۋتەياتگندى يم كه، او قۇلئده اېندى تندىردن چىققن بوغداى نانېنى كۆترىب، حاولىمىزگە كىرىب كېلدى. اويتدن دراۋ اوى تۇرىدەگى بېشىك آرتىدە بوسىندىم، بېكىنىب آلدىم اوندن... بو قىلغىم اوچون آدمىن راسە كلتك بېسىم كېرەك، دېب اضطراب ايچرە ھنسىرەش بۇلدى. ايچىمگە تىترەتمە توشگن. بو ايشىم بىلن آنمى خورسند قىلمەگنىمدن افسوسدە اېدىم...

نماز اۋقىلىب، آدمىر ساوغە-سالاملىرى بىلن اويلرىگە قىتەياتگندى. كۇپ اۋتمەى آتم ھم اويگە كىرىب كېلدىلر. اوىنىنگ بىر چېتىدە بو كچەيگنچە اۋتىرىب قالدىم. بىردىنگە تال برگىدېك تىترەى كېتىدىم. كۆز اوچى بىلن آتمنىنگ اوضاعىنى بىر-بىر كوزەتدىم. آفتىدن آتمنىنگ اچىغى چىققن-و، بىراق، مېنى اورردېك درجەدە اېمس. تىغىن آنم مېن اوچون بەھانە تۇقىى باشلەدى. بىر-ايكى پىالە كۇك چانىنى ايچىب، ھاوورىدن توشدى آتم. مېنى كايىشگە باشلەدىلر. كىفېتىم توشىب سۇلىگنمىن؛ اېرتەلېكى شت مېندن آرىگن. ھىيت آلدى يۇلبرسدېك غوروللې اېسىم، منە اېندى قناتلرى شلپەيىب توشگن موسىچەگە اۋخشېب تورىمىن. شوندىن كېىن آتمنىنگ يوزىدن كولگى قاچدى. نىمە بۇلسە بۇلر، فقط شولرنى گلبهار بىلمسە بۇلدى، -دېمىن اۋزىم بىلن اۋزىم. اۋزى اسرەسىن، بىلسە بارمى، سويگىم سىنىب، ساچىلىب بىر پول بۇلمەى قالەمن. -آتنگى شرمندە قىلدىنگىمى ھلى سېن تىرآنچە؟ ھلى آدمىر آلدىدە يوزىمنى يېرگە قرەتدىنگىمى؟ كۇچەگە چىقمەگودېك قىلدىنگىمى؟ آدم بۇلمەيسن، سېندىن ھىچ نرسە چىقمەيدى! - دېب راسە كايىدىلر آتم. ھوا گولدىرب، چىماقلەدى-يو، ھر نې، ياغمىر ياغمەى اۋتدى اوستىمدن. اۋشە كونى ايچىم زردابگە تۇلدى. يرە اوستىگە گزەك... شوندىن كېىن

¹ بوسىنماق: بوقىنماق، بىشىنماق.

آتىمنى يامان كۆرىپ قالدىم. ئاتم كۆزىمگە اشدىي دشمن بۇلىپ كۆرىندى. آينىقسە ئاتمىنىڭ: «سېن ھىچ كىمىنىڭ دردىگە تېگمەيسن، بىلىملى بۆلمەيسن!» دېگن سۆزلىرى سويك-سويكلرىمگە سىنچىلىپ دارىدى. گلبھارگە كېرەك بۆلمس اپكىنمن، دېب اېزىلىپلر كېتىدىم.

اېندى اۋىلىپ قرەسم، اۋشە ياشدەگى حركىتىم طبعىي بىر حال اېكن. بالە روحى سىنىشىنى ھىچ كىم اۋىلىپ كۆرمەگن. اويدە، كۆچەدە، مەكتەب، مچىت، تۋى-بىرەملردە خىسونت. بوندەى شرايطدە بالە ساغلام اۋسىشىگە ھىچ قندەى كفالت يۇق. او كتەيبىب جمعىتدن اۋچ آلمەى قۇيمەيدى... چونكە، اونى مھىط شوندەى خۇرلەگن. خالص، بو گونكى بۇلىپ اۋتگن گورونگنى يازغىرەى، اىچىمنى بىر بۇشتەى، دېب اۋىمىدن كۆچەگە چىقىدىم. رۇپەرمەن ابراھىم اكەنىڭ اۋغلى، جانە جان اۋرتاغىم اسماعىل چىقىپ قالدى. اونى كۆرىپ سۈيۈندىم. اسماعىل كىفىتىم بوزوقلىگىدن خىرتلىنىپ:

- نىمە بۇلدى، تىنچلىكىمى؟ - دېب سۇرەدى.

اسماعىلگە بارىنى اىجەلب¹ ايتىپ بېردىم. - سېنىڭ حقىنگدە يامان اۋىلرگە باردىم، اۋرتاغىمىسن-دە، - دېدىم اونگە. اسماعىل اېسە، «چوق-چوقلب» مېنگە ھەمدردلىك بىلدىردى. بىر آز دردىمنى آلدى. سۇنگ سىبىتىمىز باشقە موضوعگە كۆچدى.

باشىمىدن كېچىرگنلىرىمنى گلبھار بىلمەسىن زارە! ابرۈبىم توشەدى، مېن كىم دېگن بۆلەمن؟! ھلى حلاوتىنى كۆرمەگن، طعمىنى تاتمەگن سېوگى اۋتىنى اۋچىرىپ قۇيمەيىن تىغىن، دېگن اۋىلرگە بارەمن. گلبھارگە نسبتاً عشقىمىدن ھىچ كىم خىردار اېمس. اېندى اۋىلىپ كۆرسىم گلبھارگە نسبتاً كۆنگلىمىنىڭ جىزىلشى عقلى مھبەت

¹ اىجەلب ~ ھجالب.

اېمىس اېكن. شونچە كە، بېغبار بالەلىك تويغولرى اېكن. بالەلىككە خاص ساغىنچ، مەر اېكن اۋشەلەر. قىشلاقلردە سېوگى حقىدە سۇز بۇلىشى ھەممەن اېمىدى. بونى بىلىشىسە بارمى، ئەندەن اېمگەن سوتىمنى بورنىمدەن يىلتە-يىلتە قىلىپ چىقىرمەي قۇيمەيدىلەر. تېرىمگە سامان تىقىشلىرى ئىق. سېوئىش، سېوئىش گنا بىزدە.

شوندەن سۇنگە ئاتىمىنىڭ گېلىرىگە تېرسى حرەكت قىلە باشلەدەيم. مەكتىنى يىخشى اۋقىمىن، دەپ اۋزىمگە سۇز بېردەيم. ناياپ سەھەنى تەلەدەيم. اونگە نىسبەتاً اىچىمدە ھەممە قىزىقىش ھەمدە اىستەك بار اېدى. اۋقىش بىلەن بىرگە سەھەمگە اىدە مەھەم كىتابلارنى تۇپلەپ، اۋزىمنى يىخىلىپ قوراللىتىدەيم. اىخچەمگىنە كىتابخانە تۈزدەيم. يۇقاتكەن دىنامىنى كىتابلاردەن قىدەرە باشلەدەيم. سىنگەن، غىژدەلەنگەن شەخسىيەتتەم ارەنىنىڭ قىرگىندىسىگە^۱ اۋخىش، كىتابلار ارا سەچىلىپ كەتتى گۇيا. مەن اېندى انەشۇ زىغىردەي بۇردەلەنگەن «مېنىم» نى كىتابلار ورقلاردەن بىتە-بىتەلەپ تېرىپ، تىكلەشەيم كېرەك. يۇقسە، مېندە يىشىگە چانس يۇق درجەدە، اىلگىرىدە قەلتىسەن وضعىتتەلەر بار، دەپ كۇپ اۋىلەدەيم.

اولغەيىپ، كىتابلارنى تىتەكىلەي باشلەدەيم. يىللەر دوامىدە يىققەن كىتابلارنىم ورقلاردا يىخشى-يامان خەتەرلەرىم موزلەپ ياتكەندى. ھەر بىر سەپرىدە نەگەلەرىم مەرجەندەپكە تۇكىلگەن. اۋشە پەيتلىرى (اۋقىش يىللىرىم) كىمەلەر بىلەن اوچرەشگەنم؛ قەلەردەن قەيتىپ كەلگەنم؛ كىتاب دوكانلىرىنىڭ انقىپ تورگەن ھىدى؛ ستودىنتلارنىڭ، قىي-چوۋ قىلىشىپ، فاكولتەندەن چىقىشلىرى سەداسى، دامەلەرنىڭ سەلم-فەندەن بېرگەن سەپەرلىرى اھارى؛ قۇياشنىڭ ايسىق تەفتى، سەيەلەرنىڭ سەكەنلىكى، ياتاقخانەنىڭ كەچكى فەزاسى؛ چىراقلارنىڭ كۆلەپ تورگەن نورلىرى... انەشۇ كىتابلار اىچىدە جەي تاپكەن. كىتابلار بىلەن سۇزۇشەن؛ اولر

^۱ ارەنىنىڭ قىرگىندىسى: ارە پورەسى.

اېرىنمەى مېنى تىنگلشەدى. بىراق، مېن اولرنىنگ سۆزلىرىنى اېشىتەلمەيمەن. كىتابلار ھەم مېنگە اۇخشىب، خستە، ھارغىن، افگار، اىچلىرى تۆلە حسرت.

اوزاق ملاقاتدن سۇنگ، آخرى كىتابلار بىلن تىل تاپىشەلمەى، باشى بېرك كۆچەگە تىقىلىپ قالدىم. اتم نىنگ ايتىگنلىرى اېسىمگە توشدى. راستدن ھەم ھىچ كىم بۆلەلمەدىم مېن. اتم نىنگ ايتىگنلىرى تۇغرى چىقدى... اۇقىگنلىرىم نىنگ نانىنى بىيەلمەدىم. بىلگنلىرىمنى بىراولر بىلن بۆلىشەلمەدىم...

چارە تاپەلمەى كىتابلاردن اۇچ آلماقچى بۇلدىم. كىتابخانەنى بۇشتىب، حاولى نىنگ اۋرتەسىدە قەلشتىردىم عزيز كىتابلىرىمنى. بنزىن ايدىشىنى ھەم زېرخانەدن آلىب چىقدىم. قۇلىمدە گوگرد، كىتابلارنى ياقىشگە جزم قىلدىم. ياقمەسم بۆلمەيدىگنگە اۇخشەيدى. مېن كىتابلارگە: سېنلر مېنگە وفا قىلمەدىنگ، دېدىم... شو پىت قرشىمدە گلېھار پىدا بۇلدى. قربان ھىيتى كونلرى گىپرىب بېرگنىم اۋشە سىز بىلگن گلېھار. اېندى او كىچكىنە قىز اېمس، اېسىنى بىغىب آلگن، كېلىشگن، كۆركلى انسان. اونىنگ حىياتى، تورموشى حقىدە ھىچ نرسە بىلمەيمەن. او سۆز و صنعت كوچىگە ايشانگن؛ كىتابسېور بربستە قىز... او ھەم گىلېرىنى مېنگە ايتىب بېرگنىچە يۇق. بو گونكى تراژىدى نىنگ شەھدى بىرگىنە گلېھار. او كىتابلارنى قوتقىشگە شاشىلردى. گلېھار: -مراد اكە قىلمىنگ بو ايشنى، شىطانگە ھى بېرىنگ، قرارىنگىزدن وازكېچىنگ، -دېدى او.

احمقانه ايشگە قۇل اورە ياتگنىمدن راضى اېمس اېدىم. يىللر خاطرەسى كۆز اۋنگىمدن بىر-بىر تىزىلىپ اۋتە باشلەدى.

- كىتابلارنى اېمس، قۇى اۋزىم نىنگ سىنىب بۇلگن شىخىتىمنى ياقەيىن، اۋتمىشىم نىنگ كولىنى كۆككە ساوورەى، -دېدىم گلېھارگە. و برماقلىرىمدە توتىب تورگن گوگردنى چىقىشگە چاغلندىم. يەنە گلېھار مېنگە يىقىلىش، زارلىب يىلىنىب التماس قىلدى:

- ياقمىڭ مراد اكە! اچىقدىن توشىنىڭ، كىتابنى كۆيدىرە ياتىڭ قارە كۈنلەر آرتىدە قالدى. قارە كۈچلەر اېندى باشىمىزگە ساپە سالە آلمەيدى. بىلىم مېۋەلە ياتىڭ پىتىلەر ھلى آلدىندە، -دېدى يۈپە تىش معناسىدە...

كۆزلىمگە ياش آيلىنىپ، ھىجانلىرىم بۇغىمىزگە يىغىلىپ، توگون-توگون بۇلىپ تىقىلدى. گلبھارنىڭ تولا قىلىشلىرىگە قولاق آسمەي، تۈكىلىڭ بنزىن اوزرە گوگردنى چقىدىم. بىردىن كىتابلار لاپىللا يانە باشلەدى. اولردىن كۈترىلگن آنگە ماوي آسمانگە اۋرلب^۱ كېتىدى. كېچىمىشىم نىڭ بېھودە كۈللىرىنى آخىرىگە چە كۈرىشىگە كۈنگىلىم بېتىلمەدى^۲.

۲۰۰۵ - تاشكېنت

^۱ اۋرلەماق: يوقارى كۈترىلماق، بىندىل بېتماق.

^۲ بېتىلمەق: باتىنىپ بېتىمە-بېت كېلماق، رۇپەرە بولماق، يۈزمە-يۈز كېلىشىگە جىرت قىلماق.

۴. کوتيلمه گن خط

كوتىلمە گن خط

- مېنگە قرە، سوادىم اۋرتە بۇسە يم، حىيات، كىشىنى غوجغان^۱ اۋى و تشويشلىرگە قارىب، فىلسوف قىلىب قۇيرىكن؛ ياش اۋتگن سىرى آدمىنىگ حىياتگە قرەشلىرى چوقورلىشىب بارەوېررىكن. مېنىگ ايچىم عقللى گپلردن تۇلىب كېتگن. قولاق بۇلسە بس، مغزلى گپلر-و، اۋگىتلردن قنچە كېرەك بۇلسە تۇقىب تشلەى بېرەمن؛ مېندن آلەوېرسىن شاعر اكەلرېمىز. سۇزلرېمىنىگ آستىگە: «بازار، لالە زار، آزار، مزار...» - دېگن قافىەلرېنى تىركب قۇيسەلر بۇلدى، نقد حكمتىنىگ اۋزى بۇلەدى قالدەدى. توشىندىنگىمى خاتىن! يىخشى يم سېن بار اېكىسن بو يالغانچى دىنپادە. يۇقسە ايچىم غمبادە بۇلىب، ترسە يارىلىب اۋلردىم. آندە-ساندە سېنگە دردىمنى آيتىب ايچىمنى بۇشتىب تورەمن هر قلەى، بارىنگگە شكر، -دېدى طبعىتى سېل تىنىق تارتگن متىن خاتىنىگە. و برماقلىرى آرسىدە بورقىب تورگن يۇغان سىگارنىنگ آخرگى توتونلرېنى شىمىرىب-شىمىرىب تارتدى.

- مە بو بىر كاسە ناردان گىنە قتيقنى ايچە قالىنگ، كىبىنراق ايسىققىنە كۇك چاى دىلمب بېرەمن آتە جانىسى. يىخشى اوخلمە گنسىز، بايە باشىز آغرىگندى، اوستىگە- اوستك چرچە گنسىز، بىر آز دم آلىنگ يانيزدەمن آتەسى، -دېپە قۇلىدەگى چىنى كاسەنى خان تختهگە قۇيدى دلبر. يانىگە اۋتېرىب آلىب، آزگىنە كنجىد ماى سوريب، اېرىنىگ اېلكەلرى، بۇينى و كۇكرەگىنى بىر-بىر اوقەلب^۲ قۇيدى رحىمى كېلگىدىن.

^۱ غوجغان: شىخس ياكە نرسەنىنگ معلوم درجەدەگى حرىكتلى تۇپ حالتى؛ غوج، تۇدە.

^۲ اوقەلماق ~ اوقەلماق.

متين قالاق يورتدن رواجلنگن مملكتگه مهاجر بۇلىب كېلگن. دولت حمايه سىده يشب كېلەدى. اۋسۇرراق آدم. حياتدن اۋكسىگن يېرلىرى جودە كۇپ. يىقىلىب، قاقىلىب، كۇرمەگن عذابلر عوضىگە اېللىك ياشگەچە يېتىب كېلگن. قىسى يىرىدن باشلب، نىمە بىلن توگتېشىنى بىلمەيدى. زۇر بېرىب خاتىنگە تىشلەندى. قانون ايشلەياتگن آزاد اۋلكەدە يششىگە قرەمەى، مىنغىللەى-مىنغىللەى دلبرنى اېزىب، كۇكەگىنى كېسگن. بۇلمەغور نرسەلر اوستىدە اويدە هر كون جنجل.

شنبە كونى اېدى، اېرتەسى دم آلىش. متين و دلبرلر نىنگ شنبە، يكشنبه كونلرى ائىق قىلەدىگن رېجە و ايشلرى يۇق. آرەلر ساووق، مناسبتلر ترنگ تارتسە حضور-حلاوت قالدېمى عايلەدە؟! بېشتە قىز، هر بىرى بىر دنيا. اولر نىنگ كۇنگلىدن بارىب، آيەب يشش آسانمى؟ تىنچ حياتدەگى خونابە سبب ساعت، هفتە، آى، دېگن توشونچەلر اېسلىرىگە هم كېلمەيدى.

بولر يشەياتگن شەردە قەرتان قىش فصلى حكمران. بولوتلى هوا رحمىسىز تېپەدن تيش قىرەيدى. اۋتە ايزغىرىن، اطرافگە منفى ۳۳ درجەلىك ساووق چۇككن. آيلر آلمشىب، نق بىر هفتەدن كېين كېچە-كوندوز تېنگلشەدى. بو قەرتان اوزون كېچەلرنى متين آتملىشىب، قىتە-قىتە اۋزىچە مراقلى اۋتكزىشدن اۋزگە چارەسى يۇق. شونگە عمل قىلىب هم كېلەيدى او. سىقىلىشلىرگە برداشى قالمەى، «آب رحمت» دن نجات اىزلب يشەيدى. اونىنگ بو گونگى احوالى ىنگىلىك اېمس ذاتاً. بې سۇنقەى، قىلىقلىرى غلطى. گزەكسىز سىپقرەدى پىالە-پىالە عراقلرنى. اىچىش نىنگ باشىدە-ياق غىمىرلشگە توشەدى؛ اۋرتەسىدە آغزى كۇپىكلب^۱، شتە لاق آتېب فلسفە تۇقىيدى؛ آخريدە اېسە يارىلگن پوفكدەى شلپەيىب تۇشكدە ياتىب آلدەى. آخرگى كونى كۇپراق اىچگىندىن راسە چرچەدى؛ كىفى آشدى، اېسېدن آغىب بې حال بۇلدى. كۇرپەچەسىدە يانباش

^۱ آغزى كۇپىكلەماق: معناسىز، قوروق نرسەلرنى تىلگە كېلتىرماق.

ياتىن مەتن قىزىرىپ، بۇزىرىپ، جايىدىن بىر توردى، بىر اوزلدى، تاولدى، تۇلغىدى، سۇنگ شىرە كىف بىر خالته ايچى توتاقىب، عادتهگى دانالىگى توتىب، يىنە سۇزگە كىردى: -بشيت خاتىن! -سۇزىگە زۇرغە دوام بېردى، -پر-خاتىنلىكىنى ھەر كىم ھەر نرسەگە مېنگزەيدى. بىراو «بىر قوش ھۆكىز» دېسە، باشقەلرى «آى بىلن قوياش» گە اۇخشتهدى. بو تصويرلر يىخسى-كو-يە، بىراق، شىرەسى، مزە-يو بۇياغى كىمراق-دە، نظرىمدە. مېنگە قالسە، اپرنى - قوياش، خاتىننى بۇلسە كونگە باقرگە¹ تقاسلەگن بۇلر اېدىم. بونده معنا كۇپ.

- نىمە، دنيا اچدىزمى بو اۇخشەتېشنى قىلىپ، ياكە ادبىياتدە بىرار يىنگىلىك يسردىنگىزمى؟ آدمزادىنىگ اېلكەسىدەگى آغىر يوكنى يىنگىللىتمىدىز؟ اۇخشەتسە بىزم، اۇخشەتسە بىزم، شو اېسكى تېگىرمان تىقىر-تىقىر ايلنەبېرەدى، خۇجەيىن! اۈرگىلدىم پلسفە-مىلسفە بىزدن، -دېدى و باش برماغىنى ياناغىگە توتگنچە، كولگى ارەلش جىلمە يىب قۇيدى دلبر.

مەتنىنىگ قانى قىنىب غىبى كۇزىدن تاشەبېردى. و دلبرگە قرەب:

- ھلى گىمىگە تېرس ولدېرەدىنگى سېن مېكەجىن! -
- مىلى بو گل كېچىردىم، سۇزىمنى خوب تىنگلە. بو اۇخشەتېشىمدە معنا بار خاتىن. بو دېگنىم، سخاوتلى قوياش بېرگە نور ساچىب يوكسكلىكدن پارلب تورەدى، بو قندەى يىخسى! كونگە باقر اېسە اچىق يوز بىلن، يومشاق و مەيىن جىلمە يىگن بىر كۇرىنىشە قوياشگە قرەب ايلنەوېرەدى. بابا قوياش اېسە، تا يوزىگە قارە چادىرىنى تارتمەگوچە، كونگە باقر شو ذىل اېگىلگىنچە اېورىلەوېرەدى. قرە، تشقى تاماندن ھم خاتىن بىلن كونگە باقر اۈرتەسىدە متناسبلىك، اۇخشىلىك بار.

¹ كونگە باقر: گل آفتاب پرست.

- خى شوندهى مى ھلى؟ شاعرلىك قىلەپىسىز-و، ترازونى تۇغرى، تېنگ توتەپىسىز
 آتەسى. بو بىلن اېر خاتىندن اوستون تورهدى، خاتىن بىر عمر اېرنىنگ حكىمىگە بۇى
 سونىب ىششگە محكوم، دېماقچىسىز-ھە چەمدە^۱؟ -اعتراض قىلگن بۇلدى دلبر ھزل
 معناسىدە. -ھە، حقىقتىنى آيتىم-دە، خاتىن. «تۇغرى گپ توققنىنگگە ياقمەيدى»، -
 دېگن مقال بار تىلەمىزدە، -دېپە قۇرس كېلدى. -بو حقىقتىنگىز مېنگە ياقمەيدى.
 شونى بىلدىم كە، كۆپ اۇقىيىبېرىش ھم يرەمس اېكن. يىخسى يىم كە، فاكولتە-ماكولتە
 اۇقىمىسىز. خفە بۇلمىگ-و، «عقللى لىك بلاسى...» دېگن گپ بار. -اونداق اېمس،
 ھمە بىلگن يىخسى گپلرنى سېن بىلىشنى اىستەمسىگ، عىب اۇزىنگدە خاتىن! -
 خاتىنلرنى كۆزگە اىلمەي، كەمسىتگن اېر كىنى كۇرىشگە كۇزىم يۇق -دېب دلبر گپنى
 چۇرتتە كېسدى. -ھە، راست. اېسكى كتابلردە «خاتىننىنگ ساجى اوزون، عقلى كلتە
 بۇلەدى، -دېيىشگن مشايخلر. -بو گپىز ھم ياقمەدى مېنگە آتە جانىسى. زھر-زوقومنى
 اىچىب توگتىنگ، بارىب جايىنگىزگە كىرىنگ گۇر پنە بۇلىب. بو شاعرانە
 تصويرلرنىنگىزىنىنگ بۇياغىدن كۇرە، آغوسى، سووى-سېلى كۆپ؛ زرداب مېنىمچە. -
 نىمەسى ياقمەدى؟ -كۇزىنى چىقىرىب بقرەيدى مېن تېنتكلرگە اۇخشىب. -نىمەسى
 ياقمەدى سېنگە؟

- بو قۇپال و دغل گپلرە بىلن تىلىب-تىلىب تۈزلەيسىز خاتىننىنى!
 - خاتىننى اېر كىنىنگ چپ قبورغەسىدن يرەتگن اېكن پروردگار، -دېب تۇغرى
 آيتىنلر. چونكە، قبورغە قىيشىق بۇلەدى، تۈزەتېشنىنگ علاجى يۇق. تۇغرىلەيمىن
 دېسە سىنىب كېتەدى، -شمە قىلدى خاتىنىگە.
 - آتەسى، مېنى ھم اېر كىكلر حقىدە بىر اېشىتگىنىم بار آيتەيمى؟ -دېدى دلبر.
 - آغزىنگ جايىدە تورىدى، تىلىنگ چىققن، آيتەبېر قولاغىم سېنگە!

^۱ چمە: اولجاو، معيار. بو بېردە شېكىللى، مېنىنگ فكىرىمچە معناسىدە.

دېر كۈبىنى^۱ آينىب، قوسىب، حالسىزلىنە باشلەگن پەيتلەر. قۇرقىنىدىن اېرىگە باشى قارانغى بۇلگىنىنى آيتمەپپىدى آتەيىن. عاجى بارىچە يىشىرىشگە حرىكت قىلەدى. آيتسە ھەم بۇلەدى-يو، بىراق، بېش قىزدن كېيىن آلتىنچىسى كىم بۇلىب توغىلىشىدىن يۈرەگى تىكە-پوكە. كېتمە-كېت قىز كۇرەبېرىشدىن اېرىنىگ آلدەدە اويىتدە قالگن. اېرىدىن اېشىتىگن طەنە تاشلىرى، قىيىنقلردن، يىغلە-يىغلەى تىنكە-مدارى قورىگن.

اېللىك ياشنى قارەلەگن مەتىننىگ يىلكلرىدىن كوچ ياغىلىب تورەدى. قۇپال و قۇرس كىشى. غۇرىللەگن آوازى بار. اېلكەلرى كېنگ، بۇيى بلند، دۇنگ پېشانە، ساجىگە اېندى-اېندى آق قۇنە باشلەگن، اۋستىرىب-اۋستىرىب ساقال قىرتىشلەيدى. قاشلىرىنى چىمىرىب گىپەرەدى. تېز-تېز تەمەكى توتەتېش اونىنگ عادەتى. سېر توك كۇكسىنى سىلب گىپەرەياتگندە، ياشىگە يرەشمس قىلىقلر قىلەدى. اونىنگ يۈرەگىدە دايم اۋغىل كۇرىش توغولرى تۇلقىنلىب كېلەدى. بىر گپ باردەى عادى چىقەلىشلر بىلن تىنچىمەياتگن كۇرىنەدى بو پۇرتنە^۲ تۇلقىنلر. بارە-بارە سورانلب كېتىشى مەمكىن؛ شونىنگ اوچون ھەم عايلەدن تىنچلىك كۇتريلگن. بالەلرنىنگ لېلرىدىن كولىگى آرىگن. مەتىن چىت اېلدە يشەگنى اوچون اۋز يورتىدەگىدېك خاتىنگە بېمىلال قۇل كۇترەلمەيدى. غەرب دىبارىگە اشىب كېلىب يشەيىدى. «اۋزگە يورتگە كېلدىنگىمى، تەقدىرگە تىن بېرىدىشدىن باشقە يۇلىنگ يۇق»، -دېب كۇرەدى. آلدىنگىدېك خاتىنىنى آچىقدن-آچىق كەمسىتىب، دۇق-پۇيىسە قىلىشلرى، كلتكىشلر يۇق. ناچارلىكدن بىر آز بۇيىنى بۇشب، يوشاقلىشگن.

يەكشەنبە كۈنى بۇلدى. تىشقىرىدە ساووقنىنگ درجەسى آرتسە آرتەدى-يو، سىرە پىسەيمىدى. ايزغىرىقدن آدم اېتى زىرقىرب، تىرناقلر سىتىلب چىقەياتگن درجەدە

^۱ كۈبىنى ~ كۈنگلى.

^۲ پۇرتنە: كوچلى دەنگىز تۇلقىنى، اوزاق دوام اېتەدىگن داوول، بۇران؛ طغيان.

ساووق. سۇنڭى دەم ئالغىنىڭ ئىككى كۈنى كۆپ ھەم تاتلى بۇلمىسە-دە، اچىق و يامان ھەم اېمىدى. ئۈرتەدە كوچلى قانۇن و انتظام حكمران؛ اېنگ مەھمى عياللر حق-حقوقىنى تىب ئالگن بىر جەمئىتدە، مەتنىنىڭ سىرى ياغدەى اېرىشەن باشقە علاجى ھەم يۇق. شۇر قىلسەلر بۇلەدى-كو؛ كۆپەن بېرى اېر-خاتىن ئۈرتەسىدە ايلقلىك ھواسى آرىگن.

مەتنىنىڭ بىر اۋغىلگە ارمانى ھلى سۇنڭىچە يۇق. او خاتىنىنىڭ يوكلى بۇلگىنىدىن خەرسىز. كونلردن بىر كۈنى دلبر آخىرى اېرىگە آيتدى يەنە بالە كۇرگىنى. اېر-خاتىننىڭ اچىدە: «بۇنىسى كىم بۇلىب توغىلركن؟» -دېگن اۋى-فكرلر غلغە سالىب تۇرىدى.

مەتنى دلبرگە: -بالە كۆز يارشەن آلدىن بىر داكتەرگە بارىب تېكشۈرەمىز مىلى مى خاتىن؟ -دېدى دىردى اچىگە سىغمەى. -مىلى آتە جانىسى، خۇب بۇلەدى؛ اوندىن كېىن نىمە قىلەمىز؟ -دېيە سوال بېردى اېرىگە. -اۋغىل بۇلسە عالى بخت؛ قىز بۇلسە آلدېرىب تىشلەيمىز، اېندى توشىنگن دېرسن خاتىن؟! -اۋزىز بىلەسىز ادە جانىسى. -اۋزىم بىلىم، اېرتەگە دوشنە كۈنى تيار بۇلىب تۇر. -مىلى آتە جانىسى، -گناھكارلرگە اۋخىشەب، قلىتيراق اۋازدە اون چىقردى، -خوب بۇلەدى.

دلبر اېرتەلب بروقت تۇردى. بالەلرىنى كىيىنتىرىب، يېدىرىب، اچىرىب مەكتىگە جۇنتدى. اوىنى تۇلدىرىب تۇرگن، مىر غضب مەتنىن اېرتەلبكى چاىنى اچەياتىب، خاتىنگە تىكلىب تۇنغىللەدى. -تيارمىسن؟! -ھە، تيارمن. -جۇنەدىك بۇمەسە ھەم.

اېر-خاتىن اتوبوسدە اۋتېرىب، كىسلخانەگە جۇنەب كېتىدىلر. يېتىب آلىب داكتەر خەسورىگە كېرىشىدى. حۇسن و قامتى كېلىشگن چىراىلى عيال دوكتور يوشاققىنە سىلاملىشىب: -مرحمت كېرىنگ، كېلىنگىزىلر، سىزگە ياردەم كېرەكمى، -دېدى آتە-آنەگە شىرىن اۋاز بىلن. -خاتىنىم خاملەدار بۇلگن، قىزىمى، اۋغىلمى لېگىنى بىلماق اوچون تېكشۈرىشگە

ايب كېلدىم، -دېدى متين داكتىرگە قرەب. -بىر سائەت ايچىدە اناليز نىتجەلرېنى
ايتەمن، -دېدى دوكتور خانىم.

دلبر تېكشىرىۋودن اۋتدى. يورەكلرى دغ-دغلب، نىتجەنى كوتە باشلىدى اېر-خاتىن.
بىر سائەت اۋتگچ عيال داكتىر يەنە تېسىم ايلە سلام بېرىپ كىرىپ كېلدى. سۈنگ اېر-
خاتىنى اېرگىتىرىپ، خانەسىگە ايب كىردى. داكتىر «خاسر سىزگە نىتجەنى ايتەمن»
-دېيە قاغازلرنى تىتكەشگە توشدى و قووناق بىر قىافەدە، كولىچ بىلەن نىتجەنى اعلان
قىلدى: -خانىم و جناب، سىزلرنى تۇغىلەجك غايت گۈزل و جىگىنە قىزەلاق بىلەن
تېرىكلەيمىن!

متين و دلبرلرنىنگ قۇلتىغىدن تىرۋى توشگندە شلپەيىب قالدىلر. دلبر بىر چوقور
خۇرسىنىپ، نىمەلرنى دىر اۋىلب اۋكسىندى. متين دراۋ داكتىرنىنگ گېنى كېسىپ،
اغزىنى تۇلدىرىپ: -كېچىرەسىز خانىم، بالەنى الدىرماقچىمىز، -دېدى تاپ تارتىمىدن. -
نىمە اوچون شوندى قىلماقچىسىز جناب، -دېدى داكتىر بمب يارىلگندە هوا ايچىدە
اۋتە حىرتلنگن بىر قىافەدە. -شۇرلىك، بىزىنىنگ بىشتە قىزىمىز بار. يىتەدى، التىنچىسى
كېرەك اېمىس! -دېدى متين كۈزلرى پىر-پىرلەپ. -كېچىرەسىز جناب، بىزىنىنگ
مىلكتە سىز ايتگن سېگە كۈرە بالەنى ايب تىشلەيدىلر. اونگە اذن بىرىلمەيدى؛
جنائەت حسابلەندى. -التجا قىلەمن خانىم، ياردەم بېرىنگ، ياردەم، -دېدى متين هيجان
ارەلش. -سىزلرگە بخت-سائەت تىلەيمىن. ايش يوزەسىدن سىزگە اجرەتگن وقتىمەنە
توگب قالدى. شوندىن كېين بىر از توشىنتىرىش قىلىپ: -بۇپتى، تمام والسلام، -دېدى
داكتىر و خىرلىدى.

اېر-خاتىن خونا بۇلىب اويلرگە قىيتىشىدى. يۇلدە كېلەياتىب دلبر سىم-سىم بىغلەدى،
«بوندىن كېنىگى طەنە-تاشىگە قندەى چىدەيمىن» -دېگن اۋى-خىيالگە قارىلىپ كېتدى.

آرەدن بىر ھفتە اۋتدى. كېچكى دسترخوان اوستىدە بوتون عايلە تورلى كىيىتىدە سۆزلىشىپ تورر، موسىقە اېشيتىر، تلويزيون كۆرر، كىچىك فرزندلرى اوى وظيفەلرېنى بجرەياتگندى. متىن كىچىك قىزچەسىگە «پوستە» دن خبر آلىپ كېل قىزىم، -دېيە بويوردى. «خوب بۆلەدى آتە جان» -دېي قىزچە سكرىب-سكرىب، بارىب، قۆلدەگى آچقىچى بىلن «پوستە» اېشىكچەسىنى آچىب، كىبوتىنىنگ قىتايىدىك بىر دستە پاكىتى اويگە آلىپ كېلدى. خىلر آرەسىدە بىر نائىش پاكىت دقتىنى تارتدى. متىن اول شو پاكىت خىتىنى آچدى. پاكىتە انگلىس تىلىدە يازىلگن منە بو جملەلر اونىنگ دقتىنى اۋزىگە تارتدى:

«جناب متىن! حاملەدار عىالينگىز بالەسىنى تېكىشىرىش اوچون، كىسلخانىمىزگە مارجەت قىلگن اېدىنگىز. سىز اۋشندە اۋغىل و قىز بالەلر اۋرتەسىدە فرق قايل بۇلىب، عىال جنسىنى اجرەتىب كىم سىتىگىنىگىز يوزەسىدن قانۇنگە موافق سىزنى ۱۲۰۰ دالر جريمە تۆللىشگە مجبور، دېي تاپدىك... اعتراضىنگىز بۆلسە محكمەگە مارجەت قىلىشىنگىز مۇمكىن.» بو خىتى اۋقىگن متىن آغزى لنگ آچىلىب، قارە تېرگە باتدى، ھىمە آرەلش بىر وضعىتدە، اسكىلىتدېك جايىدە قاتىب قالدى. او پولىس كېلىشىدن جدى خواتردە اېدى. متىن دېوار بېتىدە اسىقلىق كتە قوياش و كون باقر منظرەسىگە تىكىلىپ اۋىگە تالدى.

۵. حاکم

حاکم

بوندن چمەسى بېش يىل بورون، اۋزبېكلر غاۋ يشە ياتگن بىر ولايت نىنگ بختى كولىب باقىب - يۇق، شۇرى قورىب، او يېرگە بىر جرار حاکم^۱ تەينلىنىدى. سەھل كەم قىرق حاکمنى باشىدىن اۋتكزگن بو ولايت آدملىرى نىنگ آفتىدىن، أشىغى آلچى تورىب، نانى ياققە باتەدىگن بۇلىدى. آدملىر، عقلى كلتە، دغدغەسى اوزون بو حاکمنى يخشىلب عزت-اکرامگە باتىرىشىدى. كىملردىر ضىافت او يوشتىرىب تۇن كىيدىرىشگن؛ كىملردىر آیاغى أستىدە جانلىغ چىقىرىشگن؛ ايس چىقرگنلر هم كۇپ بۇلىشگن. بىر عمر يارىب-يالچىمەى كېلگن بېچارە خلق «كۇرگوليكلىرىمىز اونوت بۇلدى شېكىللى!» - دېيە شادىانە چىلىك قىلىشگن. حاکم تۇره نىنگ يېگنى آلدیدە، يېمەگنى آرتیدە بۇلىب قالە وېرگن... اېل نىنگ نظرى توشگن حاکم ايش قىلىشنى بىلمسە-دە، قرچىغەى قوشدېك هر شاخ، بتهلر باشیدە پىدا بۇلە وېرىدى.

حاکم بۇلسە - اۋزى خان، كۇلنكەسى ميدان. ياشى اېللىكدن اۋتگن، تىرجه يىب گىپىرگندە بقره يگن كۇزلىرى اىچىگە تارتىب، لىلرى بى اختيار بىر بورىشر، بىر چووهر اېدى. كولگىسى هم، غضى هم بورنى نىنگ اوچیدە. گىپىرە ياتگندە تىشلىرىنى بىر-بىرىگە قىرر، چۇزىنچاق يوزلىرى ترەنگلەشر، گاھا آغزىدىن توفىك اوچقونلىرى پارتلب تورردى. جماعت حضوریدە كۇرىنىب قالگن حاکم آدملىر تىلىدىن اۋزىگە حمد و ثنالر ياغىلىشىنى اىستردى. جودە-جودە اىستر اېدى. خىيال سورىب، يوره ياتگندە ايكى تامانىدىن آدملىر

^۱ حاکم: والى.

دعالرىنى آلىب، انە شونەدى بختيار يشب كېلماقەدەمىز... خذمتىنگىز توگەمسدن حقىنگىزنى ادا قىلىش بىز اوچون ھم فرض، ھم قرضىدىر. بو خىرلى ايشىنگىزگە ھم يرەتگىدن توفىق سۇرەيمىز» - دېدى.

اۋرتەكش آدمىنىڭ اىلىق سۇزلىرىنى جان قولاغى بىلن تىنگلەگن حاكم، اىلنر اۋرىندىغىدن جىلىب^۱، سالون اۋرتەسىگە كېلىب، يىنە جايىگە بارىب اۋتىردى و كلتە بىنگلى ايكى قۇلى بىلن اۋزىنى قوچاغلەگنچە، تېپەگە قرەب قەققەھە آتىب، سېۋىنگىدىن كولىب يوباردى. سۇنگ، چۇنتىگىدن قىمت بەھا «مال برو» پاپوروسىنى^۲ چىقىرىب، طالا رىنگ ياندىرگىچ اىلە ياقدى. تۇيىب-تۇيىب تمەكىدن تارتدى. اۋپكەلرىنىڭ بۇشلىقلىرىنى اچىق توتوندن تۇلدىردى. كېىن سۇزلەى باشلەدى:

- «كومونستلر دۋرىدە «ولادىمر اىلىچ برىژنىف» نامىگە قۇيىلگن كتە شاھ كۇچەنىڭ تىقدىرى نىمە بۇلەدى برادرلر؟ اول شونى گېلىشىب آلسك، دېماقچى اېدىم. اگر گېلرىمگە كۇنىب، راضىلىك بىلدىرسىڭىز مېن شو قومىتە^۳ نىڭ رىسلىگىنى اۋز بۇنىمگە آلەمن، خوبى اكلر؟»

اۋتىرگىلردن يىنە بىر آدم: قوللوق! بىر آغىز سۇزىڭىز بىز اوچون پادشاھ امرى دېك اولوغ، بويورىڭىز حىزرتىم، - دېدى.

حاكم اېسە اېنغەنىن:

- «گېنى توشىنەدىگن آدملرگە آفرىن آيتەمن، - كۇرستىگىچ برماغى بىلن مىنگلەيىنى قشىدى، - مېنىڭ خذمتلىرىمنى بىلگن، شىخسىتىمنى تن آلگن و توشىڭىز عىزىلرېمگە آيتەدىگن سۇزلىرىم شوكە، ۱۴ كىلومىترلىك اۋشە مشهور شاھ كۇچە شىخسأ مېنىڭ آتىمگە قۇيىلسە! نىمە دېسىز؟ مېن ھر يىلى بىر كۇچە نامىمگە قۇيىلسىن، دېب

^۱ جىلماق: جايىدن سىلجىب تورماق.

^۲ سكرېتىنى.

^۳ قومىتە: كمىتە.

آيتمەيپىمەن، بارى يۇغى بىر كۈچە او ھم بىر مرتە. چونكە مېن سىزىنىڭ حاكىمىنىڭىز مەن. شو ولايتنى بىر مملكت، دېب اۋىلەسنىڭىز، مېن اونىڭ عالي حكمدارى يعنى پادشاھى مەن. «پادشاھ اللە نىڭ يېردە گى ساپەسى»، - دېيىلگن كىتابلىرىمىزدە. حاضر ھم ناتو، پاتو، امريكا-پمىرىكە، كرزى-پرزى لىرىڭ مېنىڭ قاشىمدە چولول ھم دېيەلمەيدى. حاكم بۇلسە مېندېك بۇلسىن-دە»! - دېدى زۇر و جاھت بىلەن.

باشىدە قارە كۈلى باش كىيىم قۇندىرگن شو يىغىندە گى يەنە بىر كىشى: مولوى صاحب! اولوغ تنگرى آتى بىلەن شو كۈچەنى حاكىمىزىنىڭ مبارك نامى بىلەن «ابدى» لىشىگە دعا قىلىپ قۇل كۈترىڭ، - دېيە اونگە سۇز بېردى. مولوى بۇلسە، آيتىلگىدىن اۋن برابر احتراس ايلە حاكم اۋتىرگن ادارەنى مقتاۋلى عربچە سۇزلر بىلەن تۇلدىرىپ تىشلەدى.

قرار قبول قىلىنىشى بىلەن مجلسدە گىلر دراۋ، شەردن تونوكە سازنى^۱ چارلەپ كېلىشنى بويورىشىدى. بىر زومدە تونىكە ساز حاكم تۇرە ادارەسىگە يېتىپ كېلدى. تونىكە ساز اۋشە، آدرسە گى كۈچە، اولوغ حاكىمىمىز «!» نامىگە قۇيىلسىن، دېگن خطنى آلدى-دە، «خۇپ بۇلەدى»، - دېيە قۇلىنى كۈكسىگە قۇيىپ، آرتىگە قىتدى. شوندى قىلىپ، خطاۋ تاپدىرىپ، لوحە گە حاكم نىڭ نامى يازىپ قۇيىلدى.

اېرتەسىگە حاكم نىڭ اسمى بېتىلگن لوحەنى بېتون^۲ دېوارگە آسىش مراسىمى اويوشتىرىلدى. شەر كۈچە لىرىدىن آدملىر حاكم نطقىنى تىنگلش و مراسىمنى كۇرىشگە شاشىلە بارر اېدى. دولت ادارە لىرىدىن ماشىنلردە اۋتىرگن مأمورلر ھم اۋشە ياققە آقىب بارىشىدى. ساعت اۋنگە بارىپ، آدملىر يىغىلىشىدى، حاكم نىڭ نامى يازىلگن لوحە

^۱ تونوكە: تام ياپىش و باشقە مقصدلر اوچون مخصوص تيارلنگن يوپقە، تخته-تخته تېمىر.

تونوكە ساز: حلىبى ساز، تېمىرچى.

^۲ بېتون: سمەنت، بوتون، پختە، كانكرىت.

بىتون گە قاقىب، يىخشىلب قاتىرىلدى. قىچىلر آلىنىپ، قىتان^۱ كېسىلدى. گولدىوراس قىرسىكلر چالىندى. كىتە تاۋاقدەگى نىقل و چاكلىتلر كېلگىنلەرگە اولشىلدى. شىرىنلىگىنى اىلك تاتىش حاكىم اختىيارىدە قالدى. آغزى نىنگ سولگى آقەى دېب تورگن حاكىم تشكرلر آىتىب تورگندى كە، اېگم نىظر شاعر جمىعت آره سىدن سوغورىلىب چىقىدى-دە، اىكى آغىز سۇز آيتىشگە حاكىمدن اذن سۇرەدى و كۇنگلىدەگى سۇزلرىنى گىپرە كېتىدى: - «عزىز ملتىم، بو يورت جودە كۇپ قارە چارشىنبەلرنى باشدن كېچىرگن. اىكى مىنگ بىللىك پارلاق اۋتمىشىمىز بار. بو ولايتدە اۋزىبىك پادشاهلرى، امىرلرى، خان و بېكلرى، ھمدە شىھزادەلرى نىنگ توپراغى ياتىدى. دانا، اېلپورور عالم و شاعرلرى كۇپ بو ولايت نىنگ. محمد گل مېھمد و قىبىلەچىلرنىنگ ظلم و جفالرى يىتمەگىندېك، بورەگىمىز، روھىمىز نىنگ اېنگ چوققور نىقطە سىدن جاى آلگن بو كۇچەنى حاكىم نىنگ نامىگە قۇيىش عدالتدن اېمس! بو كېلگىندىلر كېلىپ كېتە بوېرەدى، بىراق، خلىق و يورت اۋز جابىدە مىنگو قالەجىك. عقلى بار آدم تىرىكىلگىدە موندەى احماقانە ايشگە قۇل اورمەيدى. حاكىم سىز نىنگ خىزمىتگار نىگىز، اونىنگ آلدىدە اېگىلىپ، بو كىلىپ تورىشىنىگىز ىرەمەيدى. حاكىمنى اوشىلب تورەدىگن ھم سىز بۇلەسىز، ايشدن ھىدش حقوقى ھم سىزگە بېرىلگن. بوندەى شىرمندەلىككە قرشى عصيان كۇترىنگ، ظلمگە باش اېگىنگ، يورتىنىگىزنى آياق آستى قىلىشگە قرشى تورىنگ. بونى عدالت و دىموكراسى دېدىلر. قنى وىكىلىكس، بىر ملت نىنگ قىدرىتلرىنى آياق آستى قىلە ياتگن حاكىم نىنگ اوشبو قىلمىشىنى فاش اېتسە! قنى آچىق مطبوعات!؟ - سۇزلرىنى شاشىب آيتىشگە اولگورر كىن، شاعرنى مجلسدن سورىب چىتلىشتىردىلر. چىت اېللىكلر آلدىدە اونى بند زندان قىلىشگە بائىنە آلەمدى حاكىم. خوفسىزلىك چارەلرىنى كۇرىش مقصدىدە، لوحەنى كېچە-كوندوز قۇرىقلش وظيفەسى اىچكى ايشلر ادارەسىگە يوكلتىلدى.

كۇر و كۇر بىش نىنگ زمانە سىدن بىر شىنگىل.

^۱ قىتان: فىئە.

۶. بىرىنچى قۇنغىراق

بىرىنچى قۇنغىراق

عمر يۇلداشىم بىلن مکتەبىنىڭ بىرىنچى قۇنغىراق تەدبىرىگە باردىك.

- زىڭ باسىپ اۋتوبۇسقا چىقىپ، قىزىق-بىلىك يىل اۋلىنىڭى حىياتىدىن سۇيلىڭ! بالەلىگىڭىز، مکتەب دېگىلىدېك. بىز ژورنالىستلارگە قىزىق-دە بىرى-بىر، - دەپدى قۇلىدە مىكرافون كۇترىڭىز. تەدبىرىگە قىتىشكەن اۋتە خان اۋتمىشىنى اورىپ قۇيىڭ. چوقۇر اۋىگە تالىپ، برماقلىرى ايله مىنگەلىنى قىشى ياتىپ گېگە كىردى:

- اۋ بالەلىگىم! شۇر اۋتمىشىم! نىمەدىن باشلىپ نىمە بىلن توگتەم اېكىن اۋشە اۋلىنى؟ گىپىرەى دېسىم اۋز قۇلىم بىلن يىرەمگە توز سىپەياتىڭىز بۇلەمن. اۋتمىشىنى تىلگە اۋردەى اېمىس؛ بارى عذاب-عقوبت. مىلى، روھىم سىنىپ، پىرچەلىڭىز عمردىن بىر شىنىگىلىنى حكاىە قىلەىن اوندە: يتى-سكىز ياشدە اېدىم چەمەسى. كېچەگىدېك اېسىمدە، ھەمەسى خاۋەرمدە مىخلىنىپ قالدىڭىز. كۇز اۋلىمگە كېلتىرسىم، اۋشندە اۋتم-اۋتم، اېم، اكلەرىم مېنى جانى قىتىق بۇلىسىن مەناسىدە «بو ارزندەمىز» كتە بىر حىيات سىناۋىگە برىداشلى بۇلىسىن، -دېپە كون بېرمەگىلىز. بۇلر-بۇلمىسدە پۇلە قاۋون دېك قىلىپ بىرى قۇيىپ، بىرى اۋرەبىرىڭىز. بوزىم شىپەلاق، تىرسكىلردىن شىفتالودېك قىزىپ كېتىر، بورنىم قانپ، باشىم يارىلىپ، قۇلىم چىقىشى-سىنىشى عادتى حالگە اېلىنىپ قالدىڭىز.

مىشتكىنە بالە اېسىم-دە، كىلك-تىياققە اۋرگىنىپ قالىمىن. حقىمنى اۋمەگىز كونىم، كىفىلىرگە اۋخىش، بىر نرسە يېتمەگىلىدېك، اېتىمگە قىچىتمە كىردى. اۋخرى بارىپ،

جىسمانى قىيىناقلار ھەم تائىر قىلمىس، بىراق، دۇق-پۇيىسەدىن ئۈلگۈدېك قۇرقەدىگىن بۇلىپ قالدېم.

شولرگە قرەمەى، راستىنى آيتسىم توزوك كىنە شۇخ و بوزمە كار بالە بۇلگىنمىن. كۇپ شوملىكلر قىلگىنمىن: قىش اوچون غملىب قۇيىلگىن كۇزەلردىن بىلكلرىمنى شىمىرىپ، شىنىى اۇغىرلىب، آغىز-بورنىمنى شىرەگە باتىرىپ يىگىنمى يىگىن اېدى. كۇرپەلر يىغىلگىن سىرصدىق دىن قۇلىمنى تىقىپ مەيىز اۇغىرلىب، نىفەمگە اورىپ، كۇچەگە زىغىللىر اېدىم. اويدىن اۇمرگىنلرىمنى^۱ اۇرتاغلىرىم بىلن بۇلىشىپ يىر اېدىك. تىنىپ-تىنچىمەى قرغە، قىرغى، چومچوق، مينا قوش بالەسىنى توتەيىن، دېپ قۇللىرىمنى غارلرگە سوققن كونلرىم كۇپ بۇلگىن. بىر كونى اويىمىزنىنگ دېوارىنى تېشىپ، قۇشنى نىنگ حاوولىسىگە اۇتىپ قالىگىنمىدە آياغىمدىن ايت قاپىپ اىلگىندى. ھەر دايم كۇچە بالەلرى بىلن آلىشىپ، كاوشىمنى يوقا تىپ، كولىگىمنى يىرتىپ، ياقە ويران اويىمگە يىغلىپ قىتردىم...

ينە اۇشە اچىق قىنە جزاگە رۇپرە كېلەن... عايلەمدەگىلردىن اېمىقەن؟ ھىك سىرەيمىن. اولر يىخىلىپ كۇزىمىنىنگ اۇتىنى آلىشگىن-دە. قىچەلر قوويپ قرغەمەسىن ائمنى قىتىق سېور اېدىم. اىنجىقلىگىم توتىپ، بېزاوتەلىپ يىغلىشگە توشەن، خىقىللىشلىرىم ھىچ كىمگە ياقمىدى. اېنتىكىپ، خۇرسىنىپ، كۇز ياشى قىلگىنمىدە، ائم باشىمنى سىلر، ياناقلرىمدىن اۇپر و قىناق مەھرى تۇلە قوچاغىگە باسردى مېنى. اورسە يىم، سۇكسە يىم، حىاتدە بىرگىنە سوينچىغىم، تىرگىم شوگىنە ائم اېدى. ائمىنىنگ بو اووتىق مەھرى تىمىدەگى برچە آغرىق، قىيىناقلر زىگىنى يوويپ كېتردى.

انىق اېسىمدە. ھەر يىلى مەكتىبگە بالە يازدىرىلر اېدى. كتە حىات «سىناوېگە» مېنى اللە قچان عايلەم تيارلر قۇيگىن. مەكتىبگە يازدىرىش قىنداق بۇلركن؟ نىمە قىلىنركن او يېردە، -دېپە كۇپ قىزىقەن. پە-پىسقىملردىن بالەلرنىنگ تىراق كۇترىپ مەكتىبگە بارىپ-

^۱ اۇمرماق: يىشېرىقچە آلىپ كېتماق، اۇغىرلەماق.

^۲ اېمىقماق: ھور كىپ تورماق، باتىنە آلمىلىك.

كېلىشىنى ابدان كوزەتەن. مەكتەب ھەققىدە تۇلەھراق تەسۋىرگە اېگە بۇلەيىن، دەپ اولرئىنىڭ اغزىنى پايلب گپ اۋغىرلەيمەن. بىرى «اۋقېتوۋچىم مېنى راسە اوردى، اېتىمنى تۈزلەدى»، ايكىنچىسى مېنى بايلب سۈلەدى، كاۋوش تىشلتىدى»، دەسە اوچىنچىسى قوۋرۇقلىرى تىلىنگىدىن، يەنە باشقەسى «سرمەلم قولاغىمدن چۈزدى»، دەردى، يەنە بىراۋى باشقە ھىنگامەلردن سۇز اچردى... بولرنى اېشىتىپ-اق، ساۋوق تېر باسىب، اېت-جانىم جونجىكردى...

مەلۇمات تۇپلپ االدىم اۋزىمچە. مەكتەب دەپكىنى اۋىلەگنىمىدېك اېمىس چىقدى. اونى اېسلەگندە دراۋ، اۋقېتمىس، تىرىيە بېرمىس، قىيىناققە سالەدىگن، جزا بېرەدىگن بىر جاى مېيەمدە گۈدەلنەدى. بونىسى ھەم اۋىمىگە اۋخىر اېكن، دەپ اۋىلردىم. قولاغىمگە يىخى جىرنگلەياتگن بۇلدى بو سۇز. ھەمدەن قۇرقىنچىلىسى مالا االدىدە اۋقىش اېدى. بونىسىنى-كو، اۋز كۈزىم بىلن كۇپ بار كۇرگنەن، جودە-جودە اىەنچلى و قلىتىس... مالا دەپكىنى كۈزىنگە قۇرغاشىن قۈيەدى؛ روھىنگىنى قورىتىپ، منقورتگە اېلتىرەدى قۈيەدى. قىگە بارمەيىن تېپكى، ترسكى شو جزا، جزا، جزا. سوپىگىم قاتمەگن اېسە-دە، دىئانى فقطگىنە عذابدن عبارت، دەپ توشىنگنەن. دىئاگە كېلدىنگىمى، قىيىنقلارنى تاتىپ اۋتىشگە مەھكۇمەن، دەپ توشىندىم دىئانى. انگلەدىم كە، عذاب-شەكەنچە ايلەدن باشلىنىپ، مەكتەبە اۋجىگە چىقرىكن. بوندە مەكتەبىنىڭ اچىق مېۋەسى اۋلەھراق «بىز» ناشلر شۈندە قىلىپ، جەمئىتگە تەقدىم اېتىلرەنمىز... كېلەجگ بىزىنىڭ قۇلىمىزدە اېمىش!

اچىمىدە قۇرقۇۋ، ۋەيىمە اىن-اۋىە قورىپ االگن. بىلەن، بوگون-اېرتە روپخەتگە توشىشىم بار. مېنى ھەم مەكتەبگە سۈدرب بارەدىلر بىر كۈن. اۋلىب قوتىلمەسم، تىرىكلىككە قوتىلىش يۇق اوندىن. كېچە-كۈندۈز شۈنى اۋىلەيمەن. ھەر قەدەمە تېنقۇرلرېم «اۋرەنگە پۇستەك باغلب بارەسن» -دېيە ياتگندە گۇيا. خىيالگە باتەن. اۋرەتاقلىرىم تەسۋىرلەگن سەنەلر ابلان-چىيان بۇلىپ اېسىمگە بىر-بىر تۈشەدى. خىيالىمدە كېم،

قندەى، نېگە سۆھلەيدى؟ ئۈزىمگە سوال بېرەمن. اېسلەسم-اېسلەسم خيالاً، قۇلىمدە مامىق^۱ بىلن سىياغ توتگن حالده ئىمىنىڭ يانىگە بارىپ: «ئەنە جان يىرەمگە ملەم قۇيىنىڭ دېيىم!» خىيالىمدە كىلىك زىرىدىن اېتىم مامەتلاق^۲ بۇلىپ كېتىگن. تەمدن قانلر سىرىقىپ چىقەياتىگندەى گۇيا. اكەلرېم، اويدەگىلر بىلىپ-بىلمەى، تىغىن خىمچەلر جايىگە قۇل تېگىزمەسىن دېيىم... سىنگىلچەم «ھلى مکتبگە بارگىنىڭچە يۇق-كو، نىمە مونچە خوناىسن»، دېگودېك بۇلەدى. ئىم بۇلسە يىنگىنىڭ اوچى بىلن يوزىمنى اړتىپ، «قۇلى سىن سىن اۋشە معلمىنگى الھىم!» -دېپە قرغىگە توشەدى. ھوشىمدە ھىم توشىمدە ھىم شو احوال. بېزىلېل بىغەگنىمنى بىرارتەسى كۇرىپ، يوپەترىمىكن، اووترىمىكن، دردىمنى ارمىكن، دېپە اۋىلې قالەمن. اۈزىمگە: «سېن ھلى گۇدكسن-كو، مەنە شونەدى پىشىپ، تاولنىشىنىڭ كېرەك، حىيات شو اېكن!» -دېيىم اىچىمدە. كۇپ بارە اۈزىمگە: «بو نىمەسى؟ نىمە مېن بو دنياگە فقط كىلىك بېيىش اوچون توغىلگىمنى؟» -دېپ سوال ھىم بېرگىمىن. جوابى بوگونگەچە يۇق. بونى «كتە حىيات سىناوى» دېدىلر! اونگە مکتب جواب بېرىشى كېرەك.

كونلردن بىر كونى خانەمىزنىڭ بىر چېتىدە چىخ اىگىرىپ اۋتىرگن ئىمىنىڭ بۇيىنىگە اېرکەلىپ اسىلىمىن. ئىم بۇلسە:

- ھىر نې، بو بىل روىخىلدىن توشىدىنگى بالىم، -دېدى رىمى كېلىپ، -سېنى مکتبگە اىلمەدى قۇرقمە بالىم.

ئىمىنىڭ بو گېنى اېشىتىپ، اۋشە لىظە اىلىك بار يوزىمگە كولىگى يوگىرگندەى بۇلدى. خىرىت! كولىر كون ھىم كېلرکن؛ چوقور بىر نىفس اىلىپ تىن اىلەى دېسىم، دروازەنىڭ اېشىگى تىق-تىقلەدى. يورەگىم شىر اېتدى. جان ھاوولچىل بىردن سامانخانەگە يوگورە بارىپ بېكىندىم. ساماننىڭ اچىق توتونى اۋپكەمنى ضبط اېتىپ، دماغىمگە

^۱ مامىق: پختە.

^۲ مامەتلاق: قىلىق كىلىك زىرىدىن تەدە قان تىلەشىپ، كۇكرىپ كېتىگن جايلىر.

اۋرنىشىدى. تۈستىن يۇتل توتىب كېت-كېتىدىن قوخ-قوخلب يۇتلىدىم. بىر پەيت اېلكىمە ساووق بىر قۇل اۋرمەلە ياتىگندە يۇلدى. خۇددى غارگە توتون ھىدب تولكىنى توتىگندە قىلىپ، اېلكەمدىن كىمىدىر كۈتردى. ساچىم، كىمىم اوستىگە قۇنگن چىنگ و سامان پخاللىرىنى سىپىرىشگە ھىم اولگورەلمەدىم. ناتىش كىمسە «قەياققە قاچەسن تىرانچە!» -دېپ حاۋلىگە سودرپ ائىب چىقىدى مېنى. اتم اوپدە اېمس اېدىلر. اتم قنچە داد-واى قىلمەسن، قەيدەسن مەكتەب، دېپە احمد چىپ-راست^۱ زىرىللىتىپ دىمىگە سالدى مېنى. معلوم بۇلشېچە مېن اۋشە يىلى مەكتەبگە يازىلگن اېكىنمىن. بارىشىم مەكتەبىنىڭ اچىلىش كۈنىگە تۇغرى كېلىدى. مېنى احمد چىپ-راست تۇغرى ادارەگە ائىب باردى. اوندەگە چە جىرنگل بىرىنچى قۇنغىراق چىلىندى. ادارەدە مېن بىلن ھىچ كىم كېلىشمەدى. كتە ميدانلىكەدە بالەلر صف تارتىپ تىزىلشگندى. بالەلرنى صىنفلرگە بۇلىپ ائىشماقەدە اېدى. اۋشىندە كۈز تىگىدىن سېكىن اطرافنى بىر-بىر كوزەتدىم. قۇلىدە خىمچە كۈترىگنلر ائىق معلملر اېدى. اۋقېتوۋچىلر خۇددى مال، قۇى، پادەنى ھىدە ياتىگندە ي بالەلرنى اوياققە، بوياققە سوريپ اېلتىشردى. اياقلىرنى باغلب خىمچەلش، قۇلى كىفېگە اورىش، صىنڧ دېۋارىگە باشنى اورىش، قولاقىن چۈزىش، اغزىدە كاۋوش تىشلىتىش، برماقلىرى ارەسىدە قلم سالىپ قىسىپ جىزىلشلىرىنى كۈزىم بىلن كۈردىم. بىرى اۋىلەگنلرېم راست چىقىدى. بو مەكتەب اېمس جىزالە يىدىگن جى اېكىن.

مېنى اۋقېتوۋچى ابراھىم خانگە تاپشرىشدى. سۇنگ بالەلر بىلن گلەلشېب صىنڧگە باردىك. تىراقلرىمىزنى بىرگە تىشلب، چىنگگە باتىپ، اۋقىشلىرنى باشلب يوباردىك. اۋقېتوۋچىمىز بىزنى قۇرقىتىش مقصدىدە بىر سىدرە خىمچەل اۋتدى. اوندىن كېىن معلمىم ابراھىم خان قۇلىگە بۇرنى^۲ ائىب، تىختەگە شۇندە ي دېپ يازدى:

- «الف»، - كىلككە اۋخىشەيدى،

^۱ چىپ-راست: ملازم، خادىم.

^۲ بۇر: تىباشىر.

- «ج»، - تۇغەناققە، - دېدى.

بو تىنىش ايكى سۇزنى اېشىتىپ، يوره گيم زيرىللب كېتدى. اۇن ايكى يىل تىاق يىب مەكتىنى بىتيرىش نىنگ اۈزى بۇلە دىمى؟ آدمى حيوان قىلە ياتگن شرقى و ملي تربىه كونلرى هلى آلدىندە اېدى.

ژورنالىستگە شولرنى حكايه قىلىپ بېردىم. رواجلنگن مملكتدە بو گپلر اېرتككە اۇخشىب كېتەدى. مەكتەب نىنگ بىرىنچى قۇنغىراغىگە بارىپ، المىم تازە بۇلدى قىتنگى. شوندا، كېچىمىشىمگە، آرتگە نظر سالەمن، منە شو توغى و كېچىنمەلر اىچىمدن اۋتەدى:

«بالەلىگىم پاشالىگىم» - دېگن مقالنى اېشىتنگىمدن بو يان انگلە دىم كە، كۇنگلىمنى چولغىب آلگن بى غبار حس - توغولرىم كىرلنگن؛ حيات غنچەلرى آياوسىز¹ تاپتلنگن، تېپىپ غىچىملىنگن و اېرتە سۇندىرىلگن؛ مېندن برچە آرزو - اىستكلرنى تارتىپ آلىشگن اېكن. حياتىم نىنگ اىلدىزلرى قۇپارىلگن؛ عمر اىپلرى اوزىلگن، مېن توغىلمىسدىن - آق، بختى قارە بۇلگن اېكنمىن. شونداى مەكتەب و افلاس اۋتمىشىگە توپ اوردىم. عايلەدە، كۇچەدە خۇرلندىنگى، انسانى مەر - مەختىدىن ماسوا اېتىلدىنگى، بىلگىن كە، اولر بىر كون اىرىنگ، زرداب بۇلىپ يرهلر توپىدىن تشقريگە آتلىپ چىقەدى. كېن هىچ نرسە بىلن دوالب بۇلمەيدى.

ينه آرتگە قرەب باقەمن. بو يرهلرنى اۋشندە اۋيىن - كولگى، مەر - مەخت، اللە تىسّم بىلن دوالش مەكن اېدى - كو. هىچ كىمگە آتتىب بۇلمىس بو دردنى قۇغىرچاق آلىب بىرىش، اويىنچاقلرگە آشنا قىلىش، قۇلردن توتتىب اېركەلب اۋىنە تىشلر بىلن درمان اېتسە بۇلمىسى اېدى؟ اېرتكلر آتتىب، اللەلر تىنگلتىپ، شىرىن اويقو آغوشىدە بو درددن قوتىلىش مەكن اېدى - كو، اخىر...!

سىپتەمىر، ۲۰۰۷

شىروروك، كىبىك - كانادا

¹ آياوسىز: رحىم و شفقت سىز.

ايكىنچى قۇنغىراق

«بىرىنچى قۇنغىراق» ناملى حكايدە كۆز آچگن يورتىم نىنگ
تعليم احوالىنى، «ايكىنچى قۇنغىراق» اتلى حكايدە بۇلسە، شو
چاغدە يشب تورگنېم مملكتدەگى اۇقوو حالتىنى تصويرلشگە
اورىندىم. شرطلى روشدە اونى شوندى آتەدىم. ايكى جمعيتدە
اۇقتىش تىزىمىدەگى تفاوتلر حقيدە خلاصە چىقرىش اېسە سىز
عزىزلرگە حوالە.

آگست آيى نىنگ ۲۶ يىنچىسى. يىنگى اۇقوو يىلى نىنگ ايلك كونى. باشقە بىر معنادە بو
سنە - بىرىنچى قۇنغىراق دىر! عادتدە آيرىم اۆلكەلردە سەهل كم اوچ آيگە تنفسگە چىققن
بالەلر يەنە قىتە اۇقىشگە يوزلنەدىلر. بالەكىلر اۇقوو قوراللىرى-يو، كۇنگىل تۇلە ذوق-
شوق بىلن «السلام مکتب»! دېيە قىي-چولوشىب اۇقوو درگاھلرىگە كىرىپ بارەدىلر.
بالەلر اۇن سكىز ياشگە تۇلگونچە اجتماعى حمايە حسابىدە يشب كېلەياتگنلرى باعث،
اولر قشاقلىك، آچلىك، يالانچلىك، كسلىك، دارى-درمانسىزلىك، اويسىزلىك و
باشقە اجتماعى درىدلرلىكلردن اللە قچان قوتىلىپ بۇلىشگن. اېندىلىكدە بو عزىز بالەكىلر
بختيار حيات قوچاغىدە اۇسىب، اونىب اولغە يماقدەلر... مکتب اۇقىب تعليم الماقدەلر.
كوزنىنگ سۇنگى پلەسى. انساننى غرىب اۋىلرگە تالدىرووچى لحظەلر تابارە
يقىنلشماقدە اېدى. بىتە-يرىمتە يىراقلر چىتى خودى، زرحلگە باتىرىلگندەى سرغە يىب،
قىزىرىپ كېلەياتىر اېدى. يەنە اوچ هفتەگە يېتەر-يېتمس كۇزنى قووانتىرگووچى يشىل گىنە
توس آلگن درختلر بو فصلدە ماوي، سرىق، قىرمىزى، ارغوان رنگلرگە بوركنەدى. بو

يورتلارنىڭ شۇندەي خاسىتى بار اېكن. بو يېرلردە آفتابلى كونلر جودە كم. قچان قرەمىڭ باش اوزرە قلىن بولوتلر سوزىب يورر، يامغىر گاه شاشقە لاق، گاه داووللېب، گاه-دە شىوېر-شىوېر ياغر؛ گورىللەگن شىمال تىنمەي اېسر، آيرىملردە گولدىوراس سالىب چىقماق چىقىب ھىم تۇرەدى. بو وطن نىڭ قەرەتان قىشى و قارلى كونلرى اېسە، بۇلكچە داستان.

كوتىلمەگندە، دوشنبە كۈنى اېرتەلېدن آسمان چىنى كاسەدېك تىنىقلىشىب ھوا صاف آچىلىب كېتىدى. بىر پس اۋتىب قوياش چرەقلېب، سخاوت نورلرېنى ساچە باشلەدى. اۇيانوس اوزرە كون باتردن تۇلىشىب كۇترىلگن قلىن-يۇغان بولوتلر ياغمەي تۇرىدى. مەكتەب نىڭ بىرىنچى كۈنىدە بالەلرنى اساساً، آتە-آنەلر اۋقىشىگە يېتكىلېب اېلتەدىلر. بىز ھىم شۇندەي قىلدىك. بالەلرنى اېرگىشتىرىپ يۇلگە چىقدىك. اويىمىزدن بىر چىقىرىم نرىدە بىرلشگن مەكتەبگە غاۋ درختلر آرەلېب، زىپە يېتىپ باردىك. ايكى قوۋەتلى مەكتەب بىر تېپەلىكدە اسپالت يۇل ياقەسىدە سۇلېم طبعىت قۇبىندە جايلىشگن.

اۋشە كۈنى مەكتەب نىڭ اساسى كىرر اېشىگى تۇرمەكلىب قۇبىلگندى. اېشىك اېنەسىدن اىچكىرىگە كۇز تىشلەسك، مەكتەب مەدىرى، اۋقىتوۋچىلر و باشقە اىشلوۋچىلر تيارگرلىك كۇرىش مقصدىدە اورىنىشىب يورىشىدى. شو پىت اىچكىرىدن آپاق يوزلى، قاشلرى قلدېرغاچ قناتلرىدېك اېگىلگن، بۇيى بلند، كلتە يېنگلى قىزىل كويلىك كىيگن گۇزل بىر خاتىن مرمىرگە اۋخشەگن اق بىلكلرېنى كۇترگنچە، كولىم سىرەب سلام قىلركن فرانسوس تىلىدە:

- «تۇغنى اگوش سىل وى پىلى!» -دېدى. اۋزىكچە ايتىگندە بو: «مرحمت قىلىپ، سۇلگە بورىلىنگ» -دېگنى بۇلەدى. چىگە قىرىلدىك، تېمىر اوستونلر آرەسىدن اۋتىب مەكتەب حاۋلىسىگە كىردىك. تېورەكدەگى اۋىلردن آتە-آنەلر، اۋغىل-قىز بالەلرېنى اېرگىشتىرىپ كېلەياتىگندى. كۇپ اۋتمەي مەكتەب حاۋلىسىدە ھىمەمىز تۇپلەنىشىدىك. بىرىنچى قۇنغىراق تىدىرىگە قىزىق-پىشىق تيارگرلىك كېتەياتىگندى. بو مەكتىدە

فرانسوسلرگە قرەگندە افريقا و عرب دولتلىرىدىن كېلگن مەھاجر اۇقوۋچىلار كۇپراق اېدى. مەكتەپ خاۋلىسىدە سەپورت مەيدانچەسى بار. خاۋلىنىڭ بىر چېتىدە يىڭى اۇقوۋ يىلى مەناسىتى بىلەن سۇزگە چىقىش اوچون تاۋوش كۇترگىچ اسبابى قۇيىلگەن. بالەلەر خەلقەلەرگە آسىلىشىپ قوم اوستىدە سكرەشردى؛ يىرەب اۋىنەشردى. بالەلەرنىڭ يوز-كۇزىگە شۇخلىك و شوق شىرپەلەر تاشماقەدە اېدى. مەكتەپنى حەقىقىي شادىانە چولغەگەن. مەشھەدە يورۇتتەپ، سالىشتىرىش اوچون بو صەحنەلەر قالاق مەملىكتەردەگى وحشىلەرچە تەربىيە اصولىنى كۇرگەن آدمگە قىزىق تويىلەرگەن. مەن اېسە بار دقت بىلەن تەبىرىنى كوزەتتەپ تۇرىمەن.

بالەلىك يىتتى-سكىز ياشىمەن بىر اېسەلەدەيم. اۋشە ويرانەگە ايلنگەن مەكتەپنى كۇز آلدەمگە كېلتىردەيم. بو گۇنگى كۇندە آسمانەدەگى قۇياش، آى و يولدوزلەرنى حسابگە آلمەگندە اۋشە كۇنلەردەن دەرگە بېرۇۋچى نەرسەنىڭ اۋزى يۇق. بو يېردە يولغۇن خىمچە-بو كەلتەرلەر اۋرنىنى مەر-مەھبەت، ساغلام تەربىيە اېگەلگەن. «زېر» و «زېر»نى ايتەلمەگەنچە اوچون ھېچ كىم سېنىڭ تومشىغىنكى يېرگە ايشقەپ، تىلەنگىنى جوراب، بورون رومالى بىلەن بورەمەيدى. قىل كۇپرىك، گۇرۇز، ايككى باشلى ايلان، اژدھە، منگو آلاۋدە يانىش و گۇر عذابى بىلەن بالەنى ھېچ كىم قۇرقىتەلمەيدى. بۇلەر-بۇلمسەدە آتە-آنەلەر جاۋرەشمەيدى. ھېچ كىم بالەلىگىنگە روھىنكىنى سىندىرەلمەيدى. بالەلەر دولتەننىڭ قەتئىي حەمەسەيدە.

بو يېرلەردە بالە جودە-جودە عزيز¹. بالەگە پۇيىسە قىلىش، اونى قۇرقىتىش، كۇز آلتەتتەپ، اوروش، بقرىش و قاش-قېلىش جەنايەت حسابلەندى. خەتتا، ناتەنىش

¹ كانادانىڭ كىبىك دېگەن ولايتىدە آدملەر آرسەيدە چىن-ھەزىل قۇيىدەگى گېلەر يورەدى:

بو يېردە (كىبىك دە) بىرىنچى اھمىيەت-اعتبار بالەگە،

ايككىنچى اعتبار-اھمىيەت خاتىن-قىزەرگە،

اوچىنچى اعتبار-اھمىيەت ايتىگە،

بالەگە التفات قىلسىڭىز ھەم قانۇنى جۈابگرلىكى بار. چۈنكى بولر «بالە آزارلىك» نىنگ اچىق عاقبتلىرىنى تجربە قىلىشگن-دە. بالەنىنگ شۇخلىكى اينجىقلىكى، يىغلىش-سىقتىشلىرى بىراوگە سىرە آغىرلىك توغدىرمەيدى. نورمال قبول قىلىنەدى. انەشولرنى چىنەكمىگە «بالەلىگىم - پاشالىگىم» -دېسەلر كېرەك.

يىغلىگنلر اۈز جايلىرىدە تورىشىدى. برچەنىنگ لىدە تىسّم. تىلىدە شىرىن سۈز. كېلگنلر ارا تىشوو، قويوق سالاملر، قۇل قىسىشلر، ھزل-ھوزول، گپ-سۈزلر و كۈنگىل آلىشلر مۇل. بو بىرلردە بىرىنچى قۇنغىراق كۈنى مکتب مدىرى سۈزگە چىقىب، ھمەنى يىنگى اۈقوو يىلى بىلن تىرىكلەيدى. اۈقوو رېجەلرى بىلن بىر آز تىشيتىرىشدىن سۈنگ اۈقوتووچىلرگە صىنفلرنى بۇلىشتىرىپ بىرەدى اېكن.

مکتب مدىرى سۈزگە چىقىمسدىن آلدىن، عىال-اېرکك ارەلش اۈندىن آشەراق انسان تورلى اېرتك حىوانلرى قىافەسىدە صحنەدە حاضر بۇلىپ، بالەلرگە قۇشلىپ تىرچەيىشىپ تورەوبرىشدى. افتىدىن بولر بىرار جانلى كۈرستوو نمايش قىلەياتگنگە اۈخشىپ تورىدى. يۇق، معلوم بۇلدى كە، بو آدملىر اصلىدە، بالەلر ھر كۈنى تلویزىوندە، كتاب، مجلە و كارتونلردە كۈرىپ، اوچرەتىپ يورگن حىوانلر قىافەسىدەگى اۈقوتووچىلر اېكن. مکتب بالەلرى جزالوچى شداد اۈقوتووچىلر بىلن اېمس، بلكى اېرتك حىوانلرى بىلن تىشىپ، قۇل اوشلەشىپ درس اۈقىشگە صىنفلرگە بۇلىنىپ كېتىشە بېردى. آتە-آنەلر فرزندلرىنى اۈزلرى سوبىگن اېرتك قەرمانلرگە تاپشىرىپ اويىگە قىتىشدى.

۸. قاره قوش

(حقيقتگه ايلنگن مجاز)

قاره قوش

(حقيقتگه ايلنگن مجاز)

قىزىل-قۇنغىر قاواق آريلر نىنگ غونغىللهى و بېرىشى، چىگىردا كلرنىنگ چىرىللىشى، يان قۇشنىلر حاولىسدن بۇدنه لرنىنگ پىتپهلق آتېب سېره شلىرى، تاووقلرنىنگ قە-قغلىشى؛ طرفه رنگلى كپه لكلرنىنگ پىرىللىب اوچىب-قۇنىشلىرى مېندە اۇزگه چه بىر كىفېت توغدىرگندى. اىيگه اۇخشەگن اوزون چىزىق بۇيىب حركتلنە ياتگن چوماليلر، قدىمگى صلابتلى «اىپك يۇلى» كاروانىنى اېسگه سالەدى.

سلىقن هوا دە اۇتېرىپ قىسى دىر كىتابنى اۇقىشگە شىلنە ياتگندىم چمەسى. بالاخانه آستىدە اوزونە توشگن صفه اوزره اۇتېرىكمن، شمال نىنگ مەيىن اورىلىشىدىن اۇيىناقلە ياتگن درخت يىراقلىرى نىنگ شىتېرىلە گنچه سېكىن-سېكىن سىلكىنىپ تىترەشلىرى خىالىمنى اۇزىگە قرەتەدى. عجىب منظرە. بىرگلر سىرتىگە يايىلگن بابا قوياش نىنگ بايەگى زىرىن نورلېرىدىن، بىرگە، گىلمگە توشىپ تورگن سرغىش تىنگچەلر عكسى بىردىگە كۇزدن غايىب بۇلدى. هلىگى يىراقلىرى نىنگ شىتېرىلە تىترەشلىرى هم تىنىپ قالدى. يۇقارىدىن كۇتېرىلگن پارىم گىنە يىل آدم نىنگ اپتى-باشى، بۇيىنى، قوئى-قۇنجىنى^۱ معشوقە نىنگ تۇلغاق ساچلىرىگە اۇخشىب، يوماشقىنە سىلب-سىيىپ اۇتماق دە اېدى. شو پىت قىلەدن سوزىب كېلە ياتگن، اۇر كچ-اۇر كچ^۲ اۇرەمە بولوتلر تامچىلېب

^۱ اېتىك، مسح و شو كىيلر اياق كىيىملىرى نىنگ بالدىرىنى، اىلىكىنى اۇرەب تورەدىگن يوقارى قىسمى.

^۲ اۇر كچ: دۇنگ، حجمى كتە.

اۋتدى. كېتىدىن ھوا گۈلدېرەدى؛ چىقماق چىقىلدى-دە، ھەر نې قۇيۇب بېرمەدى. يۇل باشلەگن چوماليلر ھەم اينلرېگە كىرىپ كېتىشىدى.

چوقۇر اۋىگە باندىم. نېگەدېر، كۈزىمنى كۈكۈن اوزەلمەيمەن. خىيالگە بېرىلىپ افققە تىكىلىپ قالەمن. قىدىمى آسمان اۋزى نىنگ بېحد شىكللىرى ايله اۋزگەچە توس آلگن. نظرىمدە آدملىرىنىڭ اوشلمەى قالگن آرزو-اىستك، اۋى و خىياللىرى انە شو چېكىسىز ماوى آسمان بېتىدە اۋىيىپ، قىزىپ يازىلگندەى گۇيا. حتا، مېنىڭ خام اۋىلرېم ھەم. ھەممە نرسەنىڭ سىرى شو آسماندا دەپ بىلەدىلر. شو سېدىن بۇلسە كېرەك آدملىرى تىنمەى كۈككە باقەدىلر. قىچە باقىشمەسىنلر، بىرى-بىرى اۋنىڭ يىشىرىن، عقل يېتمەس سىرلىرى آلدىدە عاجز قالىپ، ناچار سىكوتگە چۈكىپ كېتەدىلر. يەنە، آدملىرى يېردە كۈرگن اۋز مىصىت، كلفت، الملىرى اۋچىنى انە شو قۇل يېتمەس آسماندىن آلگۈدى بۇلىشەدى. آ ھووووو!! كۈم-كۈك آسمان اللە قىچان كىشىلىرىنىڭ قىرغىشىگە مېتلا بۇلگن. آدملىرىنىڭ زوالەسىنى قارىگندىن بېرى يېردىن كۈككە نىسبەتاً قىرغىشلىرى اىرمەپىدى. آسمان ھەم سۈكىنىش و قىرغىشلىرىدىن تۈيىملىگىنى اثباتلاپ بېرگن. مېن ھەم اىچىمدە قەلىشىپ ياتگن شۇر، اچىق ارەلىش سۈزلىرىنى داد سالىپ ساوورەى دەسم، آسمانلىرىنىڭ بوجمەىگن يوزىدە اىگنە اۋچىدەى جاي قالەگن... افققە چوقۇرراق كۈز قەدىمەن. يەنە اۋشە حىرت. اما، يانېمدەگى چوماليلر نېگەدېر ناتىنچلر. اولر اينلرىدىن قىچىشىپ، يەنە تىرىكچىلىكلىرىگە باشلىگن. تىزىم-تىزىم بۇلىشىپ آغە يۇل باسماقەلر...

ھوادە بولوتلر قان تلىشگندەى قىرمىزى توس آلگن. جىگىرەپك قىزىرگن بولوتلر قىچاندىر يېردە يوز بېرەجك خۇنرېزلىكلردىن درك بېرىپ تورردى. ھە، آسمان دەپ اتملىش تۈنتىرلىگن كۈك گىبىدە گپ كۇپ. اۋندە حىرتلىرىلى واقە-حادىئەلر مۇل-كۇل. انە اۋشەلرنى بىلىشىگە اىنتىلىپ يشەيدى اېكن آدم بالەسى. شو مىحل، خىيال قناتىدە چېكىسىزلىك سىرى اۋچە باشلەيمەن، اۋچەمن-و، يەنە چوقۇرراق اۋىلىشىگە توشەمن.

كۆپ ۋەتمەي، چېكىسىز بۇشلىق قەرىدىن، قويۇق بۇلۇتلار آرهسىدىن بىر تۇپ قارە قوش سوغورىلىپ، شەت بىلەن مېن تامان اوچىپ كېلماقەدە اېدى. ايلس-ايلس اېسىمدە، قارە قوشلر كۆرىنىشەن عادي قەرغەلرگە اۇخشەب كېتەر اېدى. بىراق، قەرغەگە قەرەگندە، اولر نىنگ مۆجەسى سەهل كەتەرەق، قناتلر اوزون-اوزون، چۆزىنچاق كۆرىنىش بېرەدى. اولر يوكسكلىكەن اوچەياتكەندە، نشانگە تامان قويىلىپ بارەدى-دە، ساووق نەسى ايله اۋشە بېرنى كۆمىردېك قارەيتىرىپ كويدىرەدى. قارە قوشلر سايەسى تىككەن نرسە قاوجىرەب قورىى باشلەيدى. قارە قوشلر نىنگ شوم، ساووق و سنقىب اوچىشلىرى قندەيدىر بختسىزلىكەن درك بېرەدى. اولر نىنگ بوتون اوضاعىنى مېيەمدە چىزىشگە اورىنەنەن. قارە قوش حقىدە مامەمدەن اېشىتەنلر بىر بار اېدى. اما، اۋز كۆزىم بىلەن كۆرەنلر بىمەندە چوقور اىز قالدردى. خاطرەمدە مۇهرلىنەپ قالگەن بىرچە اېسكى اىزلىرىنى اۋچىرىپ يوباردى بو ياووز قوشلر. بىر زوم ۋەتمەي، هلىگى قارە قوشلر پستلەگەنچە اوستىمدەن گورىلەب اوچىپ اۋتدى. قۇرقنىمدەن: يا بىر بىر اې! بو نىمەسى؟! دېمەن اۋز-اۋزىمگە. كۆز اۋنگىمدە تىمىرسكىلنەياتگەن آت چوماليلر غارىدە، كوتىلمەگەن وضعىت يوز بېرەدى. بونگەچە عادي حرەكتلنەياتگەن چوماليلر، قارە قوشلر نىنگ تشوئىشلى و هجوماكارانە اوچىشىنى سېزىپ، بىردەن قۇزغالانگە توشەدى. آت مورچەلر نىنگ تەلپەلەپ، شاشىلەنچ قۇزغالشى افتىدەن اۋلكەدە، كەتە بىر فاجە يوز بېرەنگە اۇخشەب كېتەدى. شو پىتەگەچە چوماليلر بىر يۈنەلەشە بارىپ قىتەياتگەن بۇلسە، قارە قوشلر شىرەسىدەن سۇنگ، يۈنەلەشلىرى باشقە كۆچە-بو يۇللر تامان اۋزەرەدى.

اۋرنىمدەن تورىپ بىر-اىكى قەد ادىملەدەيم. قۇللىمنى پىشانەمگە توتىپ آسمانگە قەرەب، قارە قوشلر اىزىنى قىدىرىپ، تېورەك-اطرافگە كۆز سالدەيم. شو ياشگەچە هلى بىرى بوندى قىغولى كىفەتگە توشمەگندەيم. قارە قوشلر نىنگ اىكىنچى سوزىلىپ اوچىشىگە يەنە كۆزىم ايلندى. بو ياووز قوشلر، اېندى چېچكەلەب، بىراق يايب،

داۋچەلەگن^۱ ىم-يشىل درختلر و كۈم-كۈك اۋت-اۋنلرنى كويدىرىپ، قاجىرەتىپ قويدى. شوندىن كىين، ايچىمدەگى اضطراب تابارە كوچەيە باردى. قۇزغالگن چوماليلر يەنە-دە، ناتىنچلندىلر. اولر حقىدە كۇپراق اۋيلەى كېتىدىم. مورچەلرگە يقىنلىشىدىم...
 آياغىم آستىدە قالىپ، ينجىلىپ كېتمەسىن اوچون اولر نىنگ غارىگە ياووقلشماقدن تىيىنىدىم. نظرىمدە، بو گل چوماليلر كېسكىن كۈپەيگندەى بۇلدى. ھە، اولر حددن تشقرى تۈزىشىب غارلرىدن تشقرىگە چىقىشىگن.

آسمانگە يەنە تىكىلەى دېب تورىپ اېدىم كە، دەشتلى اوچىپ كېلەياتگن قارە قوشلر كۆركم بىر باغنى نشانگە آلىپ، بىر پسدە قاپ-قارە كۈمىرگە آيلنتىرىپ قۇيدى. نىمە بۇلدى اۋزى دېيىم ايچىمدە. اولر باغ-راغلرگە دشمن مىلر؟ يەنە سۇراق بېرەمن. قارە قوشلرنىنگ گلمە-گل قۇرقىنچلى اوچىشلىرى دوام اېتەياتگندى. اولر يەنە نىمەلرنى بوزىش و ويران قىلىشىگە چاغلىنىشەدى اېكن؟ دېب اۋىلپ قالدىم. قارە قوشلر نوبتدەگى اوچىشلىرىدە اېكىنزارلرنى مۇلجىگە آلەياتگندى. نې تىل بىلن آيتەى كە، اېندى، حاصلگە تۇلىپ، باشاقلەياتگن اېكىنزارلرنى ھم كويدىرىپ كولگە آيلنتىرىپ قۇيدى. قارە قوشلرنىنگ حمەلە قىلىپ اوچىشلىرى تىن آلەمەى تورىبىدى. ياووز قوشلر، بو نوبت كىلپ اورىپ، كۈم-كۈك سووگە قناتلرنى بىر-بىر تېگىزە كېتىدى. بىردن بو حيات سووى قانگە آيلندى.

قارە قوشلرنىنگ كېتمە-كېت اوچىشى آدملرنىنگ عادى حياتىنى ايزدن چىقىرىپ يوبارە ياتىر اېدى. بو بختسىزلىكنى كۇرىنگ كە، قارە قوشلرنى اېل-يورت باشىدن اوزاقلىشتىرىشىگە انسان كوچى يېتمەى تورىبىدى. اونگە قرشى چوماليلردە ھم شدتلى صدا اويغانگندەى گۇيا. شو تابدە، كۇنگلىمدە توغىلگن اۋى-خياللرنى گىپىرەى دېسەم تىلېم سۇزگە بارمەيپىدى. توشىمىمى؟ دېسەم، كوپە-كوندوز. كىفېتىم خىرە تارتگن اېسە-

^۱ داو: بۇى بلند، يۇغان و بەقوت. داۋچەلەماق: بۇى يېتماق، يۇغانلشماق.

ده، كۆز عىنك بىلن تېورە كنى يىخشى كۆرە آلەمن. قىرلىق ھلى بىلىمدن اونچەلر قىق اوشلە گنى يۇق. بىراق مامىقدهى ساچلرېم باشىمگە آغىرلىك قىلىپ تورىدى. اۆتمىشگە بىر نظر تشلەيمىن. قندەى زمانلردە يشە گن اېكنىمىز؟ بونقەسىنى ھلى بېرى كۆرمە گن اېدىم. بوتون دقتىم بىر تقيچ قارە قوشلرنىنگ وحشيانە حركتىگە قده لگن. نھايت وھىمە باسگن ھىجانلى لحظە اشتراكچىسى بۇلىپ تورىمىن. واقە-ھادئەلرنىنگ توبىگە بىتگىم كېلەدى...

شوندە:

«صبردىن يىخشى يۇقتور پېشە قىلىسم،

بو يۇلدە صبر يۇق اندىشە قىلىسم.

-دېگن شاھ بىت تىلىمگە كېلەدى...

بىر پس آياق اوستىدە تورىپ قالدېم. قارە قوشلر پروازى كمەيدى. بۇيلگن لحظەلر تىندى شېكلى دېب تورگندېم. بىر پىت قۇل كفى بىلن اېنى سىيرگندەى شىويىلە گن آواز قولاقلىرىمنى يىلپ اۆتدى. بىردن اۋرنىمگە اۆتېرىپ اۆلدىم. كىچىكلىگىمدە اۋرگىتىلگن ايرىم-سىرىملىرىنى قىلىپ بىر نرسەلرنى اۋقىي دېسم اۋزىمنى الدە گندەى بۇلەمن. چونكە، معنالرىنى بىلمىدن، مېن ايتماقچى بۇلگن بو سۆزلر بىلن جانلى حىات و تىرىك طبعىت اۋر تەسىدە ھىچ قندەى علاقە و اويغونلىك يۇق. كتە جومباققە يوزلىپ تورىمىن. تۇپارى¹ تىلدە ايتىلسە بو كۆرگن منظرەلرىمنى قىامت، آخ زمانگە مېنگىزىش ممكن. قارە قوشلر تورلىپ بارماقده؛ اۋلىمدن ارتىب قالگن چومالبلر ھم اېزىلىپ، قىيىنەلىپ يشىگە دوام بېرماقدهلر.

اۋىلرېم بىلن آلىشىپ تورىمىن. نختكى، اش-پش دېگونچە دنيا توگب قالسە-يە؟ شو زمان، گلەسىدن اجرەلگن بىر قارە قوش قرشىمدەگى پست گىنە دېوارگە كېلىپ قۇنەدى.

¹ تۇپارى: جودە سادە، عادى، قىلوپرلىكنى بىلمەيدىگن.

او كۆرىنىشىدىن سان-سناقسىز چوماليلرنى بىر-بىر تېرىپ يېماقچىدە شى بۇلىب توريىدى. رۇپەرەمدەگى دېوار اوستىدە داقي يونس^۱ دن قالگن بىر راديو قۇيىلگندى. بو گل آت مورچەلر نىنگ حركتى تېزلىشىپ كېتدى. بو قاره قوشلر چوماليلرگە تېگمىسدىن، يوزىنى دېوار اوستىگە قۇيىلگن راديو تامان بوريپ، كاساودە قاره يىب كېنگن پنجهلر يىلە راديو موروره تىنى^۲ بوره ماچچى بۇلدى. بىر-يىكى سىلتهدى. سۇنگ، راديو موروه تىنى تومشوغى بىلن ايتره توريپ غىقىللىتىپ چۇقىدى. دراو راديو سنب كېتدى. «انقلاب كويى» باشلىپ كېتدى. اۋته تاثيرچن، زىلوارلى بو كوي كيشيدە غلطى كىفيت توغديرەدى. اۋشه كوينى هيچ قندە سۇز بىلن افاده قىلىپ بۇلمەيدى. مونى قرهنگ! انقلاب كويىنى قاره قوشلر باشلب بېردىلر. يىنگرەياتگن كوي باشىمدن خياليمنى اوچىردى. اۋىلشگە كوچىم، مدارىم يېتمەي قالدى... مجازىنىگ قهرمانلرى بۇلميش قاره قوشلر هم، چوماليلر هم موراساسىز^۳ يشب كېلماقدهلر.

۲۰۰۵/۱۲/۳۰

شىر بوروك، كىيىك - كانادا

^۱ داقي يونس (دقيانوس): قديم روم امپراتورلىرىدىن بىرى.

^۲ موروهت (موربت): گونك، رادىيونىگ آوازى و موجىنى اۋزگرتىرىش مقصدە بوره ب قۇيىلەدىگن پېچ گىنەسى.

^۳ موراسا: اۋز ارا كېلىشۈولى مناسبت؛ كېلىشۈو، كېلىشۈوچىلىك.

۹. كۆز مونچاق

كۈز مونچاق

قۇش ھۆكۈزدېك كىنە اپر-خاتىن اېدىلر. بىر نرسەنى حسابگە آلمسە شو پىتگچە تورموشلردىن نالىگن بىرلرى يۇق. حىانگە ايتىلىپ تىنچ يشەدىلر. بىر نازبان بىر مراد، اىكلەسى بىر-بىرىگە مناسب قلىغ-كوبولر. ياش كېلىن-كوبايو تورموش قورىشگندىن كېىن بىر تىرناققە زار بۇلىپ، بالە كۇرىشنى نېچە يىل كوتىشىدى. نازبان بۇيىدە بۇلمەى يورەبېردى. بالەسىزلىك عذابى اونىنگ تىنچىنى آلىب قويدى. نظرىدە يىتگن-يىتمەگن اونگە: «نېگە بالەنگ يۇق؟» -دېيە ياتگندەى اېدى. كۇچە-كۇى، قۇنى-قۇشنىلر آرەلرىدە: «عىب خاتىنىدەمىكن، ياكە مراددەمى؟» -دېگن دوو-دوو گېلر. اوستىگە-اوستك، اېسكى تىنىشلىردىن زبىدە بىر كونى نازباننى نې اېلتىپ، نې كېلتىرىپ «بىر تىرناققە زار بختى قرا» -دېدى لەپنگلب. شو گېلرنى اېشىتەبېرىپ، آخرى اۋزىنى گناھكار حس قىلەياتگن بۇلدى نازبان آى. بالە كۇرىش اىلىنجىدە قۇلىدىن كېلگن بار حركتىنى قىلىپ كېلدى. امىد اوچقونلرى ھلى اونىنگ يورەگىدىن اوچىپ كېتگىنچە يۇق. «ھلى يم بالە كۇرەمن دېدىمى، كۇرەمن!» -دېگن گىپىدە تورىدى. شو تاپدە، دىيانىنگ منە مېنمن دېگن دانشمىندلرى ھم كېلىپ: «آو خالە! اۋزىنگىزنى مونچە قىينەمىنگ، اېزىمىنگ، روحنىگىزنى بىمىرىپ يەرەلەى بېرمىنگ، بىلە تورىپ، بىر مظلوم و محكوم چقەلاقنى بو آشفته دىياگە كېلتىرىپ اۋتىرمىنگ، اۋبال بۇلەدى. بالە توغىب گناھگە قالىپ نىمە قىلەسىز اېه! نىمەگە دېگندە، بىر ياقدىن قىرغىن-بىرات اوروشلر، باشقە تاماندن بو آنە زمىندە يېتىشماوچىلىك؛ كسل-بېمارلىك، خاتىن-قىزلرنى

كەم سېتىشلەر، ناچارلىك، جنسى زۈرەوانلىك، دىنى، سىياسى ماجرالار، انسانلارنى قول قىلىپ ساتىش، دارى-درمانسىزلىك و اېنگ مەھمى تەلىم و تەربىيەگە قول يېتىملىك بېداد سالماق دە. بىر اۋىل كۆرىنگ-ە، شۇندە شرايطدە بالەسىزلىك نىنگ اۋزى سىز اوچون بخت اېمىسى اخىر؟» - دەپسە يم، كۈنە ياتگن احوال دە اېمىدى نازبان.

نېمە قىلىدى، بورنى آقىب، آياق-قۇلى يەرە، يوزى-باشى دانەلب كېتسە ھەم بولرگە بالە كېرەك! كېمغل عايلە دە توغىلگن فرزندلر دە اختيار بارمى؟ توغىلەجك بوندە بالەلر البتە كە آتە-آنە دن آلدین قوماندانلرگە، بچە بازلرگە اسقاتەدى^۱. ... اولر نىنگ بىر توزاغىگە ايلېنسە بارمى، قوتىلىش نىنگ يۇلى يۇق. بو يۇلنى بارسە كېلمس دەيدىلر.

آخرى ياش عايلە اۋغىل فرزند كۆرىشدى. سوت اوستىگە يەنە بىر اۋغىلگە آنە بۇلدى نازبان. سوپونگىدىن جانى اىچىگە سىغمەيدى. آلدېندىن بېشىكىنى چۇغدە قىلىپ يىسب قۇيدى. تىلب آلگن ايكى گىنە بالەگە كۆز تېگمەسەن قىلىپ، بېشىگىگە قۇشەلاق كۆز مونچاق ھەم تەقدى. حتا، اوچىلردن بۇرى آشىغىنى تىلەتەپ، كۆز مونچاق يانېدىن اونى يم آسدى. بېشىككە قۇنغىر بىخەلدىن طومارچە قىلىپ باشى سرىدىن اىلىپ قۇيدى. خورسندلىگىدىن الەلرى قۇشېققە اىلېنىپ كېتدى. بو بىر كەم دىيادە ارمانلرى اوشلدى نازبان و مرادلر نىنگ.

نېمە بۇلسە-دە، نازبان و مرادلر عايلە سىدە دىياگە كېلگن گۇدكلر بېقىلىپ، سورىلىپ اولغەيدى؛ سوپەگى قاتدى اولر نىنگ. نازبان و مراد كوئىب، يانېب تاپگن-توتگنلرېنى شولرگە صرفلەدى. باقدى، باولەدى.

غلام سىخى و غلام نېلر ھەم كتە بۇلىپ، كمالگە يېتدى... اكه-اوكە ھنوز آتە-آنە قرەماغىدە. نازبان و مراد اولر نىنگ كېلەجگىنى اۋىلېب، كۆزلرى تىرىكلېگىدە، باش پەنە

^۱ اسقاتماق (اسقتماق): كېرەك بۇلماق، كۈنىگە يەرەماق، ايش بېرماق.

حاولىسىنى-دە، تىلەكى ئۇغىللىرىنىڭ ئاتىگە رەسمىي لىشىرىپ ھەم بېردى. ئەتە-ئەنگە باشقە قىلردېك ايش قالمەدى چەمەسى، ارمانىمىزگە يېتىدىك، -دېيە يىشب كېتەۋېردىلەر. قرەنگ كە، چرخ-فلەك آيلىنىپ، ئۇغىللىر غلام سىخى و غلام نىلر اويلنىشىدى، بالە-چقە كۆرىشىدى... اولر ھەم ئەتە-ئەنگە بۇلدىلەر. ئەلە خۇرجىن اېلكەلرېگە توشدى. كۈنىنى كۆرىپ ئۇز ارا بەلرېنى تارتە باشلەدىلەر. كۈنلر ئۈتېپ، كىتە عايلەنىڭ تىنچى يۇقالە باشلەدى. سېكىن-استە ئەتە-ئەنگە ئۇز اويىدە آرتىقچەلىك قىلدى. غلام سىخى و غلام نىلر ئەتە-ئەنگە غىرىلىك قىلە باشلشدى. ئەتە-ئەنگە بىر چىتگە سورىپ قۇيىلدىلەر. ئاش-ناندىن ھەم رىزقلىرى اوزىلدى. اولر ئۇز اويلىرىدە سىغىشمەي قالدى آخر عاقبت.

بارىپ-بارىپ، ئۇغىللىرىنىڭ قارە قازانلىرى آيرى-آيرى بۇلدى. ھەر كىم ئۇز كۈلچەسىگە آلاۋ تارتەياتىگن بۇلىپ قالدى. آلدى-قاچدى، مىدە-چۈيدە گېلر كۇپەيە كېتىدى. ئەتە-ئەنگە قىيا باقمىس بۇلىشىدى بىر كۈنگى تىلەكى اېركەتاي ئۇغىللىر. بىر تىشلم نان، بىر كاسە قارە ياۋغان شورۋەنىڭ ھەم كېتى تەقە-تق اوزىلدى. كېكسەيىپ قالگن ئەتە-ئەنگە آچرىچىلىك تارتە باشلشدى. بېشام باش قۇيە بېردىلەر. آخرى تونشگە ئۇزلىرىگە تەيىن خانە تاپەلمەي، يېر-خاتىن آيۋاننىڭ بىر چىتىدە بىر-بىرىنىڭ پىنجىگە^۱ كىرىپ، توننى كۈنگە اولب چىقەدىلەر. ياستىق ھەم يۇق. ياشى بىر يېرگە بارىپ قالگن ئەتە-ئەنگە «شۈنىسىگە يىم شۇكر!» -دېيە تىشنى-تىشىگە قىسىپ، يىشب تۈرىشىدى بىر عمللەپ. قۇنى-قۇشنىدىن ئاش-اوقت اولەشەلەدى ھەر قىلەي.

موسىچەدېك كىنە نازبان مامە اوى دېۋارىگە تىيەنىپ، كۇز يارىغىدە ئۈتىن-چۇپ، تىقىر-توقىر، پىتى-ستىلر استىدە قالىپ كېتىگن ئۇشە بېشىكىنى تاپىپ آلىپ، سۈدۈر-سۈدۈر، چىڭى چىقىپ ياتىگن بىرندەنىڭ آخىرىگە اېلتىپ، ايكلەسى يىشەي تۈرگن جايدە، بېجىرىم گىنە قۇيدى.

^۱ پىنج: كىمىسە ياكە نرسەنىڭ يانى، بېقىنى، بىرى.

چالى مراد بابا غمگين بىر كۆرىنىشده:

- كمپىر! نىمە قىلەسن اېسكى بېشىكىنى سودىر، -دېدى ھارغىن بىر آوازده، اۈنگ قۇلىنى پېشانەسىگە توتىپ تىكىلركن.

- نىمە قىلدىم چال، اۈزىمىزگە پردە بۇسىن، باش پەنە بۇسىن دېمىن. بىر ياغىمىزنى ياپە تورسىن-دە، -بېشىتىلر-بېشىتىلمس آھنگدە، -منە ايكى تامانىمىز دېوار، بو طرفىگە بېشىك قۇبەمىز. توشىندىزىمى اېندى؟ -دېدى چاللىگە.

برندە بورچىگىدە ايكى كىشى سىغردەى جاي قىلىندى. اېسكى-توسكىلىرىنى تەشىب، او ياق، بو ياقلىرىنى ياپىب آلگندەى قىلىشدى. اېسكىراق لىتە-لوتەنى اولب-قورەب، تېپەلرگە تىكسەلر، نق جۇگىلرنىنگ اويىگە اۈخشر اېدى.

مراد بابا تىرسىگىنى بو كىلگن كۆرپەچەگە بېرىپ، يانباشلەياتىپ:

- قىرلىك اېكن، كېچقورون توشەبېرىشى بىلن آدمىنىنگ وھىمەسى آرتىپ، اويقوسىزلنركن. توندن قۇرقەدىغان بۇلىب قالىمىن كمپىر! -دېدى.

- گېنىگىزدە جان بار چال! مېنىنگ ھم باشىمگە ارواحلر گىر-گىر اېلىنىپ تورگندەى گۇيا، -دېدى قاشلرى چىمىرىپ تورگن، بۇى بو كچەىگن نازبان كمپىر.

بايەگى بېشىك اېندى اولرگە باشقە معنا كسب اېتە باشلەدى. چال-كمپىرنىنگ نظرىدە اۈشەگىنە بۇشب قالگن بېشىك، مونگلى تېبەرەنەياتگن كھنە دنياگە اۈخشب كېتر اېدى.

بېشىك پېر كرەسى سىنگرى يىخىدىر، ياماندىر ھر بىر تىرىك جانزادنى اۈز بىرگە آلدەى. بېشىك ىنە آنە سيارەگە اۈخشب، كېلگوسى نسللرگە اۈز كۇكسىدن جاي بۇشەتىپ تورەدى. بېشىك ھم بىرگە اۈخشب بۇش قالمەىدى.

بېشىك يانيدە اۈتتىركن چال-كمپىر سۇنگىرى بىر نانىنى بىر كاسە سوو بىلن يېب توگتدىلر. اولرنى بوندن بو ياغى - كېلەجگى قىينەماقدە اېدى. آتە-آنە ھم قۇبىنى

بۇشب قالگن شو بېشىككە اۈخشەىدى. اېندى بېشىككە ھىچ كىمىنىنگ اىشى توشمەىدى. بوگىنە بېشىكىنى زارە تېشە، بالتە كۆترگن كىر قۇللر غىژدەلەب تىلمەسە،

ياقىب، ياندىرىب يوبارمىسە ابدى كاشكى، دېيدى چال-كەمپىر. ھلى، آنە ھەسىنىنگ ايسىق، ياقمىتاي و پارىم گىنە صداسى اۋرەلىب تورىدى بو بېشىكەدە. بېشىك نىنگ ياغاچلرېگە مەيىن گىنە اورىلگن آنەنىنگ نالىشلىرى ساچىلىب ياتىدى. چقەلاق نىنگ اينگىلېب يىغلىشلىرى، قىقىردب كولىشلىرى- يو شوخلىكلرى شو بېشىك فزاسىدن ياغىلىب تورىدى ھنوز. بېشىكدن آنەنىنگ ھىدى ھمان دماغلرگە اورىلىب، حضور-حلاوت بىغىشلب تورهدى. بېشىك نىنگ سويەگىنى ققشە تىب، زىرقىرەتە ياتگن نرسە - بىرگىنە ياغىزلىك. وىرانەگە اۋخشىب ھاووللېب قالىشدىن قۇرقەدى بېشىك... بو بېشىك آنە-آنە اوچون ھم اولكن دنيا، ھمدە ججى گىنە كلېبە. بېشىك بىلن باغلىق خاطرلر چال-كەمپىرنىنگ روھىنى كېمىرىب بارەيىدى. ھلى آلدىندە يشىدىن بار. قندەى قىلىب كون كېچىرىش، نىمە يىب-ايچىش مسألەسى، كىينىش، ياپىنر، تۇشەنلرلى تورىدى ھلى آلدىندە.

پىنەكى قىلىشدىن بورون چال-كەمپىر بوندن كېين قندەى قىلىب رۇزغار تېرەتر مسألەسىدە باش قاتىرماقدە ابدىلر.

- منە اۋغىللىرىمىزنىنگ دسترخوانىدە تۇكىب قۇيىلگن رزقىمىز ھم توگەدى. نىمە قىلەمىز ابدى كەمپىر؟ بىلدىن كوچ كېتىدى، كۇزدن نور. آياغىمىز گۇر لىيگە بارەى دېب تورگن بىر پىتدە نان گدايى بۇلىشدىن اسرەسىن، -دېدى چال كەمپىرىگە گپ تىشلەگن بۇلىب.

- خى اۋىلەمنىگ، خدا پاشا! «نان گدايى بۇلىسنگ بۇل، جاي گدايى بۇلمە» -دېگنلر. اۋزى تېشىب قۇيگن تاماغنى بىر لقمە نان بىلن سىيلر اخىر، -دېب قۇيدى كەمپىر.

- قىزىغ گىپرەسن كەمپىر، ھلى آسماندىن بىر نرسە تىشلەگىنىنى ھىچ كىم كۇرمەگن. عكسىنچە، مىليونلېب آدملىرنىنگ عذاب-عقوبت ابلە خۇرلىنىب اۋلىشىنى كۇرىب تورىدى پروردگار. مېن دىيانىنگ عذابلىرىنى شو قادر مطلقدىن كۇرەمن. اونگە شولر ياقەدى شېكىللى، يۇقسە نېگە ھمە ياقنى گلستان قىلىب قۇبمەيدى؟ بىزنى مونچەلر سىنب نىمە

قىلەدى يره تگن؟ ھەممەسىنى اۈزى بىلەدى-كو! -كى-كۈستىنى مېندن سۈرەمەيدىمى؟
ايتىب بېردىم قىتە بندەلرېنگە ايشانمە دېب. بىزنى ھم بوندن بتر قارە كونلرگە
سالرمىكن تنگرېم؟ انه شوندن قۇرقەمن كمپىر.
- نىمە، سىزدە آى كۈرىمى؟! باشقەلردن بىرار آرتىق جاينىگىز بارمى ياكى؟ گېىزدى
قرە نك-ه!

- تېشىك تاماغ نىنگ غلبەسى كۇپ اېكن كمپىر!
- بىراونىنگ محتىنى-كو قىلىشكە يره مەيمىز. تىلمچىلىك قىلەمىز-دە.
بابا:

- ايش قىلىپ تنىش-بىلىشلردن اوزاقراققە بارەلىك، كۈرگن-بىلگنلر فلانىلر گدايلىك
قىلىپ يورېدى، دېمەسىنلر تىغىن. ھر حالده محلەدە اۈزىمىزگە يره شە ابروئىمىز بار
اېدى بىر زمانلر. تۇغرىمى؟ شو گېنى اېسدن چىقرمەلىك كمپىر!
مامە ھم كۈز ياشلرى جودىرب:
- مىلى! نە چارە، -دېدى چالىگە.
- اۈكسىنمە، كۈز ياشى قىلمەگىن كمپىر! منگلەيمىزگە يازىب قۇيىلگن اېكن شو كونلر.
تقدىرنى تىبىر قىلىپ بۇلەدىمى؟

- بالەنگدن تارت دېگن اېكن خدايىم، -دېدى كمپىر، چوقور آه تارتىب.
- اۈزىنگنى باس، كۈز ياشى قىلمە، -قۇلىدەگى رومالى بىلن كمپىرىنىنگ كۈزلرىنى
آرىتدى، -قۇلىمىز كلتە بۇگن مېنن، تىلىمىز قىسقە اېمس. آدملرگە بېدىرگنمىز وختىدە،
-دېدى چال... غىرتى جوش اورىب.
-بو زمانلردە: «بار اېدى، بار اېدىنى قۇيىنگ؛ منە، بار-باردن گېيرىنگ»، دېدى آدملر.
شوندە بىر پىتدە يشەيمىز چال، -دېدى مامە قلىتقراق اۈزەدە.

توننى بىر عملب اۈتكزىشدى چال-كمپىر. بابا اېرتەلب تورىب نمازىنى اۈقىب آلدى.
اېر-خاتىن بىر-بىرىگە تىركەشىب، كۈچەگە چىقدىلر. مامە كوموش رنگ كتە

قرسىنىڭ بىر اوچى بىلەن باشىنى تىغىب^۱ باغلىدى. بابا اېسە بۇز سەسىنىڭ قىستىرىلگەن پېچىنى توشىردى. عىساسىنى قۇلتىغىگە توتىپ سىپرەك ساقالىنى برماقلىرى بىلەن ترەدى. كىمپىر چالىنىڭ قۇلتىغىگە سويەنىپ، اىكلەسى سېكىن ادىملەشە باشلىدى.

جمە كۈنى اېدى. قوياش آفاق اېتەگىنى يامىسەن-آق، اېرتەلب چال-كىمپىر تىلمىچىلىك قىلىشە، اونچە اوزاق بۆلمەگەن جمە بازار شەھرىگە يېتىپ ادىلەر. شەھەر گۈجۈم اېدى.

دوكانلار قىشسىدەگى ارقىلاردىن اۋىناقلىغىگە، اۋرەلىپ، بورەلىپ شىلبا سوولر اقر، اېرتەلبكى شىمال اېيىكىلردىن مىنۇن تال، آق قەيىن، غوجۇم و خىمچە توتلر يالەلرلى اېگىلىپ اۋىنشە ياتىدى. ساتوۋچىلر بىلك-بالدىرلرلىنى شىمەرگىچە، تۈنىكە اىدشلىردە سوو سېيىپ، دوكان ادى چىگىمىلىك اوچون توپراقلرنى ياتقزە ياتىدى. ات-اېشكلىردە اوزاق-يىقىلردىن كېلە ياتىگەن بازارچىلر اقىمى ھەم كوچە يىگىدى. سماۋارلردىن، قويۇق توتونلر كۆككە اۋرەلە ياتىگەن اېدى. باشلىرىدە سېت كۆترگەن نانبايلر : «اىلب قالىنگ، مەنە ايسىق نان» -دېيە رستەلر بۇيىل نانىلرلىنى ساتە ياتىدى. دوكاندارلر چاربايلر اوستىدە كرسىلەگەن كىچىد حلوانى سىندىرر، قىندىچىنىڭ^۲ قۇلى-قۇلىگە تېگمەي ساچ حلوا، كلە قىند، تىشلە، تۇشك، پستە، باداملرنى چقان-چقان ترازىگە سالىپ پولىلە ماقىدە اېدى. يۇل ياقەسى بۇيىل، سوداگرلر بۇجى، شال، بۇرىا ياكە، پلاستىك قاغاز تۇشب، كىمىدىر جىيدە، كىمىدىر زىغىر ياغى، باشقە بىراۋ قوروت، قورۇق مېۋەلر؛ يىنە كىمىدىر سىچاقلىرىگە گۈل سالىنگەن ايشتانباغ ساتماقە اېدى. مۇترلر غىز-غىز اۋتىپ توريىدى. اوستە تېمىرچىلر تىق-توق، گرس-گورس قىلىشىپ، رۇزغار بويوملرلى يىسە ماقەدە. بازار-

^۱ تىغىماق: مىكەم سىقىپ، اۋرەب، اېلىنتىرىپ باغلىماق؛ چىندىماق.

^۲ قىندىچى: قىناد.

دە، ھەر كىم بىر نرسەنى آلىش ياكە ساتىش بىلەن بىند. كۈن بۇيى غلە-غاۋور آوازلىر بازاردىن آرىمەيىدى.

چال-كەمپىر بازار رستەلىرى بۇيىل تىلمچىلىك قىلەي دېسە، گدايلر ادبىياتىدىن، يعنى تىلمچىلر ايشلتەياتگن سۇزلردن بېخبرلر. «بىز اۇغىللىرىمىز قۇلىدىن كۇچەگە ھىدەلدەي، آچ-نەھار، دربدر بۇلدەي» -دېشىگە تىللىرى بارمەيىدى. آدملىرىنىڭ يۈرەگىنى سۇرىياغدەي اېرىتەياتگن جملەلر تۈزىب، تىلمچىلىك قىلىشنى اېپلەي آلەيدىلر. آدملىردن ياردەم سۇرەشنى بىر-بىرىگە سالىب، كۈننى ھەم اۋتكزىب، نامراد بۇلىب، آخىرى اۋىلرىگە قىتەشگە مجبور بۇلدىلر. تىنكە-مدارى قورىگن اېسە-دە، چال-كەمپىر تېرەنە-تېرەنە يۇلگە روانە بۇلدى.

چال-كەمپىر حاۋلىگە كىرماقچى بۇلىب اېدىلر ھەم كە، اىچكىرىدىن ناتەنىش آوازلىر اېشىتىلدى. بالەلر قىي-چۈۈ سالەياتگندى. درآۋ حاۋلى دروازەسىنى آچىب، تۇغرى ايۋان چەتدە قۇيىلگن بېشىك تامان، اۋز كىلەلرىگە كېلەبېردىلر. بىردن قىسىدىر خاتىن شىغىللەگن آۋازى بىلەن:

- آۋو قىگە بارەيىسىزىلر؟ تىلمچىلىك قىلماقچى بۇلسىڭىز كۇچەدە تورمەيىسىزمى؟ بىر بۇردە ناننى خدا يۇلىدە اۋزىمىز آلىب بارىب بېرردىك» -دېدى ترۈقەيىل^۱.

كەمپىر اېسە اۇغىللىرىنىڭ آتىنى بىر تۈتەب:

- «آاا غلام سىخى، غلام نى! بۇلرىنىڭ كىم؟»، -دېدى.

اۇغىللىرىدىن آۋاز چىقمەدى. اۋندەگەچە، بىر ابركك كىشى نىڭ:

- حاۋلى بىزنىكى، بىز ساتىب آلدەي، اۇغىللىرىڭىز باشقە شەھەرگە كۇچىب كېتىدىلر بو بىردن! -دېگن دۇرىللەگن تاۋۋوشى اېشىتىلدى.

^۱ ترۈقەيىلەماق: بىلەيماق، لەپىنگەلماق.

اوى اېگەلرى «چىقىنڭلار، چىقىنڭلار!» قىلىشىپ، چال-كەمپىرنى زۇرلۇپ، سۈرىپ چىقىردىلار ھاولىدىن. بۇلىپ تورگن وضعىتىدىن ھىرتدە قالگن مامە زار-زار يىغلىشىگە كىردى ۋە بېشىگىنى ئالىپ، كۈچەگە چىقىشىدىن ئۈزگە چارە تاپمەدى.

چال-كەمپىر نىمە قىلرىنى بىلمەي تشقىرىدە قاتىب قالدىلار. ايككى ساعاتلردىن كېىن تون قارە پردەسىنى شەھەر اوزرە تۇشەدى. منە، نان گدايلىك بىتمەگنى دېك، جاي گدايلىك ھەم بولر نىنگ ياقەسىدىن اوشلەدى. اېندى بولر قىگە بارسىن؟ قەيىردە اۋخلىشىسەن؟
 آسمان بلند، يىر قىتىق.

چال-كەمپىر بېشىك نىنگ ايككى تامانىدىن اوشلەشىپ، جاندىن عزىز محلەنى ترك قىلىپ، اۋ يىردىن كۇپ ھەم اوزاق بۇلمەگن «غرىب آتە» زىارتى سىرى يۇل آلدىلار. قاش قارەيمەي تۈرىپ، اولر زىارتگە يېتىپ، كەملىكلرى كېلىپ، ھۇنگ-ھۇنگ يىغلب، سغەنگە^۱ آياق باسىپ كىرىشىدى. چال-كەمپىر اۋتىرگن جايلىرىدە، ھەنسىرەشدىن تۇختىپ، اۋلگنلر روھىگە دعا قىلىپ، يۈزلرىگە فاتحە تارتدىلار.

مامە تپ-تقىران يىرگە اۋتىرىپ، مقبرەدەگى جىن چراقنى ياقدى. اۋغىللىرىنى اېسلب كۇز مونچاقلر ۋە بۇرى اشىقلرىنى سىلب-سىلب، تىرگ سىب كۇزلىرىگە سۈرتىپ اۋپدى. بالەلرىنى ساغىنىپ، يادلب، تۈيىپ-تۈيىپ يىغلىشىدى ايككەسى. كوچى-مدارى كېتىگن آنە قۇلىگە درخت خىمچەلرىدىن سوپورگى يىسب زىارت تېورەگىنى بىر سىدرە سوپورىپ، سىيرىپ چىقدى. چال-كەمپىر انە شو «غرىب آتە» مزارىدە مجاور بۇلىپ، يىشب تۈرەبېردىلار. زىارتچىلر آتەگنلرىنى تشلب، شوگىنە نورانى قىرەلرنىنگ بىر ھاۋوچ دعاسىنى آلىشىگە احتىياج سېزدىلار.

زىارتچىلر «غرىب آتە» مزارىنى اېمس، كۇپراق قىرەلرنى اېسلب، شوگىنە بېشىككە اخلاص قۇيىپ، يىخشى-يامان كونلرىدە اوندىن كۇمك سۇرەگوۋچى بۇلدىلار. آدملر

^۱ سغەنە: مقبرە.

زيارتگه «بېشيك آنه»، دېيه ايکينچى نام بېرىشىدى. هر توس متاعلرنى، تورلى نيتلر قىلىپ، بېشيكکه ايليپ كېتەياتگن بۇلىشىدى آدملىر. تيرناقلىرىگه زار آتە-آنه اۇغىللىر ھجرىدن يىلغەى-يىلغەى كۇر بۇلدىلر. شو «غريب آتە» زيارتيده دنيادن كۇز يومدىلر. بلا-قصالردن آمان قالگن بېشيك انه شو سرسان-سرگردان چال-كمپىردن يادگار بۇلىپ قالدى.

اكتوبر، ۱۹۸۳

تاشكېنت

۱۰. اوچرە شوو

اۈچرە شوو

اوشبو حكاية تخمين ۱۷ يىل بورون يازىلگن بۇلىپ، اۈزىدە كۇپ حقيقتلرنى محسّم اېتردى. اونى بىر قىتە اۇقىب چىقىپ يورەگىم ويران بۇلدى. قۇرقىب كېتىدىم راستى گپ. بو حكاية روحيتمگە قتيق تائير قىلدى. بېاختيار كۇزلىرىم ياشلىنىپ كېتىدى. يورەگىم بېتلەمدى. حكاية جايىدە يۇق قىلدىم. ايرىم دۇستلر «يخشى بۇمبىدى...» - دېيىشىدى. اېندى اۋبال بۇلمەسىن اوچون مذكور حكاية نىنگ عمومي مضمونىنى بيان قىلەمن. اورجىنالى نىنگ اۋرنىنى باسەالمسلىگى انىق.

راوي ايتەدير:

ساووق يورتدە يشەگنىم اوچون كۇپلپ واقعه-حادثه شو ساووقدە يوز بېرگنىگە تانىق^۱ بۇلگنمن. كېلىنگ اولردن بىرىنى ايتىب بېرەى: اېرتەلب بروقت اويدن چىقىپ، بسلر بېكتىگە بارىپ الدېم. آسمان قباغى آسىق، كۇكدە هيچ نرسە كۇرىنمەيدى. ماوي آسمان دماغىدن ايزغىرىن نفسىنى ترەتە يانگندى... نيمە بۇلسە هم تكانالوزى بركتىدن شرايطلر زۇر بۇلگنى اوچون آدملر قهرەتان ساووقلردە اذيت چىكمەيدىلر.

^۱ تانىق: شاهد، گواه.

تۆرت يىرىم دىققە ئۈتۈپ بارىدىم، بىس كېلىپ قالدى. نمرەسى «۷» بۇلىپ، قارەمتىر قىزغىش توسى بار اېدى. بىس نىنگ اىچى ايسىق، ئۈرىندىقلىرى يوشاق، آىنەلىرى تىپ-تىنىق. اوچتە يۇلاوچى بىس نىنگ اوچ جايىگە ئۈتۈرۈپ آلىشكن، ئۈز خىالى بىلن منزللىگە تامان كېتەياتتىر اېدى. مېن بۇلىم شو بىس نىنگ آخىرگە بارىپ ئۈرۈشدىم. يۇلىم سەھل اوزاقراق؛ قىرق يېتى دىققەدە يېتىپ آىشىم كېرەك اېدى.

كېتەياتتىب، قالاچ يورتلىرى بىلن بو رواجلىنگن مملكت ئۈرتەسىدەگى تىفاوتلىرى قىاسلاپ كۆرەمەن؛ عقلىم شاشەدى. بىلىم و دانش عوضىگە قۇلگە كېلگن بو يوتوقلىرى، بى حساب امكانىتلىرى كۆرۈپ ئۈيگە باتەمەن. بۇيىنگە چە خرافاتگە كۆمىلگن ئۈلكەلردە انسانلار نې-نې مشقتلىرى تىنىدە تويىپ، قىسقە عمرلىرىنى رنج و عذاب بىلن باشدىن كېچىرىپ، آخىر ئۈلىم نىنگ چىنگەلىدە اېزىلىپ جان بېرەدىلەر. بىسگە چىقىشىم بىلن مەن شو ئۈي-فكرلر مېيەمنى اشغال اېتدى. آخىر باشىم قاتىپ ئۈيگە چۆمۈپ قالىمەن. يىرىم اويقى، يىرىم ھوش حالتىدەمەن.

شو پىت كۆز ئۈنگىمە بىر نرسە شىرپە^۱ سالگندە يۇلدى. ايلغر-ايلغەمس^۲ تصورىمدە كىنلى بىر مرحومگە ئۈخشەدى. خىيال قناتىدە تىفكر اقلرىدە پرواز قىلىپ بارماقەدەمەن. بىر پىت شو شىرپە كۆزلىمگە انىقراق كۆرىنىشە؛ قرەسم يانىمەدە ئۈتۈرىدى - نق ئۈلىك نىنگ ئۈزى. قۇرقىپ كېتىپ يا پىرىم اې! -دېدىم. كىم سىز؟ بو يېردە نىمە قىلەسىز؟ مېنگە نىمە ايشىنگىز بار اېدى...؟ -دېيە سۇراققە توتدىم اونى.

جواب قىلمىدىن او ھم مېنى سۇراق قىلە باشلەدى. مېن بو وضعىتىدىن، مرحوم ئۈلىك خانەدن قاچىپ چىقمەگن بۇلىسىن تىغىن، دېگن ئۈيگە باردىم. يۇق، يۇق!!! اوندە يۇلىپ چىقمەدى.

^۱ شىرپە: قولاققە چىلنر-چىلنمىس تاووش؛ كىمىسە ياكە نرسە نىنگ غىر-شىرە، بىلىنر-بىلىنمىس قارەسى، افادەسى؛ شوندى سايە.

^۲ ايلغەماق: عقل، كۆز، قولاق بىلن سېزماق.

... شوندىن سۇنگ ايکىمىز دۇست بۇلىپ آلدىک. اۋلىک نىنگ برچه سۇراقلىرگه جواب بېردىم. بىر-بىرگه ايشانچ اىستلگن نرسەنى سۇرەى بېردىک. مېن مرحومدىن كۆپ نرسە سۇرەدىم. رحمتلر بۇلسىن اۋلىکكە برچه سۇراقلىرگه جواب بېرگنى اوچون. بىراق، بىر سوالىمگه جواب بېرىشدىن باش تاولەگن اېدى.

اۋشە كونلر قۇلىمدە بىر مجلە توشگندى. اوندە باميان بوداسى هيکلى صورتى توشىرىلگن بۇلىپ، قىزىق معلوماتلر چاپ قىلىنگن اېدى. مرحوم ھم مجلەگە كۆز قىرى سالدى. اۋلىک نىنگ كۆزىدىن آقن يوم-يوم ياشلر مجلە بېتىدەگى بودا هيکلىنى ھۆل قىلىپ تشلەدى... حىرتلندىم!

اۋرتەمىزدە ساغىنچ-دۇستلىک رشتەلرى قىقىق باغلندى. مېن اونگە: سېن ھم يالغىز، مېن ھم يالغىزمن. كېل آندە-ساندە شو غربت آباددە اوچرەشىب تورەيلىک، -دېدىم. او ھم:

- «مىلى، راضى من. سىزدېك دردكش دۇست تاپگىمىدىن باشىم كۆككە يېتىدى...، - دېب خورسندىلىك بىلدىردى.

بىسدىن توشماغىمگە بېش دىقىقە قالىپ اېدى. مېن مرحومدىن: اېندى خىرلشەمىز، كۆرگندە كۆرشگونچە، -دېدىم. او يىم:

- مىلى اې تىرىک انسان! حىات نىنگ قدرىگە يېت، -دېب اېدى كە، يالبواریب اوندىن نېگە برچه سۇراقلىرگه جواب قىلدىنگ؛ نېگە يورتىنگنى مېنگە تىشىتىرمەدىنگ؟ - دېب سۇرەدىم.

- نىمەنى سۇرەسنگ سۇرە عزیز دۇستىم؛ مېندىن وطنىم حقىدە ھىچ نرسە سۇرەمە، سۇرەب بىرغىمنى اېزمە، -دېدى.

ايکىمىز ھم بىر وطندىن اېکنىمىزنى بىلىپ تورىمىز. مېن يورتىمنى آيتىپ، تىشىتىرىپ، اويتگە باتسم؛ او يورتى حقىدە لام-مىم دېمەى سىكوتگە چۆكکن اېدى. قۇللىرىم بىلن

باشىمنى چىنگىللىگىنچە اۇيىگە تالدىم. سۇل تامانىمىگە باقىب قرەسم جايى بار و جولى
يۇق.

دسىمىر، ۲۰۰۷

شىرورىوك، كىيىك - كانادا

۱۱. قلدیرغاچ

قلايرغاچ

بهار كۆرپە دەي يىم-يشل سېپىنى دشت و دلە، باغ و راغلىر، كۆپچىب ياتگن يىلاوردە يايە باشلگن كونلر اېدى. تانگكى مەيىن يېللر اۋت-اۋلنلرنى «بۇلدى اېندى! ھى تورىنگىز، ھى تورىنگىز!!!» -دېيە قىتقىلب اويغائە ياتگندى. شۇدېرىنگلر توندە يىققن تىپ-تىنىق دۇرلىنى غنچەلر قولايغىگە تامچىلب-تامچىلب تامىزە ياتگن انلر اېمىسى؟! گل-چېچكلر قىيغاس^۱ اچىلگن پەيت؛ داو-درختلر اۋز شاخچەلرېگە اينجو شادەلر اسيب اَلگندەي جلۈەلنردى. يىشىلگە بوركنگن درختلر شمال اېيكنىدىن شۇخ تۇلقىنلر بغيرىدە چىقەلب تورردى. طرفە رنگلرگە چەيىلگن كپەلكلر قناتى قوباش نىنگ يىرىم نورلرى اَسىدە تاولنىب-تاولنىب، يلتىرەي دىر اېدى. سىراقى قوشلر كۆكلم نغمەلرىنى تىنىمىسىز ترنم اىلب تورر، چومچوقلرنىنگ چوغورلشلىرى، قورت-قومورسقىلرنىنگ بىر اوزرە قىمىرلەي باشلەگنى، كىشىلردە بەھارى كىفەيت اولەشىلگنى شوندا انسانلر يوزىدىن بىلىنىب تورر اېدى.

اويىمىزدن سوغدى كۆتريلگن بۇلسە-دە، اوزون قىش نىنگ اغير يوكىدن قالگن ساووق شىرپەلرنى، ايس چراغىمىز «نرى بار، نرى بار» قىلىب اۋز باشىدىن اوزاقلشتىرە ياتگندەي گۇيا. تېمىر ايس چىراق نىنگ يوزىنى بىر ياغى نىنگ كويەسى خىرەلشتىرگن. چىراق نىنگ تېپە قىسمىدە فىلتەدن كۆتريلە ياتگن قويوق توتون كويە باغلب كېتگندى. قارانغى توشىشى بىلن انە شو تېمىر ايس چىراق بىزنى اۋز اطرافىگە چارلەيدى. غىرە-

^۱ قىيغاس: ھەمەسى بىر اېرىگە، ياپەسىگە، شىغە.

شيره ياغدوسيده اوقتيمزنى يىب آلەمىز-دە، بىر-بىرىمىز بىلن غىدى-بىدىلرنى تۇختەتەپ، ياستىق اوروشى قىلەمىز. بىر پس اۋتەپ، كولىرلىمىز يىغىگە آيلنەدى قالەدى. آنەمىز بقىر-چقىرلىمىزدن قولاغى قامتگە كېلىپ، داد-وايگە توشىرەدى. اۋيىن-كولىگى، يىغى-سىغى، آچ-تۇقىمىز بىلن بىزنى اۋز بىرگە آلگن شوگىنە اويىمىز علىحده بىر دىنيا اېكن.

شو بهار كېزلىرى عايله مېزگە بىر جفت قلدېرغاچ كېلىپ قۇشىلدى. نق تېپەمىزدە، اېندى چىغ سالىنىپ، سوواقدن چىققن خانەمىز بالارى نىنگ كاوه گىدە اين قورىش حركتىدە بو قوشچەلر. بو حالت، بىزگە دىنيا اىچىدە ينە بىر دىنيا قورىلگندە تويىلەدى. شونە آنە منە بو قۇشىق و ايتىملرنى بىزگە ايتىپ بىر گندى:

اوپچىب كېلر قلدېرغاچ،
اونگە اېشىگىنگى آچ.
قناتلرى قىرىلگن،
گلەسىدىن ايرىلگن.
بېش كون كۆكلمدە مېمان،
سېويب بۇلىنگ مېربان.
سوو اىچسنگ قۇلىم تباغ،
اويىم سېنگە يشىل باغ.
قلدېرغاچىم، قلدېرغاچ،
قاب-قارە ايلادن قاچ.

...

بو قلدېرغاچلر اوچى اچە و اينگىچكە قناتلرىنى يازىب حاوولىمىز فزاسىدە، بىر بىرگە قويىلىپ، بىر آسمانگە شدت بىلن مستانە اوچىب كۆتۈرىلدى. بىر نېچە بار اويىمىزگە كىرىپ-چىققن بو قلدېرغاچلر، كېچە گىنە خانەمىز تېپەسىدە اۋزىگە اين قورەمن، دېب

جاي بېلگىلىب كېتىگەندى. اپندى اۋشە بالار كاۋەگىدە يىرىم دايرەسىمان اۋيى نىنگ چىزمەسىنى تىكلش اشتياقىدە ابدى بو ناز قوشلر.

قلىدىرغاچلر اين قورگى اۋيىمىزگە تېز-تېز قتنەى باشلەگنلر. قرەسم اولر ايلك كۈنى قۋىنىنى بالارگە بېرىب، بېش-اۋنتەچە خس-خَشَكى بىر-بىرىگە قەلشتىرىب، يامغىر لايى و آغزى نىنگ سۈلگى بىلن قاتىرىب چىقىشەپىدى، و تىللرى اوچى بىلن اۋيەگە پرداز بېرىب، بېزەماقدەلر. ايشلرى توگەگچ، قوشچەلر اوخلشگىنى وقتىنچەلىك مكانلرىگە قىتەياتىر. ھەدېمەى قۋياش يۈزىگە كول رنگ پردەسىنى تارتدى.

آنم طاقچەدەگى اېسكى ايس چراقنى ياقدى. عايلەدە بىر اۋزىمىز. آنم قلىدىرغاچلر خاصىتى حقىدە كۋپ حكمت بىلردى. اۋشەلردن گىپرە باشلەدى شو آقشام:

- قلىدىرغاچلر بەھار و كۈم-كۈك طبعىتى جودە سېۋىشەدى. بوگىنە قوشچەلر اۋتە عقللى، تېز اوچر، بې آزار، كۋچمىچى بۈلىشەدى. قلىدىرغاچلر ائىس-ائىس يورتلردن، قىشلاقلر، اۋلكە، شەر و مملكتلر، حتا قطعەلر آشە انسان مېھرى بىلن قارىلگن بەھار ھىدىنى اېسلىب، يۈلگە چىقىشەدى... -دېردى آنم.

قلىدىرغاچلرنىنگ قۇنغىراق دېك اۋازلرى، خۇدئى تام بالارلردىن باشىمىز اۋزە يۈمشاق ياغىلىب، قىتەب اۋى دېۋارى بېتيدە عكس صدا ترەتەياتگەندى. الكىن چىراق نىنگ خىرە يالقىنلرى آرەسىدن قلىدىرغاچلرنىنگ ىنگى قورە باشلەگن اينىگە تىكىلىشىب:

«قلىدىرغاچلر خوش كېلىبسىز! عشق بىلن قورگن عمارتىنگىز مبارك و بردوام بۇلسىن عزيز قوشچەلر!» -دېبە تىلكلر تىلەيمىز. تون و كون اۋز مراىدە اىلنىب تورىدى. وقت اۋتېب، تون اۋرنىنى كونگە بۈشەتېب بېردى. تانگ-سحردن قلىدىرغاچلر «چوغور-چوغور» قىلىشىب، اۋيىمىزگە آلدىن-كېىن اوچىب كېلىشىدى. اۋى بالارلرىگە بارىب سېكىن قۇندىلر.

قۇش قلىدىرغاچلر تومشوغىدە تشىب كېلگن خس-خَشَكلىرنى بىر دانا معمارگە اۋخشب قارىب، قورىش ايشىگە دوام اېتەۋېردىلر. افتىدن اين نىنگ توگەمەگن جايى قالگن.

مىتى گينه آياقچهلىرى بىلن يامغىر سوويدن پيدا بۇلگن كولمككه قۇنه آلمس اپكن، اولر اوچه ياتىب آغزىگه سوو و لاي آلب كىلىب، اويه سىنى تېكىسلىب پرداز بېرماقده. ابرته سى كون هوا بىتىب، بىر آز مامه قلدىراق¹ بۇلدى. تىغىن، شرىللىب قويىب بېردى. شونده هم قلدىرغاچ نىنگ تېز-تېز قىتنب اوى قورىشى آرىمى توريىدى. آدم بنا سالگنى كى بىز بىلمه گن مىده-چويده ايشلىرى كۇپ بۇلسه كېرەك. اولر شو گۇزل فصلده تخم قۇيىب باله آچىرىش اىلىنجىده. دىياگه كېله جك پۇله پانلرنى² پروازگه شى قىلماقچى و رۇزغارنى انه شولر بىلن بىرگه تارتىشنى اۇيله ياتگندى چمەسى.

اۇن كونگه بىتر-بىتمس قلدىرغاچلر مشت دېك كىنه چىرايلى اويه سىنى قورىب بىتكىزىشدى. قوشچەلر نىنگ اوستەلىك بىلن قورىلگن كوموش رنگ اويه سى يىرىم آى كى اوى بارلارىدن كۇرىنىش بېرەدى.

بو آقشام قلدىرغاچلر تشقىرگه اوچىب كېتمەى اويه سىده قالىشدى. آنم قولىده گى نم تارتگن گوگرد بىلن اىلكىن چراقنى ياقدى. چىراق نىنگ يالقىن-نورلرى آرتىده، انه قالدىرغاچ كوموش رنگ اويه گىنه سىده، ابرككى نىنگ بىنجىگه كىرىب آلگن؛ بىر-بىرى نىنگ پتىنى تومشوقلرى بىلن اىسكەلب، سېوگى نغمە سىنى پس آوازده بىر-بىرىگه آيتىشه ياتگندەى تويىلدى. اولر پسده آدملر بار، دېمىسدىن چىمىلدىققە كىرگن قىز-بىگىت دېك وصال آقشامىده، بىر-بىرى نىنگ محبتىدىن تاتى ياتگندى.

بىر اولر نىنگ ايشىگه آرەل شمسدىن، غرىب گىنه اويىمىزده شۇيله مىزنى بىب، پرده مىزنى قىله ياتگندىك. بىز بۇز بالەلر نىمه لرگه اىنتىله ياتىرمىز. بالەلىك-ده، نىمه دىر اېسىگه توشىب، اوكم كۇرپەنى تىشلە گنچە بىقىر-بىقىر كولىب يوباردى. قلدىرغاچلر همان سېوگى آغوشىده تىن آلماقده اېدىلر...

¹ مامه قلدىراق: چىماق چىقىلماق.

² پۇله پان (پله پان): قوشلر نىنگ قنات چىقرمه گن ياكە اېندى گىنه چىقره باشلەگن بالەلرى؛ گۇدك بالەلرنى، ياشلرنى ابركەللىب آيتىله دىگن سۇز.

ئىم بىرار ياققە چىقىپ، اېشىكىنى يايىپ تورمىكلىسەلەر، آلەزىرك قلدىرغاچلار اۇق دېك اوچىپ كېلىپ، دېرەزمى ياكە تام مۇرىسىدىن مى كىرىشگە تلىپىنىشردى. مېن قلدىرغاچلارگە كۇپ باقىپ توردىم، رزم سالدىم. قلدىرغاچلار اۋتە تېزلىكدە ھوانى كېسىپ، آلتى تامانگە اوچە تورىپ اۋز ارا ملاقاتلرنى تاملنىشركن. اولرنىنگ تۇدەسى آدملىر جمىعتىدىن كۇپ ھم فرق قىلمىس اېكن. انسان بىلن قلدىرغاچلار عقل-ذكاوت تاماندىن بىر-بىرىگە جودە-جودە اۋخشش كۇرىنەدى.

كونلردن بىر كونى قلدىرغاچ جۇجەلرنى نىنگ چى-چىيلەگن تاووشى اېشىتىلە باشلەدى. آغىزلرنى كتە آچگن پۇلەپانلر اتە-آنەلرى تشقىرىدىن دان-دون تاپىپ كېلگۈنگە قدر، تېپەدن جىغ-جىغلىشىپ تلىپىنىشەدى. قوشچەلر يېگۈلىك كېلتىرىشى بىلن جۇجەلرنىنگ چى-چى تاووشلرى تابارە بلندلشەدى.

قلدىرغاچلرنى كۇپدىن بېرى كوزە تىب يورگن ئىم:

«اولر يېتتى كوندە بېشتە تخم آچدى. بىيگىرمە كون دېگندە، بالە قلدىرغاچلار اۋز اينىنى تىكلشەدى، -دېدى تېپەگە قرەب تورىپ.

اوبىمىزدە قلدىرغاچلر حىياتى كتە بىر بىتمىس داستان بۇلىپ قالدى. چىراقنى اۋچىرىپ، جاي-جايىمىزگە كىردىك بو كېچەسى.

اېرتەلب بروقت اويغاندىك. اتم الىكىن چىراقنى ياقىپ اۋرنىدىن توردى. مېن ھم اويقىم اوچىپ، كۇرپەدن سېكىن گىنە سىرپەنىپ چىقدىم. جفت قلدىرغاچلر ھم بالە قوشچەلرگە يېگۈلىك غملىش مقصدىدە بۇلسە كېرەك، اويەلرنى ترك قىلىپ اوچىپ كېتىدىلر.

بىر آزدن سۇنگ، چىغ-قىمىشلر آرەلب شىغىر-شىغىر سېس قولاققە چلىندى. پۇلەپانلرنىنگ چىغىللەگن آوازلىرى بارگن سىرى زۇرەيە باشلەدى. حىرت بىلن كۇز سالدىم؛ تېپەگە، قلدىرغاچلرنىنگ كوموش رنگ اويەسى تامان قاپ-قارە بۇغمە ايلان سودرەلىپ بارەياتگندى.

توزوكراق بىلىش مقصدىدە اليكىن چىراق نىنگ پىليگىنى كۇترديم. ججى قوشچەلرنىنگ آوازلىرى بىرىن-كېتىن سۇنە كېتىدى. سۇنگى پۇلەپان نىنگ تاووشىنى اېشىتر-اېشىتمس چىراق نىنگ ياغدوسى خىرەلشدى و بىردن خانەمىز تىم قارانغىلىك توبىگە چۇكىدى.

۲۰۰۶ - بهار فصلى

شىروروك، كىيىك - كانادا

۱۲. مکتبده سينگن کونگيل

مكتبه سينگن كۈنگىل

ايلس-ايلس اېسلەيمەن. بىر كۈن كېكسە بىالوۋىزى معلمى شۈندەي دېگەندى:
«مكتب! آدملىر بو نام قولقلرگە قنچەلر خوش معنا و ياقىملى جره نكلەگىنى توشونىب
حس اېتسەلر اېدى... بو سۆز بغيرىدە ياروغلىك، دانالىك و حقيقت ياتگىنى بىلسەلر
اېدى. ھەمەسى مكتبدن باشلەندى. مكتبدن قالدینگى آدم بۇلىب سىرە
يالچىمەيسن...». مكتب نىنگ يەنە بىر معناسىنى بىالوۋىزى معلمى ايتمەگن اېكن اۋشندە.
ايكىنچى معناسى مېنىنگ تقدىرىمدە كۈرىنىش بېردى.
مكتبه گپ كۇپ. مكتبنى قارەلاوچى، اونى «شىطان اويى، ياووزلىك مكانى،
دھرىلىك ترقىتوۋچى بوزوق خانە...» - دېگوۋچىلر ھم از اېمسدى بىزنىنگ قىشلاقدە.
مكتب حقىدەگى ھم ايجابى ھم سلبى قرەش ايلدىز اتگن زمانلر اېدى. آدم بالەسى
يخشى-يامان ايجىدە يشب، آخر-عاقبت بىرىنى تىلر اېكن.

۱

آدملىر اۋز بالەلرىنى مكتبگە يازدىرىشدىن قۇرقە ياتگن دۈر بۇلردى. «مال-حال، اېكىن-
تېكىن، رۇزغار بار»، - دېب اۋغىللىرىنى علاجى بارىچە مكتبگە يازدىرمەي، يشىرىشگە
اورىندىلر. كىمدىر بىراونىنگ مكتبگە چىقر بالەسى بار دېب، شىطانلسە بارمى، اۋرتەدە
كتە جنجل باشلىنىپ كېتىب، «بالەمنى چوغىللسن» - دېب بىر-بىرى بىلن يوز كۇرمىس
بۇلىب قالىشردى.

ايتىشلىرىچە كونلردن بىر كۈنى سر معلم صنفگە كىرىپ: «بالەلر! قىشلاغىزدە مەكتەپ باب آشنەلرئز بارمى؟» -دېپ سۇره گندە، قۇشنىمىزنىڭ اۇغلى ممدىار درآو، آدم قورىگن دېك مېنى ايتگن اېكن سر معلم گە. كېپن بىلىسم قاغازگە توشىمىن، اوىمىزگە مەكتەپ چىپ-راستى قىدىرىپ كېلگندىن سۇنگ، آتە-آنم بو گېدىن خىر تاپدىلر. پەھە! اونچە-مونچە گپ اېمس بو. اېندى قندەى بۇلەدى؟ مېنى مەكتەپگە قۇيىشسە، تىيى-تېزەكنى كىم قىلەدى؟ اۇتىن-چۇپ كىم تېرىپ كېلەدى؟ بازار-اوپچار، تېگىرمان، مال باقىش، چىلكب سوو كېلتىرىشلىرىنىڭ اۇزى بۇلەدىمى؟ بالەمى سن شولرنى قىلىشگە مجبورسن! سوپەگىنگ قاتمىسدن عايلەدەگى تېمىر قانۇنگە باش اېگىشىنىڭ شرط. مېنى مەكتەپگە قۇيىشگە ھىچ پىت راضى بۇلمەگن آتە-آنم، بىلمەدىم، نىمە بۇلدى-يو، كۇنگلى يوشب:

«شۇگىنە يم بارسىن مەكتەپگە، بىر نرسە بۇلر!» -دېگن خلاصەگە كېلگنلر. مېنىڭ آتىم عوض. بىر نرسە ھلىگەچە اېسىمدە يازىلگندەى تورىدى. آلتى كىلومتر يىاو يۇل يورىپ مەكتەپ باردىك، آتم مېنى مەكتەپگە يازدىردى. اۇزى اېسە قىتىب اىش-يوموشى يوزەسىدىن آرتگە قىتدى. اۇشە كۈنى-ياق، قۇلىمگە كىتاب توتقىشىدى مەكتەپدەگىلر. تىراقسىز بارىپ اېكىنم، بېتلىرى كتە-كتە كىتابىمنى اېتەگىمگە سالىپ آلدىم...

۲

مەكتەپ بىر تىپەلىكدە جايلىگن اېكن. تومىنات بالەلر، مەكتەپ مىدانىنى باشىگە كۇترگودېك شاقىن سالىپ اۇيىشەپىدىلر. اۇرتەدە بىر خوش ھوا حوض بار، شىشەدېك تىنىق سوودن تاشىب تورىدى. حوضنىڭ تېورەگىدە قلىن اېكىلگن مجنون تال و تېرەكلر آسمانگە بۇى چۇزىپ تورەدى. شىمالدىن سىلكىنەياتگن مجنون تال و آق قەيىنلرنىڭ^۱ ساپەسى، كىلپ اورىپ تاولنەياتگن سوو اوزرە تىترر، سوو اېسە درختلر

^۱ قەيىن: شىمال تاماندا اۇسەدىگن، تېرەك سىمان تىك، پۇستى آق درخت.

آق قەيىن: آق تېرەك.

يىراقلىرىگە اپپار ترەتىب اۋيىچ آلەياتىر اېدى. مەكتەپ ملازىملىرى قۇللىرىدە پقىر^۱ توتىنچە تېۋرەك-اىرافىگە سوو سىپىر، سووپورىب-سىپىرىب، مەكتەپ مەھىپىنى اىسايشتە توتىب، گىللىرگە بىر-بىر سوو بېرەدىر.

بالەلرنىنگ سووگە قرەتە اىلىگن ناللىرى، تەختە اۋچىرغىچ، بۇر، غۇرە، داۋچە و مىدە تاشلىرىدىن پىدا بۇلگن حلقە-حلقە موچلر حوزىنىنگ قىرغاغىگە يومشاق اورىلىب، قىرغاغىدە اېندى سىزە اورگن اۋت و اۋنلرنى مەيىن سىلكىتىب قۇيردى. مېن ھەم باشقە بالەلردېك، حوز سووئىنى تۇلقىنلىتىرىب، روھلىنىب اۋىنىشگە عشقباز بۇلىب قالىم. افلاس خالىدە اېمس شفاف انلرىنىنگ عاشقى بۇلگنمەن. سوو اۋرتەسىدەگى جىمچىمە تۇلقىنلرنىنگ تۇرت ياققە ترەلىشى بىر خالىت بۇلسە؛ قۇلىنىگە خىمچە اىلىب سوو بېتىگە چىلپىلىتىب اورىشدىن توغىلىگن موچلر باشقچە بىر منظرەنى چىزىب بېرەدى. اىنىقسە اۋمگىنىگنى تشىل ب سوودن شىمىرىب اىچىشنىنگ مزە باشقە بۇلەدى.

۳

ھلى صىنقىگە كىرگىمىز يۇق. بەھار. تامچىلىب تورگن يامغىر بىر از تېزلىشىدى. درخت يالەلرىگە اورىلەياتىگن يامغىر تامچىلىرى، يىراقلر اوستىگە دومەلب توشىر، كېىن كىتەراق تامچىگە اىلىنىب، لىمالىم حوز سووئىدە يانغاق دېك-يانغاق دېك قۇنغىراق خالى قىلدى. بىر پىت ھوانىنگ قباغى اچىلىب، بۇشەشىب يامغىر ھەم تىندى.

انە اۋشە كونى قۇلىمدە توتىب تورگن بىر بۇلك نانى سووگە باتىرىب، تىشلەيمەن دېب اېدىم ھەم كە، تىل گىنەمدەن بىنگك^۲ چقىب ادى. «آننىھ جان!!!» دېب چىرىللىب يىغلىدىم. ھىچ كىم خالىمدەن خىر اىلمەدى. تىلىم شىشىب، اغزىمگە سىغمەى قالىدى. اغرىق كوچەيگنى سىب اۋرنىمدەن قلقىب توردىم. سىلكىنىب تېرەنەياتىگن حوز

^۱ پقىر: چىلك، سطل.

^۲ بىنگك: ارىچە.

سوويدە، سىنىب-سىنىب تىتىرەياتىن سايمەمگە كۈزىم توشدى. گۈدۈك-مەن-دە. كىمىدىر كېلىپ يوپتسە كاشكى اېدى دېيىم.

۴

مېن عاجز و كەم گەپ بالە اېدىم. بالەلر بىلن ياقە آلىشىپ، مۇشتلىشىپ، مزەنگىلىك قىلەلمەگنىم دايم مېنگە دكى^۱ بېرىدى. اولر مېنى «قۇرقاق» -دېپ اۋستىمدن كولىشىردى. مېن اېسە اوروشقاق و جىگرىلىك قىلەلمىدىم. تىنچ-ايناق يشەى دېيىم - و، بېزارى بالەلر دۇپاسلىشىگنى دۇپاسلىشىگن. اولر مېنى اۋز حالىمگە قۇيىشىمىس اېدىلر. بولر نىنگ ھەممەسىگە آيرىم معلملر يىمىز عىبدار اېدى. اولر عوضنى شونداق قىلىنىگلر، دېپ بويورردى.

۵

دىنيانىنگ عذابىنى كۈرىپ بۇلسە ھەم مەكتىبگە بارىپ كېلەمەن. كۈپ پىتىلر اياق يلىنگ يۇل باسىپ بارەمەن؛ مەكتىبنى سكىزىنچى صىفگە چە زۇرغە اۋقىب كېلدىم. مەكتىبىم نىنگ اېنگ يىخىشى كۈنى تىش آغرىقەدى بىر گەپ اېدى مېن اوچون. شو قورىپ كېتگۈر مەكتىبگە ايزىللىب، يىغىل بارەمەن، بېزىللىب، جۈرەب قىتەمەن. اياق يلىنگ، يوپون^۲ احوالىمنى كۈرىپ بالەلر مېنگە نەقە تەقىب مەسخرەلشردى.

اۋقوتوچىلر مېنگە قۇيمەگن نامنى قۇيىشىپ چىققندىلر. مېنىنگ بىرگىنە ائىم كتە بىر شجرەگە اېلىنىپ كېتدى مەكتىبە. مەن اولر نىنگ بىر نېچە تەسى بىلن سىزلرنى تىنىشتىرەى: «عوض مەنقە»، «عوض شوم تەكە»، ائىمنى قۇشىپ ايتىش قىيىنلىك قىلدى شېكىللى، اولر مېنى يگە لقب بىلن اتەى باشلەدىلر: «بۇرداقى»، «پىكەنە»، «شۇر توشوق»، «پتاق»، «اېشك تېپگن»، «تۇلخومچە»، «جولقون باى»، «كۈچۈك غىجىگن»، «خىلمىك»، «تەرە»، «سۈتك»، «يېتىمچە»، «داودىر»، «اۋسر».

^۱ دكى: قىتق تىببە، تەذىر، كايىش.

^۲ يوپون: قىيىنچىلىككە قالگن، ناچار، اوستى-باشى خراب.

«پادەوان»، «تېيرەتىكن»، «ۋراق»، «تۇغەناق»، «قوربۇق»، «دۆلتە» ... بىر باشىمگە شۇنچە نام-ە! حىرانمن. كەم سېتىشلەر جانىمنى غىجەدەلەپ كېتەيپىدى.

سېقىلگىنىمدىن ۋاقىت تاپسىم ھۇس ياقەسىگە بارىپ، بالەلرچە سوو بىلەن دىرلشېب ۋەتېرەمن. بو ھقارت قىلىشلەر، طەنە تاشلىرىدىن قوتىلەي، دەپ شو ناملرنىڭ بىرىنى ھۇس سوويگە تىشلەماقچى بۇلەمن ۋەزىمچە. سوو مېنگە عكس صدا بېرەدى:

«يۇق اې! بىر كە تاپكور. مېنىڭ دىردىم ۋەزىمگە يېتەدى. كۆزگۈدېك يىتلىلەپ تورگن يوزىمگە تېكەن تاش، خىمچە، كېسكلەر، آياق سوقيب تېپەلشلەر يېتەپ آرتەدى ۋەزى» - دەدى. ھىچ نرسە قىلمسە-دە، شوگىنە سوو دىردىمنى اېستەيپىدى-كو، دەپگن ۋەزىگە بارەمن. ھەر نې يورەگىمگە تىسكىن بۇلىپ تورىپىدى. سوونىڭ مېنگە قرەب تېرمولىشلرىنى كۆرىپ تورىيەمن. روھىم سىنىپ، بىدىم ازانچە ققشەگن. اوستىمدە آغىر يوك، نې قىلەي باشىم اېگىك. تىنىم آرام آلسىن، دەپە قۇللىرىمى ھۇس نىڭ شفاف سوويگە سالەي، دەپ بىرماقلىرىمنى سووگە اوزەتەمن-دە، سوونىڭ: «تىنىم افگار، تىلكە پارە» - دەپگن سۆزى اېسىمگە توشىپ، بىردىن قۇلىمنى تارتىپ آلمەن. سوو بىلەن شىرىن گىنە اوچرەشووېمىزنى مەكتەپنىڭ تىنقىس قۇنغىراغى بوزەدى. يىنە ۋەشە سووگە تاش آتېشلەر، ياغاچ، كېسك، اخلت تىشلەر و ھتا توف آتېشلەر باشلەندى. بىر قرەسم، اېگم كل نىڭ كلەپوشى، غلام نىڭ اىستانى، خىدايېردى نىڭ چارىغى، مراد نىڭ تىراغى، سوو اوستىدە بىر باتىپ، بىر چىقىپ سوزىپ تورگىگە كۆزىم توشەدى.

۵

مەكتەدە مېنگە ۋەشەگىلەر تاپىلىپ تورردى. بۇلمەدى، بىر كۈنى ۋەزىم باي نىزەر بىلەن تىل بىرىكتىرىپ، مەكتەدىن قاچدىك. بو اىشىمىز باشىمىزنى غلۋەدىن بىر نېچە سەت اوزاق توتىشگە ياردەم بېرەر، دەپگن بۇلسك، بىراق، بىر كۈندەگى دىردىمىز اېكى بىرەر كۈپەيىشىنى ۋەزىم ھەم كۆرمەگن اېكىمىز افسوس، بدتر بۇلدىك...

انه اېندى آلدىنگده دريا، آرقه نكده آلاو. قه ياققه يورسنگ هم نتيجه بير. شوندىن كېين آتە-آنه گە بهانه تاپيله دى؛ مکتبگه اېسه آرقه گە پۇستك باغلب بارىشدىن اۇزگه چاره يۇق. ايشىمىز جر، ادير، يولغون^۱-سكساوول زارلر، بوزوق قىشلاق و خرابه لر، پنه-پسقمى^۲ تاپىب بېركىنىش اېدى. آخرى بىزنى چپ-راستىلر قىدىرىشىب تاپىب، مکتبگه سوردب، آلىب بارىشدى. اداره گە يقىنلشركنمىز، معلملر يلقاو^۳، تنبل، اوى وظيفه سىنى قىلمه گن و مکتبدن قاچگنلرنى سوله لشرگه كۆزىمىز توشه دى. اېتىم جىمىردب كېتدى. دغ-دغ تىتره يمن نوبت مېنگه كېله دى، دېب.

اۇشه پىت دهليزده هلى كلتكى كوتىب تورىشگن اۇقووچىلر هم بار اېدى. اولر خودى، محكوم و مظلوملرگه اۇخشىب، آغىزلرىده كاوش، ايكى قۇللىرى آسمانده تىك، بير آياق اوسىنده تورىشردى. بو آرهدە مېنى كۆرگن صنف باله لرى، «انه عوض باتىر، انه عوض باتىر!!» -دېشىب، قۇللىرىنى مېنگه بىگىز قىلىشردى جايدن تورىشىب. اولر نىنگ بونده ي دېب چقىرىشلىرىده جان بار اېدى. مېن كلتك-تياقدن پىشىب كېتگن اېدىم. آياغىم نىنگ تگى تىلىنىب، شپا تلىرىم، هيدە لگن بيرگه اۇخشىب، تېرى تىلب كېتگندى.

نوبت مېنگه كېلدى. مکتب اداره سى نىنگ سوو سېپىلگن سمىت ميدانچه سىده، آياقلىرىمنى ملازملر نىنگ سلەسى بىلن قتقىق باغلب يىقتىدىلر. تويه لاق دېك بۇكىرگنلر يم فايده بېرمه دى. حوض تېوره گىده اۇسىب ياتگن دسته-دسته درخت خىمچه لرى تېگر اېدى... تىرسك و تىزه لرىم بىلن اېمكلب يورىشگه مجبور بۇلدىم. هيچ كيم مېنى سۇراقلب كېلمه يىدى. شو آرهدە بىردن تنفسگه قۇنغىراق چلىندى. بير عمللب حوض ياقه سىگه يىتېب باردىم. بو گل حوض نىنگ مصفا سووى انچه كمه يگن، اولگى طراوتى كېتگن، لايقه؛ تىنىقلىگىدن نشانه هم قالمه گن. برگلرى

^۱ يولغون: سكساوول، گلى مېده، آقىش، مېده برگلى بوتە.

^۲ پسقم (پستقم): خلوت، آمدن خالى جاي، اولاق؛ پستك.

^۳ يلقاو: ايش ياقمس، دنگسه.

سۇلغىن درختلار خۇددى، مېنىگە رىھىمى كېلگەن دېك اېگىلىپ تۇرىدى. «كېل بىر گىرىم-لە يىشېرەي سېنى» -دېگەندەي. قوشلارنىڭ ئالدىنقى ھىجانلى چوغۇرلشلىرى يۇق...
 حۇس قىراغىدە ايككى گىنە پىستىك تېرە كچەلەر آرەسىدە سېكىن ئۈتېرىپ ئالدىم. سووگە
 حىسرتلە تېلمىرىپ قىرەيمىن. او مېنىگە رىھم دىللىك بىلەن باقەدى. ئۈرتەمىزدە ھىچ كىم
 يۇق.

راسە چىچە گىنەم؛ خىمچەلەر آغرىغىدىن كىرخت بۇلىپ شو جايدە پىنكىكە^۱ كېتىپ قالىمىن.
 بالەلىك توشىمىدە، بىر صحراگە باش ئالىپ كېتىمىن. ھىچ بىر ئابدلىك، سوو، درخت،
 ئېكىن-تېكىنلردىن درك يۇق. بىر زىمانلارنى يامغىر سووى آقنى دىشلەر تقىرگە^۲ ئىلىنىپ،
 قىرەپ ياتىدى. بىر قىرىچ ئۈسگەن شاخ-شېبە و بوتەلەر قاوجىرىپ قورىپ ياتىمىش.
 بىر تېپەلىكىدىن پىستىگە قىرەبىمىن. ئالىسدە تىكىلگەن بىرگىنە آق ئۈتاو دقتىمنى ئۈزىگە
 تارتەدى. تىلپاسلىنىپ، اونگە يېتىپ ئالدىم. ئۈتاونىڭ ئېشىكى ياپىق. ئىچىدە ھىچ كىم
 يۇق ئېكىن. ئۈتاونىڭ چىنغەراق^۳ و كېرەگە^۴ لىرىدىن مونگىلى اللە سىداسى قولانغىمگە
 ئېشىتىلە ياتىگەندەي. ئۈتاونىڭ چىغ-قىمىشلىرى ئۈز بىرىدىن ئىرىلىق كوئىنى تىرەتماقەدە
 ئىدى. شو اطرافدە مېن ئۇقىپ يورگەن مەكتەپ ھىم بار ئېمىش. ئۈشە كتە، ئۈشە عىجاب
 مەكتەپ بۇلسە نۇر بىقلىپ ياتىدى. مەكتەپ حۇسىنىڭ درختلىرى تىگ-تامىرىدىن
 سوغۇرىلىپ كېتىلگەنمىش. اوروشدىن قالىگەن وىرانەگە ئۈشەيدى. ئۈشە قىردان حۇسگە
 تامان سىلچىمىمىن. اونىڭ شىرىن گىنە سوويدىن سىپىرگىم كېلەدى... قىدەسەن ئېسىز
 مەكتىبىم!

^۱ پىنكى: اوىقى يېتىلگەن حالت؛ مودراق؛ ئۈ-خىال.

^۲ تقىر: گىبە ئۈسمە بىدىگەن قىتتىق بىر؛ بىداق، بىلناچ.

^۳ چىنغەراق: ئۈتاونىڭ اوستىكى قىسمىدەگى تۈبىنۈك چىمىرەگى.

^۴ كېرەگە: ئۈتاونىڭ قىمىشلىرىدىن ئىشلىنگەن دېۋارى.

حوض نینگ سووی قوريب قالگن. قویاش تفتیدن تگی مېنینگ تیلینگن قۇل-
آياغیمدهی ققرب یاتر، اېگم کل نینگ کله پۇشی، غلام صغیرنینگ کتابلری،
خدايېردی نینگ تبراغی، آچیل نینگ چیلیسی، جوره قول نینگ چاریغی، بۇری نینگ یازوو
تخته چەسی و نہایت بوزوق باشی «پشتو» معلمی نینگ سینیب یاتگن دستە-دستە قاره
خیمچەلری قوريب، قاوجیرب یاتردی.

۱۳. توشده گى اۋىلر

(فنتستىك حكايه)

توشده گى اۋىلر

(فتتستىك حكايه)

احتمال، سيزده هم بۇلگندىر بوندەى حالت. آتمدن قالگن اېسكى پخسه اويدە يالغىز
يشر اېدىم. اوى دېوارىدە بىر تابلو آسىغلىق تورردى. تابلو اوزرە اۋرگىمچك نىنگ اېسكى
تۈرلى چۈزىلىپ ياتەدېر. شو تابلودە صدفگە اۋخشەگن زرين سىنىق بىر كېمە دېنگىز
قىرغاغىدە جىلغەلر^۱ آرەسىدە، اۋز يۇللاوچىلردىن بۇشب، ساكن اۋمگىنى^۲ تشلب
ياتىدى. صدفسىمان بو كېمەدە بىر سيارەنىنگ تقدىرى نقش تاپگندى... شو
منظرەگە باقىب، اۋىچن بىر حالده پىنككە كېتىمەن اېكن.

شونقارگە^۳ اۋخشىب ماوي آسمان بغيرىدە اوچىب بارر اېدىم. جىمجىت قارانغى آسمان
قولاغىگە سىرغە تاقىب الگن انلر بۇلگىچ اېدى. كۈكدەگى غوج-غوج يولدولزلر سفردە
ساقىلگن زرگە اۋخشىب، يوكسك كائىناتدن بل-بل يانە ياتىب، باشىمنى سىلە ياتگندەى
اېدى گۇيا.

كۈكدن اېسە ياتگن پارىم گىنە اېپكىنلر مېنى قۇلمە-قۇل قىلىپ، اوە يەلەگنچە، اۈلكەلردن-
اۈلكەلرگە آشىرماقدە. بىردن كۈكدە شونغىب تۇغرىمدن كېلە ياتگن قويوق بولوتلر
تۇلقىنىگە اورىلەمن. بولوتلرنى كېچىب، مصفاً آسمان قۇيىنىگە يەنە اۋزىمنى آتەمن.
چېكسىزلىك تامان بېخواتر پروازىمگە دوام بېرىدىم. اۋزىمى جودە يم بېغبار و

^۱ جىلغە: تاغ و تاغ يان بغيرىدن آقىب توشەدىگن كىچىك ساي؛ يىلغە.

^۲ اۋمگن: سىنە، كۈكس.

^۳ شونقار: لاچىن سىمانلر ايلەسىگە منسوب كوچلى بىرتقىچ قوش.

يىنگىل حس قىلەمن. توشدە بۇلسىن، بوتون تشوئىش و آغرىقلرنى آرتدە قالدېرىپ، چېكىسىزلىك آغوشىدە اوچىپ يورىش، نېچاغلىق مراقلى بۇلىشنى اۋىلب ھەم كۆرمەگەن اېكىنمەن. بىر ھەم ياقىملى كە، او شىرىن لىھزەلرنى تەرىفلشگە تىل عاجزلىك قىلەدى. توشدەگى خىاللر قوچاغىدە آرام آلىش دېك راحت بىخش آنلر ترك اېتمسە اېدى كاشكى! دېيىمەن. بو يوكسكىلىكدە، فقط بىرگىنە، يامغىر ياققن توپراق نىنگ ھىدى يېتمەيدى خلاص. شو تاپدە، تېپەدن بېزاوتەلىب، آنە زمىنگە كۆز قىرى تشلەيمەن. بىردن احوال اۋزگرەدى. كۆزىمگە بىر سىيارەسى چىنگ-تۇزان، قىلن تومەن و قاپ-قارە توتونلر ايچىدە آغىر نەس آلەياتگن جان ذاتگە اۋخىش اېدى.

زىل دېك آغىر و قارە يوك بىر اوستىگە ياپىرىلە توشگن سىمان. يشىل سىيارەمىزدن، ھەر خىل تېمىر-تىرسىكلردن اجرەلەياتگن يشىن دُرەچەلرى، اۋتە اينگىچكە تىغ اوچى دېك بىدىمگە سىنچىلر، كۆككە قرەب اۋرلەياتگن^۱ زەرلى توتونلر، اۋقتىن-اۋقتىن^۲ نەسمنى قىسر، اۋتە كوچلى باسىم اېسە، مىيە تالەلرىنى اىلدىزلىرىدن قۇپارىپ تشلەگودېك اېدى. آچىق فضا دە ينە قىچەلر اوچگىنم ايسىمدە ايمس...

كېنگ بۇشلىق قەرىگە شونەب بارر اېكىنمەن، آلدىمدن آلتىن رىنگلى بىر صدف كېمە سېكىن سوزىپ كېلەدى. كۆرىنىشى دېنگىز صدفى نىنگ خودى اۋزگىنەسى. كېمە نىنگ قوئوروقلرى بۇلسە، قاوورغە سىمان پىررەلر بىلن قاپلىنگن. مېن صدف كېمە نىنگ يىرىم آى دېك ايلنە توشگن تومىشىغىدن اىچكىرىگە كىرىپ آلدىم. گىنىدگە اۋخشەگن صدف سىمان كېمە قايىغى نىنگ اىچكى تامانىدە سان-سناقسىز امضال نەقىشلىنگن. اللە قىسى يازوولر بىلن مېھرىنگن قلم اىزلىرى كېنە بىر تەمدن حقىدە نىمەلرنى دىر حكاىە قىلىپ تورىيدى. افتىدن^۳ فلاكتگە اوچرەگن سىيارەلردن قوتىلىپ قالگن كىملىرىنگ دىر

^۱ اۋرلەماق: بلىدگە قرەب كۆتۈرلىماق.

^۲ اۋقتىن-اۋقتىن: بىضاً-بىضاً، گاه-گاه.

^۳ افتىدن: تەخمىنەن؛ چمەسى.

حسرتنامەلرى يازىلگندەى بو يېردە. مېن ھم صدف سيمان كېمەنىنگ بىر چېتىدە «يېردن كۆككە اولاقىب چىققن بىر مسافرنىنگ سۆزلىرى» -دېب يىتىب قويدىم. اۈزى اوچر اوشبو صدف كېمەدە، قىتئىق جايلىشىب آلدىم. ھەدېمەى، بىر مېتى^۱ پلانېتكە^۲ بارىب قالىمىن. مېتى سيارەنىنگ كىچىك آرالچەسىگە، تون يىمىدن آققندە مورت گىنە قۇنىمىن. بو يېردە «چقەلاقلر مملكتىگە خوش كېلىسىز!» -دېگن بىتتىك كۆزگە تىشلىنىب تورىدى. اولر بىردن كېلەك دېك يانىمگە اوچىب كېلىدىلر. يېردەگى حىياتنىنگ اۈزگىنەسى اېمىش اولردە ھم. بىراق، فرقى شوندەى كە، ھمە ياق ساكن. بو يېرلردە منگو آسايشتەلىك حكمران اېمىش...

آغىزلىرى قىقىرلەگن كولگىگە تۇلە، لۇپى يوزلى چقەلاقلر خودى سوو پرىلرى دېك اۈز اۈلكەلرىدە قوشگە اۈخشىب اوچىب يورىشىدى. آق يوويىب، آق ترەلگن بوگىنە جىلر قووناق، تۇق حىياتدن اۈزگەسىنى كۆرمەگنلر؛ حتاكە تصور ھم قىلمەيدىلر. آغىزلىرىدە اېمىزەك، بۇيىن و بىلكچەلرىدە فىروزە مونچاق تاقىلگن كۆرىنىشە بۇلىش اېدى. چقەلاقلر باش برماغىدەگى تىرناقچەلرىگە باقسەلر بس، اولر تېگرەسىدە طرفە قۇغىرچاقلر حاضر بۇلىش اېكن. چقەلاقلر مملكتىدەگى حىيات طرزى، يېردەگى تورموش كۆرىنىشىگە اۈخشىب كېتر، بىرگىنە قانۇن-قاعدە و ترتيب جھەتىدن فرق قىلەدى اېكن. چقەلاقلر توغىلىب-آق، خوف-خطر، قۇرقىنچ، زۇرەوانلىك، ياووزلىك كىبى توشىنچەلردن ماسوا قىلىنگنمىش. مېنى كۆرگچ، پۇلە بانلر شاشقەناقلب حضورىمگە كېلىشىب سلام قىلىشىدى. اولر بىلن يىخىشىگىنە تۇيىب صحبت قورىمىن. سوال-جوابلر بۇلىدى آرمىزدە. چقەلاقلر بىرگىنە نرسەنى بىلىشگە قىزىقر اېدىلر. او ھم بۇلسە، چقىرىلمەگن مېھماننىنگ قەيپردن، قى سيارەدن كېلگىنىنى بىلىش اېدى. باشقە نرسەلر بىلن اولرنىنگ مطلقا اىشى بۇلمىدى.

^۱ مېتى: كىچىك.

^۲ پلانېت: سيارە، يولدوزچە.

بو صىحت-نىنگ مېۋەسى ۋەلەراق، «مىنگ بىر سۈالگە، مىنگ بىر جۈاب» كىتابى انە شو يۈرتدە يازىلىدى. كىتابنى يازىشدا تېكىشىر-تېكىشىرلەر، تىقتىش قىلىش مقصدلىرى اصلا بۆلمەگن. اپىنگ يۈمشاق، لىتىف و معتبر سۆزلەر بىلەن نەھايەتە تاپىگن بو كىتاب اىكى سىيارە حقىدە تۆلە مەلۇمات بېرەلەرمىش. كىتابنى قۇچاغلەگنچە ۋەلى سۈرىپ تۈرگن حالتدە، چىراقدىن ىنە كۆزلەرىم اۋىقىگە اىلىنىپتەدى.

بىرگە مىخلىگن و جۈدىم ساۋۇق قىنە تانگى شىئادە يېلە وىزەگىدن سېسكەنىپ كېتەدى. كۆز اچىپ قرەسم تۈشىم اپكن وا درىغ! باشىمنى ياستىققە قۇيگنچە، كۆزلەرىم اۋى دېۋارىگە بارىپ قەلدەلى. اۋى-نىنگ درز كېتىگن پىخسە دېۋارى بېتىدە بىر تابلۇ اسىغلىق اېدى. او تابلۇدە كۆم-كۆك دېنگىزنىنگ بۇيىدە، اطرافىدە التىن بلىقچەلەر اۋىنەياتگن صدف چىزىلگن اېسكى تابلۇ جانگە كىرىپ، مېن بىلەن سۆزلىشىپ تۈرگندەلى اېدى خىالىمدە. ماۋىس كۆزلەرىم بىلەن بو نادر تۈش ساىەسىنى اېسكى گىنە تابلۇنىنگ تىۋىرى ارقەسىگە مۇھەرب، صدف سىمان كېمە نىقىلگن منظرەسى اىستىگە چىزىپ ھەم قۇيىدەم. اۋزگە سىيارەدەگى كۆرگنلىرىمنى بىر كىتاب قىلىپ يازىدەم. اونگە «چقەلاقلردن» -دېب ات قۇيىدەم.

جىنورى، ۲۰۱۳

تورانتو، كانادا

۱۴. قىردن قىتگن مېھمان

قېردن قىتگن مېھمان

راوي حكايه قىلەدېر:

قىش يىقىنلىشىپ قالگن كۈنلر. توشگە قالگندە سىرچەلب قار ياغە باشلەدى. كېتىدىن شىيىئاتلب يامغىر ياغدى. تونلرى هوا موزلمە درجەدە ساووئىدى. مېن اوئىمدن كۈچەگە چىقىدىم. ضرور ايش يوزەسىدىن اوچرەشگنى بارەى-بارمەى قىلىپ، كۈچە بۇئىدە تورگن اېدىم. بېاختيار بېش-آلتى آدىم يورىپ يۇل ياقەسىگە يېتىپ باردىم. شو پەيت بىر شىخسى ماشىنە غىر اېتىپ كېلىپ يانىمدە توردى:

- يۇل بۇلسىن دۇستىم، چىقىنگ ماشىنەگە!

- ھارمىنگ اكه، -دېبە حال سۇرەشدىم و ماشىنەنىنگ آلدىدە اۇتيردىم.

- قەلەسىز آغم، -دېدى التفات بىلن ھىداوچى.

- رحمت.

- سۇرەشنىنگ عىبى يۇق، اكه قېردە ايشلەيسىز؟ -دېب سۇرەدىم ھىداوچىدن قىزىققن بۇلىپ.

- مۇرگدە^۱ ايشلەيمىن، -قۇلىدەگى ياندىرگىچ بىلن سگرتىنى توتەتەياتىپ، -دېدى ھىداوچى.

- ھزللشمەنگ اكه! -دېدىم اېتىم جىمىرلپ.

- راستىنى آيتەيپمىن، اۋلىكلرنى سقلەياتگن جايدە ايشلەيمىن.

- بىدىم ساووب كېتە يازدى اكه گېنىگىزدن.

^۱ مۇرگ (Morgue): اۋلىكخانە.

- نيمه گه؟

- اۋلىكىدن قۇرقەمن-دە، اكە!

- سادە اېكنسىز! اۋلىكىدن قۇرقىمىڭ، -قۇلىنى ماش و برنج ساجىگە اېلتركن، -آدم نىنگ تىرىگىدىن قۇرقىنىڭ اوكة، -دېدى اېللىك بېش ياشلردە گى هيداوچى.

- بىرى بىر بىلىگم كېلەدى-دە، مۇرگدە اۋزى نيمە ايش قىلەسىز؟ تىغىن گىمىنى ملال
المنگ برادر!!

- منە آينىڭ، منە بو گزىتەنى اۋقىب چىقىنىڭ آغە-اينى...

منزلگە ھم يېتىب آلدىم. ماشىندىن توشە ياتىپ جرىدەنى آلدىم-دە، پولىنى تۈللەدىم
ھيداوچى نىنگ.

اۋلىم بو - «تابو»، ياپىق و بېركىتىلگن بىر نرسە. اونىڭ سىرىنى بىلەى دېب، اىچىگە
كىرىپ بۇلمەيدى، اطرافىدىن ھم اىلنىشگە اذن بېرىلمەگن. نيمە بۇلگندە ھم اۋلىم
حقىدە اول-بول نرسەلرنى بىلىگم كېلەدى. اويىمگە بارىپ كتە قىزىقىش بىلن گزىتەنى
اچىپ اۋقىبە باشلەدىم، اوندە منە بولر يازىلگن اېكن:

سىرلى سىندىق اچىلمىش...

«...انسانىت اۋلىم آلدىدە ھمان عاجز. اۋلىمنى آدملىر وحشى لىرچە قبول قىلەدىلر. او بىز
اۋىلەگنچەلىك قۇرقىنچلى و جىركىچ حادثە اېمس. اۋلىم حقىدە ھر كىم ھر نرسە
دېدى. بىراق، علم نىنگ بو بارەدە انىق آيتەدىگن گىي بار.

ازلدىن بويان اۋلىم -«قايدەگىنى قادر بىلەدى»- دېگندەى بىر گپ بۇلىپ قالماقەدە.
علم نىنگ: «انسان ھر بىر تىرىك جانزاد كىي ياشىنى يشب، آشىنى آشب، حيات
كاروانىدىن اوزىلىپ قالىشى مقرر» -دېب قۇبە قالىشى نىنگ اۋزى يېترلى اېمس. دانالىك
نورلىرى بو ياپىق، منگو جىملىك نىنگ قىلملىرىنى يارىتماغى لازم. علم اۋلىمدىن كېىنگى
جرىانلر حقىدە آخرگى سۈزنى آيتىشى كېرەك. يۇقسە، باشىمىزدە خرافات و بدعت بىداد
قىلەۋبەرەدى. بس شونىدەى قىلىنمىس اېكن، علم ھم اۋلىم آلدىدە عاجز دىر. بو سىرلى

صندىقنى آچىشىگە عالملىر جماعەسى سۆز و فىكر آىتمسەلر-دە، آىرىم ايزقور شىخصلر اوشبو سرنى بىلىش و اونى آچىش مقصدى بىلن تشبثنى اۈز قۇللىرىگە آلەدىلر. آىتىشلىرىگە كۈرە، شرق مسلمان يورتلردە ۷۰-۸۰% آدملىر تىرىكلەيىن كۈمىلرمىش. باشقە دىندەگى اۈلكەلردە ھم معلوم درجەدە انسانلر چلە كۈمىلركن. حتا، رواجلىنگن دولتلىردە ھم، آدمنى «اۈلدى» دېب، تىرىكلەيىن كۈمىش حاللىرى ھم اوچرب تورەدى...

تاكە دولتلىر اۈلېم سىرىنى بىلىش اوچون سرمايە ياتقىزمس اېكن، انسانىت اۈلمسدىن كۈمىلىشىگە محكوم اېتىلەوپرەدى. زىرا، آدملىر تۈلە-تكىس اۈلمسدىن، تورلى-تومن بىختىسىز واقەلر ياكە طبعىي روشدە بىر مدت يورەگى تۇختب قالىب، مېيەدەگى برچە معلوماتلرنى وقتىنچە يۇقاتىب قۇيىب، شو كويگە توشىب قالەوپرىشى ھم ممكن!«

يۇقارىدەگى مقالەنى اۈقىب وھىمەگە توشدىم. اللە قندەى تقدير بىلن كۈمىلگن مىنگلب مرحوملرنى اېسلب اېسىم چىقەى، دېدى. نختاكە شونچە انسان تىرىكلەيىن كۈمىشىگن بۇلسەلر-ھە، وا درىغ دنيا! -دېيىم اۈزىمچە.

گزىتەدە اۈقىگىنىم معلومات ايچكى دىيامنى اعدر-تۇنتر قىلدى. بو جىركىچ صحنە روھىمنى قبض قىلىب آلدى. ھر لحظە اۈلىب كېتەياتگندەيىم خىيالىمدە. شو اۈقىگنلرىم باشىمگە توشەياتگندەى گۇيا.

ھلى، كۈز كۈرمەگن سودالر اوچون كىم بىلن خىرتكلشەسن؟ -دېيىم ايچىمدە. آدم ايسىق جان، قان باسىمى كۈترىلىشى ممكن؛ دايم روھى تارىقىش و اضطرابلر ايچرە يشەيدى آدمزاد. طبابت عالمىدە كلينىك اۈلېم حادثەسى بار نرسە. تورلى سببلرگە كۈرە كوماگە كېتەياتگنلر سانى قنچە؟... اۈلېمگە علمى تشخىص قۇيىلمس اېكن، احوال اۈزگرمەيدى.

ۋىلىكلەرنىڭ آرقەسىدىن آبرو آخترەياتىڭلارگە، قارىن باقىب، كۈن كۈرەياتىڭلارگە انصاف بېرسىن ۋزۈ؛ شوم نىت، يوها، كۈتەنى^۲ مالارگە تۈزىم بېرسىن، دېمىن خىيالىمدە. بو نې شرمندەلىك؟! قانىڭ ساويمىسدىن آلىب بارىب گۈرگە تىقىشىسە-يە! دەشت اېمىمى؟... شو ۋىلەر مېنى ترك اېتمەدى. تىرىكچىلىك تشويشلىرى بىلن قاوريلىب يشەسم-دە، ۋزىمنى بىر لحظه بۇلسىن ۋىتە آلمەيمىن.

كونلردن بىر كۈنى يۈرەگىم بې حضور بۇلىب، باشىم آلىنىب، كۈزىمنىڭ آلدى قاراغىلىشىپ كېتدى. ھۇيىققىمىدىن يانىمدەگى اوستونى اوشلىشگە زۇرغە اولگوردىم... آرەدن قنچە وقت ۋتگىنىنى بىلمەيمىن. باشىم اوزرە يىقىنلىرىم فرىاد سالىب يىغلەياتىڭدى. ئنم بېچارە ساچ يولىب، آتم اېسە ياقە بىرتىب كۈز ياشى تۇكماقەدە اېدىلر. انچە ۋتىب، تېۋرەگىمدە كېچەياتىڭ نرسەلرنى بىلىب تورىمىن. جىگرلىمگە بلند آوازە: «قۇرقمىڭلر مېن يىخسىمىن، بىر آز يۈرەگىم بوزىلدى» -دېدىم ياتىڭ جايىمدە. ھىچ كىم گىمىنى اېشىتمەدى. جان تلواسەسىدە قتتىق بقىردىم. گىمىگە جواب بۇلمەپىدى. مېن احوالىنى بىلىب تورىمىن. ياش اولوغلر مالانى چقىرىب كېلتىردىلر. قرشلىك بىلدىرىشىم فايدە بېرمەدى. برى بىر ملا بۇلسە، بىردن ياسىن توشوردى. مېن ولدېرەمىڭ، يىغىشتىرىنىڭ بو سۇزلرنى اېشىتىشىگە طاقتىم يۇق، -دېدىم تاوشىم بارىچە قىچقىرىب. جىگرلىم آيرىلىق سۇزلرنى آيتىب يىغلىشدىن تۇختمەپىدى.

قۇلىمدن اوشلىڭ تورەمىن دېدىم. جواب بۇلمەپىدى. مېن ھلى ۋلگىنىم يۇق، دېگن سۇزنى قولاقنى بىرتىگۈدېك درجەدە بۇكىرىب آيتىدىم. ھىچ كىم گىمىگە قولاق آسمىدىن آدملر ۋز ايشلىرى بىلن بند. مېن اولر نىزدىدە ۋلىكىمىن.

كىم دىر جىمىنى باغلىدە، كىم دىر آياقلىرىمىنىڭ باش برماقلىرىدىن باغلىشىدى. بىردن:

^۱ يوها: برچە جانوارلرنى ارەلش بېب، يوتىب يوبارەدىگن افسانەۋى مخلوق؛ بېب تۇمىس، آچ آفت.

^۲ كۈتەنى: بېب تۇمىس، آچ كۈز.

«بۇلىنگ، تېزلىتىرىنگ، جنازەنى وقتلى راق اېلىتىپ توپراققە تاپشيره يلىك. جمعه كېچەسى! خدانىنگ عزيز مېھمانى بۇلەدى» - دېدى ملا رجب اوزون تىسپىحنى آغدره ياتىپ.

اېندى بولر مېنى تىرىكلەيىن كۇمىشەدى، دېب تاووشىم چىققنچە بقىردىم آخرگى مرتە. كۇپچىلىك نىنگ يىغى-سىغىسى، گوجوم آدملىرىنگ غلە-غاوورىدىن قولاقلىرىم بىتەى دېدى. كۇپ اۋتمەى مېنى كۇرپەگە اۋرەب غىسلگە-يويىنتىرىشگە آلىب باردىلر... كېين تابوتگە قۇيىشىدى. قىي-چوو كۇككە كۇتريلىدى. كۇپچىلىك بۇلىشىپ مېنگە جنازە اۋقىشىدىلر. سۇنگ قىرستانگە آلىب بارىشىدى... سناقلى دىققەلردن كېين لحدگە قۇيىشلىرىنى بىلىپ توريىمن. تاماغىم قىرىلگىنىدىن اۋازىم اۋچىپ قالگن... يىنە هوشىمنى يۇقاتىپ، اۋزىمدن كېتىپ قالىىمن. اېنگ آخرگى سۇزىمنى آيتەلمەدىم... قزىلگن يىنگى قىر اوزره آلامان^۱ تۇپلىنىشىپ توريشىدى. گۇركاو^۲ و يىنە بىر ايكى آدم قۇلمە-قۇل قىلىشىپ مېنى قىرگە قۇيدىلر. يىنە اېسىمنى يۇقاتىيىمن...

كىم دىر:

- يوزىنى قىلەگە قرەتىنگ، - دېدى.

يىنە كىم دىر:

- كېسكده يازىلگن كلمەنى مىنگلەيىگە قۇيىنگ، دېدى.

مېنى كۇمدىلر. مراسمدن كېين مزارىمنى ترك قىلمىسدىن:

«هوو مىسلمانلر! آيتىنگ بو آدم قندەى آدم اېدى!» - دېب ملا امام آدملىردن سۇره گندىر. دىفن مراسىمگە قىتىشگىلر بىر اۋازدىن:

- يىخسى آدم اېدى، دېب يالغان شهادت بېرىشىگندىر. دىنىمىزدە تىقىە قىلىشىگە رخصت اېتىلگن - دە. شونىسى آيەنچلى كە، اۋشە مراسمدە هېچ كىم:

^۱ آلامان: خلق، مردم

^۲ گۇركاو: قىر قىزووچى، قىر كىن.

- بو آدمى تىرىكلەيىن كۆمىدىنگىز، -دېب آيمەگن افسوس.
... بىر پىت قرەسم ساووق و قوباش تېگمەگن يېرىنىگ نىمى آرقەمگە موزدەى تېگەيىدى. بورنىمگە توپراق نىنگ ھۇل ھىدى كېلىب اورىلدى. اېندى مېن يارىق دىنيانىگ مصفا ھواسىدن ماسوا اېدىم.

اۋلگىنمە غىيت، مىش-مىشلردن فارغ بۇلمىدىم، دېيىم قىسقە اۋى-خىاللار اىچىدە. بو مكانگە بې وقت كېلتىرىپ قۇيگنلرى الم قىلماقدە اېدى. بىر پىت كۆزىم اچىلىپ كېتدى. جىسىم ياتگن قنغىسىگن ھوا ھىدى و تار، قاب-قارانغى جايدن باشقە ھىچ نرسە يۇق اېدى بو يېردە. جان ھىمەسى بىلن لحددن باش كۆتردىم. انكر-منكر اېسىمگە ھم توشگنى يۇق. يىخسى ھم كە كېلمەدى...

او بېرحم مېندن عربچە سۇرەسە نىمە دېب جواب قىلەمن. اولر اۋزبېكچەنى بىلىشمە؟... يېتى باشلىك ايلان، گرز، قىل كۆپرىك اېسىمگە ھم كېلمەيىدى. اگر اۋلسم، قندەى ساووق و ياقىملى ھوا كە مېنىگ تىنچلىگىمنى بوزمەيىدى... شونىسدن راضى اېدىم اۋشندە.

كېينراق، قېردە اويغايىب كېتدىم. بىردن: «ياتگن گۇرىنگ كېنگ بۇلسىن، دېگن مقال اېسىمگە توشدى». نىمە قىلەى، آسمان بلند بىر قىتىق. فكر و ذكرىم قېردن چىقىپ قاچىش. بونىنگ علاجى بارمى اۋزى؟... حىات بو - فقط حركت. ايكى قۇلىمنى ايكى يانىمگە تىرەب، بار كوچىم بىلن تورىشگە چىرەنىب¹ حركت قىلدىم، فايده بېرمەدى. قاپ-قارە تېرگە باتدىم. نفسىم بارگن سايىن قىسىلەيىدى. اۋز اۋلىمىنگ نىنگ تماشچىسى بۇلىشدىن كۆرە دەشتلىراق صحنە بۇلمسە كېرەك حياتدە.

اۋنگ تاماندن سۇلگە تۇلغىب اۋگرىلدىم. يورەگىمدە قېردن چىقەمن دېگن اميد ھلى سۇنگىچە يۇق. ايكى تىرسگىمنى يېرگە تىرەب لحدنىگ آياق تامانىنى تاوانىم بىلن

¹ چىرەنماق: بىرار مقصددە بار كوچىنى ايشگە سالىب حركت قىلماق؛ كوچنماق.

سېلىت-سېلىت تېپىدىم. آياق سَرىمدە بۇشلىقنى اېسلتگووچى گوم-گوملەگن آواز اېشىتىلدى. زلوارلى تېپىشگە دوام بېردىم. تېپكى شىتيدىن بىر تۈدە توپراق پىستگە نورەب توشدى. اۋيىلىپ قالگن اېسكى قىر ارقەلى يېتىپ كېلگن ساووق قىنە شىمال دىمىقىب ياتگن لىد ھواسىنى يىنگىلەدى.

آھ دېب، تۇيىب-تۇيىب نىفس اَلدىم. ارقەمگە سىلجىب، اۋيىلىپ اچىلگن تېشىكىدن تىمىرسكىلىنىپ چىقىدىم تشقىرگە، سۇنگ اېسكى اچىق مزارگە توشدىم. اَلدىن اۋلگن مرحوم نىنگ جىسىدىن نىشانە بېرمەدى. كىنىم بىلن آياق اوستىدە تىك توردىم. بولوتلر سوزەياتگن آسمان دقتىمنى اۋزىگە تارتدى. قنى اېندى اچىق ھوادە كېزىپ يورسىم. اَعزىمگە كېلگىنىنى سىندىراقلىب ايتسىم، ھىچ كىم مېنگە بىر نرسە دېمىسە. حىياتدە كېچىكىدىم شېكىللى!

قوياش باتىشىگە ايكى ساعىتچەلىك وقت بار اېدى چمەسى. تېرىسى تارتىلگن كىيىكدەى كىنگە اۋرەلگن حالدە تېپەلىكىدن اطرافگە قرەدىم. مزار اطرافىدە قۇيلر اۋتلىب يورگن اېدى. مېنى كۇرگن قۇيلر بىردن ھوركىدى و گورىللىشىب قاقىشىدى. وضعىتىدن خواطىرلىگن چۇپان اَلەزرك¹ بۇلىب قالىدى. نىمەلر يوز بېرگىنىنى يىخسى پىقەمەدى.

- بو مېن، اېلمراد اكه! مېن اېشىمت بۇلەمن، -دېدىم.

- اې توبە يې! بو يېرلردە نىمە قىلىپ يورىبىسىز اېشىمت اكه، -دېدى چۇپان.

- سىز سۇرەمىنگ، مېن ايتمەى، -دېدىم.

باشىمىدن اۋتگن كىلقتلرنى بىر-بىر توشىنتىردىم اونگە.

- مېن اۋلمەگن اېدىم. تىرىلگىنىم ھم يۇق...

- توشىنەمن.

¹ اَلەزرك بۇلماق: او ياق-بو ياققە بېسىراجام قرەماق، نىگ-جىنگ بۇلماق.

دراۋ بىر گپ اېسىمگە توشدى. ايرىم-سىرىملرگە كۈرە، اۋلىك نىنگ قىتە تىرىلىشى نحس-ياووزلىك دېگنى. اونى اورىب دۇپاسلب اۋلدىرىشەدى...

- كۇرىب تورگىنىگىز احوالده - كفنده محلەمگە بارىشىم ممكن اېمس. مېنى تاش باران قىلىپ اۋلدىرىشەدى. قىامتلىك اكەم بۇلىنگ، بارىب عايله مگە، اكە-اوكلەرىمگە ياتىغى بىلن توشىنتىرىنگ. اولر وهىمەگە توشىب، قۇللىرگە مىلتىق، كلتك كۇترىب كېلىشمەسىن ينه. مېنى كېلىب االىب كېتىشىسین بو بىردن. بو گپدن باشقه هېچ كىم خبر بۇلمەسىن، -دېدىم چۇپانگە.

- سىزگە يالبارىب، اېلىنب ایتگنلىرىم منە شولر.

چۇپان گپلىرىمنى دقت بىلن اېشىتركن، حىرت ياقەسىنى اوشلەدى.

- خاطرىنگىز جمع بۇلسىن اكە، دېگىنىگىزنى قىلەمن البته! -دېدى و يوگۈرە سالىب، ايكى چقىرىمچەلىك محلە تامان يۇل االىدى. كېچقورونگى شمال تىمگە تىغدهى سىچىلر اېدى.

مېن اېسە ساووق قاتگىمدن يوپقە كفندن اىسقىلىك كوتىب اۋتىرگنچە تىترەيمىن. قولاغىم اىستىده قىرستان مردەلرى نىنگ عالم-عالم حكايت، شكائت، آه و نالەلرى، غم و حسرتلرى اېشىتىلەياتگندەى.

اولر مېنگە:

«قوم و قىرىنداشلرىمىزگە بارىب ايتىنگ، اولر خرافاتدن باش كۇترسىنلر، اۋزلرى توشىنمەگن ناغره اىستىده اۋىنمەسىنلر. بارسە-كېلمس منزل نىنگ يېمەگن سامسەلرىگە پول تۇلەمەسىنلر. بېرىلگن عزىز عمر نىنگ قدرىگە يېتسىنلر. اېرتك و افسانەلرنىنگ يالغان دغدغەلرىگە اوچونمەسىنلر» -دېماقده اېدى گۇيا!

آرەدن بىر ساعت اۋتر-اۋتمس اكەم اېگمبېردى، اوكەم خالمراد، گل شفتالو رومالگە سالىنگن كىيىمنى كۇترىشىب كېلىشىدىلر. اىز-چوو بىغلىشگە توشدىك. بىر-بىرىمىزنى سېوېنچ كۇز ياشى ايله بىغىرىمىزگە االىدىك. تۋىب-تۋىب قوچىشىدىك بىر-بىرىمىزنى.

يىقىنلىرىم ھەر قىلەي توشىنىيدى، نحس دېب مېنى قىتە اۋلدىرمە دىلر-كو! خىرت، دېدىم
ايچىمدە. يىقىنلىرىم ساووقدن اسره نىش مقصدىدە اېلمراد چوپان نىنگ كېپه نىگىنى^۱
اېگنىمگە كىيدىردىلر. اولر مېھمانىگە اوخشە تىب مېنى سېكىن اويگە ائىب قىتدىلر.
قالگن عمرنى يشب كېتىشىم، مال سۇيىب قان چىقىرىش، خىرات اۋتكزىش، ملالرنى
تاماغىنى مايلشگە حاجت يۇق... دېيىم اىچىمدە.

^۱ كېپەنك (كېپەنك): اىچى كىگىزدن بۇلگن چكمان، چاپان.

۱۵. اپوریلیش

ابوريليش

عذر، قهرمانىمىزنى ھەر تامانلەمە تىنىشتىرەلمەيمىن. بو اۈسل^۱ ايش. چونكە بىزنىنگ جمعيتىمىزدە شىرىن يالغان اپرتكلرى حكمران دىر!

عبدالله اكە بىر كۈنى چمەسى منە شولرنى مېنگە ايتىپ بېرگن ابدى:

ابندى مېن كىملىگىمنى بىلەي، دېب كۇپ اۈيلەدىم. اۈزلىگىم و اچىمدە كېچەياتگن توغولرىم حقىدە سىز بىلن بىر دردلشەي:

قرەسم ياشىم انچەگە يېتىپ قاليدى. اۈيلب كۇرسم منقورتلشىب بۇلىمىز. بىز يالەلرى كېسىلىب، يىراقلىرى يولىب الىنىب، موتەلنگن^۲ و قورىب قالگن توت درختىگە اۈخشەيمىز.

حىات درختىنىنگ اچىق و درز كېتگن كاۋەكلرىدە قورت-قومورسقلەر اويە قورىب اَلگنلر. بىر-ايكى قتيق تېپكى بىلن بو ملت درختى بىر كۈنى قولب توشىب، قارە بېرگە منگو باش قۇيىشىمىز بار گپ. بىز اۈزلىگىمىزدن بوتونلەي اجرەلىب، قارە خلققە اىلنىب قالگن بېچارە آدملىرىمىز... بىلەمن بو گپلىرىم كۇپچىلىككە اغير باتەدى. بىراق، نە چارە «ايتىسم تىلىم، ايتمەسم دىلم كوير». اما، شولردن كېين:

توشدە كېچگن ارمانلر

ياروغ عالمگە كېلىب، ازدالىك توشنچەسىنى انگلشىم بىلن اۈزىمىنىنگ كېلىب چىقىشىم بايىدە، كۇپ اۈيلەي باشلەدىم. باشىدە، نوايى بابامىزدن اۈقىگن بىر حكمتلى سۇز

^۱ اۈسل: يرەمس، يامان؛ بىمعنى.

^۲ موتەلەماق: قىرقيب، اوچىرىب ياكە كېمىرىب پرچەلەماق.

مېنىڭ يوره گىمگە غلغله سالدى. اولوغ نوايى: «ابل نېتىب تاپگەى مېنى، گر مېن اۋزىمنى تاپمەسم!» -دېگن اېكنلر. شو دانا فكرنى اۋقىب اۋزىمنى ينه بىر قىتە تاپىش و آچىشگە اورينه من. ارمانلى دنيا-دە!

تارىخىمىزنىڭ اۋنقىر-چۈنقىر يۇللىرىگە كىرىپ چىقە من... بو الاولى يۇللىرىنىڭ كۆپى غالبلىك بىلن كېچگن... بىراق، مېنىڭ زامانىم اېسە، مظلوملىك، محكوملىك، منقورتلىك و مغلوبىتدن باشقە نرسە اېمس. نېگە شوندى؟ -دېب اۋزىمگە سۇراق بېرە من. بوگونى و اۋتمىشىنگى بىلىش قىزىق -دە، بىر بىر. آنكىمىزدە توگون بۇلىب قالگن ايرىم حالتلرنى آچىشگە شاشىلە من.

بونى تقدىر دىدىلر!

ملتىم - توركى خەلقلرنىڭ بىر بۇغىنى سنەلمىش اۋزىبىك دىر. بونى ھىچ قچان تانمەيمىن¹. مېن ھم برچە بشر اولادى كى بىر انسانمن. لېكن، باشقە بشر فرزندلرىدن بىر فرقىمىز بار. اولر اېركىن دىرلر، نام و نشانلرى ھم اۋز جايىدە. بىزچى؟ يۇق! اولردەى اېمىمىز. اولر اۋز حقوqlرىنى بىلىشە دىلر... تىل و ملتىم خصوصىدە اۋىلر اېكنمن، قرەسم بونى ھم بىزدن تارتىب اىب قۇبىدىلر؛ حجتلردە بىزنى افغان، دېب يازە دىلر! بو - دنىيادە مىلى كۆرىنمەگن ظلم اېمىمى؟

ملت-كو قۇلدن كېتگن. چونكە ھىچ كىم مېن اوغان اېمىمىن، -دېب ايتەلمەيدى-دە. پالوان آغىزلردن بىرى يۇق! -دېب ايتسەلر بارمى، بىر مىشت اوندىن نېچە پتىر بۇلىشىنى يىخشى بىلەدى اولر. اگر ايشانمىسەلر بىرار اوغانگە سېن «اۋزىبىكسن» -دېب ايتسىنلرچى؟ كۆزلىرىنى بارىب لىندىن آچە دىلر...

تىل كۈنگىل كىلتى

راستى گپ، بو حقدە سۇز آچىشدىن شىرمىندە من!

¹ تانماق: انكار قىلماق، رد اېتماق.

تېلىمىز ھەم ئۈزىنىڭ سۈنۈڭىسىنى ئاغىر نەفسلىرىنى ئالەپپىدى. سۆزلىرىمىز كوز پىراقلىرىگە ئۇخىش ئۈزىنىڭ ھەمىشە نوقىران درختىدىن ئوزىلىپ، يېرگە تۈكىلىپ توشەپتاتىر. مەكتىپلىرىمىز ئاقتىدىن، بو تىلىنى قۇش قۇللىب ئايب بارىپ، قىرگە قۇيەدىلر شېكىللى. «كۈترە ئلمەگن تاشنى ئۇپىب يېرگە قۇي» -دېب ئىتگنلىرى دېك. مەنە بونى حەقىقى «دانالىك» دېسە بۇلەدى. بوندىن او ياغىگە ايشلىرى يۇق. سىبى اولر بو تىلدە ئۇقىمەگن ئېمىشلر. قىامت قايم بۇلگۈنچە ھەم تۇلە سواد چىقرە ئالمس ئېمىشلر! دېمك، بو تىلگە احتىياج ھەم يۇقگە ئۇخشەپپىدى.

نورەب بارەياتگن ئۈزلىك

ئېندى، ئۈزىمىزنىڭ شەخسى حەياتىمگە نەزەر تىشلەيمەن. ئازلدىن بېرىلگن نەرسەلرنىڭ بىرىنى يۇقاتىپ بۇلىمىز-!! مىلى قەدرىت و ئۈزلىگىمىدىن بېلگى-ئلامەت قىدىرەمەن. اولىگە، يىش تۇرگن اوپىمىگە باقەمەن. مىلى لىكەن، يەنى ئۈزلىگىمىزدىن ذرەچە بۇلىسەن نىشانە قالمىدى. وای دادا! -دېيمەن.

اوپىمىزدە اول-بۇل نەرسەلر بار ئېندى بىر زامانلر. اولردن ھەم ھىچ نەرسە قالمەگن. اىچىم زردابگە تۇلەدى. ھەم نەرسە ایلان-چىيان بۇلىپ، چقە باشلەپپىدى. باشقە نەرسەلر حەقىدە ئۇلىشدىن تالەمەن. چرچەيمەن، بار ابى، -دېب قۇل سىلتب قۇيەمەن. تىشويىشلر اىچىمىدە خۇدۇ، اىن قۇرىب ئلگنەدى. شوندىن كېين اوروغ-ايماقلىرىمىنى سۇرىشتىرەمەن. ایلدىلرلىمىنى تاپىشىگە حەركەت قىلەمەن. فايدەسى يۇق. كىم مېنگە توشىنتىرىپ ئۇتيرەدى. بابام، مامەلر اللە قىسى يىللردە ئۇلىب كېتىشىگن.

يىش تۇرگن اوپىمىزدە قەلم، كىتاب، قاغازدىن دەرک يۇق. آتە-بابالىرىمىنىڭ چىنقىرەگن رۇحلىرى باشىم ئوزرە گىر-گىر ایلنەدى. اولر كىمگە تىكىلىپ:

بىز اللەنىب ئۇتدىك بو دىئادان جگىرىم. شېھەسىز يىش، غرىب و مەناسىز عەمر كېچىرىدىك. دېماقەدە ئېندى. ئۇرنىمىدىن تۇرىپ تۇرت تامانىمگە قەرەيمەن. بىراو مېنى

«كافر» دېب توتىب كېتىشىدىن قۇرقەمن. اېنگ آسان بو ايشگە برچەنينگ قۇلى يېتەدى. بو گېنى آيتىش اوچون اۇقمىشلى، آنگ و شعور اېگەسى بۇلىش كېرەك اېمس. شېهەلرېم اېچىمگە سىغمەى، تاشىب، كۇزلىرىمدن تۇكىلەى، دېبەپدى... شو اويدە آتمدن قالگن بېرگىنە رنگى-قوتى كېتگن، چنگ باسىب كېتگن سىرىق كىتابنى رېدن^۱ توشىرىب، قۇلىمگە آلىب ورقلشگە كىرىشەمن.

منه شجره ياكە شۇر پېشانە

آتىم عبدالله. آتمىنىگ اسمى عبدالرسول صوفى، آتمىنىگ آتەسىنىگ آتى محمد على اېشان، بابامنىگ آتەسىنىگ اسمى اسدالله خواجه، كتە بابامنىگ آتەسى خليفە عمر، عمرىنىگ آتەسى حاجى عثمان، اونىنىگ آتەسىنىگ آتى ملا صديق، اونىنىگ آتەسى اېسە، مولوى سلام اېكن... شو يېردە يىخشى يم كە فالانى پېر، پىستكانى اولياگە بارىب يېتمەدى گپ. قورىگن بولاققە اۇخشىب شجرەمىنىگ كېتى اوزىلدى. بۇلمسە، مقدسلىشىب بارەوپرىشىم تورگن گپ اېدى. يىخش يم كە عايلەمىزدن كىم دىر اۋزىنى مېن «تنگرى» -دېب آيتىب يوبارمەگن. تۇغرى-دە، سەهل نراققە بارسنگىز خلاصە شو بۇلردى. منە بونى عربلىشىش دېدىلر. بىرار عربچە سۇزنى تىلگە آلىش بىلن تۇغرى جىئدە مكان آيلەگن دېك بۇلەدى آدملىر. بىزىنىگ جىزىرەگە اۇخشەگن مىيەمىزگە ياتلىشىش^۲ اوروغىنى اېكىب كېتگنلر. اوندىن ھلاكتدىن باشقە نرسە اۋسىب چىقمەپدى. بو شجرەنامە مېنىگ بختسىزلىك طومارىم اېدى. اېندى طومارچە سوودە يوویش و يېرگە كۇمىشگە ھم لايىق اېمسدىر. اۋتمىش بىلن ھىچ نرسە قىلىب بۇلمەپدى اېكن! آتە-بابالر باسىب اۋنگن جر ياقەسىدىن يورمىگ، دېب آيتىب بۇلەدىمى؟ انە او، زنگلەگن قورال ايشىنى قىلەدى برى بېر.

^۱ رپ (رفع/فعل): قرآنى اۋشنگە قۇندىرىش مقصدىدە تام دېۋارىنىگ بلىند قىسمىدە تىرەب اۋرتىلگن چۇپ تختهچە.

^۲ ياتلىشىش: بېگانەلىشىش، اۋزگرىش.

اېسكىرگن طومارچه

شولردن كېين مېيەمدە تورنە قطار سواللر توغىلە باشلەيدى. بابالريمىزنى ايج-ايچىمدن قرغەى كېتدېم... اولر آخرت اوچون عربگە اينتيلەو بىرگنلر. اولرگە:

تۇغرى جنتگە بارماقچى بۇلسنغىز، اۋزىنگىزنى بېرە تۇلە «عرب» دېب اعلان قىلمەيسىزىمى برکە تاپكورلر؟ - دېيىمىن. بېچارە خدانى آوارە قىلىشگە بلا بارمى اېدى؟ - دېدېم اچىيغىم چىقىب. بو نرسە تگى كۇرينمس جنجال اېكن. شوندىن كېين حياتيمدە چوقور اۋزگرىش يەشگە قرار قىلدىم. بوگوندىن باشل:

مېنىنگ اسمىم عبدالله اېمس، تورسون، بۇلەدى دېب اعلان قىلگىم كېلدى. آدملىر مېنى شو نام بىلن تىنىش و اتهشلىرىنى راسە ايستەمن.

«الله» خواھلسە، شو نام بىلن مېنى «جنتگە» يوبارسىن ياكە سېن شۇر پېشانە اۋزبېك اېكن سن، دېب «دۇزخگە» سورىب سالىسىن والسلام. عربلر يامان اېمس. اولردە عىب يۇق. نېمە قىلەى، مېن عربچە نامنى كۇتريب يورىشگە قرشىمن.

اۋز اۋزبېكچە و توركى اتلريمىز بۇلسىن. بو اسملىرى عامەلشتيرەيلېك! - دېگن فكريم بار. اۋز اسمىم بىلن اتهلىشىم عدالتدن اېمىسمى؟

بو بارەدە كتە-كېچىك اۋزىمىزنىكىلر بىلن فكرلشدىم. اولر مېنگە مصلحت بېرىشىب:

- بو كمدن - كم بۇلگن ايشلردن اكە، - دېدىلر.

باشقەلرى:

- دۇستېم، هېچ قچان بو ايشنى قىلە كۇرمىنگ. هر كىم هر خىل فكرگە بارەدى، - دېيىشىدى.

مېن اولرگە بو ايش مطلقا شخسى ايش، يعنى كىم نېمە يېيىدى، كىم نېمە ايچەدى، كىم نېمە كىينەدى؟... - دېدېم.

خلاص اۋز اتيمنى المشتيريشىم اوچون هم كتە ضىافت، تۇى-حشم يعنى، پلاو خان تۇره كېرەك بۇلركن. «بېر ايشنى قىلماقچى بۇلسنگ، اولر آدملىرىنىڭ قارنىنى مايلە!» -

دېگن گپ بار. چۈنكى، ئۈز بىرىمىزنى بىر دۈرەدە بىرلشتىرىش ئۈچۈن ئۈرتەدە «قارە قازان» بۇلىشى شىرط. يىقىنلىرىمىزنىڭ ئاخىرى شىرطلارغا كۈندىم. شۈندەي قىلىپ، يىغىلىدىك، مېنىڭ اسمىم ئۈزگرتىرىلىشى ئۈرتەچى تامانىدىن مجلسدە اعلان قىلىندى. ئۈرتەچى دۈستىمىز آدملىرگە يۈزلىنىپ:

– عبدالله اكە قىرگىندە ئىنى ئۈزگرتىرماقچى يعنى، ئۈز ئىنى بوگوندىن باشب «تورسون» دېب قۇيماقچى! – سۈز قاتدى بلند آوازده، – خوش نىمە دېسىز عزىلر. يىغىلگىنلردن بىرى:

– بۇلمەگن گپ برادر. آزگىنە صبر قىلسە او دىيادە اونىڭ ئىنى پروردگار ئۈزى بېلگىلېب و انىقلب بېرر اېدى، – دېگن گىپنى ايتدى كىنايە قىلىپ. ئۈتيرگىنلردن يىنە بىرى: – بو كافر! عربچە ئتلرنى يۇق قىلماق، بۈندەي اسملىرگە قرشى! بونىڭ جزاسى آغىر، – دېدى. ئۈتيرگىنلردن باشقىسى سۈز رىشتەسىنى قۇلگە آلىب شۈندەي دېدى: – دولتىمىزنى خىبر قىلماق كېرەك اېدى، ئۈز باشىمچە ايش تۈتەلمەيمىز آغلر! ئۈزبېك برادرلىرىمىزدن يىنە بىرى خلق نامىدىن سۈزگە چىقىپ: – جمهور رىئىس، عالي مجلسىمىز، بۈندەي كتە ئۈزگرىشلردن بى خبر قالىشى كېرەك اېمس، – دېدى.

مجلس بارگن سىرى قىزىب بارەياتگىدى. ئۈزىنى يىغىب – تېرىب سۈزگە بلېرىنى جۇتلەگن بىر برادرىمىز:

– عالي محكمە، وزىرلىكلر هم خبر قىلىنىشى ضرور، – دېدى و بختلر جدى توس آلدى. مجلسدە، بېچارە عبدالله نىڭ اتى «تورسون» گە المىشتىرىلىشى سېھل كم عالم شمول واقعه گە آيلتتىرىلدى. مذاكرە و تارتىشلر بارگن سىرى ئۈزگىگە مىنگىدى.

قەلاوینى بىلگن قارنى ياقەدى

بوگونكى مسأله يوزەسىدن اېندى اساسى گپلر ايتىلەى دېب تورگندە، توردى قول بكاوول^۱ كفىگىرىنى تېنگ و غۇرىلرگە جرنكىللىتىب اورىب، ھمە گپ-سۇزگە نقتە قۇيدى قالدى.

توردى قول بكاوول:

- پلاو پىشىدى اۇرتاقلر، نان تيار، قۇزى نىنگ گۇشتى آش تگىدە بىقىرلەياتىر! -دېدى. مجلسگە سوو سىپىگندەى بۇلدى. آدملىر آلدىن-كېىن بۇلىشىب ھمە دستورخوان تامان بورىلە باشلەدىلر. كتە تارتىشوو، حقىقى ياقەلشوو اېندى باشلندى... شونچە محتنتلر عوضىگە برى بىر عبدالله اكە نىنگ اتى تورسون بۇلە ألمەدى...

^۱ بكاوول: أشىز.

۱۶. ايلک سباق

ايلىك سباق

نېچە ياشگە كىرگىنىمنى ھېچ كىم بىلمەيدى. ئنم اوزوم پىشىغىدە دېسە، ئتم اۋرىك گۈللەگندە توغىلگىنسن بالم دېردى. قىشلاغىمىزدە كىم قچان توغىلگىنىنى بېش قۇلدەى يىخسى بىلەدىگن مامەم بېچارە اۋلىب كېتىگىگە اچىنەمن. فايدەسى بۇلمسە ھم شو بىلگىم كېلگنى كېلگن اېدى اۋشە پىتلىرى. ئتم، ئتم اۋقىمىشلى بۇلسە اېدى كاشكى! - دېردىم. انسان نېگە يرەتيلگن؟ يىشدىن مقصد نىمە؟ قندەى يىش كېرەك؟ و نھايت، اېركىنلىك نىمە؟ - دېگن فلسفى سواللر بىر ياقدە تورسىن، جىلە قورسە توغىلگن بىلگىمىزنى-كو، بىلسك بۇلردى، -دېيىم اۋزىمچە. شو نرسەلر حقىدە اۋىلركىمن، اۋقىگىم كېلەدى، يىخسى اۋقىگىم كېلەدى؛ زمان اۋقىگىنكى دېيىم...

توغىلگن كونىمنى بىلماقچى بۇلىب، اوندىن-بوندىن سۇرەب يورىشىم كۇچەداشلىرىمگە ياقمەگن. شو رنگ سىز كونى بىلىشىم كېرەكمىدى؟ بلكە، كتە-كتە ادملر اۋرنىدە قۇيىب كۇرگندىرمن اۋزىمنى. خىيالىمدە اۋزىمدن بىر قەرمان يىسەگندىرمن بلكە. اۋزوكە عىب يۇق دېدىلر... كۇچەدەگىلر بو حقدەگى قىزىقىشىمنى بىلىب قالىشىب:

- سېنى جۇرە تېگىرماچى نىنگ اۋغلى دېسە بۇلدى-دە! بىلسنگ نىمە-يو، بىلمەسنگ نىمە؟ شونى بىلگىنىنگ بىلن كاسەنگ نىنگ تگى اقررمىدى؟ ياكە مکتب اۋقىب، اتە-آننگە كلە بېدىرمى اېدىنگ؟ -دېسەلر بارمى؟! اولرنىنگ بو گېلرىدن كۇنگلىم رنجىب وىران بۇلدى. اوستىمدن كولىشگنلرىگە چىدەى االمەدىم. ايچ-بغرىم اېزىلىب، راسە زردەم قىنەدى. امىدلرىم سرابگە ایلندى. توغىلگن كونىمنى بىلىش مېنگە نېگە كېرەك بۇلىب قالگىنىنى يىخسى اېسلەى االمەيىم. اېركەلىك قىلىب سۇرەبمن-دە!

- اۈز حقيمدە بىلىش بو مېنىڭ حقيم، عيب اېمس، -دېدىم اولرگە.
برى بىر، اېچىمدە اۈقىيىمىن دېب اۈزىمگە قارار بېردىم... باشقە چارە يۇق. شوندىن كېين
كۈچەدىن اېشىتىنڭن اچىق و كېسەتتىق گېلرنى، كۈنگلىم اۈكسىب، آتە-آنمگە ايتدىم. اولر
«كېمغلىنىڭ بالەسى سن، شۈيلەنگنى يېب پردەنگنى قىلىپ كېتە و پېرسىڭ
بۇلمەيدىمى؟» -دېب مېنى ابدان كايىشىدى. اويدە گىلرنىڭ گېيدە جان باردەى. چۈنكە،
هر قندەى يخشى كونلر بايلرنىكى-دە. «اغزى قىيشىق بۇلسە ھم باىنىڭ اۈغلى
گېرسىن» -دېيىلگن مقاللردە. توغىلگن كونى ھم شولرگە بويورگن. دىنانىڭ ابرە-
اطلسى شولرنىڭ بۇيىگە اۈلچب بېچىلگندەى گۇيا!

اۈن ايكى ياشلردەمن چمەسى. اۈشە يىلى قىش قىش كېلدى. گورسولتېب قار اوردى،
ارىق و نېرلردە سوو موزلب قاتدى. قارە ماللر تېپە-تېپە تشلب، يىقىلىپ اۈلەبېردى.
تېگىرمانلر پىرچا، بازار-اۈچار ھم بۇلمەدى. دھقانلر قۇشگە چىقەلمەدىلر. مېن ھم
باشقە تېنگقورلرېم سىنگرى اويدە، سوغدى اطرافىدە باغلىنىپ قالدېم. اتم اۈتيز يىل
تېگىرمانچىلىك قىلىپ ھىچ نرسەنىڭ اېگەسى بۇلەلمەدى. بوتون عايلە بىر عمللب
قىشدىن امان-اېسان چىقىپ الىش قىغوسىدەمىز. خلص، اقتصادى احوالىمىز يخشى
اېمسدى. اولىگە، اتم مېنى بالرنىڭ اېشىگدە يېتىم قۇيماقچى بۇلدى. كۈنمەدىم.
دھقان قىلىپ ساي-ادىرلرگە قۇشگە چىقماقچى بۇلدى. يۇق، يۇق! مکتب اۈقىيىمىن،
دېب توروب ادىم. ايش-يوموش جېرىدىن شو كۈنگەچە امل-تقل قىلىپ اۈقىب
كېلەياتگن اېدىم مکتبىنى. رۇزغار ايشلرېگە قارىشىپ، مکتبىدىن يالچىمەدىم. شۈنگە
قرەمەى، ھلى ھم اۈقىيىمىن، دېب سۇزىمدە تورېمىن. اۈقىشنىڭ چۇغى روھىمدىن
اۈچگنى يۇق. بىلىمىنىڭ سېراب بولاغىدىن تۈيىپ-تۈيىپ سېقىرگىم كېلەدى...

نيمه بۇلدى-يو، عايىلەمىزدە خودى، كۈز آغرىقىدە بىر ياقىن مالا امامنىڭ گىي چىقىپ قالدى. اۋزىمىزنىڭ مچىتىمىزدە گىي مالاىنىڭ گىي. بورناغى^۱ كون:
- اۋغلىنىڭىزنى مچىتىگە جۈتتىنىڭ اكە، نمازلىگىنى اۋرگىنىب آلسىن بدبخت، -دېدى
آتمگە مالا امام.

آتم بو گىيى كېلىپ عايىلەمىزدە ايتىركن، ايجىمگە تىترەتمە توشىدى. ھە! دېسىم ھەم،
يۇق! دېسىم ھەم آتم مېنى مالاگە اۋقىتماقچى. مۇلە امامنىڭ بو گىلرى قىتىق
دارىگىنىدىن بۇلسە كېرەك، آتم «اۋقىتەمن» دېب قارار قىلگن. تۇغرى-دە، آتم بو بىلن
ھەم مالا امامنىڭ گىيىدىن، ھەمدە كۈچە-كۈيىنىڭ طەنە-تاشىدىن قوتىلماقچى بۇلگن.
بولردن ھەم مەھمىراغى، «نرگى دىنيا عذاب-عقوبتىلىرى؛ گۈرنىڭ شىتلى قىسىشى؛ انكر-
مونكرنىڭ گۈرز بىلن يىنچىب تىشلىشى، دۇزخ اۋتىدە ابدى كويىب يانىش و اژدرھالرگە
يىم بۇلىش...»لرنى اېشىتىپ ساووق تېرگە توشەسن كىشى. بو گىلرنى اېشىتىگن آتە-
آنە بالەسىنى ھەر نرسە قىلىشىگە تيار. بىز اولاد بۇلسە، معناسىنى بىلمەگن بېئىم
نرسەلرنى اۋقىب، يادلب آلىشىگە محكوم اېتىلگنمىز...

بىر سەھل بۇشىگندە بۇلدى. آدملىر چومالىگە اۋخىش قىمىرلىشە باشلەدى... اېرتەسى
كونى آتم قۇلىمدن اوشلب مچىتىگە آلىب بارىب:
- مەنە تەقىسىر، خدانىڭ يۇلىدە بالەمنى اۋقىتىنىڭ. اېتى سىزدن، سويگى بىزدن، -دېدى
آتم و اۋزى قىتىب ايش-يوشىشىگە كېتىدى.

مېن السلام! دېب درسخانەگە كىردىم. تېنگقورلرېم عىيدارگە قرەگندە مېنگە حىرت
بىلن قرەدىلر. حجرە بالەلردن جىققە تۇلە اېدى، بالەكىلر «ھفتىك»لرېنى اچىب،
باشلرېنى كىتابلرى اوزرە تىنېمىسىز چىقەگنچە، «الف زېر، ب زېر» قىلىشىب اۋقىماقە

^۱ بورناغى ~ بورونى. بورونى كون: آلدېنگى كون، اۋنگن كون.

ابدىلر. ملا قرشىسىدە چۈككە توشدۇم. جۈنچۈك، ساووق قاتگن قۇللىرىمنى قۇلتىغىمدىن چىقىرىپ، كۈھۈ، كۈھۈۈۈل ب ايسىتە باشلەدۇم. ملا امام دراۋ، وراقلىرى سرغىب كېتگن بىر «ھفتىك» نى قۇلىمگە توتقۇزدى-بو: - «ۋىب آچگىن» -دېدى.

آىنگىنى قىلدىم. اىلك سباقلىرى باشلەدى ملا امام. عربچە سۇزلىرى دۇندىرىپ تلفظ قىلەلمەدۇم، تىلىم يىخسى قاۋوشمەدى، اىلمەدى. ذ، ض، ط، ظ، ع حرفلىرىنى عربلر دېك قىلىپ آىتەلمەدۇم. ملا امام اچىنى چىقىپ، عىاسى بىلن بىقىنلىرىمگە بىر-اىكى تورتىب، اۋقرەيگن كۇزلىرىنى قەر بىلن آلەيتىردى، مېنگە قاۋاق آسدى، پۇيسە قىلدى. قۇرقىدۇم... اۋزىم اۋىلەگندە بۇلىپ چىقدى. خىالىمدە، حجرەنىنگ پىخسەلىرى نىرت، حقارت و قۇرقوۋدىن تىكلنگندە. حجرەنىنگ سوۋاقلرى خودى، ياش بالەلرنىنگ، استعداد، عقل و زكاۋتىدن سوۋب قۇبىلگندە تويىلەدى. بىللر بۇى بو ۋەشتخانەدە تىنىق ارمانلر بىقىب، دىمىقىب ياتىدى گۇيا...

اۋقىش باشلىدى. اىلك درسلىردە «ف» نى آىتەلمەدۇم. تىلىم يىخسى اىلمەگچ، آخونىم چۇنتىگىدىن غىچىملىنگن كىر رۇمالچەسىنى چىقىرىپ، تىلىمنى قەيىرىپ بورەدى. تىلىم قىق آغرىدى، كۇزىمدىن جودىرىپ تۇكىلگن ياشلىرىنى بىتگىم بىلن آرىتدۇم. كتە حجرەنى بالەلرنىنگ آۋازى تۇلدىرىپ تورىدى. حجرەنى قىشە ياقىلگن ياغاچلر توتونلىرى قارەيتىرىپ يوبارگن. قارەيگن دېۋار بىتلىرى بۇلىپ توتون كۈبە باغلەگن. بالالردىن اۋرگىمچكىنىنگ بوزىلگن تۇرلىرى ابل اىپىگە اۋخىب آسىلىپ تورردى. تۇستىن، تىپەدىن باشىمگە بىر قىتىم قارە كۈبە توشىب كېتدى. كۈبەنى برماقلىرىم بىلن سىيرىپ تىشلەدۇم. سۇنگ كۇرستىگىچ برماغىم بىلن «ھفتىك» نى وراقلەدۇم، كىتابگىنەم بۇبەلىپ كېتدى. ملادىن قۇرقىب اتىنگ! -دېدىم اچىمدە.

بو احوالى كۆرىپ تورگن آخونىم، كېلە سالىب مېنى بىر آياق اوستىدە تۇختىدى. كاوشىمدىن پىتكلىرىنى چىقىرتىرىپ، تىشلىتىپ جزالەدى. اۋيىنلردە بىر آياق دە تورىشنى يىخىشى اۋرگىنىمىدىن مى، ھەر نې، يىقىلمەدەيم. حجرەنىنگ بىر بورچكىدە ھىكل دېك قاتدەيم و چوقور اۋىگە تالدەيم. شوندىن باشلپ حياتىمدە كىتە اۋزگىزىش يىلدى. عمر بۋىى خۇرلىنىپ كېلگن حياتىم اۋز معناسىنى اللە قچان يۇقاتدى. ايچىمدە توگىب قۇيىلگن ارمانلرىم سىنىپ كېتدى. شىخسىتىمدىن قالگن پرچەلرنى ملا امام غضب اۋغىرىگە سالىپ يىنچدى. كوكونلرىنى^۱ توز، قلمپىرگە قارىپ تىنەمدەگى يېرەرلر اوزرە سېپىدى. وجودىمدەگى بو داغىلر بىتمس بۇلىپ قالدى. اېندى، بو جراحت ھىچ نرسەگە امان بېرمىسلىگىنى انگلەدەيم. شو تابدە، اۋزىمنى توبسىز جىرلىككە قولەياتگىندەى حس قىلە كېتدەيم. اوشلەى، ايلىنەى دېسىم قۇلىم ھىچ نرسەگە يېتمەيدى. تىلىم سۈزگە كېلمەيدى. درەنغىللەگن شو قارانغى بۇشلىقەدە، بىر ياووز روح اوستىدە حىكرمان تورىيدى. يوتاقى^۲ بو ياووز روح ھەر لحظە مېنى يوتىپ يوبارىشى مەكئەدى نظرىمدە. گۇيا او چىكىسىز، مطلق «كوچ-قدرت» اېگەسى. تىسلىم بۇلىش و اطاعتكارلىك اونىنگ بارلىك خىصوصىتى. عاجزلىكدن اۋزگە نرسەنى تىن آلمەيدى او. ياووز دىل و منطقىدىن اۋلگودەى قۇرقەدى. اونىنگ آيتگىنى آيتگن، دېگىنى دېگن.

تېپەمدە تورگن ياووز روح، آياقلىرىنى باشىمگە قۇيىپ، مېنى توبسىزلىك اۋپقانىگە باسماقچى بۇلەدى. او سۇراق بېرىش و يوزىگە تىك باقىشىگە مجال بېرمەدى. آغزىنى آچىپ ياتگن توبسىز قارە ظلمت مېنى تارتىپ كېتماقەدە اېدى. نورەى-نورەى، دېب تورگن حجرەدە، قوتىلىپ قالردېك نرسەنىنگ اۋزى يۇق. تگى كۇرىنمىس جىرلىككە توشىپ كېتدەيم. آياقلىرىم آستىدە تارىخنىنگ چىرىپ ياتگن، جانسىر جىسدى ياتر اېدى. آدملىرىنىنگ قىغىسىگن تىنەسىدىن قورت-قومورسقىلر كۇككە اۋرلەياتگىندى. توبسىر قارە

^۱ كوكون: قىتىق جىسىمىنىنگ مىدەلنگن ذرەلرى؛ تالقان.

^۲ يوتاقى: آچ كۇز، يېب تۇيمىس.

جرلىك قتلرېدن اۋتمىش نىنگ معناسىز تاووشلرى اېشتىلردى. بارسە كېلمس بو زنداندن قاقچىب قوتىلىش نىنگ عاجى قنچە؟ تېپەمدن سان-سناقسىز اۋلىك آدملىر، خزان يىراقلىرى دېك تۈكىلىب قوويلىب كېلەياتىگندى. ياووز روح قۇلىدە كىم قنچە تقدىرلر پرچەلنىب، سىنىب توشردى تېپەمگە. مېن ھم بو اۋلىكلر اويىگە، تۇدەسىگە، آرتىقچە جسد بۇلىب قۇشىلىب كېتەمن.

۱۷. بیره م

بىرەم

ايشخانەنىنگ دىوار تاختەسىدە شۇندەى دېب يازىلگندى:

«پرتەگە ادارەمىزدە بىغىن اۆتكزىلەدى. آنەلر كۈنى نشانلەندى. شو مناسبت بىلن سىز حرمىلى خادىملر آىنىقسە، عزيز عىاللردن تدبىردە قتنشىشىنگىزنى التماس قىلەمىز». جمعە كۈنى ابدى. سىف الله قارە سحرىدن تورىب كۈچەگە چىقىپ كېتگن. آىبىكە ھم اېرتەلب بروقت توردى. عايلەنىنگ تشوئشى كتە-دە. ھر كۈنگى ايشلرېدىن آىبىكە باش كۈترەلمەيدى. بوگون كۇپراق اورونىشىگە تۇغرى كېلەدى. پىشىر-توشىر، سوپىر-سىپىرلرېنى قىلىپ آلدى. اول اېرىنىنگ مىنگ كاكل خۇرازىنى اۋەىلب كتە سوت سېد آستىگە قمەدى. اېرى بوپورگندەى قىلىپ خۇرازىنىگ پىخىنى آرىتىپ، كاسەسىگە، پستە-باداملردن سالىپ قۇيدى. ساماننى تىتىپ، تخملرنى تاپىپ خۇمرەچەگە احتىياطلب جايەلەدى. تاووقلرېنى اېسە، كتككە ھىدەدى...

قوئاش چمەسى اىكى قولاچ كۈترىلىپ، ھوا اىسىپ بارەياتگن كېزلر. آىبىكەنىنگ بېشىكەگى بالەسى اوغانىب «اىنغە-اىنغە» لىشگە كىردى. آنەسى دراۋ بارىب، چقەلاغىنى اېمىزدى. بالەنىنگ يۇرگىنى^۱ ىنگىلب:

- اېندى تدبىرگە بارە قالەى. كۇرىنىب تورگىمى يىخى، تعطىلدە بۇلىشىمگە قرەمەى، بارگىمى معقول. حرمىت قىلىپ، چقىرىق خط يوبارىشگن. ھر قلەى ايشخانە، -شولرنى اىچىدە اۋىلەياتىب، -اوىمنى، بالەمنى آتمگە تاپشىرەمن، -دېدى آىبىكە.

^۱ يۇرگك: غوندىك، چقەلاقنى اۋرەىدىگن كىچىك چاپش.

بىكە ايكىۋى ھاولى نرىدن آتەسى اوستە مؤمنى چقىرىپ كېلدى. اوستە نورانى بىر كىشى، قىزىل يوزلى، سلماقلىنىپ قدم باسەدى. ياشى آلتىمىش بېشەن اۋتگن، انچە تېتىك. قىزى نىنگ التماسىنى بجرگن بۇلىپ ھاولىدە پىدا بۇلدى.

- سلام آتە جان، كېلىنگ. يىخسى كېلدىزمى؟ نىرە بىز ھم «بۇۋە-بوۋە» -قىلىپ سىزنى قىچقىرە پىدى.

- وعلىكم بالە جان! بىرار جاىگە بارماقچى مى سن بالەم، -بوزىدە كولگى يوغورگن بىر قىافەدە، -كۇپ قالىپ كېتمە يسىنى اۋزى؟ مېنىنگ ھم قىلەدىغان اىشلىرىم بىر بىتك. چقان-چقان بارىپ كېلە قال وقتنى اۋتكزمسەن قىزىم.

- بوگون بالەلر باغچە سىدە¹ «آنەلر كونى» بىرەم قىلىنەدى. بارىشىم شرط. ايكىۋى قىزىمنى باغچە گە آلىپ بارىپ قۇيەمەن. بارىپ كېلىشىمگە چە آتە جان نىرەنگىزگە قرەب، اوبىمگە سايە-پنە بۇلىپ تۇرەسىز.

- كويوا قە پىردە؟ -كىپرىكلرىنى بىر-بىرلىتىپ، مىنغىرلەگنچە، -سۇرەدى آتەسى. - اولر ككلىك اورىشتىرىشگە كېتىدىلر.

- چقن كېلەدى؟ مېنى خىر قىمەگنىگە قرە-يە، كويوا دېگنى يوا بۇلەدى -دە!

- شو كويوا بىلن ھىچ ھم چىقىشەلمەدىز-دە آتە.

- قۇى اۋشەنىنگنى بىكە. تىلىمنى قىچىتمەگىن. اۋشەنىنگنى اېسلەسم اېلكە ساچىم سىخ بۇلەدى.

- اېرتەلبكى چانى اىچدىزمى آتە جان؟ -دېپ سۇرەدى قىزى.

- يۇق ھلى قىزىم!

آبىبكە دستورخوان تۇشب، بىر چاىنك كۇك چاى، تۇرتتە تخمنى قاوورىپ، آتەسى نىنگ آلدېگە كېلتىرىپ قۇيدى.

¹ باغچە: كودكستان، بالەلر تربىيە گاهى.

بىكە ايشلىرىنى بىتتىردى. سۈنگ اېمىزىكلى بالەسىگە كۆكرەك بېردى. سوتدن تۇيىگن چقەلاق اويقوگە كېتدى. وقت ھم اللە محل بۇلب قالىگن. بىكە كىيىنب، شاشە-پيشە تدبىرگە اشتراك قىلگنى «خىر آتە جان» -دېيە اويىدن چىقىب كېتدى. اوستا مۇمن بىر آتىم ناسىنى تىلى نىنگ آستىگە تشلەدى. چوولەگن سلەسىنى قىتىب اۋرەدى. اېرتەلبكى چاينى اىچىب، دستورخواننى بىغىشتىرىب، شكرانەلىك دعاسىنى اۋقىب، يوزىگە ھاوچ تارتدى.

اوستە اېشىتىلر-اېشىتىلمس غۇنغللەگن آوازده ياشلىگىدە اۋرگنگن قۇشىغىنى آىتر، حوبلى ايوانى بۇيلب ادىملەماقدە اېدى... اويگە كىردى. بېشىكدە ياتگن چقەلاققە بىر تىكلىب، بۇشەگن قۇلباغىنى قاتىرىب قۇيدى. آغزىدن توشە يازگن اېمىزەكنى ھم آغرىگە بېردى. بۇچىن، سۇرەيگن اوستە مۇمن اېلكەسىنى قىسىب بۇساخە ھتلەگىچ، اېشىك زلفىنىگە آسىلگن قولنى آلب، چقەلاق اوستىدن اېشىكنى قولفەدى. ايشانچ حاصل قىلىش اوچون زنجىرىنى شىقىردە تىب تېكشىرىب ھم كۇردى. اېنغەنىنلىك بىلن آشخانەدەگى اۋتىزتەچە تخمنى اۋەيلب خلتەچەگە سالدى. اوروش اوچون باقىب قۇيىلگن و «اۋىلنمەگن» خۇرازنى-دە، قوقورلتىب، آياغىدن باغلب قۇلتىققە اوردى و سېكىن حاولى دروازەسىنى تشقىردىن قولفەب، جفتكنى راستلەدى. بو اطرافلردە تورگىسى كېلمەى، تۇغرى تكسى اوشلب، «قىدەسن قىشلاغىم» -دېب قۇشنى ولايت تامان يۇل آلدى.

آبىبكە اوچ-تۇرت ساعت آرەسىدە تدبىردن بۇشب، بالەسىدن خىر آلگنى اويىگە قىتىب كېلدى. قرەسە كە، اوى اېشىگى تشقىردىن قوفلاق. ھىجان باسگن بىر احوالده، يوگورە بارىب قۇشنىسى نىنگ اويىدن دېوار آشە حاولىسىگە كىردى. حىرت ياقەسىنى اوشلب:

- نىمە بۇلدى اېكن؟ آتە، آتە، آتە! -سېسىنى بلندلتىب ىنە، -آتە!! ياكە سلقىنلەگنى تشنابگە كىردىمى اېكن-ھە؟ -دېب بلندراق قىچقىردى.

ھەممە ياق سوو سېپىگندەى. ھىچ كىمدن سېس چىقمەدى. بېكە غىزىللىق چقەلاغى ياتىن خانەگە قرەب يوگوردى. اېشىك قولى. ھارغىن، چىراق و بۇغىلگن بىر آواز دە بالە بىغلەيدى. بېكە اېشىكىنى آچىب خانەگە كىرگىچ، بارە تورىب، بىغلب سۇلگى^۱ قورىگن چقەلاغىنى بىرگە باسدى. او بالەسى نىنگ كۆز ياشلىرىنى آرىتىپ، قۇينىگە باسىب ھاولىگە چىقدى. نىمە يوز بىرگىنىنى بىلمەى ھىران. ھۇيىققنچە تېورەك-تاشنى كوزە تىپ چىقدى. آشخانەگە كىردى. تخملر يۇق. كتكەگى پالوان خۇراز ھم غايب بۇلگن.

آيىبەكە چقەلاغىنى يۇرگىلب، تۇغرى يىنە باغچەگە باردى. ايكى قىزچەسىنى بو بىردن آيىب، اۋزى بىلن اېرگىتىرىپ بندرگە باردى. ھىچ كىمگە سىر بىرمىدن تكىسى آيىب يان شەرگە جۇنۇب كېندى.

يۇل سېرقتاۋ، مۇترلر آقىمى كتە. غوويىل اۋتىگى اۋتىگن. مۇتر دە اوچلە بالەسى ھم ناتىنچ؛ اولر اوخلب كېتەيىكن اېدى... گۇدكلرىنى آويتە ياتىپ: «آه تېنگىرىم! نې كونگە قالدىم! بو شىرمندەلىك اېمىسى؟ بالەلرنىنگ آتەسىگە نىمە جواب بېرەمن. خۇرازنى سۇرەب قالسەلرچى، شۇرىم قورىدى...» - دېگن اۋىلرنى بىر-بىر خيالدىن اۋتىردى بېكە. بىرار ساعت اۋتر-اۋتمس بېكە كۆزلەگن شىرىگە بارىپ توشدى. بىردن آتەسى يىشب تورگن ھاولىگە قرەب بورىلدى. ايكى چقىرىم يۇل يورىب اونگە قىرىلدى. اوزوم پىشىغى. كۆزنى قىمىتىرگۇدېك، تورلى-تومن، شادە-شادە مېوەرلر درختلرنى بېزەب تورگن. ايسىقدن سىقلىنىش اوچون بار تىرىك جان اۋزىنى سايە-سلىقلىنلرگە آلىشىگن. بېكە ھاولىگە كىرىپ باردى. پستە گورجى خودى تىنىگن دېك، چاۋ-چاۋلۇب، سېلكىللەگن دۇمىنى لىكىللىتىپ توره بېردى. بېكە ايكى خانەگە ھم بۇينىنى چۇزىب

^۱ سۇلك: آغىز سووى.

قرەب كۆردى. بىراق، آتەسى اويىدە اېمس. او آدم خواه-ناخواه خۇراز و تخملرنى شەردە پۇلل بۇرگن بۇلسە كېرەك، دېگن گپ خىالىدن اۋتدى. اىبىكە نىمە قىلرېنى بىلمەدى. بىردن بارىب بىرندە تاقچەسىدە قۇيىلگن تىكوو ماشىنەسىنى كتە شىفتالوگل رومالگە اۋرەب اىب آرقەسىگە قىتدى. بىر قۇلىدە اغىرگىنە ماشىن، اىككىنچى قۇلىدە ائنى اىلىك چقەلاغى. دم ماشىننى كۆترىب بىر جايگە اىب بارىب قۇپەدى، دم اىكى قىزچەسىنى قۇلرېدن اوشلب يىتكەلەيدى. بو احوالنى بىراو بىلگنى هم يۇق.

باشىدە خالدار-خالدار رومالدىن قرص، بۇيى پىستراق، كۆزلىرى كتە-كتە، كۆكرەكلرى تۇلىشگن، قۇنغىر جىنگەلك ساچلى اىبىكە كولسە كولگىدە، يىغلسە يىغله گودەى بىر احوالده. بوتون فكرى اېرتەراق اويىگە يىتىب الىش؛ بۇلگن احوالدىن ياتىغى بىلن اېرىنى خىردار قىلىش. كتەراق جىنجل كۆترىلىشدىن خواطرده او.

اىبىكە شەرگە كېلىب، يىنە تكسى توتىب اويىگە قىتىب كېلدى. هارىب، تالىب، اوزاق منزل باسىب كېلگن اىبىكە اويىگە كىرركن، اولىگە هووواس تارتىب يىغلهدى... تورموش اۋرتاغى نىنگ كېلر وقتى هم يقىنلىشگن. او قندەى كىفېتدە اويگە قىتېشى معلوم اېمس. كىم بىلەدى، اېرى ككلىك اوروشىدە يوتدىمى، ياكە يوتقۇدېم؟! گروانى باى بېرگن بۇلسە، كېچە بو حاولىدە قىامت قۇپەدى دىبوېرىنگ.

شامقورون سىف الله حاولىسىگە باش سوقركن، عادتدەگى دېك اويگە كىرمىسدىن تۇغرى خۇرازىنى كۆرىشگە باردى. كۆرسە كە خۇراز جايىدە اېمس. هاولىقىب:

- خاتىن، خاتىن! - يوقارى اۋازدە وهىمەلى بىر كۆرىنىشده، - خۇراز قى؟ بوگون دان - دون بېرىب قرەدىنگىمى اۋزى؟! - دېدى اېرى غضبى تاشىب.

بېكەدن سېس چىقمەدى. قىزەلاقلر آتە-آتەلب، اۋىناقلشىب سىف الله نىنگ قوچاغىگە اۋزلىرىنى آتماقچى بۇلدىلر. سىف الله بالەلرگە پروا هم قىلمىسدىن، تال پىراغى دېك تىترەب تورگن خاتىنىگە سېچىب:

- سېندىن سۇره يېمىن! خۇراز قنى؟- اچىق غضب بىلەن خاتىنىنى بىر-ايكى مرتە دېوارگە اورىپ سېلىدى، -سېندىن سۇره يېمىن قىنجىغ؟ تېلىنىڭ اىچىنىڭگە توشىپ كېتىگىمى؟ گېپىر دېيىمىن، گېپىر!

اىبىكە كۇز ياشلىرىنى سېزدىرمىسلىك اوچون يوزلىرىگە توتىپ تورگىن قۇللىرىنى زۇرغە توشىردى-دە، لېلىرىنى جىفتىلەپ:

- خۇخۇخۇخۇرررازنى اتم، -دېدى-يو، گېلىرىنى ايتىپ اولگورمىسدىن جايدە ھوشىدىن كېتىپ يىقىلدى. قىزەلاقلار ائە-ئە، -دېيىشىپ اوزەلەياتگىن بېكەنىڭ قوچاغىگە اۇزلىرىنى تىشلەدىلەر...

يېر و كۆك جاي بېرمەگىن دېك سىف الله اويىدىن چىقىپ كېتىدى...
بېكە آدملىر اغزىدىن: «سىف الله نىڭ ايشى قاضىگە توشىيدى» -دېگىن گېدىن اېرتەسى
خبر تاپدى.

۱۸. بۆلسە بوتگار، بۆلمسە حكايه

بۇلسە بوتگار، بۇلمسە حكاية

كىم نېچە كىم رنج نھانى چېكەى،
آب حىات اىستب و جاني چېكەى.
نوایی

بو ياروغ عالمده انسان هر خيل خواهش-ايستكلر ايلينجيدە يشب اۋتەدى، شوندهى اېمسمى؟ بوندهى تويغولرنيىنگ اېنگ كوچلىسى «حاكىمىت!» گە بۇلگن اىنتىلىش دىر. حاكىمىتنى اېگللش آرزولرنيىنگ اېنگ اولكنى دىر. قدرت نىىنگ حتاكە هواسى ھم يورەكنى اۋرتەى بېرەدى. آدمزاد اولّا بو حاكىمىتنى اېنگ كىمىدە اۋز اىچىدە قورىب كۈرەدى. شو آرزولرگە اېرىشە دىمى، اېرىشمە دىمى، بىر بىر اۋز اىچىدە سرگردان يشەى بېرەدى. آدم بالەسى گاھا، غۇزەسىنى يارىب، ياروغ حىات صحنەسىگە چىققن پىلە قورتىگە اۋخشەيدى؛ قاينىنى يارىب، كپەلك بۇلىب، يوقارىلەيدى...

ھە، كىشى حىاتدە باى بۇلىب كېتىشى، يولدوزگە ايلنىشى، بىلىم چۇقىلرنيىنى اېگللشى كمدن-كم آدملرگە نصىب بۇلەدى اېكن. بوكونلرگە اېرىشەلمەگنلر شولر حسرتيدە يانىب، كويىب اۋتەدى.

قىرق ياشنى قارەلەگن امان، اش-اوقتدن بۇكدىمى، بو كېچەسى كوچلىراق باستىرىقلب كېتدى. خورەك ايتىشلىرى ھم زۇرەيدى. خاتىنى گلېھار: «بى بىى! بسم الله بىى، بالەلرگە اويقو بېرمە بىيسىز آتەسى، تۇغرى ياتىنگ» -دېيە اېرىنى بىر-ايكى نوقىلب، تورتىب قۇيدى. امان اېسە الھى و بى تكرر شىرىن توشلر اغوشيدە آرام آلەياتگندى.

تىنىب-تىنچىمە گۈر امان اېرتەلب كۈزىنى آچرکن، ھاوۋچلرى بىلن كۈزلرىنى سىيرىب آلگچ، بىر نرسە يۇقاتگندەى بۇلىب دانگ قاتدى... بىردن توش كۈرگنى اېسىگە توشدى، توشىنى يىخشى آلىب تورەآلمەى اويغانىب كېتدى. بىر نرسەلرنى اىستب تون يىرمە اويغانىب كېتگن امان نىنگ ھاوورنى، خاتىندن باشقە ھىچ كىم و يا ھىچ نرسە باسىب تورەآلمس اېدى. غرق اويقودە ياتگن گلېھار اېرى نىنگ اىنتىق اېركەلشلىرىگە قرەمەى، «ھر كون ھم بۇلەدىمى؟ قۇيىنگ!» -دېيە راضلىك بېرمەدى. اېرى بۇلسە قىستەگنى قىستەگن. شىرىن و ناز اويقودە ياتگن گلېھار بېزاوتەلنىب، اويقوسىرەب:

- «توبە اې! قورويب كېتسىن! جانىمگە تېگدى، ھر كېچە يايىشگىز يايىشگن، -دېيە اويقو ارەلش كۈرپەنى غىجىمى بىلن بوتونلەى باشى بىلن اۋرەب آلدى-دە، غىرتىغىگە ايلمەى ياتەبېردى. اۋرتاقلرى اماننى اوچرەتگندە اېركە دېب ھم چقىرىشردى. امان اېركە خاتىنى نىنگ رد جوايىگە كۈنمەى، حركتدە... آخرى بۇلمەدى-دە، خوش قىلىق بۇلىب، بىر شاعرلىگى توتىب، فضولىدن بىت آيتب بېردى:

اې فضولى يار اگر جور اېتسە اندىن اينجىمە،
يار جورى عاشقە ھردم محبّت تازه لر.

گلېھار اېرى نىنگ گىيگە قولاق آسمەدى، اۋز كىفىتى ايلە اوخلەى بېردى. امان بۇلسە، ھىجان باسىب، تىترەب-قتىرەب:

- سېنى آيتەمن خاتىن! اېشىتەسنمى؟ -دېب يالبارە تورىب، «بىر ياتىب آلىش» توغوسى جنىشگە كېلگىنى خاتىنىگە اظهار قىلگن بۇلدى.

- قۇيىنگ، نىمە دېسىز، آردانە قالسىن¹ «اۋشە!» شاعرلىگىزنى كوندوزى قىلەوېرەسىز، اوخلەشىم كېرەك، اېرتە وقت تورىب رۇزغارگە قرەشىم بار؛ يۇغ اېى، بۇمەيدى دېدىم بۇمەيدى! مېن اوخلەيمىن، -دېيە بو گل ھم سەھل اچىقلىگن بۇلىب ياتەبېردى خاتىنى.

¹ آردانە قالسىن: سىبل قالسىن، اېگەسىز قالسىن.

- كېين اوخلەي بېرەسن آنەسى... - ھوھوھو قىلىپ، سېكىن گىنە قىچىق يۇتەلىپ ھم قۇيدى اشتەھاسى قۇزىپ.

قۇيردە قۇيمەي گلبھارنى كۇندىردى شېكىللى، بو تون امان اېر كە مقصدىگە اېرىشەياتگن بۇلدى... دېنگىز پۇرتنەسىدن^۱ كۇلمككە توشگندەي پىسەيب قالدى.

اېرتەسى تانگ آتېشى بىلن امان اېر كە كۇچەلرنى بىر كېزىپ، اېلىنىپ كېلدى. چاى-پاى قىلىش اوچون حوزدن بىر چېلك سوونى اېلىپ قىتدى. خاتىنى گلبھار بالە-چقەلرى اوغانمىدن اېرتەلبكى چايگە تيار گرلىك كۇرە باشلەدى. بىرگە ناشتا قىلىشلىرى كېرەك. قوياش اېندى گىنە اۋزى نىنگ زىن كاكللىرىنى آنە بىر اوزرە يايماق دە اېدى. يازنىنگ اۋرتەلرى شتاب بىلن اۋتەياتگندى. امان نىنگ نظرىدە، يشب تورگن حاولىسىدە قندەي دىر غىر طبعى بىر حال حكمران. اۋزىنى ھم باشقچەراق حس قىلەپىدى. خودى، اونگە كىمدىر ھمە حمد و ثنا اېتىپ، باش اېگىپ تعظيم قىلەياتگندەي. امان اېر كە شو تابدە اۋىلب-اۋىلب گىپىرەدى، سلماقلىپ قدم باسەدى. اۋسماقلىپ^۲ بىلگن نرسەلرىنى اۋزىدن سۇرەي بېرەدى. خياليدە صولتىگە سىغمىس عملدار اۋلەراق اۋزىنى اولوغوار بىر توسدە كۇرىپ تورىدى. بو وضعىتنى كۇز تگى بىلن كوزەتىپ تورگن گلبھار لىلرىنى جفتلەپ، اېرىدن خورسندچىلىك سىبىنى سۇرەماقچى بۇلىپ اېدى ھم كە، امان سۇز باشلەپ قالدى:

- بىلەنمى آنەسى، كېچە بىر الھى توش كۇرىمىن. اونى سووگە ايتىشىم شرط بۇمسە كېرەي. بالە-چقە اوغانمىدن اېتىپ بېرەقالەي.

- الھى دېيەپسىز آتەسى، بلكە ايس-پىس چىقىرىشىمىز كېرەي بۇلر. بوندەي توشلر ختم-خىراتسىز ايتىلمەگنى يىخسى آتە جانىسى. پىرلر يار بۇسىن سىزگە، مرتبەنگىز بوندن ھم اولوغراق بۇسىن، -دېدى گلبھار اېرى نىنگ كىفەيتىنى كۇترماقچى بۇلىپ.

^۱ پۇرتنە: كوچلى تۇلقىن، طغیان.

^۲ اۋسماقلىماق: اۋزى بىلگن ياكە تخمىن قىلگن نرسەنى ينە-دە سورىشىرىپ انىقلىشگە اورىنماق.

- ايتگىنىڭ كېسىن آنەسى. اېشىتىگىن اونده: تون يريمده توش كۇرىمىن. شىرقىرەب آقەياتگن دريا بۇيىب بارركىمن، كۇز اۇنگىمدە مىسەزار، يم-يشىل دلەر جلوهلنەدى. قولاغىم آستىدە تورلى-تومن قوشلر چوغورلشەدى. بىردن اۇزىمنى تېپەلىكدە كۇرەمن. ھمە نرسە آياغىم آستىدە، چوقور خيالگە باتىيىمىن. شو پىت باشىمگە بىر يوشاق نرسە قۇندىرىلگندە بۇلدى. اللە قندەى غىبى بىر قۇل باشىمنى سىلەماقدە اېدى. «بار اۇغلىم سېنگە كېتمس دولت تارتىق قىلدىم» -دېگن بىر سېس مېنى چولغەپىدى. باشىمگە كىيدىرىلگن نرسەگە قۇل اۇزەتدىم. آلىب قرەسم، نې كۇز بىلن كۇرەى كە باشىمدە دۇر-جواھرلر قۇندىرىلگن بىر آلتىن تاج عالمى پارلتىگودەى درجەدە يەرقلەيدىر اېدى. اونى قۇلىمگە آلىب اۇپدىم و اويغانىب كېتىدىم. كوچلىراق تىبىرچىگە بارسىمى اېكن آنەسى، -دېدى امان خاتىنىگە قرەب.

- تنگىرىم يارلقەسىن، بوندەى توشلرنى بېگانە آدمگە آىتمەگىز يىخشى اېمىسى آتە جانىسى؟

- سېن قندەى تىبىر قىلەسن خاتىن؟

- آقر سوو، مىسە، جىلغە و قوشلر بولرىنىڭ برچەسى تنگىرىدن سىزگە عطا قىلىنگن سعادتلى كونلردىر؛ بايلىك، تۇقلىك، تىنچ و آسايشتەلىك كونلر آلدىندە، دېگنى بۇلەدى بىلىشىمچە. غىبى قۇل اېسە پروردگارنىڭ عنایتى دىر.

آلتىن تاج اېسە، كمدن-كم آدملرگە بېرىلەياتگن كېتمس دولت، يعنى اولوغ منصب و مرتبە دىر. بو تىرك توشنى بىر عمر بىراوگە آىتمەگىنىڭىز يىخشى آتە جانىسى. مېن اوچون جودە يم قدرلى بۇلدى بو توشونگىز.

- آرەمىزدە قالسىن اوندەى بۇلسە، دېيىشىب، اېر-خاتىن خورسندلىگىدن يوزلرىگە فاتحە تارتدىلر.

نىمە بۇلدى-يو، امان اېركە خاتىنىگە كۇنگلىدەگى نىتى «جەمھور رئىس بۇلىشىم كېرەك» گىپىنى اېچىگە سىغدىرەلمەى شپە آىتە قالدى. اونىڭ كۇرگن توشى منە

شۈنگە مېنگىز اېدى. اېر-خاتىن شاشە-پىشە اېرتەلبكى چاينى اىچدىلەر-دە، جمعه آقشامگى «نېت آشېگە» تيارگرلىك كۇرئش حقىدە اۋىلب قالدېلەر. اوچ-تۇرت تاواق پلاو دىملب، قۇنى-قۇشنىنى چقىرىپ، مسجد امامى آلدىدن اۋتىپ، آق فاتحه آلماقچى بۇلدىلەر.

امان اېركە كتە كېسىملى، بۇى بلند، اېلكەلرى كېنگ-كېنگ، قلىن بوروتلى، كۇزلىرى كتەدن كېلگن، گېرەياتگندە چتىشگن قاشلىرىنى تېز-تېز چىمىرىپ تورەدى. او اۋن ايكىنچى صىفنى بىتېرىپ، بىر نېچە يىل دوكاندارلىك، كېىن اېسە اۋقېتوۋچىلىك بىلن شىلگن. سىاستدن گپ-سۇز چىققودېك بۇلسە، بۇلر-بۇلمس اېنىدن بۇيىگەچە اىجەلب كېتەدى. عايلەدە تونغىچ اۋغىل بۇلگنى اوچون اونى آتە-آنەسى كۇپ اېركەلەگىدن، تېنگقورلىرى اونىنگ آتىگە اېركە سۇزىنى قۇشىپ اىتەياتگن بۇلىشگن. شۈندن بو يان اېل و يورت آرهسىدە، امان اېمس، امان اېركە لقىى بىلن تىلىدى. پول، دولتى هم اۋزىگە يرەشە؛ اونچە-مونچە معركە-موردنى بېمىلال سۈەدى^۱. امان اېركە نوبتدەگى سىلاودە يورت باشى بۇلىش اوچون برى آشنە-اغەاينىلرى-يو، تىش-بىلىشلىرىنى بىر-بىر كۇرىپ چىقدى.

كۇچە-كۇيدن اويىگە، بالە-چقەسىنىنگ بىرىگە قىتىپ كېلرکن، او خىيالاً اۋزىنى پرىزىدىنت اۋرنىگە قۇيىپ كۇرەدى. بو يوكسك منصبنىنگ حضورلى دىلرىنى كۇز آلدىدن بىر-بىر اۋتكزىپ، شىرىن خىاللر آغوشىگە چۇمەدى. او بىردىنگە يوقارى لوازمگە كۇترىلىپ كېتىشىگە شېهەلنمەيدى. اونىنگ قرارى بۇلسە قطعى. جمهور رئىسلىك عملىنى تصورىدە تصويرلشگە حركت قىلەدى. كۇپ خىيال سورگىدن اماننىنگ كېچەلرى اوخلىشى بىراز قىيىنلشدى. عالى منصب اۋى-خىاللرى بىلن كۇزى يومىلگىنىنى بىلمەى قالەدى-دە، اويقوگە كېتەدى.

^۱ سۈەدى: اۋتكزەدى.

گلبهار اېرى نينگ اۋته خيالچنليگيدن دلخيره. كونلردن بير كوني، اونينگ نيمه لر حقيده اۋيله ياتگنى بيلن خاتىنى قيزيقيب قالب، گيپريب بېرىشىنى التماس قىلدى. امان اېرکه اۋز خياللىرىنى منە بوندهى تصويرلهى كېتدى:

«يېرەتگن اېگەم قۇلب، ۵۰٪ دن ارتىق آواز قازانسم دېيىم؛ رقىبلىرىم بىرى مېنى تن آلب قوتلشسه؛ مملكت راديو-تلويزيونىدن آتىم، شېرتىم برلله^۱ يىنگرەسه دېيىم - بو موفقيتتىم، عكسلىرىم دولت ادەرلېرىنى بېزەب تۇرسە، كتە-كىچىك مېنى زيارت قىلگنى اوزاق-يىقىندىن يۈلگە چىقسەلر و نھايت يورەك دردىمنى بيان آيلەسم. اوندن كېين، اۋرىن باسلىرىم، وزىرلىرىم، معين و والى لىرىمنى تەيىنلەسم، خلق ارا سويەدە مطبوعات انجمنى^۲ اۋتقۇزسم دېيىم. چېت اېلرگە-دە، سفيرىمنى ھەم باشلەسم. مېنى امريكا دولتى رھبىرى، انگليس، فرانسە، آلمان، جاپان، بارىنگ كە لاتىن امريكا بۇيلىب رىسمى تىشريفلىرىمنى ساغ-امان اۋتكىزىپ آلسم. بىرلشگن ملتىر تىشكىلاتى نىنگ يوكسك منبرىدە آتشىن نطق سۆزلەسم. اۋتە لوكس ھۇتللردە، دىنباينىنگ اېنگ گۇزل و سۇلىم بۇلگەلریدە قدم اورىم دېيىم. كۆكدە اوچر چاغىم دىنا دولتلىرى آسمانى اوزرە، اۋشە يوكسكلىكدن تۇرىب قوتلاو-سلام خطلىرى جۇتتىسم... ھەمەسىگە سېن يانىمدە تۇرگن بۇلسنگ باشقە ارمانىم يۇق خاتىن جان».

امان اېرکە نىنگ مىنگدن بىر خياللىنى اېشىتىرگن، اېسى چىقە يازگن گلبهار: «مېنى ھەم اۋشە سىفرلردە اونوتىمىز سىز آتەسى، كاشكى اېدى-يە! گىيىنگىزدە تۇرەسىزىمى؟ سۆز بېرىنگ!» - دېدى.

ھەدبەمەى جەمھور رىئىسلىك سىلاوى ھەم كېلىب قالدى. قىزغىن بېلە شوولر باشلدى، آدملىر اۋزلىرى سىلەگن كاندىدلىرىگە رآى بېرىشدى. نھايت سىلاولر نتيجهسى اعلان قىلىندى. رۇيخاتنىنگ آخىردىن بىرىنچى بۇلىب تۇرگن امان اېرکە جىابلرى نې قولاق

^۱ برلله ~ براعلى.

^۲ مطبوعات انجمنى: مطبوعاتي كنفرانس.

بىلن اېشىتسىن كە، ھەمەسى بۇلىب بار و يۇغى اۋنتەچە گىنە آواز قازانگن. امان اېركە بو ياقىمسىز خىردن سىرە ھم خفە بۇلمەدى. چونكە اونگە كۇچە آدملىرى اللە قچان پىزىدىنت لقىبىنى بېرىب بۇلىشگندى.

۱۹. قىدەسن تىنچلىك-امانلىك؟

قىدەسن تىنچلىك-امانلىك؟

نور آغانىنگ كاناداگە كېلىپ قۇنىم تاپكىنىگە اۋن بىر يىل بۇلىپ قالگن. آلتى يىلگە يقىنىنى كىيىك دېگن ايالتىنىگ شىربوروك شەرىدە يشب كېلدى. اوشبو كىچىك شەردە اساساً فرانسوسلر يششەدى، طلبەلر شەرحەسى دېسە ھم بۇلەبېرەدى.

نور آغا بىر كون منە بولرنى حكاىە قىلىپ بېردى: بىرىنچى جولای كونى اېدى. اېرتەلب تورانتو شەرىگە عاىلەمىز بىلن كۇچىپ كېلدىك. رۇزغار بويوملرى، تقىر-توقورلرئىمىز ھلى يېتىپ كېلگنى يۇق اېدى. كمپل-پمپل تۇشب، ىنگى آپارتماندە جايلىشىپ آلدىك ايش قىلىپ بالە-چقەلر بىلن.

ھوا اىسېگندن اىسېگن. اۋشە پىتلر تمەكى تارتار اېدىم. تمەكى توتگىم قىستەدى. بىر تشقرىگە چىقەى، سلقىن يېرلر تاپىپ، تېرىمنى قاچىرەى، دېب آلتىنچى قوۋەتدن بىرىنچى قوۋەتگە لىفت آرقەلى توشدیم. ىنگى كۇچىپ كېلگن جايىنى بىلگىنگ كېلرکن. تېورەك-تاشگە آلغە^۱ كۇز يوكورتىرەمن. بىرىنچى قوۋەت ايوانىدە آياق اوستىدە تورىيىمن. قرەسم اۋزگەچە ھالەت. كۇپدن بېرى كۇرمەگن منظرە كۇز آلدیمگە كۇندەلنگ بۇلسە بارمى؟! چۇچىپ كېتدیم، حقىقتاً قۇرقىنچلى منظرە. غوچ-غوچ آدم بشرەسىدەگى ایلان-چىانلر اىچىگە توشگندەى ھس اېتدیم اۋزىمنى. بېرگە سودرەلگودەى آق-قارە كىيىنگن آدملر لىغلىشىپ تورىشىدى بو بېردە. سوپورگىدەى اوزون آق-قارە ساقاللىكلر بىلدىنگگە^۲ كىرىپ چىقماقدە اېدىلر. عجب! تورانتو-كانادامى ياكە ادەشىب، عربستان،

^۱ آلغە: ناتىنچ، بېزاوتە، تېز-تېز.

^۲ بىلدىنگ (Building): بنا، عمارت، ساختمان.

پاكستان... بارىب قالدىمى، دىيە كۆزلىمگە ايشانمەي، تانگ قاتىب قالدىم تورگن جايىمدە. انە، شۇرىنگگە شۇرە تۈكىلدى اورتاق، دېدىم اۋزىمگە اۋزىم ايچىمدە. نىمە بۇلدى اېكن؟! اۋزى شولردن قاچىب، باش پناە ايزلب شوياققە كېلىب اېدىم، دىيە اۋىگە تالدىم كۆرسىتىچ برماغىمنى چكەمگە تىرەب توريب. بولر مېن كۆرگن، بې آزار، سادەگىنە اۋزىمىزنىنگ صىمىي مسلمانلرگە اۋخشەمسدى اصلا.

باشلىرىدە بوتون دىنانى مسلمان قىلىش دغدغەسى ويچ-ويچ قىنز؛ مېنگە اۋخشەگنلرنىنگ باشىنى سىچەدەي¹ قىلىب اوزىب تىلشگە تيار؛ كۆزلىرى تشقىرىگە اتىلىب چىققودېك بقرهىب تورر؛ جون باسگن يوزلرىدن غضب و جهاد قانلرى سچرەب تورگندەي بىر وهشتلى حالت...

بىلدىنگ ادارهسىدن چگپە اۋگرىلىب قرەسم - محشر!!! توپە-توزىك مچىت. قىدىنم بىلەي، كېلىب-كېلىب مچىتنىنگ تېپەسىدە يشەپىگن اېكنىمىزنى. آدم قورگندەي تقدىر مېنى تاپىب شو تامانگە بىتكەلگن بۇلسە نە چارە؟! «مسجد»، هە مسجد! اۋشە حقىقى اۋزىم بىلگن...

آفتابەلرگە عزت-اكرامنى انە شو بېردە كۆرەبېرىنگ... ايشتانلرنىنگ آقى قورومەي يومەلب دومەلشلىرنى... داد و بېداد!

قۇلتىغىمدن تربوزىم توشگندەي كىفىتىم شلتىللىب، يوقارىگە كۆرتىلماقچى بۇلىب هم اېدىم كە، بايەگى تۇربە ساقاللردن ايكىتەسى كېلە سالىب قرشىمدە كۆكرىب توريب آلدى.

السلام و عليكم، دېب قرائت بىلن سۇرەشدى دېودەي بىگىت.

- ھاي! دېدىم انگلىسچەلب.

- آتىنگ نىمە؟ - سۇرەدى بىرى سېلكىللەگن قاپ-قارە ساقالىنى اۋىنەتىب.

¹ سىچە: پىشىب بىتىلمەگن كىچكىنە قاۋون؛ خامك.

- ذك...، دېب بىلمىدىن اېسكى ائىم لاپ اېتىب اغزىمدىن چىقىپ كېتىدى.
- عربچە قلدېر-قولدىر قىلىپ، «اۋزىمىزدىن اېكىنسىز» -دېگندەى اېر كەلدى.
- نىمە اېدى؟ -سۈرەدېم مېن اولردن.
- نمازگە، منە مچىتگە يورىنگ برادر! دېب قۇلىمدىن محكم اوشلب آلدى-دە،
انگلىسچەلب غورلدېرەى كېتىدى.
اۋشە كونلرى تىلىم انگلىسچەگە يىخسى اىلنمىس اېدى. فرانسوس تىلىنى بولر
توشونىشمەيدى. اۋزىم بىلگن تىللردە گېلشسم بلاگە قالەمن. بولر بىلن سەهل احتىاطدە
بۇلېب، مسافەدە تورىب گېرىش كېرەك بۇلەدى. قانونى مملكتدە آدملىر بىلن جنجلسىز،
نورمال گېرىش مدنېتگە كېرەدى. كاشكى بولر اېندى مدنېتلى توزوك-قوروق آدملىر
بۇلېشسەلر اېدى. ازگېنە كۈنگىل خېرەلىك تاپىلسە، گپ «سن و من» قىلېشگە بارسە
يىخسى بۇلمەيدى. ايش پولېس و قاضىگە توشەدى. بو ياغى چتاق بۇلەدى دۇستلرىم.
بو آفتدىن قوتىلگىمگە ۴۰ يىل بۇلدى، اېندى بو آزادلىكنى بېرەم آلەى،... بېر
خورسندچىلىك قىلەى، دېب اۋىلب يورگنىم نىمە بۇلدى-بو، چىپقاندهى بو آفتلر
آلدىمدىن چىقىپ قالگنى نىمە بۇلدى؟ حىران-زىران اېدىم. منە كوتىلمەگن وضعىت!
تقدىر آدمنى نې كۇىلرگە بېتكىلركن.

۲۰. كۈر گۈلپىكلەر

كۈر گۈلىكلەر

- يۈگۈر، بۇل، بۇل، قاچ كېلدى- يە اويى كويگۈر! - دېگن قىچقىرىق ارەلش غلە-غاوور سېسنى اېشىتگن آدملىر تومترەقەي^۱ بۇلىب قاچە باشلەدىلر. كىپرىك قاقەي دېگونچە توپراق چنگىتىب، بىر سرىق جىپ غىرە كېلىب تۇختەدى. پەشە قورالنى كۈترگن ايكى عسكر، قىش كونلرى ارقەسىنى دېوارگە بېرىب، اوياق-بوياقدن گپ-گۈرىنگ قىلىب اۋتىرگن آدملىردن تۇرتتەسىنى اوشلب آلدى. شو پەيت، ولايت نىنگ يىنگى والىسى جىيدن توشدى-دە، دھقان يىگىتلردن بىرى نىنگ قولاغىنى بورەب تۈرىب:

- قنى، اۋقى سورەلرنى؟ - دېبە دۇق-پۇيسە قىلە كېتدى اۋز تىلىدە دغەلەگنچە. هلىگى يىگىتدن هىچ قندەي آواز چىقمەدى. والى ايكىنچى، اۋچىنچى و تۇرتىنچى آدمنى هم شو طرىقە سۇراققە توتدى غضبلنگن بىر قىافەدە... بوندەي سواللرگە جۈابنى قەبىردن بىلەدى دېسىز مکتب اۋقىمەگن قىشلاق دھقانلرى. بوگون والىدن آلەدىگىنىنى آلدى بايەگى اۋتىرگنلردن ايرىملرى. ايرىملرى زۇرغە قاچىب قوتىلىشىدى.

ايكى طایفە آدم يىنگى تەيىنلنگن والى نىنگ اشدى دشمنى اېدى. بىرى قران ايتلرینى ياددن ايتىب بېرەلمەگن كىشىلر بولسە، ايكىنچىسى ساقالىنى چكەسىدە بالته قىلىب، اوزون ساچ اۋستىرىب، كتە پايچە پتلون كىيگنلر-و، مۇدنى يىخشى كۈرەياتگن معلم و مامورلر.

^۱ تومترەقەي: تریسیز، هر تامانگە تۈزگن حالده.

آدملرنى توتىب جزالش مقصيده ولايت واليسى آييده ايكى-اوج قتله خودى آوگه چىقىب يورگن دېك شهرمه-شهر كېزىب يورردى. آيتشلىرىچە، شاه دۆريده دىني نظارت اوچون بىر باشقرمه توزىلگن اپكن. بو اداره تېپەسىده تورگن شخصنى «رئىس» دېب نامەلەگنلر. كېينراق، بېلىنمەدى كە نېمە سېىدن بو ايش بېلن شخصاً والى جنابلىرى نېنگ اۈزلرى شغللەدىگن بۇلىب قالدى؟! بوندن تشقري، ينگى تعيىنلگن والى اولسوالىكلر بۇلىب سفرگە هم چىقىب تورردى. اونىنگ هر بىر سفرگە چىقىشى آنتىقە؛ «غرايياتگە» باى همده تىللرده داستان بۇلر اېدى. ولايت لباسى ازلدن انه شو والىگە آتب بېچىب، تىكىلگندە، گۇيا.

بوگون بروقتراق اويغاندىك. اېرتەلب يوز و قۇلىمىزنى يوويب، بىرتە ناننى آلىب، كىتابلرنى تىراققە سالىب مەكتىگە روانە بۇلدىك. مەكتەب زنگى چالىنگونچە، قىي-چوو! تومىنات بالەلر درختلر آستىدە، مەكتەب تېورەگى بۇلىب صىنغە كىرىشگە شىلىنىب تورىشىدى. قۇنغىراق چلىندى. تېپىر-توپورلشىب صىنغلرگە كىردىك. بالەلىك-دە! اۈقېتووچى كېلەمن دېگونچە، انچە-مونچە چوكى، مېزلر سىنىب ياتگىنى كۇرەسىز. بورنى قانەمەگن، كىيىم-باشى بىرتىلمەگن بالەنى صىنفلردن تاپىش قىيىن.

اۈقېتووچىلر قۇلىدە خىمچە، ايرىم انصافسىزلىرى كتە تخته خىلكش بېلن صىنغە كىردىلر. بىز صىنغە كىرىشىمىز بېلن پشتو تىلى اۈقېتووچىسى علم خىل ارواحگە اۈخشىب پىدا بۇلىب قالدى. اۈشە كونى بىرىنچى ساعىتىمىز پشتو تىلى. اۈقېتووچىمىز علم خىل صىنغە كىرگىچ سىبىسىز قۇلىدە توتىلمىب تورگن توت خىمچەلرنى يوزىمىز، باشىمىزگە دېمەى سۈەلەى كېتدى.

ابدى گينه تشقىرىده اوغان تىلىده ملي مدحيهنى¹ جۇر بۇلىشىپ اۇقىپ كېلىپ اېدىك. عادتده گى دېك، بو مدحيهنى صنفده هم هر كون بىرگەلشىپ ايتىشىمىز شرط. بىرم ياقىمىسىز، يوره گىمىزنى اَلگن اېدى بو قورىپ كېتگور مدحيه.

اۋشه كونى پشتو تىلى اۇقتووچىسى نىنگ حقارت اَمىز زىنگىللىشلىرى همەدن هم اَشىب توشدى. علم خىل نىنگ قاواغىدن قار ياغر، بورىشگن افتى² كاساودهى قاره يگن، كۈزلىرى چۈككن، بوروتلىرى آغزىنى ياپر، بقره يىب گىپره ياتگنده ايكي لونجى كفله نردى.

پشتو معلمى علم خىل نىنگ مکتبه گى بىردن-بىر دشمنى ادبيات اۇقتووچىسى اېدى. ايكلهسى الله نيمه لر اوستيده تارتىشر، بحثلشر، گاهده قىزىرشىب، جيقه مُشت³ بۇلىپ قالىشردى. اۋشه تارتىشوولردن بابر، تېمور، احمدشاه ابدالي، وزير محمد گل، دولت كىپتان دېگن ناملر اېسىمده قالىپ كېتگن. معلوم سببگه كۈره، ادبيات اۇقتووچىسى معلم ليكدن بۈشه گنى، ايشدن هيدهلگىنىنى كېنراق اېشتىب قالدى. مکتبىمىزده، علم خىل اۇقتووچى بۇلىشىگه قره مەى كتّه اختياردار، آقاسقال هم. مدير هم اوندن ايمىقىب توره دى. بىرار-بىر تدبير بۇلسه هم علم خىل نىنگ بو يروغى بىلن بۇلىپ اۋتردى. پنج شبنه كونى اېدى. ايكي نچى ساعت ينه پشتو تىلى قۇيىلگن درس جدولىده.

- بوگون ساعت اون بىرده والى صاحب كېله دى، همەنگىز شاروالىك آلديده يىغلىشىپ توره سىز،- ديدى مکتب مديرى مهم بىر خبر يېتكزگندهى قىلىپ.

خلص، هر بىر صنف علحيدە-علحيدە صف باغلب يېتىپ بارديك اۋشه جايگه. شهر دوكاندارلريدن تارتىب، بازارچىلر، يۈلچىلر، آلووچى-يو ساتووچى، همە دولت خادملرى بو بىرده حاضر و ناظر. همە نىنگ ايكي قولاغى والى صاحبده، بىرار خوش خبر اېشتىهى،- دېگن معناده. قاره دريشى كىيگن، چپه تره لگن، ياغلنگن ساچى باشيده يلىتيره ب

¹ ملي مدحيه: ملي سرود.

² افت (Aft): يوز، بېت، تورق.

³ جيقه مُشت: قتيق مُشتلشماق، اوريشماق.

تورردى. بلند آواز بىلەن گىپىرگندە گاو ساقەدېك قۇنقورتىكى لىكىللىب تورردى. فارسي قىلىپ گىپىرگندە تىلى تۇلغەنىب، سۇزىلر آغزىدە چوۋەلىب كېتىدى. او اچىق اچىك دېك چۇزىلگن بيانيه سىنى توگتدى. ايتىگنلىرىنى اۋزىدىن باشقە توشونمەدى. يىغىلگنلر بىر- بىرلىرىگە جىلمە يىب قۇيىشىدى. سۇنگ، نوبت عرىضەلرنى اېشىتىش و كۇرىشگە كېلدى. آرەدن بىر آز وقت اۋنگىچ، پشتو معلمى علم خىل بىر دستە عرىضەنى والى جنابلرىگە توتقۇردى. والى اېسە عرىضە قاغازلرنى بىرىن-كېتىن تىتكىلىب:

- بو نىمە؟ بونىسى چى؟ بو، بو، بو... - دېگن والى علم خىل دن سۇرەشگە كىردى، گۇيا، اھالى نىنگ عرضىنى سۇرەماقچى بۇلىب.

عرىضەنى ورقلەياتىگن اېدى ىم كە، علم خىل برماغىنى چۇزىب قاغازلردن بىرىگە عليحدە اورغو بېرىب، بىر نرسەنى والى نىنگ اېسىگە بېرگندەى بۇلدى سېكىن شيويرلب. والى نىنگ انىق نامىنى اېسلەى آلەمىمن. آدمىلر اونگە گل نظر دېب نام قۇيگنلر. گل نظر كېلدى دېگنى، والى كېلدى دېگنى اېكن بىلسك.

معلوم بۇلىشىچە، قىسى دىر جاينى تېكىستلىش اوچون بولدوزر كېرەك بۇلىب قالگن. بىرىنچى قتلە اېشىتىگنى باعث والى صاحب بو سۇزنى

«گل نظر» دېب قبول قىلگن. اۋشندن باشلب والىگە اھالى شو اتنى قۇيگنلر.

كتە يىغىن دوام اېتەياتىگن اېدى. علم خىل نىنگ بايەگى اشارەسى والىنى

درغضب قىلدى. شو پىت والى صاحب عرىضە ورقەسىنى قۇلىگە آلىب، اۋز تىلىدە:

- غرت الله خان؟ - سۇدى، - بو كىم اۋزى؟ - غۇنغىللەدى اچىق بىلەن والى صاحب. هىچ كىمدن آواز چىقمەدى.

علم خىل قۇلىنى يىغىلگنلرگە قرەتە بىگىز قىلىب اېدى ىم كە، ادبىيات اۋقېتوۋچىسى يوگورە سالىب صفەگە كۇترىلدى.

- سېن ھلى شكايىتىچى، آقساقال-ارباب بۇلىب قالدىنگىمى؟ - دېدى والى ادبىيات معلمى نىنگ جىنگەلك ساچلرنى غىجىمىلب.

- مېن فقط خلق نىنگ دردنى، عامه نىنگ مشكلىنى يازىب اېدىم. مېن،
باشمىزگه كېلگن ظلم و ستم، حقارت و كم سىتىشلر اوچون دادخواھلىك قىلدىم، عىيىم
شو والى صاحب!

- آلىب بارىب قماقھ سالىنگ بو تىرانچەنى، يەنە بىر-ايكى نرسەنى اېسىگە بېرىنگ، -
دېب اېدى ھم كە ايكى شاتىر عسكەر ادبىيات معلمىنى سودرەب آلىب كېتىشىدى. ادبىيات
معلمى قىلمەگن عىيى اوچون جزالنىب، آلتى آى دېگندە قماقخانەدن چىقىدى. نې قولاق
بىلن اېشىتىسىن كە، ادبىيات معلمىنى تىنىگن-تىنمەگن، كتە-كىچىك «غرت الله
خان» دېب چقىرەياتگن بۇلىشىدى. كۈچە-كۈيدە قىشلاق-محلەدە، شەھردە بېچارە
معلم نىنگ آتى «غرت الله خان» بۇلىب قالدى. بو اسمنى آدملىر ولايت حاكىمى تىلدىن
اېشىتگندىلر.

بىر اوچرە تگنىمدە سابىق اۇقتىتووچىمىز مېن بىلن تۇيىب تۇيىب دردلىشىدى.

- مەكتەدە علم خىل نىنگ قۇلىدن مېنگە كون يۇق اېدى.

- نىمەگە تارتىشردىنگىز؟

- بىزنى خام كلە ... دېگنى اوچون.

- علم خىل بېرلىك^۱ اوغانلرگە اۇخشمەيدى!

- تۇغرى، او خطدن نرىدن كېلگن.

- توشىنمەدىم، خط دېدىنگىزىمى؟

- ھە! خط دېگنىم يازىلەدىگن خط اېمس، وزىرستاندن كېلگن بو غلەمىس دېگنىم،

توشوندىنگىمى او كە؟ - دېدى اۇقتىتووچى.

- اۋزىنى جودە اېركىن توتەدى، اطرافىدە گىلر بىلن خواجەبىن دېك مەاملە قىلەدى.

- عجب-ھە!

^۱ بېرلىك: بومى.

- تعجىلى جايى يۇق . قەيەردىن كېلمەسىن بولر نىنگ لايى بىر يېردىن .
- والى بىلەن جودە آپاق - چىپاق - هە!
- اې اينىم! علم گل والى نىنگ دستگى، اىغاچچىسى^۱ بىلەننىمى؟
مەلم صاحب بىلەن بار و يۇق ايتىب - اېشىتگىنىم شولر اېدى . اۋشە عرىضەدە نىمەلر
يازىلگىنى بىلەن قىزىقىدىم . بىراق ، ادبىيات مەلمى عزت الله خان يورتنى ترك قىلىشدىن
الدىن مېنگە مەنە بو گېلرنى ايتگەن اېدى:
- بىز يېر يوزىدە اېنگ بختسىز انسانلر اېكنىمىز ، قرەگىن! باغ و زمىنلر يىمىزنى آلدى بولر ،
آپاق آستى بۇلدىك ، اۋز يورتمىزىدە خوارلنەمىز ، آنە تىلەمىزىدە مەكتەب يۇق ، مېن حق تىلەب
مەلت دىدىنى كۈترىب چىققىنىم اوچون نې - نې كۈيلەرگە سالىندىم . نې لعنتى نام بۇنىمىگە
طوق لعنت بۇلىب توشدى . مېن بو يېردىن كېتىشگە مەجبورمەن . بو درد مېنىنگ
تەقدىرىمدە يازىب قۇيىلگەن اېكن . مېن ساچ - ساقالىم اقريب ، بېلىم بو كچە يىب قالسە هەم ،
البتە كىندىگىم قانى تامگەن آنە يورتمىگە بىر كۈن قىتەمەن ...
اۋشدىن بو يان عزت الله خاندان خبر يۇق .

بو حكاية حياتده ، يقىن اۋتمىشده يوز بېرگەن . مېن اونى بىر اۋز بدىعى پردازىل قاغازگە توشىردىم .

^۱ اىغاچچى : مخفى اجىنت ، جاسوس .

۲۱. ارمان

ارمان

ياز كۈنلىرى اېدى. آلتى اريقلىك مىرزا باى تشقىرى حويليسىدىن بىر اۋتاقنى بۇرى تاغەگە بېرىپ توردى. بۇرى تاغە تۇرت اۋغىل و ايگى قىزىنىڭ آتەسى.

او ايگى كتە، بربستە اۋغىل و بىر قىزىنى اوروشلردە قۇلدىن بېرگن. بۇرى تاغە و درزابلىك خالە ايگى كىچىك اۋغلى و بىر قىزىنى آغزىدە تىشلىب، بىر تگە نان تاپىش ايلىنجىدە تىنچراق جاى اىزلب، شەرگە كۇچىپ كېلگنلر.

خاتىنى نىنگ آتىنى اېشىتمەگنمن. او يېرلردە عياللر اسمنى آيتىش اويت بۇلگنيدن مى، قۇنى قۇشىنى اونى درزابلىك خالە دېب چقىرىشردى. بۇرى تاغە و درزابلىك خالە نىنگ ياشى آتمىشدىن اۋتىپ اېدى. بۇرى تاغە رۇزغار شكنجەسىدىن بېلى بوكىلىپ، كۇزى اۋتمسلىشىپ قالگن. اېندى او تىرىكچىلىكنى تېبرەتىشگە يرەمەيدى. عايلەنى باقىش اېسە درزابلىك خالە نىنگ بۇنىدە.

خالە نىنگ قىلەدىگن اىشى - بىراونىنگ كىرىنى يوويش، خمىرىنى قىلىش و ناننى پىشىرىش. خالە قارە سحردىن ايشگە چىقىپ كېتر، تگە - تىشلم نانمى، كىيىم - كېچكىمى؟ كېچقورون اويىگە آلىپ كېلردى...

جمعه كۈنى اېدى، درزابلىك خالە بوگون اويىگە سەھل بروقتراق كېلدى. خالە نىنگ تېورەك - اطرافىدە اۋن بىر، اۋن و تۇقىز ياشلى اۋغىل - قىز بالەلرى چوغورلىشىپ، كېلەك دېك ايلنردى. قىزگىنەسى مامەخال نىنگ ايگى كۇزى آنەسىدە. او خالەدن مونچاق، تقىنچاق، شىشە بىلك اوزوكلر كوتىپ تورىدى. مامەخال بوگون خورسند بۇلمەدى. اۋرىن و سلىم هم بىر نرسەلرنى آنەسىدىن تىلب بىغەلى كېتدى.

حىيات بۇيى سويىكلرى ققش بېلگن چال و كىمپىر بىر پىيالە چاى اوستىدە، باشىدىن كىچىرگىنلىرى-يو، اۋتگن-كېتىگىنلىرى بىر-بىر اېسلىب دردلشېپ قالىشىدى.
- بىز ھىم شوگىنە گۇدكلرنى اۋقېتىپ، بېرەسىنى كۇرر اېكىنىزىمى؟ -دېدى درزابلىك خالە چاينى ھوپلە ياتىپ.

- قنى بىدى، بالەبىز باشقەلرنىنگ فرزندلرى دېك، اۋرىسىتگە بارىپ، اۋقىب كېلسە، داكتىر بۇلسە؛ انجىنېر بۇلسە؛ حاكم بۇلسە؛ تايرىمن-توتىرمن بۇلسە! منە ايكىمىز ھىم تۇكىلىپ قالدېك؛ سېنى باشىنگ ياستىققە يېتسە حالىمىزگە ايت يىغلەيدى؛ گۇدكلر اچدىن اۋلەدى، -دېدى بۇرى تاغە سلەسىنىنگ پىچى بىلن پىشانە تېرىنى اريته تۇرىپ.

- ائەنىنگ اېمچىگىنى قىتق تىشلەگن بىندەلرى اېكىنىز، نان گداى بۇل، جاى گداى بۇل، دېب قرغەگن اېكلر گۇردە ياتمەگورلر، -درزابلىك خالە اۋرىدىن تۇرىپ بالەلرېگە بىرىمتە قىتق ناننى بۇلكل بېردى، -بىرەنگن اېگم مونچە قىينەمسنگ اېدى.
بۇرى تاغە چوقور اويگە تالدى و اۋلگن فرزندلرى داغىدىن بىر تۇيىپ يىغلەدى.
درزابلىك خالە ھىم چالىنىنگ بو احوالىنى كۇرىپ، المى تازە بۇلدى.

- صېرىنگىنى خداگە قىل، خدا پاشا، -كىمپىرىنىنگ كۇنگلىنى كۇترگىندەى بۇلدى بو سۇزلىرى بىلن بۇرى تاغە.

ھوا دىم. تېورەكە چىيىنلر غىژىللەيدى. چىنگ-تۇزان كۇترىلدى. چال و كىمپىرىنىنگ شىرىن صحبتى شو بېردە تۇختب قالدى. چىنگ-تۇزان ھىم كۇپىگە چۇزىلمەدى.
درزابلىك خالە كېنگ بىنگى بىلن يوزىدەگى چىنگ-گىردلرنى اريتىپ ادى.
شو پىت ائە قرغەنىنگ شق-شقلەگن تاووشى، درزابلىك خالە و بۇرى تاغەلرنىنگ تىنچىنى بوزىپ قۇيدى. درزابلىك خالە اۋزىچە بىرار ناخوش حادئەنىنگ ادىنى ائماقچىدەى بۇلىپ، «كىشت، كىشت» لەگىنچە قۇلىدەگى چلە يانگن ياغاچنى ائە قرغەگە ائىپ يوباردى. بىنە، بارە سالىپ، ايسرىق ھىم توتتىدى بىر نرسەلرنى ائىپ.

ھلى قوياش باتمەگن ابدى.

- ھىيىي خاتىن! ياپىنرىيىز آسمان، تۇشەنرىيىز يىر بۇسە، الكەدە نىمە عىب. شو ايرىم-سىرىمىلرىنگ قامەدى-دە، قامەدى.

- آتەسى! -آھارى كېتگنراق گل شفتالو رۇمالى بىلن درزابلىك خالە باشنى تنغىب باغلەدى، -بىركون ھم كۈينىمنى كۈترمەدىز. داد سىزدى قۇلىزدن، بېداد سىزدى قۇلىزدن! -دېگنچە، كۇر شام قالمىلىك اوچون قارە شۇروە قىلە قالەى دېگن اۋى بىلن قازانى اۋچاققە آسدى.

تۇرتدە خشتدن يىلگن اۋچاققە قاغاز، يىراق، پخال-مخال، چۇپ-چىخىلرنى تىقىشتىرىپ آلاو ياقە باشلەدى.

سۇنگ، او يانغاقچەلىك اۋسىملىك ياغىنى سرغەيگن تونگچەدن چىقىرىپ قازانگە سالدى-دە، اوستىدن بىر دانە پىازنى تۇغرەب تشلەدى. يىغى آرەلش بىر نىمەلرنى آيتىپ، جىز-پىز قىلىپ توردى. بۇرى تاغە عصا اۋرنىدە تىمىر كاساۋگە سوبەنىپ، خالەنىنگ كۇنگىلىنى كۇترماقچى بۇلىپ، اۋچاق يانىگە كېلدى.

- بۇلر-بۇمس نرسەلرگە كۇز ياشى قىلەبېرمەگىن آنەسى. بىراونىنگ توبىدە اۋلتىرگن بۇلسك، قارنىمىز تۇيىپ، اوستىمىز بىتمسە. ھە! باررسن اۋشە درزابىنگگە بىر كون، - خالەنى بىر آز يوپىنتىرگندەى بۇلدى تاغە.

- اۋزى كېچە يامان توش كۇرىپ توربېدىم، اوستىگە-اوستك شوم قرغەنىنگ شق-شقلەگنى يورەگىمنى بوزدى، -دېپە چالىگە حسرت-اۋگەيە قىلە كېتدى خالە. خذمتلرى طفىلى درزابلىك خالەنى كۇپچىلىك تنىيدى.

خالە نىمە قىلمەسىن، اۋغىللىرى اۋرىن و سلىمنى مكتبگە قۇيىپ اۋقتىشىنى عھدەسىدن چىقەلمەدى.

قىشلاقدن كېلگن بالەلر-دە، اۋقىشگە بۇيىن بېرگىسى كېلمەدى.

اۋرىن و سلېم ھەر كۈن كۈچە چىنگىتىپ تېنققورلرى بىلەن اوروش-اوروش اۋىنردىلەر. اولرنىنك مىيەسىگە اۋىيندىن بۇلك نرسە سىغمەيدى. بو بالەلرنىنك اۋىينلرى عادى اۋىينلرگە ھىچ ھەم اۋخشمەيدى. اېندى كۇرگنلرېم بالەلر اۋىينلرېنى تەسۋىرلەپ بېرەي:

اۋسمر بالەلر ايكى جېھەگە بۇلېنىشىپ اآلب، يالغانچەسىگە اوروش قىلەدىلەر. جېھەنىنك بىر ياقىدە حزىيلر، يەنە بىر ياقىدە مجاھدلر. اوروشلر رۇلېنى اېسە بالەلر اجرا قىلەدىلەر. بو اوروشنى كۈچە بالەلرى جودە ھەم تەكامللشتىرىپ يوبارىشىگنلر.

باشىدە، بو اۋىيندە لتە-پوتە، چۇپ-چىخس قورال وظيفەسىنى اۋتەگن بۇلسە، اېندىلىكدە، بالەلر اۋزلىرىچە پارتلەگىچ مادەلرنى اختراع قىلىشىگن. بالەلر گوگرد، سابون، ساچمە و بزىن يەنە الە نىمەلردن چىنەكم قورال-بىمب يىشىگن. بو منظرە، شىقتىسىز اوروشەياتگن ايكى دشمن طرفنى اېسلەتەردى. اوشبو اۋىينلردە گاه حزىيلر غالب چىقىر، گاهدە مجاھدلر. بالەلرنىنك اوروش اۋىنى شو درجەگە يېتەدى كە، حتا حزىيلر اۋز ارا، مجاھدلر اۋز ارا جېھە-جېھە بۇلىشىپ اوروش اچىشەردى. گاه پرىچمىلر غالب، گاه خلىقلىر؛ گاه «جمعىت» گاهدە «حزب اسلامى»... غالب چىقىشور اوروشلردە. پستراق دەوارمى، بىرەر-بىر دۇنگلىكىمى اوروش جېھەلرېنى ايكىگە اجرەتېپ تورەردى. وقت اۋتگن سرى، بالەلرنىنك اۋىين اوروشى كىشىنىنك نظرى توشمس جايلىردە بۇلەدىگن بۇلدى.

مجازى رۇللر، مجازى صحنەلر، ارەدە جدى ماجرالر.

بۇرى تاغەنىنك ايكى اۋغلى شو اۋىيننىنك باشقروچىسى، تشكىلاتچىلرېگە اېلنگىنىنگە نىمە دەپسىز؟ اۋرىن حزىيلر قوماندانى، سلېم مجاھدلر قوماندانى.

شېنە كۈنى درزابلىك خالە يگە توت تامانلردە كىمگەدېر كىر يۈۈپ بېرىش اوچون سەھل كېچىكىب اۋىيدن چىقىپ، ايشىگە كېتەدى. درزابلىك خالە اۋىيدن چىقەياتىب:

- بېقىدلىك قىلمىنگ، بىر-بىرىنكىزنى خفە قىمىنگ، آتەنگىزنى ايتىگىدىن

چىقىمىنگ! - دەپ اۋرىن و سلېملرنىنك قولاغىنى تابلەپ قۇيدى.

- مېن قرەب تۈرەمەن بولرىنگگە، وقتراق قىتگىن آنەسى! -دېب سۇز قىلدى خاتىنىگە بۇرى تاغە، بىر آتېم ناسنى تىلى نىنگ آستىگە تشلب. آرەدن بىر ساعت اۋتر-اۋتمس اۋرىن و سلېم دۇمىنى توگىب كۈچەگە اىزغىدى.
- بۇرى تاغەنىنگ ھى-ھى لەگنچە گىي اغزىدە قالىدى.
- اۋرىن اووو، سلېم اووو! -دېگن قىچقىرىقلىرىگە ھىچ قندەى جواب آلمەدى تاغە. مامەخال نىنگ ھم:
- اۋرىن اكھەھە، سلېم اكھەھە، -دېبە ھىقىرىشلىرى ھواگە كېتدى.
- بۇرى تاغەدن اوچ چقىرىمچەلىك نىرراقدە، چمەسى بىيگىرمە چاغلىك بالە عادىتى اوروش اۋىنى قىلىشە بىدى.
- بوندىن تاغە بېخىر.
- تسلىم بۇل، تسلىم بۇل، چۇچۇ لىلىن (لىنىن)، بۇمسە قىرىب تشلەيمىز ھمەنگى! - دېگن اىنگىچكە سېسگە، جېھەنىنگ او تامانىدىن كىم دىر جواب قىلەدى.
- بىز تسلىم بۇلەدىگنلردن اېمسىز! آمالى، طيارەلر اوستلرىنگگە بىم ياغدىرەدى. بىلدىزىمى اشرارلە؟ -دېگن گپ-سۇزلر جېھەنىنگ او تامانىدىن ھم اېشىتىلەدى.
- آرە-چورەدە ھوادە توتون كۇترىلىب، پقىللەگن سېس، آتېشمەگە اۋخشەگن تق-توق، قرسىللىشلىر قولاققە چلىنردى.
- اوروش اۋجىگە چىققىندىن آرەچىلىك¹ نىتجە بىرمىدى.
- الله اكبر! الله اكبر! -دېگن آواز ھم اوروشنى تابارە قىزىتىب يوباردى.
- بىر پس جىملىكدن سۇنگ تامانلر اوروش نىتجەلرىنى اۋز مجازى رادىولرىدن اۋقتىشمە قىلىب، اعلان قىلىشردى. خۇص، يرەلنگنلر، اۋلگنلر، بېدرک و اسىرلر حقىدە قرمە-قرشى خىرلر... اوروش جېھەسىدىن ىنگرە بىدى.

¹ آرەچىلىك: واسطە، ميانجىگىرلىك.

بۇرى تاغە، درزابلىك خالەنى ايتتىقلىك بىلن كۈتر. بىر پلە درزابلىك خالە بۇغچەسىنى باشىدە كۈترىب اويگە كىرىب كېلدى. تاغە گۇدكلرى بىدر كېتىگىدىن اېسى چىقىب كېتىگۈدېك بىر حالتدە، كىمدن سۇرەب بىلىشىگە حىران؟
بو احوالنى كۇرگن خالەنىنگ اىچىگە غلغە تۈشدى. آتە-آنە، بالەلرىنى كىم دىر اۇغىرلەدىمى، دىبە خىيال سورماقدە.

- آلكەنىنگ ايكى كون آلدین شق-شقلشىدىن يۈرەگىم خىرە، آتەسى! الھى چىگە كۇرسىن، چىگە بىي! -دېب حویلى اۋرتەسىدە، آياق اوستىدە جانىنى قۇيرگە جاي تاپمەيدى خالە.

كۇچەدن غلە-غاوور آواز اېشتىلدى. بۇرى تاغە اېندى، اۋنگلىب اۋرنىدىن تورىب اېدى ىم كە، اۋرىن و سلىمنى قۇشنىلر آرقەلب كۇترىب كېلدىلر.

اۋرىن و سلىمىنىنگ اوستلرى لای-توپراق، يۈزلرى كویگندەى. مامەتلاق يۈزلرىگە كۇزلرىدن قان آقردى. بېتلرى قان تەلش، كۇز قارەچىغلىرى ساچمە و چقماق ضرىبدن يارىلگن. اۋرىن ھم، سلىم ھم ھىچ نرسەنى كۇرمەيدى. كۇزلرى كۇر بۇلىب قالگن.

بۇرى تاغە بىغلب تورىب بالەلرىنى بغرىگە آلدى. بۇز تۇنى بىلن اۋرىن و سلىمىنىنگ يۈزى و كۇزىنى آرېتېب تورگن بۇرى تاغە، زۇرغە يۈرىب بارىب تۇرتتە تاك برگىنى كېلتىرىب، ايسىق چايگە سالدى-دە بالەلرىنىنگ كۇزىگە، خودى ملھم دېك قۇيدى، قىشلاقچەسىگە دوالەماقچى بۇلىب.

درزابلىك خالەنىنگ يۈزىگە ساووق سوو اورەپىدى، قۇشنى عياللردن بىرى. قىزچەسى مامە خال آنەسىنىنگ كۇكرەگىگە باشىنى قۇيىب بىغلردى.

بىلدىن كوچى كېتىگن آنە زار، اېندى ياتىلگن، كۇزسىز ايكى ارمانلى ارزندە گۇدىگىنى باقىب، كتە قىلەى دېسە، آسمان-بلىند، بىر قىتىق.

۲۲. اوليم ياپىنچىغى

اۋلىم ياپىنچىغى

غم-غصەگە باتىب ياتىن اېسان بى-بىنىڭ بىر يېردە تىنىمى يۇق. باشىگە ماتم توشىب، ايكى قارە كۈز اۋغلىدىن اجرەلگىدىن بېرى جانىنى قۇيرىگە جاي تاپەلمەي قالگن. ھەتتە بىر مرتە بۇلسىن قىلرگە دىر بارىب، بىر دردكش تاپىب، كۈنگلى نىڭ چىگىلىنى يازگىسى كېلەدى. او بىر كۈنى اوى نىڭ بىر چىتيدە تشلب قۇيىلگن يىرتىق و اونىققن پاچان نىڭ اووئەدە^۱ مامىغىدىن پىلتە اېشىب قۇيدى. سفال چىراغىگە ھم اچىق ياغ سالدى. نىتى جمعە اقساملىرى نىبىرەسىنى اېرگشتىرىب، قىرستانگە بارىش. ھر ھەتتە قىرستانگە بارىش عادت توسىنى ائدى. او گۇرستانگە باررکن، يانمە-يان قۇيىلگن ايكى اۋغلى نىڭ مزارى اوزرە يوم-يوم يىغلب كۈز ياشى تۇكەدى.

ھر بارگندە دۇپە يىگن قىرلرنىڭ توپراغى پسەيىب، تابارە كىچرەيىب بارە ياتىگندە تويىلدى. بو كېتىشە يە بىر نېچە آى اۋتىب، قىرلرنى تاپەلمەي قالىشىدىن خواطرە اېدى. قىرلرگە تىكىلىب مھم سۇراق و جومباقلرگە جواب تاپەلمەي، چىكسىز اۋىگە باتىب، توبسىز حىرتگە چۈكىب كېتردى.

كېنگ آسمان ھلى قارە پلاسىنى يايگىنچە يۇق. بولوتلر آرتىدىن بابا قوياش نىڭ شىرىن گىنە جىلمە يىشىنى ائىق-تىنىق كۇرىش ممكن اېدى. وىزىللەگن شمال سوران^۲ كۇترىب، ساكنلىكنى بوزىب، قىرلر اوستىدە ھىلپىرە ياتىن قارە و ماوي متاعلرنى شدت بىلن ھىلپىرەتر، اللە قندە قۇرقىنچلى و توشونىكسىز تاووشلرنى قىر-اڧىرلرگە يايىردى.

^۱ اووئەدە: كىيم، تۇشك و شو كىيلرنىڭ تۇزگن، اوزىلگن پىرچەسى؛ يىرتىلگن، تۇزگن، تېشىلگن.

^۲ سوران: كوچلى شاوقىن، غاور، غور، شاو-شوو.

آخىرى: «حيات گىلچىراغى بىر كۈن كېلىپ، مەنە شو مىنگو يېر-تېنگىستاندە ئۈچەدى، اداغ تاپەدى»، دېر اېدى گۇيا.

اېسان بى بى خىيالىدە ھەر زامان گۇر آچىلىپ، بالەلرى قېردىن قۇيىپ، ئەنەسى نىنگ قۇيىنگە تىلە ياتىگەندە. خوددى، بۇنىدىن قوچاغلە گىچە، يوز و كۈزلىرىدىن ئۈيىپ، تۈيىپ-تۈيىپ دىدارلشە دىلردى گۇيا. ساغىنچ حقى، كۈزلىرى خىرەلشىپ قالگن ئەنە ھەم اوشبو روھى اوچرە شوودن قانىقمەي: «مېنى ھەم ئايب كېتىنگ چىن دىياگە دېگىچە»، زار-زار يىغلب، غرىب گىنە كلبەسىگە قىتردى. شو ذىل ھەر جىمەه آقشاملىرى قېرىستانگە بارىپ يورەك توگونىنى يېچەدى. او ئۈتە بىر آغىر درد آستىدە، فرزندلىرىدىن ئايرىلىق عذابىنى چېكماقدە اېدى.

اېسان بى بى نىنگ ايكى اۇغلى ھەم ملالار فتواسى بىلەن ئۈلدىرىلگن. ئەنە نىنگ اۇقىمىشلى اۇغىللىرى ملالار اوقتىرگن^۱ مقدس نرسەلەر، جىملەدن «حلالە»-يو، «حجاب/ياپىنچىق»... مسألەسىنى سۇراق آستىگە آلگىنى اوچون، اولرنى دىندارلر ئۈلدىرىشىگەندى. حجاب دېگن نرسە، اېسان بى بى اوچون ايلان-چيان، بىتمس-توگەمس داستان بۇلىپ قالگەندى. ھوشىدە ھەم، توشىدە ھەم شونى يازغىرىپ، «اھمىت سىز بىر نرسە اوچون مېنىنگ نوقىران بالەلرىم ئۈلدىرىلسىنمى؟»-دېگن شكايتنى تىلىدىن توشىرمىسى.

اېسان بى بى قېرلر قرشىسدە تېزلىنىپ ئۈتىردى، بېلى ققش ب آغرىگىدىن چىدەلمەدى، سەھل ئۈتمەي، جايدە ئۈتىرىپ قالدى. سۇنگ نىرەسى نىنگ قۇلىدىن توگونچەسىنى ئايب، لاي چىراققە اچىق ياغ سالىپ، قۇش پىلتەنى ياقدى. قويوق توتون ارەلش، آنگە ئايب، يالىنلەي باشلەدى چىراق. ئۈز تىلىدە اېشىتىلر-اېشىتىلمس بالەلرى بىلەن سۇزلەي باشلەدى. او ياقىن قندەي جواب آلە ياتگىنى يالغىز ئەنگە عىان اېدى. او تاماندن بىر نرسەلرنى اېشىتە ياتگەندەي اېدى ئەنە. اوزاق اچكى راز و نياز ايلە يرەتگىگە تاپىندى.

^۱ اوقتىرماق: انگلتماق، توشىترماق.

يۈرەگى توتەقىب ايچىدە اوبولىب ياتگن دردنى تۇكە باشلەدى: «... بو ياروغ عالمده خاتىن بۇلىب توغىلىشدىن كۇرە، بىر مشتوم توپراق بۇلىب توغىلمە يىمن مى؟ دىنانىنگ بار و يۇق عذاب-عقوبت، آغرىق، اۇكسىگى، ايرىلىق، اېنگ آغىر مشقت و مصىبتلىرى خاتىن اېلكەسىدە. شونچە آغىر يۈكنى، ازلدن پروردگار خاتىنلارنىنگ زووالهسىگە قۇشىب يوغورگن اېكن-ده؟»

اېسان بى-بىنى بىر عالم شمول مەما قىيىن كېلەدى. او اېسە، بونىنگ تگىگە يېتماقچى: «بو نىمە دېگنى اخىر! خدائىم بىز خاتىن-قىزلىرگە بىر توتەم قارە ساچ بېرگندىن كۇرە، باشىمىزنى تېمىر-تونىكەدن قىلىپ يرهتمەيدىمى؟ اېركلارنىنگ «حرص و شهوت»ىنى «قۇزغىب» كېلەياتگن ساجىمىزنى ايگنەدن قىلىپ يرهتمەيدىمى اېگم؟ مونچەلر قان تۇكىلمىسدى بىر ساچ اوچون. مېن شو مەيىزدە سۇلىب قالگن ياشىمە ساقالنى تېرك، عيال ساجىنى جنجالگە باتىرگن خدادان راضى اېمىسمن.»

بو سۇزلىرىنى يىغى آرەلش تىلگە كېلتىررگن، قرشى تاماندن ايتىلگن نرسەلرنى يىخشى ايلغب^۱ آلەياتگن دېك، آرە-سىرە بىر جىمىب كېتەدى اېسان بى-بى و يىنە سۇزىگە دوام اېتەدى: «منە گۇرستانگە كېلگونچە شو كىمپىر حالىم بىلن، قورىب كېتگور تۇرە-چادىرگە اۇرەلىب، مودرەب يىقىلگنىم يىقىلگن. نىمە اېمىش، يوزىم كۇرىنسە-كۇرىنسىن، ساجىم كۇرىنمەسىن اېمىش؟! ايسىق-ساووقدن، اچلىك، يوپونچىلىكدن، بىر تىقچىلردن اېمس، قارانغىلىك، بلا-قضا، دۇنگ و چوقوردن اېمس، اېركك نىنگ كۇزىدن ساجىنى سقلش فرض اېمىش. بونى قرەنگ كە، باردى يېر سىلكىنىب، سېل كېلىب عىالنى دامارىگە^۲ تارتگودەى بۇلسە، اول جانىنى اېمس، ساجىنى قوتقىزىش كېرەك اېمىش. بىزنى بىردن-بىرگە، گۇردن-گۇر سالگووچى پروردگار، اېركك نىنگ كۇزىنى تىكىب قۇيمەيدىمى، ياكە كۇزلىرىنى تېپەسىدن قىلىپ يرهتمەيدىمى؟ بو نىمە كۇرگولىك اخىر؟...»

^۱ ايلغەماق: عقل، كۇز، قولاق بىلن سېزماق.

^۲ دامار ~ تامىر: رگ.

اېسان بى بى نامراد كېتىگن اۋغىللىرى بىلن غايىانە دىدارلىشىپ، كۆپ دردلىشىدى. بو كىبى سۆزلىشىۋو بىرىنچىسى ھىم اېمىس و سۈنگىسى ھىم اېمىسدى. چۈنكە، آنەنېنگ ھلى آيتىلمەگن گپ-سۆزلىرى كۈنگىلىدە مۇل.

بو نوبت اېسان بى بى جۈدىرەگن كۆز ياشلىرى ايلە قىرلر اوستىدە قۇش چىراقلىرىنى ياقىدى. يەنە اۋلىكلر بىلن راز و نيازگە كىرىشىپ كېتىدى. شۈندەى گىنە جانلى صحبت بۇلماقدە اېدى كە، افتىدن آنە اۋلىكلر بىلن اېمىس، نق تىرىكلر بىلن گېلشەياتگندەى اېدى گۇيا. آنە قارە پىر آستىدن اېشىتگنلىرىنى قۇرققىدىن بۇلسە كېرەك سىر بىرمىسدى.

يەنە جگىرىندلىرى بىلن سىرلشە يازدى. كېىن اېسە، بىر رومالچەدە توگىلگن نرسەنى يوزىگە توتگنچە: «اې پروردگار بولر ايكى لعل تاشىم اېدى، بو قىزىل تاشلر مېنىنگ يورەگىمىنىگ كويىگىدن آخرى قارە توسگە بوركندى. بو ايكى تاش مېنىنگ يورەگىمىنىگ ايكى پرچەسى اېدى. منە، آخر-عاقبت كېلىپ بولر مېنىنگ قارە قىسمىمگە آيلندى» -دېيە ايكى يىلاق قارە تاشنى ايكى قىر اوستىگە بېچىرىم اۋپىپ قۇيدى-يو: «مېن يۇغىمدە بو تاشلر بىلن سۆزلىشىنگ بالەلرىم، اولر-دە قالىپ كېتىگن مېنىنگ حىسلىرىم، يورەك تېپىشىم احوالىدن درك بېرەدى. مېنى منە شو تاشلر اويغانەدى» -دېگن جملەنى ھىم قۇشىپ قۇيدى.

اېسان بى بى قىرلر بىلن گېلشركن، بىر وصىت ھىم قالدىردى: «خدايىمگە مېندن ساغىنچ-سلاملر آيتىنگ، بالەلرى يۇلىدە يورەك-بغرى اېزىلگن آنم (اېسان بى بى) كۆپ سۇرەدى سېنى، دېنگ. پىر يوزىنى ياووزلىك قاپلەدى، كۇرىمىسىز احوال. التماسىمنى آيتىنگىز، بىر اېقەى گە¹ كېلتىرسىن بىندەلرىنى. ھىر قىمدە، اويت اوستىگە شىرمندەلىك، آبروى قالمەدى خدايىمىنىگ. آيتىنگ خاتىنلرگە قرشى بۈندەى بىتىك و كىتابلرنى يوبارمەسىن پىرگە قىتىپ. اېركلرنى سېوىش و اېركەلشنى تۇختىسىن... خىر تىنچ

¹ اېقەىگە كېلماق: تىرىگە سالماق، بىر اېرلىشتىرماق، اېپىل تايىنى آلماق.

اوخلەي بېرىنگ مېنىنگ ايكي قارە كۈزلىرىم.» شوندىن سۈنگ كوچ-مدارسىز آنە آرتگە قىتدى.

جمعة آقشامى يقىنلشە ياتگندى. بو گل يىنە اېسان بى بى پىلتە اېشىب، سفال چىراققە ماى سالىب قويدى. غلام دېگن اېنگ كتە اۋغلىگە: «بو آقشام مېنى زيارتگە، اوكلەرىنگ آلدىگە آلىب بار بالم» -دېيە التماس قىلدى. ياشى قىرقدن اۋتگن داودىراققىنە اۋغلى آنەسى نىنگ آيتگىنىنى نرىدن بېرى قبول قىلدى.

قوياش كون باترگە آغىب، باشلەگن پىت اېسان بى بى توگونچەسىنى قۇلتىقلىب يۈلگە توشدى. اوپىدىن اونچەلىك اوزاق بۈلمەگن قىرستانگە جىرلدىن قىيەلىب، كىچىكراق دريانى كېچىب بارىلەدى. آلدىندە غلام، آرقەسىدىن اېسان بى بى ايكاولشىب جۈنەدىلر. شرىعتگە كۈرە، غلام خاتىن ذاتىدىن يىتتى قدم آلدىندە يورىشى شرط، آرقەدن آنەسى زۇرغە تېرەنىب، يۈل يورماقدە اېدى. بوتون بۈيى و باشىنى ياپگن چادر اېسان بى نىنگ يورىشگە خەلقىت بېرەپىدى، چادر تېشىكلرىدىن يۈلنى يىخسى كۈرمەپىدى.

آنە-بالە تېز آقر دريا بۈيىگە يېتىب كېلىشىدى. دريانىنگ ايكي قولاچ كېلردە تارراق جايىگە بارىب، اوزونەسىگە قۇيىلگن بالاردن كېچىب اۋتىشلىرى كېرەك قىرستان طرفگە. اېسان بى بى قىمىتىنىب-قىمىتىنىب، چادرى نىنگ تېشىكلرىنى كۈزلىگە اۋنگىلب، ماسلىب، كۈررلىك قىلىب، بالارنىنگ باشىدە تورگن اۋغلى غلامگە قۇلىنى توتقزدى. غلام آنەسى نىنگ قۇل اوچىدىن اوشلىب، اوزون يۇغاندىن كېلگن چۈپ آرقەلى دريانىنگ نرى ياقىگە يېتىكلىب، آلىب اۋتىشى لازم. اېسان بى بى بىر قۇلىدە توگونچەسىنى اوشلىب يىنە بىر قۇلىنى اۋغلىگە اوزەتدى. دريا تۇلىب، سوو شدت ابلە آقماقدە اېدى. ياغاچ نىنگ اۋرتەسىگە كېلگندە، اېسان بى بى چادرىگە اۋرەلىب، بىر مونكىدى¹. آنە غلام نىنگ امانت قۇلىدىن سىپىرىلىب، درياگە چۈكىب كېتدى.

¹ مونكىماق: قاقىلىب ياكە موازىتنى يوقاتىب، آلدىنگە سىلكىنماق، تشلەماق؛ تايماق، تۇغرى يۇلدىن آزماق.

تېز شاشىب آقەياتگن سوودن آنەنىنگ كۈك رىنگ چادرى بىر-ايكى كۈرىنىش بېردى.
سوو توبىگە چۈكىب كېتگن اېسان بى بى قىتېب نشانە بېرمەدى. اۇغلى غلام بىلن ھم
راضىلشە آلمەى كېتدى.

۲۰۱۵/۱/۱۱

كانادا

۲۳. وصيتنامه

وصيتنامە

۱

اۋگىت بېى اۋتۈز ياشلار چمەسىدەگى اق يوزلىك، كېلىشگن يىگىت. ايكى يىلدىن بويان بىر كىشىلىك خانەدە، كوچەيتىرىلگن ترتىدە نامعلوم مدتلى اغىر قماق جزاسىنى اۋتەماقدە. اچلىكدن جانى اوزىلىب كېتمسلىك اوچون زندانچىلر نان و سووينى اېشىكىنى قىيەلب، تىرقىشدىن بېرىب تورىدىلر. قماققە آلىنىشدىن بورون، اۋگىت بېى تشقى كۈرىنىشى بىلن كىشىنى اۋزىگە تارتىب تورردى. كۈزلرى كتە-كتە، اېلكەلرى كېنگ-كىنگ؛ گۈدەسىدىن تشقىرىگە بۇرتىب چىققن بىلك-بالدىرلرى-يو، صفەدېك يايىق تۇشىدىن^۱ كوچ ياغىلىب تورگن كى. او ايش آدمى، هر دايم آزادە، بىشنگ^۲ كىينەدى، ساقالىنى قىرتىشلىب يورر، قىرە بورون، قاشلرى چتىشگن، بۇىنى خودى جواز اۋقىدەى يۇغاندىن كېلگن بربستە يىگىت اېدى. قماققە آلىنگىدىن بويان ملاچەسىگە قىلىب ساقال اۋستىرگن؛ دىنى بۇغىق و اۋتە قوروق حكمران بىر محىطگە اۋزىنى ماسلشتىرگن. تۈلەدىن كېلگن اۋگىت بېى اۋتكىر سۇزچى، يازووچى - قىل قلم شاعر. او سپورتچى بۇلگىدى. كورەشنى جان و دلدىن سېوهدى. قماققە آلىنگىدىن بويان سپورتىنى قىلەلمەگىدىن سىقىلەدى. گۇيا، سولوو يارىدىن آبرى توشگندەى - خمارى. اۋرگنگن كۈنگىل اۋرتنەدى. نە قىلسىن، بو ياقىملى خمارنى يازەى دېسە امكان يۇق.

^۱ تۇش: گۈدەنىنگ بۇى بىلن قارىن اۋرتەسىدەگى آلد قسىمى؛ كۈرەك، سىنە.

^۲ بىشنگ: يىسنگن-توسنگن، نھایتدە چىرايلى، كۈركم؛ بېزەنگن.

ابنى بىر يىرىم متر، اوزونلىكى ايكى متردن سەھل اشەراق كېلەياتىن قماخانەدەگى بىر اوپچە اۋگىت بېنى اۋزىدە ارەنگ سىغدىرەلگن - بىر قارانغى، قارە و ساووق مكان. بو زىخانەدە، او بىلن تشقى عالم اۋرتەسىدە، برماق زۇرغە سىغردەى اېشىك تېپەسىدەگى پنجرەدن اۋزگە نرسە يۇق. قتئىق سۇرىب، هوانى اۋپكەلرېگە بىر جايەلى دەپسە، تازە هواگە تىرقىش تارلىك قىلىشى مەكن. خانەنىنگ دېوارلىرى مەبوسلرنىنگ ساووق نەسەدن قت-قت قوروم^۱ باسگن؛ كويە بىتگن. قماقخانە بنا بۇلگندن بېرى، قوياش نورى سىزىب كىرەلمەگن بو بىر، قۇرقىنچىلى جىم-جىتلىك تويىگە چۇكىب كېتگن. دەشت سالىب تورگن يالغىزلىك، ناآنىق قارە تەقدىر اۋگىت بېنىنىنگ تىنكە-مدارىنى قورىتىب بۇلگن. تەنەسى سۇلىب، اوقوسىزلىك اونىنگ مېيەسىنى ققشەتر، مىنگ بىر قىغى گىرداىدە، خيالاً دىققە و ئانىەلرنى سەنش بىلن وقت اۋتەكزەدى... تېپەسىدە، سىرى^۲ اۋچگن ناس قوطى آينەسى دېك توينىك. شو تېشىكچە اۋگىت بېنىنى آسمان بىلن باغلب تورىدى. كېچ پىتلىرى، تون يىرىمىدە هم شو توينىكدن اۋز يولدوزىمنى كۇررمى؟ -دېيە، تامگە بۇيىن چۇزىب تىكىلگنى تىكىلگن. بىراق، بۇشلىقدن باشقە نرسە كۇزىگە اىلىنمەدى. گادە، «بۇنىم اوزونلېدىمى-بېى؟!» -دېب قۇيەدى اىچىدە.

۲

شونچە كوتىشدن سۇنگ، آخرى اونى قۇل و آياغىگە كىشن و اۋلچك سالىب، قاضى خانەگە الىب بارىب، محاكە قىلىشدى. قىسقەگىنە وقت اىچىدە آلە-پوتە^۳ حكم چىقىرىلىب، اونگە «اۋلىم جىزاسى» كېسىلدى.

-اللهىنىنگ قەر و غضبىگە گرفتار بۇلگن سېن ملعون يقىن كونلردە بۇنىنىنگدن آسىلىب، جانىنگ جەننم اۋچاغىدە ابدى يانگووچى دىر. سېن لىعتى قىلمىشىنىنگگە يىرەشە، جىزانگنى

^۱ قوروم: قارە رنگلى قتئىق مەبوسلار؛ كويە.

^۲ سىر: سىمابنىنگ بىرار مادە بىلن قاتىشمەسى ياكە مادەلرنىنگ سىمابدەگى قاتىشمەسى؛ املگمە.

^۳ آلە-پوتە: درأو، تېز وقتدە.

آلدينگ. بىر هفته دن كېين، مبارك جمعه كونى ساعت بىردە آلامان حضورىدە دارگە
 آسىلەجكسن، -دېدى قاضى تسبيحىنى قۇشە-قۇشە آغدرە ياتىب. حكم بۇيىچە،
 بيتوو دعاسى اۇقىلدى «آمين يارب العالمين» -دېيە قۇلىنى يوزىگە تارتدى قاضى.
 قىتتىگىنلر هم آمىنگە اووچ آچىب، بېجىرم يوزلرىگە قۇل يوگورتىردىلر.

اۋن بىش دىققە اىچىدە امضا آلنىب، قىلىنمەگن عىب بۇنىگە قۇيىلدى. «الله اذنى بىلن
 بو كافر محكومگە آنەسى بىلن بىر مرتەگىنە اوچرەشيش حقى» بېرىلەدى، دېگن گېنى
 قىلدى قاضى آخردە. ايش بىتركن، درآو توره سالىب، كېكسە قاضى عصاسىگە تيەنگن
 بىر كۇرىنىشە، سېكىن-سېكىن يورىب تشقريگە چىقدى. باشقەلر هم ايزىدن
 اېرگشدى. محكمە بۇشب قالدى. او بېردە بىر جلد قرآن، جاي نماز، مېھر، دېواردە
 آسىغلىق چقە پول سالىنگن دُرە-يو، بۇش اۋرىندىقلر قالدى خلاص. آياق قۇلى باغلىق
 اۋگىت بېنى قارە مۇترگە سالىب، قماققە آلىب قىتدىلر.

۳

بىرگىنە اۋغىل قىغوسىدن ادا بۇلگن آنەنى بالە بىلن يوزلشتىردىلر. يىغىدن كۇزلىرى
 كۇكرىب كېتىگن آنە، قارە پايىچىغىنى باشىدن آلركن، «كۇرر كونىم بار اېكن بالم!» -
 دېگنچە اۋگىتنى بىرگە باسىب، يوز و كۇزلىرىدن تۇيىب-تۇيىب اۋپدى. اۋگىت اېسە،
 «آق سوتىنگىزگە راضى بۇلىنگ آنە جان! ينەگى دىدارىمىز قىامتگە قالدى... منە بو
 قىسقەگىنە بيتىك مېندن سىزگە نشانە و وصيت، -بۇلىب قالسىن» -دېيە خىرلشدى. آنە
 اېسە، تىلى سۇزگە آيلنمەي، زار-زار كۇز ياشى قىلىب، زۇرغە قماقدن اويىگە قىتدى.

۴

اويىگە كېلىب-آق اۋغلى توتقزگن اۋشە آيرىلىق خطنى اۋقىب چىقدى. كۇنگىلنى ويران
 قىلووچى خىلدە منە بو سۇزلر يازىلگن اېدى:

«اولا، مېن يېتىم بالەنى آق يوويب، آق ترەب كتە قىلگن آنم آلدىدە، آنەلىك حقىنى ادا
 قىلەلمەگنىم اوچون شرمندەلىك عىزىنى كېلتىرەمن و كېچىرىم سۇرەيمن. قارە تقدير

آلدىن سۈنگى نىسىم آنە سۈزى بىلن اوزىلىشىگە ايشانەمن. اۋشە كۈنگە قدر اياغىنىگىز استىدە باش اېگىب تعظىمدە تورهمن... و مېنى بىلگن، بىلمەگنلرگە يوز بورىب، مېندن خطا اۋتگن بۇلسە، اولردن هم اۋتىنىب كېچىرىم سۈرەيمىن. منە، مېنگە حكم چىقىرىلدى... اېندى قىلمەگن گناھىم اوچون بو ياروق عالمىنى ترك قىلىشىم انىق. مېن روھى و جسمانى قىيىنقلردن قوتىلىب، ابدىتگە، مىليونل بې وقت خزان بۇلگن عىبسىزلر صفىگە قۇشلىمەن. مېن يره تگنگە مھمان بۇلەمن. روھىم تىن آلىب، لغتى زمىنگە الوداع دېيمىن. آنە جانىم، جان و جگرلىرىم! سىزلردن التماسىم شوکە، اېل - يورتگە، شىرىن حىات اوچون آغىر دىملرنى كېچىره ياتگن بېمار، عزيز انسانلرگە: «ساغلام اۋغلىم اۋگىت بېى اۋز يوره گىنى بىر محتاجگە ھدىه قىلماقچى» - دېب خبر بېرىنگ. حاجتمند كىشى بو امانتى مېندن آلىب كېتسىن. مېن يشەى آلمەگن تاتلى كۈنلرنى او يشەسىن. يشەگندە بىر مرتە بېرىلە ياتگن حىاتنى سېويب يشەسىن. باشقەرلر جھنمگە آيلنتىرگن دىنانى شادلىك سرايى بىلىب، كولىب - اۋىنب عمر كېچىرسىن... بختى قرا اۋغلىنىگىز اۋگىت بېى. امضا.»

۵

وصىتنامە اۋگىت بېى نىنگ ژۇرنالىست اۋرتاقلرى قۇلىگە يېتىب باردى. ژۇرنالىستلر بو وصىتنامەنى يېتكىرمەلردە^۱ ترقه تىشىدى. فېسبوك، تويتىر كىبى اجتماعى ترماقلردە يشىن تېزلىگدە يايلىدى. مىليونلر آدملىر يىامنى لايىك قىلىشىب، حكمران رژىمنى انصافگە چارلىشىدى. «بىر شاعر و يازوچىنى، بىر بىتلىك يوره ك دردى اوچون اۋلدىرمىگىز» - دېب التماسدە بۇلىشىدى...

۶

^۱ يېتكىرمە: رسانە، مطبوعات.

مىشۇم جىمە كۈنى كېلدى. تانگ-سەردىن اۋگىت بېي نىنگ باشىگە قارە كىيىگىزىب، قىماقنى اىلب چىقىشىدى. تۇرت سەت چمەسى اۈنى قارە ماشىندە سىقىشىدى. سەت اۈن اېدى، قارە ماشىن «لەنت اباد» دېگن جايىگە قەب يۈل ادى. تومىنات ادم يىغىلىشگن. كۋىپىلرى مەبورلب اىلب كېلىنگن. عەرت بۇلسىن اۈچۈن دارگە اسىشىنى تاماشا قىلىشلىرى كېرەك.

قارە نىقاب كىيىگنلر اۋگىتنى قۇلتىقىلىشىب، دار اسىتىگە اىلب چىقىدىلر. تاماشاچىلر اۋگىتنى كۋىشىر، بىراق، اۋگىتنى كۈزلىرىنى قارە كۈز باغلىغىچ تۈسىب تورردى.

۷

بىر زىمانلر حىياتىن بېزىب، يۈرەگى جۇش اورىب، الھامى قىنب بار-يۇغى بىر بىتلىك انشا يازىب اېدى اۋگىت بېي. اۋشە يۈرەك اغرىقلىرىدىن بىر-يىكى قىتارىنى اۋقىب بىرماقچىمىز:

«... دىنانى كائىنات بىرىدە اقىب يۈرگن دەيدى تاشلر يۇق قىلىشىگە ھىچ قندەى حاجت قالمەدى. انسان بىر كۈرەسىنى اۋز اۋقىدىن اىيرىب اولاقتىرىش كۈچىگە اېگە. بو كېتىشە انسانلر قۇلى بىلن قىامت قۇبىشى تورگن گپ. بو تۈسدە اۈنە زىمىن ياۈۈز فرزندلرى قۇلى بىلن زوال تاپىشى مقرر. ظلم و خونبىزلىك اۈجىگە چىقىدى. بىرگىنە بىزنىنگ يۈرتدە، كۈز كۋرىب، قولاق اېشىتمەگن يامانلىكلر خدانىنگ نامىدىن قىلىنماقده. تنگرىنى، مقدس بىتىك و يىغمىلرنى اۋزىنىنگ شىخسى خىدمتگارىگە اېلنتىرىب بۇلىشىدى بو قارە قوم... ياۈۈزلىك كېتىدىن ياۈۈزلىك، انسانىتىن نشانە قالمەدى.

شو اۈندە غللى فەكر اچىمىدىن اۋتەياتىر. اۋبلىشىمچە، اصلىدە بو گۈزل زىمىنىمىزنى باشقىرىش صلاحىتى ادملرگە اېمس، اېشكلىرگە بېرىلگندە اېدى، بختىار بۇلمىدىك. زېرا، اولرنىنگ سىغىنەياتگن بۇتى... يۇق، يىسمە مقدس نرسەلرى ھم يۇق. قنچەلر بختلى اولر. قەرىنگ، اېشك اېنگ بې ازار حىوان، مەحتەكش، بېمدعا و كەترىن مەلۇق اېمىمى؟ ادم قىلگن ايشلرنى اېشكلىر قىلمەيدى. خىر ادملر، السلام اېشكلىر...»

منە شوگىنە خط اۋگىت بېى نىنگ بىر دۋستى تامانىدن اۋغىرلىنىپ، كېرەكلى جاىگە
ابلتىب بېرىلگن. شوندىن سۋنگ اۋگىت بېى آزادلىكدن محروم قىلىنگندى. محكومگە
كفر آيتگنلىك عىبى قۇيىلدى...
... آخر-عاقبت حكم ايشىنى قىلدى... اۋگىت بېى برچە بىلن قارە پرده آرتىدىن
خىرلشگن دىر احتمال...

۲۰۱۴/۱۲/۲۱

كانادا

۲۴. غۇرلىككە شۇرلىك

غۇرلىككە شۇرلىك

بابا قوياش اۋزى نىنگ زىرېن ساچىدىن اوزىلىپ ارتدە قالگن سۇنگى آلتىن رىنگ تالەلرىنى يېردن يىغىپ آلماقدە اېدى. ماوي آسمان تىپ-تىنىقلىگىدىن كۆككە قرەسە، خودى كۆزگۈگە باققن دېك آدم نىنگ يوزى كۆرىنە ياتگن هوا بۇلدى. كوندوزى اىلىق؛ تونلرى اېسە كۆيلكچن كۆچەگە چىقىشگە ساووق سىرەسن كىشى. تېورەك-اطراف ھلى تۇلە، سىرىق ياپىنىپ خزان توسىنى آلمەگن. اېندى، درختلردن بىتە-يىرىمتە كوزىنىگ زرحل بۇياغىگە چەيلىگن برگلر يېرگە توشە باشلەگندى. كوزىنىگ مەيىن شىمالى دماققە اورىلىپ، كىشىنى مونگلى اۋىگە تالدىرە ياتگن چاغلر حكمران. كۆچەلر اېسە ھمان بۇم-بۇش.

مىنگ بىر خىيال اىلە كتە يۇلدن اۋتە ياتسىم، «آوو بالە! بو ياققە كېل، سېندە گېىم بار» - دېگن چقىرىق قولاغىم آستىدە جرەنگلەگندەى بۇلدى. چلە اېشىتگىنىم اوچونىمى، تىسەرىلىپ آرقەمگە قرەمەدەيم. يۇلىمدە دوام اېتەبېردىم. بو گل بلندراق تاووشدە بايەگى سۇزلر تكرر اېشىتىلدى. سۇنگ آرقەمگە اۋگىرىلىپ، سېس چىققن جايگە تىكىلدىم. بىر كېكسە كىشىگە كۆزىم توشىب قالدى. آقر سوو بۇيىدە اۋتىرگن بو آدم نورانى، آقساقال گىنە كىشى اېكن. منگلەيىگە^۱ آجىن يوگورگن. اېتى سويگىگە ياپىشىگن؛ سۇلىگن برماقلىرىنى اىيەگىگە^۲ توتىب تورگن بىر قىافەدە. اىچكرىگە باتىب

^۱ منگلەى: پېشانە.

^۲ اىيەك: غج.

كېتىگن كۈزلىرى كۈزلىك آرتىدىن معنادار كۈرىنەپىدى. يىخىلىپ قرەسم ياشى ۷۰لنى اورىپ قۇيىگن چال. اۋنگ قۇلىدە قندەى دىر بىر كىتاب اوشلب آلگن. كىتابنىنگ قاق اۋرتەسىگە باش برماغىنى سالگنچە، بىر نرسەلرنى مېنگە، آيتەى، دېب چاغىلماقدە. يقىن بارىب حال-احوال سۈرەشدىم. كېىن او كىشىگە يوزلىنىب:

- گىپىرىنگ باباجان، اىچىنگىزدە بىرار دردىنگىز بارگە اۋخشەيدى. سۈزلىرىنگىز حكمت-و، اۋگىتلرگە باى دانشمند كىشىگە اۋخشەيسىز.

- يانىمگە اۋتير اۋغلىم، -رسا سۈزلىرىگە قىلىككە خاص تاووش تىتراغى قۇشىلدى، - آدمنىنگ دردىنى آدم آلدەى. شو بوگون كۈرگن واقەمنى سۈزلب بېرەيىنمى سېنگە بالم؟ ياكە، بىرار ياققە شاشىلمەيىسنمى اولىم^۱؟ -دېدى باسنىقيراق.

- يۇق باباجان، هىچ قەياققە شاشىلەياتگىم يۇق. مېن سۈزلىرىنگىزنى جان قولاغى بىلن اېشىتىشگە تيارمن، سۈزلىنگ.

- بوگون توشدىن سۈنگ دىيادە نىمە خبر، دېپە بىر فىسبووككە باش اورگندىم. بو يېردە شونچە بىر-بىرىگە قرەمە-قرشى فكلرل يازىلكن كە، اولرنى اۋقىب ياقە اوشلەيسن كىشى.

- هە، تۇغرى سۈزلەيسىز آتە. او يېردە يازىلەياتگن، كۈرىشگە قۇيىلەياتگن نرسەلر آدمنىنگ عقلىنى شاشىرىب قۇيەدى. شولرنى مشاهدە قىلركنمن، انساننىنگ كىملىگىنى بىلماقچى بۇلسنگ فىسبووككە كىر، -دېگىم كېلەدى. بىلمەگنىمىز، انسانىت تارىخى ايرىنگ-زردادىن عبارت اېكن-آوو. بو كھنە تارىخ مىنگ-مىنگ بىلدىن بېرى قندەى قارە كونلرنى باشدىن كېچىرمەگن، دېيسىز. ھمەسى ياپىقلىگىچە قالىب كېلەياتگن اېكن! علم-فن، تكللوژى عصرىدە، اېندى، اولرنىنگ اوستىدىن پردە آلىب تشلىنماقدە. انه بولرنى كۈرىب تارىخ تىلگە كىردى، دېسە ھم بۇلەبېرەدى. بو نرسەلرنى كۈرگىچ،

^۱ اولىم ~ اۋغلىم.

آدملارنىڭ كۆزى آچىلىپ، بىر ياقىدىن دىدەسى قاتماقدا. دىئانى ياووزلىك يوتىپ بارماقدا.

- اوقىلەياتىڭلار بىر سىرى؛ اناوى كۆرىلەياتىڭلارنى ايتىمەيسىنى بالىم؟

- بىلەن بابا. بىر-بىرىدىن قىزىقارلىق؛ رىنگە-رىنگە و عىن پىتدە اۋتە دەشتىلى اولر.

- انه شونقەسىدىن بىرىنى گىپىرىپ بىرماقچى اېدىم، مىلىمى؟

- مىلى، نىمە اېدى او؟ گىپىرە قالىنگ.

- فىسبوكنى ورقىلپ تورسىم بىرگىنە لوحەگە كۆزىم توشدى، -كتە بىر حقىقتىنى

آچىڭدە، سۆزىگە اورغو بېرىپ، باش قىمىرلىتىپ، آچىنە كېتىدى، -شو سىچقانچەنى بىر

اۋزىبىكچە كلىپ اوستىگە آلىپ بارىپ كلىك قىلدىم. نې كۆز بىلن كۆرەى كە، بىر

اېسكى مچىت يانىدە بىگىرمە-اۋتىز چاغىلىك كىشى تۈپلىشىپ تورىشىدى. اولىگە،

«بو بىردە كىمدىر اۋلىپ، جنازەسى اۋقىلماقدا شېكىللى؟» -دېگن فىكرگە باردىم. ياكە،

آدملر بىرار بىر مەھم نرسە اوستىدە جىللىشەياتىر، دېپ اۋلىپ قالدىم.

- بلكە، ملا، آخوند دىنىي گپ و سۆزنى سادە آدملر قولاغىگە ايلەياتىڭدى، -دېدىم

باباگە.

- يۇغ اېى، گپ عموماً باشقەچە، يىتتى اوخىل اېسىنگىزگە كېلەياتىڭن صحنە اېمس،

اۋغلىم.

- باشىدە سلە، ياشى اۋتىزدن اۋتىڭن، سىپىرەك كىنە ساقال اۋستىرگن كىشى، بىر آغىر

نرسەنى كۈترگنچە، بايەگى بىغىلىشىپ تورگن آدملر تامان كېلەياتىڭدى. يقىن كېلرگن،

كۆكرەگىدە انىق، بىر تلوزىيون كۈترىپ كېلەياتىڭنى معلوم بۇلدى. تلوزىيون اوستىدىن

دىوىدى پىلىپ، اونىڭ اوستىدىن ياقىب اۋچىرگىچ قۇبىلگن اېدى. اوزون بۇبىلى بو

بىگىت جماعەگە يقىنلىشەياتىڭن پىت، بىردن قۇلىدە مىكرافون توتىڭن بىر ژۇرنالىست

بىگىت پىدا بۇلىپ قالدى. ژۇرنالىست دراۋ تلوزىيون كۈترگن كىشىگە قوبىدەگىچە سوال

بېرە باشلەدى:

- ھارمىڭ اكه! تلۈزىيون بوزىلدىمى؟
- يۇق.
- اوستەگە آلىب بارماق دەمىسىز؟
- يۇق.
- ساتگنى ابلتەسىزمى؟
- يۇق.
- باشى آغرىدىمى، ملاگە اۇقتىگنى آلىب بارەيىسىزمى؟
- يۇق، دېگن معنادە بو گل تىلىنى اېمس باشىنى ايرغىتدى.
- نىمە؟ اوندە بو تلۈزىيوننى قوچاقلب قى ياققە بارماق دەمىسىز؟
- بونى مچىتگە آلىب بارەمن اوکە.
- نىمەگە كېرەك بۇلىب قالدى؟
- مچىتگە، ملانىنگ يانىگە آلىب بارەمن.
- نىمە اوچون آلىب بارەسىز ملاگە؟
- بونى سىندىرماقچىمن.
- بو تىلسىز، جغسىز تېمىرنى سىندىرىپ نىمە قىلەسىز؟ - ھىجانلىنىپ سۇرەدى
ژۇرنالست.
- ھى! - ايجىرغىلدى، - سىز بىلمەيسىز. بو شىطان قىلىنى ملامىز حرام دەدى.
- بېيىلەدىگان نرسە اېمس - كو حرام بۇلسىن! - عجبلىنىپ سۇرەدى مخابر.
- يۇق. بو كافرىنىگ نرسەسى؛ اونى كۇرىش گناھ اېمىش، شونىنگ اوچون مېن بونى
سىندىرماقچىمن! ھە، آدملىرىنىگ كۇز اۇنگىدە سىندىرىپ تشلەيمىن بو شىطان قىلىنى! -
ھىجاندە اېدى؛ جھلى تاشىب گېيگە نقتە قۇيدى.
شوندىن سۇنگ، ژۇرنالىست اۋزىنى بىر چېكەگە آلدى. ھلىگى كىشى كۇكسىدە زۇرغە
اوشلب تورگن تىلۈزىيوننى باشىگە كۇترە سالىب، بىرگە بىر اوردى. اوستىگە چىقىپ

ايب، قۇپال آياقلىرى بىلن بابلب تېپكىلەدى. تلويزون نىنگ ايچك-چۋاغى شووو اېتىب ايچكرىگە تۈكىلدى. شو پىت اۋرتەدە تورىب، تىبىچىنى قۇشە-قۇشە آغدەرەياتگن ملا: «بالتەنى كېتىرىب بېرىنگ جۇرە بايگە» -دېيە قىچقىردى. شيطان اېلكەسىگە مىنگن بايەگى قىصاصكار آدم «يا الله!» -دېگنچە، آغىر بالته بىلن تلويزيونى اورىب قېە يارىب تشلەدى. بىر دىققەگە بارر-بارمس توزوك كىنە، آباد، قىمىتىگە ساتىب آلگن، تىغىن ساتسە بىر دردىگە يەرەياتگن تلويزيونى پرچەلب تشلەدى. سىنىق پرچەلرنى-دە، مىدەلەى باشلەدى. آدملىر همان حىرت بىلن ياقە اوشلب تورىشردى.

- ايچىنگىز تۇلىب تورگىنىنى توشوندىم بابا، دېدىم آقساقال كىشىگە.
- اېندى، اۋزىنگ بىر اۋىلب كۇر بالم، بو شۇرى قورغور باىبچە-كو، اېمسدى. كتتە بۇلسە دەھقان، ياكە، حمال، جىلەقورسە بىر خشەكى مردكارگە اۋخشەدى. بو دستگاہ نې-نې عذاب و عقوبت بىلن بالەلرنىنگ آغزىدن اورىب ساتىب آلىنگن. قالدەپرسە، شو دستگاہ، كمبىل نىنگ بىر كونلىك غم-غصەسىنى آردى. اۋرگنەياتگن تىرىبەوي نرسەلر كۇپ اېمس مىدى؟ مثلاً، سىندىرمىسدىن اوستىگە كۇرپە قەلب قۇيسە بۇلردى... نىمە دېب اۋىلەيسن، بو تىرمىزەكنىنگ بوزغونچىلىگىگە بالە-چقەسى كۇندىمى اېكن؟
- يۇق البتە، اۋى نىنگ بىر چېكەسىدە، تورەبىرردى. بالەلرى نىنگ اۋىنچاغى، اۋونچاغى بۇلىشى ممكن اېدى. شو جرار صوفى ايشدن چرچەگندە اۋرىندىق قىلسە بۇلردى-كو اخىر، دېب قۇشىب قۇيدىم.

- بىلەسنمى بالم، -دېدى دانشمند تاكىدلەياتىب، -بدعت و خرافات بىردىنگە آدم نىنگ آنكىنى اشغال قىلەدى. بونگە اينانگنلر بار-يۇغىنى، حتاكە، جانىنى ھم بو يۇلدە تىكىشىگە تيار. قىدىمدە بالەسىنى اۋز عقىدەسى يۇلىدە قربان قىلىشىگە چاغلنگن اۋشە روحي كىسلر انە شوندىلر جنسىدن بۇلگىنىنى بىر اېسلب كۇرىنگ. اگر بو سوادسىز

كىشى نىنگ بوندىن كته راق امكانىتى بۇلسە، قندەي قىرغىن-براتلرنى انسانىت باشىگە
آلىب كېلگن بۇلردى.
بابانىنگ تىلىدىن بو واقعهنى اېشىتىب، بوتون وجودىم لىزه گە توشدى. اگر بو سوادسىز
آدمنىنگ قۇلىدە بوندىن-دە، كته راق امكانىت بۇلسە، اتم قوراللىرىنى تاپ تارتمەي اۇز
مخالقلرى باشىگە ياغدىرگن بۇلردى. چونكە، بولر اوچون جىندە ۷۲ تە باكرە قىز و
غلمان خىدمتگە شى تورىيدى. بو دىيادە ىشش اولر اوچون قىزىق اېمس، دېگن فكرلر
ايچىمدن اۇتدى.

۲۰۱۴

كانادا

۲۵. خان آييم

(تاريخي حكايه)

خان آييم

(تارىخى حكايه)

ياز كونلىرى نىنگ تفتيدن اېندى گينه سراب كوككه اورله ياتگن كېزلر اېدى. غير-غير اېسه ياتگن شمال اوزاق-يقيندن الله قيسى خبرلر درگىنى كېلتىرىپ تورگندهى. غم-قيغوكه يول يوق. كاروانلر تويهلرده يوكلنگن توز، غله، تېرى، بوغداى و باشقه نرسه لرنى كېلتىرىپ امارلرگه تخته ياتگن كېزلر. آدملىر ات-اراهه، اېشك، خچىرلرده بازارلشگى شېرگه كىرىپ كېله دىلر. بازارچىلرنىنگ تياقلىرىدىن كوتريه ياتگن چىنگلر تاباره قويوقلشىپ بارماقده اېدى. جىرچى كېلگوسى جمعه كونى اوتكزىله جىك اويىنلرنى بازارچىلرگه، يوقارى تاووشده يېتكزىپ تورىدى.

غرق پىشىقچىلىك، آلدى-ساتدى اوچون هر كىم بىر نرسه سىنى شېرگه يوكلب ياكه آرقه لب كېلتىرىپ آقچىلر، شو ذىل اوز تىرىكچىلىگىنى تېبره تردى. نانچىلر، آشچىلر، قصابلر، برى كاسبلر كورستىلگن يساقلر¹ بويىچە ايش توتە دىلر. شونگە قرەمەى، شېرەگى احوال هر كونى ناظرلر تامانىدىن بىر-بىر كوزە تىب بارىلەدى. كېنتەگى بىر كونلىك احوالدىن خبرلر سرايگە يېتكزىلىپ تورىدى. كېچ كىرمەى، خان آييم² حشمتلى تخته روانده اوتىرىپ، كتە شېرنى بىر ايلنىپ چىقهدى. خاطرىنى جمعلب، سۇنگ سرايگە روانە بۇلەدى.

¹ يساق: قانۇن.

² خان آييم: سراى مۇلك خانىم، بىبى خانىم.

تورلى اۈلكەلردن كفتەر و چاپرلەر، ھەر خىل واقىعە-ھادىئەلەردىن خىبر كېلىتىرىپ تورر، پايتىخت سمرقنددىن تىنچلىك و آسايشتەلىك مژدەسىنى آلگىچ، يىنە آرتلىرىگە قرەب ايزغىب كېتىشىدى. خان آيىم يىغىلگن بىر كۈنلىك مەلۇماتنى سرائى امىرزادەلەرى، وزىر و فاضللەر مەسلىھەتلىدىن اۋتكىزىپ، قىسقى سۇرلەردە سېۋىكىلى عىمر يۇلداسى صاحبقرانگە ھىزۋىرىگە جۇئەتەب تورەدى. كۈن باترىگە بىر ساعەت قالگندى. خان آيىم دولت ايشلىرىدىن اېندى بۇش، سرائىگە كىررىكن، ملكە وكنىزەكلەر، طنطنەلى روشدە سېۋىكى و ادب يوزەسىدىن سالملر آيتىش، قرشى آلىشىدىلەر. خان آيىمىنىڭ يوزىگە تارتىلگن اىپك پردەنى آلەياتىب، اولوس آغە^۱:

- قوللۇغ ملكەم، بىرەتگن اېگم صاحبقراننى اۋز پناھىگە سقلەگەى، تىخت و بىختىنى برقرار توتغەى، -دېيە ھال-اھوال سۇرەشىدى. بى-بى خانىم اېسە اېنغەنىلىك بىلن بېلگىلگن اۋرىندىققە اۋتيرەياتىب:

- سلطنتىنىڭ اوستونلىرىنى مستىھكم توتوب تورگوۋچى نرسە- تەدىبىر و دانالىك دور. صاحبقراننىڭ «رىستى - رىستى» يعنى توز و تۇغرىلككە زوال يۇقتور، -خوش كىفىت و قووناق بىر قىيافەدە، -اولوغ دولتىمىز بوتون اېل-اولوسنىڭ آرقە تاغى بۇلغەى. شىكرلەر بۇلسىن كىم، دولتىمىزنىڭ اذنى بىلن قۇى و بۇرى بىر گزردن سوو اىچگوۋچى بىر زماندە يشب كېلماقەدەمىز، -دېيە كىچىك كىنە امىرزادەلەردىن بىرىنى بىرىگە آلدى و اېركەلەى كېتدى. چۇرىلەر بۇلسە، بېلىغىچلەر بىلن خان آيىمىنىڭ باشىدە تورىب، بېلوزىكە^۲ قىلە كېتىدىلەر. شام قارەلشىب كېلماقەدە اېدى. شو پىت برزنگى دېك^۳،

^۱ اولوس آغە: امىر تېمورنىڭ سېۋىكىلى خاتىنلىرىدىن بىرى.

^۲ بېلوزىك: بېلىتماق، شىماللىتماق.

^۳ برزنگى: ھىبىلى، دۈەنگىردەى، يۇغان گۈدەلى.

باقىلگن كتە خۇارز اوزون اون^۱ چىقىرىپ، بلند قىچقىرىدى. اېندى اۋرنىدىن جىلماقچى بۇلىپ تورگن خان آيىم:

- ياپىر اي! بو نې بۇلدى. بىزگە قندەى ساووق خبر آيتماقچى بو پىتى يولونگور، - دېدى-يو، يساوللردن بىرى بارە سالىب، ايرىم يوزەسىدىن خۇراز نىنگ نولىنى كېسدى. توارىخدە خان آيىم-نىنگ بىر كونلىك (جمعه آقشامگى) حياتىدىن منە شولر يازىب قالدىرىلگن اېكن.

خان آيىم (كتە خانىم هم دېيىشگن) كېنگ شەردە كېچەياتگن هر نرسەدن خبردار. تون الە محل بۇلىپ قالگندى. آسمانده تۇلىن آى برق اورىب تورگن. بو آقشام منجملر تېمىر قازىق يولدوزىنى پارلاق كۇردىلر. شو كونى چاپلر بىر طومارچە بيتىكدە، صاحبقران اندخويده پىرلردن بىرى بابا ساغرى بىلن اوچرەشىپ، اوندىن خوش خبر آلگىنى كېلتىرىپ اېدىلر.

عاتدگە كۇرە، خان آيىم تون يرىمدە اۇغانىب كېتىپ، آدملر تورىش-تورموشىدىن خبر آلىش مقصدىدە، ايستەگن تامان يۇل آلر، يشرىنچەسىگە، اۋشە طرفلردن بىر نرسەلرنى بىلىپ و اېشىتىپ، سرايگە ينە قىتىپ كېلدى. خان آيىم كۇپراق طلبەلر حياتىدىن، ايش، يوموش و تونگى مشغولاتلرىدىن تېز-تېز خبر آلىپ تورردى. كۇنگلى تۇق بۇلسە-دە، خان آيىم، قاش قارەيگچ، كىيىملرنى اۋزگرتىرىپ، ينە علم طلبەلرىدىن خبر آلىش مەناسىدە كنىزكلرى بىلن كتە مدرسە تامان يۇل آلدى. تون ساكن اېدى. كىشى خياللر اغوشىدە چۇمەياتگن آنلر. طبعىت، تېورەك-اطراف آدم بىلن سىرلشە يانگندەى. يۇل ياقەلب بورركن، خان آيىم قوربەلرنىنگ قوربىللىشىدىن اۋزگە جانازدىن سېس اېشتمەدى. شودرىنگ باسگن اۋتلرنى كېچىپ، بىى خانىم مدرسە صحنىگە كىردى. بوتون حجرەلدە ساكنلىك حكم سورردى. خان آيىم كنىزكلرنى مدرسە حولىسىنىنگ بىر

^۱ اون: سېس، آواز.

چېتىدە قالدېرىپ، بىر اۈزى سېكىن-استە آياق اوچىدە يورىپ، طلبەلەر حجرەلرېنى بىر- بىر تېكشىرىپ چىقدى. قرەسە كە، چېت حجرەلردن بىرىدە شمع نېنگ خىرە نورلرى ايلتېللىب يانە ياتگندى. خان آيىم سېزدىرمىسدىن اۈشە حجرە تامان سورىلدى. طلبەلەر اۈرتەسىدە آيتىلە ياتگن گېلرگە قولاق توتماقچى بۇلىپ اېشىك آرتىدە اۈتېرىپ قالدى. آدمزاد قورسىن اېكن. يالغىز قالدېنگىمى، اۈيلر مملكتىدە اۈزىنگ خان، اۈزىنگ سلطان. اللە قىسى دەيدى خياللر مىيەنگە كىرىپ آلىپ، سىندىراق لىمەيدى مى يې؟ تون نېنگ ساكن تون بىرىدە ايكى طلبە خيال سورىپ، اۈز ارا گپ قاتىشە ياتگن اېدىلر. طلبەلردن بىرى ايكىنچىسىگە دېدى:

- اوزون تونلرنى تانگ آتتېرىش تىنچىنگنى آلىپ كېتە دور. كېل آغم، خيال سورىشگە نىمە يېتىدى. خۇب آيتگىن-چى، حاضر كۈنگلىنگ نىمە اىستە يدور؟

- اې اىنىم، نىمە يىستردى، قۇى گوشتى، قۇى ياغىدە دىملنگن، لۇمىللەگن بىر غۇرى پلاو-دە. شو، بىر تۇيىپ يېسك دېيىمىن، -دېپە سۇراققە جواب قىلدى بايەگى طلبە. اۈيقو تۇشگىدە تاولنە ياتگن هلىگى طلبە اۈز جۇرەسىگە:

- خۇش، اۈزىنگ نېنگ كۈنگلىنگ نىمە اىستە يدور برادر؟ -دېپ سۇرەدى.

- اې جان برادر! شو سرايدە گۈزلىككە تېنگى يۇق، چاوى¹ عالمگە كېتگن، صاحب جمال سراى مۇلك خانىمنى-دە. قنى علاجى بۇلسەيدى، كۈنگىل قورغور شول خانم يىلن بىر كېچە هم صحبت بۇلىشنى آرزو قىلە دور. -دېپ جواب قىلدى طالب علم.

بىرىنچى برادرى نېنگ بو قلتىس جوايىنى اېشىنگىچ ايكىنچى طلبە:

- اوازىنگىزنى شمال اوچورسون. آغزىنگىزدن چىقە ياتگن گېنى يىلە سىزمو؟ «دېوار نېنگ هم قولاغى بار، آدم اۈز تىلىدن تاپە دور» -دېمىشلر، تەغىن بىر بلاگە اوچرەمە يىلىك برادر؟ -دېپ اۈرتاغىنى راسە كايىدى. بو گېلرنى اېشىك آرقەسىدە تورگن خان آيىم

¹ چاوى: آوازە، شېهت.

آبدان اېشىتىدى. سۇز شو يېرگە يېتىگندە، سראى مُلك خانىم، حجرە اېشىگى آلدىدىن سېكىن جىلىب، كىزىكلرى بىلن آرقەگە قىرىلىپ كېتىدى. آرهدىن بىر-يىكى كون اۋتۇچ، سראى اعىانلىرىدىن اوچ كىشى مدرسه گە كېلىپ:

- بوتون طلبەلەر سראىگە يىغىلىشىسون، -دېگن خىرنى آيتىپ كېتىدىلەر. بو كوتىلمەگن تىكلىدىن كېيىن، طلبەلەر ايچگە غلغە توشدى. جانىنى قۇيرگە جاي تامەگن، يوره گىنى قۇرقوو باسگن طلبەلەر سראىگە يىغىلىشىدى. ملا يىگىتلەر بىر مېمانخانەگە كىرىتىلىپ، قۇى ياغى، قۇى گۇشتىدىن پىشىرىلگن پلاوخان تۇره گە ضىافت قىلىندى. ھەمە ياق سوو سېپىگندە جىملىك. بىر مدىن سۇنگ، سראى مُلك خانىم يوزىگە قىمت بەھا پردە توتىلگن بىر كۇرىنىشە، كىزىكلرى قورشاويدە مجلسگە تشرىف بووردى و تۇردە اجرە تىلگن مخصوص اۋرىندىقەدە يېرلىدى. او صحبتداش طلبە يىگىتلردن ايكىسىنى يانىگە چقىرىپ دەدى:

- خۇش ملا يىگىتلەر، قۇى ياغى، قۇى گۇشتىدىن بۇلگن پلاو قندەى بۇلىدى؟ يوره گىنىگىزگە معقول توشىدومو؟

قۇرقوودن قلىتېرەب تورگن ايكى طلبە بىردن تىز چۇكىب:

- قوللوق خان آيىم! بې حد يىخى پلاو بۇلىب دور. مختىشدىن ھم يۇقارى آش بۇلىب دور، -دېپە تعظىم بجا كېلتىرىشىدىلەر. شوندى سראى مُلك خانىم بىرىنچى طلبەگە يوزلىنىپ:

- اېندى سىزىنىگ آرزو يىنىگىزنى سۇرەسم. مېن بىلگىنىگىز تېك صاحبقران نىنگ نكاھىدەگى ملکہ من. سىزىنىگ صحبتداشىنىگىز بۇلە آلمەيمېن. اېندى اۋزوم نىنگ گۇزل كىزىلرىمدىن بىرىنى سىزىنىگ نكاھىنىگىزگە سالىب بېرورمىن. سىز راضى بۇلگە يموسىز؟ -دېدى. آغزى قورىپ، تىلى آىلنمەى قالگن ملا يىگىتلەر بىردن اۋرىنلىرىدىن سېچىپ توريپ، يالبارە باشلەدىلەر. بىى خانىم آباغىگە باشلىرىنى قۇيىپ:

- كېچىرگە يىسىز خان بېگىم! بو ادبسىز قولونگىزىنىگ بىر قاشىق قانىدىن اۋترسىز، - دېب التجا قىلە يازدىلەر. شوندى وچاھت ابلە خان آيىم سلماقلىنىپ:

- ملا يىگىتلەر، سىز بېھودە اضطراب چىكمغەيسىز، - دېدى رىمق جان بۇلىشب تورگن طلبەلرگە. شو پىتدە سراى مُلك خانىمىنىڭ اشارتى ايله قاضى-يو امام كىرىب كېلدىلەر. سراىنىڭ اېنگ گۈزل كىزكلرىدىن بىرىنى چارلب، جمعى طالب علملر گواھلىگىدە ھلىگى طلبەگە نكاحلب بېردى.

۲۶. آق رومال

اق رومال

آتە-آنەسى نىنگ بىرگىنە ارزندە قىزەلاغى عايشە، اېندى گىنە تۇقىز ياشنى تۇلدىرىپ، اۈنگە قدم قۇيىگن اېدى. كونلرنىنگ بىرىدە، طوطى عمە قاق توشدە، جىزىرەمە قوياش تىغلىرى آستىدە، قىزگىنەسىنى يېتكىلب، تۇى تېپە قىشلاق تامان كسل كۇرگىنى كېتدى. او اۈزى بىلن كۇز مونچاق دېك، قىزى عايشەنى كۇچەگە اېرگشتىرىپ چىققىنىدىن كۇنگلى خىرە اېدى. «بو جايلردە تۇقىز-اۈن ياشر قىزىنگ بۇلسە بۇلدى، سۇرەمسدن درۋا اېرگە بېرەويرەدىلر» -دېگن اۈى-خىيال طوطى عمەگە تىنچلىك بېرمىسى. اونىنگ نظرىدە كىم دىر، گۇيا، عايشەنى بوگون خام فاتحە قىلەدى-بو، بىر-اىكى كون اۋتىب، اىستەگن تامانگە-اىلب كېتە ياتگندەى تويىلردى.

۶-۷ ياشلىگىدىن-اق، يقىن-اوزاقدن بىلگنلر، كۇركى-جمالى اۈزىگە يرهشە عايشەنى كېلىن قىلماقچى بۇلدىلر. بىراق، طوطى عمە نىمە قىلمەسىن بو اىشگە تىش-تىرناغى بىلن قرشىلىك كۇرسە تىب كېلدى. عايشە اۈز قىشلاغىدە اونشتىرىپ قۇيىلمەگن ياكە تورموشگە اوزە تىلمەگن يكە و يگانە قىز اېدى. كۇزلىرى كتە-كتە، قاشلىرى قويوق، كوموشدەى يوزلىرى تۇلىشىگن، كېسىمى كىچىكراق عايشە، آنەسىگە حرمت قىلگن بۇلىپ، باشىدەگى لچگىنىنى هىچ ھم توشورمىسى. كسل كۇرگىنى كېتە ياتىپ، طوطى عمە علاجى بارىچە خلوتراق جايلردن يۇل باسىب كېلر، توياعى نىنگ سېسىنى اۈزگەلرگە اېشىتدىرمىسلىككە حرمت قىلردى.

طوطى عمە تۇى تېپە قىشلاقدەگى كسلنى كۇرىپ قىتگىچ، اونىنگ اويىدىن ساوچىلرنىنگ كېتى اوزىلمەدى. آخرى، كتە-كىچىك، قۇنى-قۇشنى قۇيرگە قۇيمەى

عايشەنى زۇرلۇب، اوچ قىمىشلىك، ابللىك سىككىز ياشلى عثمان بايگە تۇرتىنچى خاتىن قىلىپ باشىنى چىتىدىلر. قىزىنىڭ آتەسى جۇرە تاغە ھەم بو ايشگە راضىلىك بېرمەي كېلەياتىن اېدى. طوطى ەمە قىچەلىك داد-وايلىرى سالمەسىن قۇل كۇتۇرلىپ فاتحە بۇلدى، شىرىنلىك اولەشىلدى، روماللىر ترقەتىلدى. اېندى محلەدە دوو-دوو گپ. كىتە تۇي اېسە قربان ھىيتىگە قالدۇرىلدى. شو پىت آشخانەدە كۇز ياشى قىلىپ، قىزى عايشەنى بىرگە باسىپ اۋتىرگن طوطى ەمە، اىچىدەگى بار نىفرت و غضبىنى سقلەي آلەمەي، اۋق دېك اۋتلىپ چىقىپ، چىرقىرەگنچە اوزون اون تارتىپ حولىدەگى جىملىك و سىكوتنى بوزدى:

- گۇرىنگ كويگورلر، اويىنگە اۋت توشكورلر! مۇتومدىك گۇدگ بالەنى بو قەگە اۋخشەگن سەسىق چال نىنگ قوچاغىگە سالىپ قۇيىشدىن اويكەمەيسىزلمى؟ سىزىنىڭ ھەم قىزلىرىڭىز باردىر اخىر! بو قندەي بى انصافلىك، وجدانسىزلىك بۇلدى؟ - دېدى طوطى ەمە ساوچىلرگە قرەب.

شوندە يوزلر بۇرىشگن، اق سلەلى، مە چاپان كىيىپ آلگن ملا شريف بىردىنگە دىغە بىلن عىناسىنى بېرگە تىرەب كىمە اۋگىرىپ استىغىرالله كېلتىردى و تېورە كدەگىلرگە قرەب:

- اې مىسلمان برادرلر! كۇرەپىسىزلمى؟ بو آخىر زمان علامتلىرىدىن بىرى دىر. شوندەي آنلردە عقلى ناقص خاتىنلر ثواب ايشگە تۇسقىنلىك قىلىپ، اۋز اېرى و اجماعگە قرشى چىقەدىلر، - كىتە آچگن اووچلر بىلن يوزىنى بىر سىيىرىپ آلدى و سۇزىگە دوام اېتدى، - جۇرە باي اېندى بو خاتىن سىزگە طلاق توشدى. حاللە قىلمىسدىن سىز اونگە اېر بۇلە آلەمەيسىز، يقىنلىك ھەم قىلە آلەمەيسىز؛ شرىعتىمىز شوندەي حكەم قىلەدى، يىخىشلىپ توشوندىڭىزمى؟ - دېدى.

قىزىنىڭ تشوئىشى يېتمەگنى دېك، ملا شريف نىڭ بو گپلىرى جۇرە تاغە نىڭ قلىبىنى وىران قىلدى. سېوىكلى خاتىنىگە، حتا، شىمال تېگىشدىن رشك قىلىپ كېلەياتىن جۇرە

تاغە، اېندى، ناموسىنى بىراوگە قۇشىب قۇيىب، تەين خاتىن قىلىب آلىشىنى اىچىگە سىغدىرەلمەدى. شرىعت نىنگ بو حكملرى جۇرە تاغە نىنگ كۇز اۇنگىدن بىر-بىر اۇتدى شېكىللى، كۇز تىگى بىلن ملا شرىفگە بىر خومرە يىب قۇيدى.

طوطى عمە ملا شرىف نىنگ بو گىپنى اېشىتىب تابارە توتقۇدى. غىرتى جۇش اورىب قۇلئىدەگى كتە گل رومالنى آله سالىب بېلىگە باغلهدى-دە، اېرى نىنگ قۇلئىدن قتئىق اوشلب:

- يورە يىز چۇكمە سىن آتەسى. بولر سىزنى يالىغىز دېب اۇيلە پىدىلر. يۇق، سىز يالىغىز اېمىس سىز. مېن يانئىزدە مەن، حتا، بىلگىمدن اوشلتگنى قۇيمە يىم بو ايمان سىز لىرگە. بىرىنچى اۇز خاتىنىنى حاللا قىسىن ملا شرىف. «اول پىچاقنى اۇزىنگە سىنچ، آغرىمىسە بىراو سىنچ» -دېدى-كو دانا خلقىمىز. جانىم بارىچە مېن بولرگە قرشى كورەشە مەن. مېنىنگ عثمان دەبنىگە بېرەدىغان قىزىم يۇق، -دېدى عمە.

اىكى هفته اۇتېب قرىبان هىيتى هم يقىنلىشىب قالدى. كوتىلمە گندە عثمان باى نىنگ قلىن و تۇيانەسىنى جۇرە تاغە نىنگ اويىگە آلىب كېلدىلر. قىزىنى عثمان باىگە بېرىشگە هىچ قچان راضى بۇلمەگن طوطى عمەنى اۇشە كونى بىر عمللب، خىلە اىشلتىب يكە توت قىشلاغىگە، كتە قىزىنىكىگە اېلتىب قۇيدىلر.

قىشلاق نىنگ اودومىگە كۇرە، نكاح، تۇى و تماشا قىزىنىنگ اويىدە بۇلىب اۇتىشى كېرەك اېدى. قرىبان هىيت نىنگ بىرىنچى اقشامىدە جۇرە تاغە نىنگ اويىدە پلاو خان تۇرە دىملندى. قلىق و كويونى چىمىلدىق آرتىدە دىدارلشتىرىش مراسىمىگە تيارگرلىك هم كۇرىلدى. تام نىنگ تۇرىدە بۇغجەمە بىلن چىمىلدىق توتىلدى، جاي سالىندى. كېلىنى چۇغ دېك قىلىب بېزەتدىلر. قۇل و اياق كقتلرىدە لاووللتىب خىنە قۇيىشىدى. خفتن يقىن قناووز¹ تۇن كىيب، اىپك سلە اۇرەگن عثمان باينى جۇرەلرى قۇلتىقلىب

¹ قناووز: قىزىل رىنگە اۇشەگن اىپكدن تيارلنگن تىكە.

چىمىلدىققە سېكىن آلىب كىردىلەر. عثمان باي قىلىن بىخىل كۆرپەچە اوستىدە قناردېك گۆدەسىنى زۇرغە توتىپ تورردى. كېلىنى چىمىلدىققە سالىشدىن آلدىن وكىل آتە تىيىنلدى. عايشە بو اودوملارنى توشونمىسە-دە، وكىل آتەنىڭ گېلىنى بىرمە-بىر قىتتىرىشكە مجبور اېدى. قىزىنىڭ «عثمان بايگە تىن محرمىلكە» راضىلىگى شوندىكى قىلىپ، شاھدلر اشتراكىدە آلىندى. كېلىنچىكىنىڭ كىچىكىنە قامتىنى اوشلىشكن آيىمچەلر بۇساخە ھتلىب، اىچكىرىگە كىردىلەر. ساقاللىرى سىرپەيىپ تورگن عثمان باي چىمىلدىق آرتىدىن بىمدىن تۇيمەگن قىبانگە¹ اۇخشىب بۇزىرەر، آلدىدىن اۇنگ آياغىنى پنچە اوستىدە توتىپ تورردى. موسىچەدېك كىنە قىزەلاقنى دىف-دايرەلر آستىدە چىمىلدىققە آلىب كىرىشلىرى بىلن-آق، شىلىنىپ تورگن عثمان دەبنگ شاشە-پىشە كېلىننىڭ آياغىنى باسدى. عايشە آياغى زىرقىرەب آغرىگىدىن گۆدكلرچە «واي آتە جان» دېب يىغلىپ قىچقىرىپ يوباردى. تۇپچى باشى آيىم شاھ خالە اېسە قىت-قىتلىگنچە، ھزل آرەلش: «يۇق، يۇق!! كېلىن باسدى، كېلىن باسدى» قىلىپ عايشەنى يوپتىگن بۇلدى. بىردىن قىسەر-قوسورلر باشلىدى. ساچىگن نىقلر ترەقلىب اوى بالالىرىگە تېگىپ، آياغ آستىگە توشىردى. بالە-چقە، خاتىن-خىلچ قند، نىقلرنى تېرىش بىلن آوارە اېدى. تۇي-طنطنە يىنە ايكى ساعىت چمەسى دوام اېتتى. اوزاق-يىقىدىن كېلگنلر ترەقلىشىپ كېتىشىدى.

«چىغەراققە گۆشت آسىپ،

قلىق-كوبابو مناسب.» -دېگن آيتىملر يىگرەگىگە قرەمەي، انصاف بىلن دىيىلسە، بو منظرە خۇم آلدىدە تورگن بىر چىنى پىالەنى اېسلەتتى. چىمىلدىقنى خىلوت قىلىش وقتى ھم تابارە يىقىنلىشىپ بارەياتىگن اېدى. آيىم شاھ خالە بىردىن:
- بىيى! اويىم كويدى!! شىرمندەلىك، كېلىن اوخلىب قالىدى، -دېدى.

¹ قىبان: دۇنغىز، خوك.

كىم نىنگ دىر آرقەدن «لويغە تىب يوبار» - دېگن دۇنغىلەگن آوازى اېشىتىلدى. توشىدە دوگانەلرى بىلن اۋىنب يورگن عايشە، شو تابدە باشىنى ياستىقدن كۇتريب «قۇغىر چاقلرىم قنى؟» - دېب اطرافنى قۇللىرى بىلن بىر سىيپەلەدى، يىنە اويقوگە كېتىدى. آيىم شاھ خالە يوگورىب بارىب، كېلىننى تەلەب اۋىغاتماقچى بۇلدى. اويقوسىرەگن عايشە يىنە ھۇيىقىب «آنە جان، آنە جان» - دېپە اۋرنىدن سىچىب توردى. يۇغاندن كېلگن عثمان دەبنگ شەھوت شىدتىدن قومدە ياتگن اېچكى يىمردېك تۇلغندى... كېلىن قىتەب جايىدن تورە آلمەدى. بىراق، چىمىلدىق آرتىدن كوياونىنگ يقىنلىرى بىر-يىكى عيال ايتتىقلىك بىلن «گلابگە» تېكىزىلگن اق رومانلى كۇرىشىگە آشىقردى.

۲۷. درد

درد

– قىش نىنگ اوزون تونلىرى اېدى. بوندى پىتلردە قىشلاقداشلىر قۇشخانەلەرگە^۱ بارىشىپ، گپ-گشتك قىلىشىپ، كېچەنى تانگ آتدېرىشردى. بخشى سنەتېش، گجە اۋىنش، متل آيتىش، قۇشوق اېشىتىش اۋشە دۆرنىنگ ارمانلى، مراقلى گورنىگ و ايرمكلردىن بۇلردى. هوانىنگ ساووقلىگىگە، تون نىنگ قارانغىلىگىگە، يۇل نىنگ اوزاقلىگىگە قرەمەى، آدملىر هاردىق چىقرىش اوچون باشى آققن تامان يۇل آلر و انه شو ايرمكلردن حضور-حلاوت تاپىشردى. هم قشلاقلر آرەسىدە، گۇيا، دنىانىنگ ايپىدن-ايگنەسىگە چە بىلەدىغان گېچىلر هم بۇلىشىپ، اولر بىر گېگە كىرگۈدېك بۇلسە، چېرتىب-چېرتىب سۇزلىش، هفتەلب گېلىرى توگەمس اېدى. مېھمانخانەنىنگ اۋرتەسىدە سوغدى سالىنر، اۋن-اۋن بېش چمەسى آدم سىندلى كۈزىگە آياق سوقىپ، بىر-بىرىگە جان-قولاق بۇلىشردى. بونى هم قىشلاقچەسىگە بىر نوع راحت-فراغت دېسە بۇلردى اۋشندە. منە شونگە يم يېتمىش ايل بۇلەى دېب قالدى!

– نىمەگە تۇستىن بىل بورون بۇلىب اۋتگن واقەلرنى اېسلىب قالدىنگىز آغم، اينىم؟
– بىلەسىزمى كېنچە اكە؟ اۋتمىش بىر كۈزگۈگە اۋخىش اېكن، آدم اونگە باقىب اۋز كېچىمىشىنى، ثواب-خطالرىنى كۈزىب توررىكن. اۋشەلرنى اېسلىش و كۈرىش بىلن آدم ذاتى بىر دم بۇلسىن تسكىن آلركن؛ انسان نىنگ روحى تازەلنركن؛ بغرى-دىلى بىرركن. افسوسلنرلى داغلى نقتەلرى هم بار اۋشە كونلرنىنگ. شونىنگ اوچون اۋتمىش خىالىمنى بىر اۋزىگە تارتىب كېتدى. قىشلاغمىز ايشلىردىن بىر ايتگىم كېلدى-دە.

^۱ قۇشخانە: مېھمانخانە.

عجب زمانلر اېدى. آدملر پاكيزه، بې غبار، صميمي، كۈنگىلچن. اولر خودى، اېرتكلردە گى قهرمانلرگە اۇخشر اېدى.

- كۈيىمنى زنگ باسيب كېتگن اېكن، بو سۇزلرنى تىنگلب يازىلگندەى بۇلدىم تۇره بېك راستىنى سۇره سىنگىز. گېيىنگىزنى اېشىتىگىم كېلەيىدى برادر! مېن هم سىزگە بىر- ايكيته يوره ك توگونىنى اچرمن؛ آدم-آدمگە غنىمت دېگنلرى شو بۇلسە كېرەك. سىزنى كۇرىب، خضر بابامنى تاپگندەى بۇلدىم جان اينىم. آدم قندەى دىر اولوغوار توغولر بىلن يشەيىدى. منە كۈپنى كۇردىم، عقل كېمەسىدە سوزىب، بارلىق تويىگە شونغىدىم. شونچە ياشگە كىرىب آدمدن عزيز، آدمدن ياووز نرسە تاپمەدىم بو دنياده. تنگرى آدم يره تەمن، دېب مەمما يره تىب قۇيگن اېكن شېكىللى. آدم ھەم نرسەنى بوزىشنى بىر تجربە قىلەدى و سۇنگ اۇز باشىگە يېتەدى. بو انسان نىنگ طبعىتى دىر. ھە! بو دومەلاق باشدە نىمەلر يۇق دېيسىز!!

- گېيزنى كېلگن جايىدن دوام اېتتىرىنگ تۇره اكە. سۇزلرىنگىزنى راسە يىم اېشىتىگىم كېلەيىدى.

- قىشلاغىمىز منظرەسى و آدملر تورموشى حقىدە گېيرەياتگن اېدىم. اۇشە آقشام كاوش بۇيى قار ياغدى. بىرىنچى قار اېدى؛ يىگىتلر بىر-بىرلىگە «قار خطا» يازدىلر. اۇتگن كېچە يوتىلگن گشتك اشى ھەم پىشىرىلدى، ايكيته جۇجە خۇرازنى ھەم پلاوگە باسدىلر... تاقچەدە قۇيىلگن رادىودن مملكت و دنيا واقەلرى يىنگردى. كۈپ ھەم اۇقىمىشلى بۇلمەگن قىشلاق آدملىرى خبرلرگە قولاق آسىشردى. توشونمەگن سۇزلرىنى بىزدن بىلىب آلردىلر. اۇشندە اۇقىمىشلى لردن بو مجلسدە بار و يۇغى مېن و ملا صمد بار اېدىك.

- بىرار كتەراق واقە يوز بېرگىمىدى اۇشندە بېك؟

- ھە! ۋەشە كۈنلەر سىرە اېسىمدىن چىقمەيدى كېنچە اكە. بىز يورتىمىزدە قندەى شوم -
تقدىر پىنچەسىدە اسىر توشگىمىز. مېن انە شۈنگە آچىنەمن، كۈيەمن و يانەمن. بىزنى
زنجىرىند قىلگن شۇر قىسمت نىنگ بىر حلقەسىدىن سۇز آچەيىن. دۇست-يارانلر جمع
بۇلىشىپ، صحبت قورىپ، درسنگ قىلىشردىك مېھمانخانەدە. خودى شو آقشام كابل
رادىوسىدىن «نظامنامە ناقلين (كېلگىندىلر نظامنامەسى)» خبرى بىر يىنگىلىك كىبى درى
و اوغان تىللىرىدە اۇقىب اېشىتىدىرىلدى. بو خبردە «قطن زمىنگە كۇچىپ كېلووچى
اوغانلرگە امتياز» -دېگن ماددەلرگە اىضاح بېرىلدى. فرمانگە كۇرە، جان باشىگە اېنگ
سوولى و حاصلدار جايلردن سكىز طناب بىر، قنچەدىر نقد اقچە، بىر نېچە يىل دولتگە
سالق تۇلەمسلىك... ۋەشە امتيازلردن اېدى. ۋاشندىن باشلپ توركىستانگە تجاوزه، اوغان
تۇرەلرى تامانىدىن رسىمى روشدە قانونگە ايلنتىرىلدى. ۋاشندىن باشلپ توركىستانىمىزگە
ناقللر سېل دېك آقىب كېلە باشلەدىلر. كېلگىندىلر نىنگ ھجومى شونچەلىك كېنگ توس
الدى كە حتا، قۇشنى دولتدەگى دغەلر - پىنچايىلر ھم قورت-قورموسقەدېك
ياغىلىشىدى بو يورتگە. اولر ايش، عمل-منصبگە ھم اېرىشىدىلر. بو واقەدن شونچە يىل
اۇتگن بۇلسە-دە، ھمان مېنگە تىن بېرمەيىدى. كۇز اۇنكىمدە كۇندەلىك تورىدى. بو
درد و عذابدىن اۇلىب كېتسىم كېرەك. كېنچە اكە اۇزىنگىز بىر اۇىلب كۇرىنگ-ھە!
شۈندەى تىنچ، آسايشتە بېغبار بىر اېل نىنگ يورتى وىران، ملكى تاراج بۇلسە-يە؟

- دۇستىم تۇرە بېك! نىمەسىنى گىپىرەسىز؟ تاج و تخت قۇلىمىزدىن كېتگىنگە منە ۳۰۰
يىل بۇلەيازدى. ۋاشندىن بېرى نە بىزدە تىنچلىك بار، نە اوغانلرنىنگ اۇزلىرىدە. خودى
كە، يرەتگن اېگم بولرنىنگ زوواھلەسىنى اوروش و جھالتگە قۇشىپ قارىگن دېك.
بولرنىنگ آياغى يىتگن بىر وىران قىلىنەدى. منە مېن اۇتگن كۈنى مىمنەدن كېلدىم.
«وزىر محمد گل مومند» دېگن بىر كىمسە شەرگە جر سالىپ، «سىزلرنى بيت اللهگە
پولسىز حجگە يوبارەمىز» -دېيە، اۇزىپكلىرنىنگ قۇلىدىن مىنگ-مىنگلپ كىتابلرنى،
قۇلىازمەلرنى يىغىپ آلىپ اولرگە اۇت قۇيدى، بىرنى ياندىرىپ يوباردى. بو صحنەنى

كۆريب قان يىغله دىم. بېچاره سادە خلق اونىنگ «آنە تىلىنغىزده مکتەب آچىب بېرەمىز» -دېگن يالغان گېلرىگە اوچىنىپ، الەنەب قالسە بۇلەدى مى؟ اوىى كوپگور مومند كابلدن كېلگن هياتلرى بىلن بىرگە شەر پاركىدە آدملىرنى تۇپلەگن. شو مناسبت بىلن اوزاق-يقىن قىشلاقلرگە هم احوال جۇنتگن. كىمدە كىم اېسكى كتابلر بۇلسە آلىب كېلسىن، دېگن بو يروق بىلن او كتابلرنى اھالىدن تسلىم آلىشى كېرەك اېكن. اېرتەلب شنبە كونى كتابلر، قۇليا زمەلرنى آت-ارابه لرگە آرتدېرىپ، شەردن تشقرىگە آلىب چىقىپ، ياندېرىپ يوباردى. نې تىل بىلن آيتەى كە، تامچىلب تورگن يامغىر آستىدە چرسىللب يانە ياتگن كتاب و قۇليا زمەلر آنگەسى كۆككە اۇرلر اېدى. بىر آز اۇتېب، خرمان دېك قله شىب ياتگن قاغازلرنىنگ كولى كۆككە ساورىلدى. كويە ياتگن كتاب توتونلرى قارە بولوتلرگە آلىنىپ، مېمنە آسمانى اوزرە سوزە ياتگندى. فارياب خلقى اۇز باى معنوي مۇلكى بىلن اۇشە كونى منگو خىرلشدى. اۇشە صحنەدە، قارە كۇل دۇپى كىيگن، گودەسى كىچىكىنەدن كېلگن بىر شاعر «الوداع توركستانىم!» -دېپە يانە ياتگن كتابلر مزارىنى قوچاقلشگە زۇرغە اولگوردى. او، يرەمس خاتىن طلاق توپە-توزوك آتەلىپ كېلىنە ياتگن جاي ناملىرىنى «پشتون كۇت»، «اوغان كۇت» قىلىپ تشلەدى. «زۇرنىكى تېگىرمان يورپتەدى» -دېگنلرى دېك، شو ناملر تىلېمىزگە اونچەلىك اۇرنشمە يدى هم. باشقە تاماندن «پشتون كۇت»، «اوغان كۇت» سۇزلرى نىنگ اىكىنچى قسىمى اۇزبېكچەدە كولگىلى چىقەدى. بىراق، شونگە قرەمەى آدملىرىمىز شو ناملرنى آيتىشگە محكوم اېتىلگنلر. محمد گل مومندىنىنگ قىلگن ظلمى، خياتنى ساچ-تېرناغىنغىزدن كۇپ. قىسى بىرىنى آيتەى؟!

- كېنچە اكە، بايە مېن بېكاردە قىشلاغىمىزده گى اودوملردن سۇز باشلەمە دىم. سىز و بىز-كو، منە بوندى كىتابى تىلدە گېلشە بېمىز. خلقىمىزنىنگ اۇشە تېشە تېگمەگن بۇرا-بۇرا سۇزلرىنى ساغىندىم. اۇشە شادە مرجان دېك تىزىلىپ ياتگن سۇزلرنى قومسە دىم. شۇر قسىمىمىزگە قرەنگ! بىز بوگون آلە-براق، قورمە تىل اېگەسى بۇلىپ قالىمىز. بو

احوالدن واقف اجدادلرئيمز علامه كاشغري، اولوغ نوايي، بويوك بابرلر «محشر كونىگه چه ترك خواب آيلب ياتسه لر نې عجب!» داد برادر تيليمز اوليم ياقه سيگه كېلىب قالدى. تيليمزئينىگ آلدىنگى تاتى، حلاوتى يۇقالگن. خلقيمز منقورتلشتيريلگن دير. اگر بونىنگ آلدى آينمسه تيليمزئينىگ اوليمىگه ماتم توتىشدن اوزگه چاره مئز يۇق دير.

- توره بېك دۇستيم! بئز اوز بېكلرنىنگ، اينقسه، ضياليلرنىنگ آنگيمزده، چيركىن علتلر بيلدئز آتيب كېتكن. اوزدن بېگانه ليك روحي مئزده اين قوريب آلگن. اوقىشدن قاچه مئز؛ باشيمئزنى هوايي سودالرگه گرفتار قيله مئز. ضياليسى، شاعر و يازوچيسى، رهبرى بۇلمه گن ملت نىنگ حالىگه ميمونلر يىغله يدى. مېن كۇپراق تيليمزگه بې ميللىك بايىده گيبرگيم كېله دى. چونكه، مېن قىرق-اېللىك يىل آلدىنگى گپ-گورينگلرده ايشلتيلگن تىلنى ساغينديم. بئز اېلئيمزئينىگ صادق اۇغلانى بۇله آلدىكمى؟ نخاتكى، اوز تيليدى اوقىب، يازىش شونجه ليك قىين ايش بۇلسه، عصرلر دواميده اونى اوزلشتيره آلمه سك. اوزگه تىللرده بلبل دېك سيره سك و يازسك-ده، اوز انه تيليمزده مبتلا بۇلىب توره بېرسك.

- تۇغرى آيته سئز كېنجه اكه! سئز و بئز ايكى گينه واقعه نى اېسلب درد-حال قىلديك. بونده ي هنگامه لردن ينه مينگنئسى تاريخ قعريده موزلب ياتيدى. خلقيمزئينىگ هر لحظه سى بير داستان، حياتى واقعه-حادثه لرگه تۇله.

- گلابى، هزار بۇ، اسحاق زى لرنىنگ قىلمىش لريدن بير ايكي تته سىنى آيته مئزى؟
- ياغ اېى توره بېك، اېت و جانيم جميرلب كېتدى. باشقه طاقت قيله آلمه سم كېره ك ملتيمزگه قىلنگن ظلملرگه.

- كېنجه اكه بير وقت تاپيب ينه گورينگلشه يلىك، يالغزلىك وجوديمنى خودى كويه دېك، كېميريب بارماقده. شولرنى گيبريب يېنگىل آرنمئى؟ -دېب اويله يمن.

- يالغىزلىك مېنىڭ ھىم روھىمگە رخنە سالگن. بو روھى آغرىقدن تۇرت موچەم^۱
تۇكىلەي دېب تورىيدى. بو گپلرنى ھەمگە ھىم آيتىب بۇلمەيدى. اولوغ نوايى
آينگنى دېك:

مېنى مېن ايستەگن اۇز صحبتىغە ارجمند اېتمس،

مېنى ايستر كىشى نىنگ صحبتىن كۇنگلىم پسند اېتمس.

درد كۇپ، درمان يۇق؛ درد بىلەغان يۇق!

- اۇتمىش نىنگ گزەكلرىدن تنەمىز شونچەلر زىرقىرەياتىر. ھلى آلدىندە يىنە نې-نې
كۇرگوليكلر بار، اۇشنى سىدن سقلەسىن.

- مېن كۇز قرچىغەي دېك عزيز تىلىمىز خام تلاش بۇلىب كېتىشىدن قۇرقەمن. يىنە
كۇرىشگونچە تۇره بېك برادر!

- بۇلىيدى آغم، «تاغ، تاغ بىلن اوچرشمس، آدم، آدم بىلن اوچرەشر»، دردلىشىب
تورەيلىك.

معلوم و نامعلوم سبىلرگە كۇرە بو آغە-اينىلر قىتتىب اوچرەشەلمەگن اېكنلر. اېسكى
حيات اېسە يىنگى ورقلرىنى آچىب كېلەياتىر.

چىكىلب بۇلمىيدى. اونىنگ اينى ھىم بۇيى ھىم كۇپ اوزوندىر. مولف

^۱ موچە: كىشى اعضاسى.

تۇرت موچە: قۇل، آياق، كۇز و قولاق.

۲۸. بىر پرچە نان

بىر پرچە نان

بوگون مېنگلى خال اېرتەراق تىرىكچىلىك يوموشلىرىگە كىرىش بېتىدى... او بېتاب ياتگن خالەسىنى كۈرىپ كېلە قالەى، دېب اول خمىرىنى قىلىپ آلدى. قۇللىرىنى يووه سالىب، يېنگلىرىنى شىمرگنچە، اون تۈرەدن ايكى تاواق اون آلدى. قۇللىرىدەگى بىلك اوزوك، برماقلىرىدەگى اوزوكلىرىنى، يېچىب بىر مامىق رنگلى ايدىشچەگە سالدى. مۇستەلەگن خمىرىنى، باتراق^۱ اۋندىرىش مقصدىدە ايسىققىنە جايگە قۇيىپ قۇيدى. اونگەچە تورموش اۋرتاغى داستان هم ايشىدن قىتىب كېلدى. بالە-چقەنى اوقتلىنتىرىپ، تېورەگ-تاشنى سرانجام قىلگن مېنگلى خال اېرىگە قرەب:

- منە اچىققىنە كۈك چاى دىملەپ قۇيدىم؛ قازاندە اوقت تيار؛ مىلى يىخشى اۋتيرىلەر، بالەلرنى سىزگە، سىزنى خداگە تاپشىردىم آتە جانىسى. مېن بۇلسە، اۋلىم تۇشگىدە ياتگن خالەگىنەمنى كۈرىپ قىتەمەن. ايسىق جان دىپىدلەر، دىدار قىامتگە قالمەسىن. آنەدېك عزىز، يىخشى كۈرەمەن اولرنى. بۇپتى بىر پىسدە بارىپ كېلە قالەمەن. خىر بۇمەسم!

- بارە قال، -دېدى كۈرپەچەدە يانباشلەب، چايدەن ھوپلەپ تورگن داستان تاغە خاتىنىگە، -ىنە كېچىكمەگىن-ھە! آنەسى. قرىنداشرگە مېندەن سلام، دېب قۇى.

- خۇب آتە جانىسى، مىلى!

خمىرى اچىپ اېدى هم كە، مېنگلى خال اويىگە كىرىپ كېلدى. اېركەلنگن بالەلرى چوغورلىشىپ دراۋ آنەسىگە ترمەشدىلەر. كۇپ ايشلىك مېنگلى خال بالەلرىنى اۋوتىپ،

^۱ باتراق: خمىرماپە.

چقان-چقان اورىنىپ، يەنە غايەلە ايشلىرىگە بېرىلىپ، كۈترىلگن خىمىرنى يەسە كېتىدى. او يىلگن نانلرنى، نان سېدگە سالىپ، قىزىگن تىدىر يانىگە كېلتىرىپ قۇيدى. قۇلىگە اېنچەسىنى كىيىپ، باشىنى رومالى بىلن تنغىپ باغلىدى و نانلرنى ياپە باشلىدى. بىر پىسە مېنگلى خال قىپ-قىزىل جىدەدېك قىلىپ، دماغنى قىتىقلەياتگن اۋزبېكچە نانلرنى پىشىرىپ آلدى. پۇسىللەگن نانلردن ياقىملى و دماغنى قىتىقلەياتگن هيد اوف اورەدى.

مېنگلى خال ھەمە ياقنى يىغىپ-تېرىپ قۇيىشى بىلن-آق اوزوكلرنى برماقلىرىگە تاقماقچى بۇلدى. اوزوكلرنى برماقلىرىگە سالەياتگندە، قرەسە كە مېنگلى خال نىنگ چىلە اوزوگى يۇق، اوزوگى شو جاي نىنگ اۋزىدە اويىدە يۇقاليپ قالدى. مېنگلى خال درحال آخترىشگە توشدى. كۈرمەگن جايى قالمەدى، بىراق اوزوكدن درك يۇق. «پىشانەم مونچە شۇر بۇلمسە اېدى، كېلىپ-كېلىپ تۇيىمدە برماغىمگە كىيىگىزىلگن اوزوگىم يۇقالەدىمى-يە؟!» -دېگن سۇزلرنى آيتىپ، تاپە آلمەگىدىن افسوسلندى و چوقور بىر خۇرسىنىپ قۇيدى، بىراوگە سېزدىرمىسدىن كۈز ياشى ھەم قىلدى. بۇلگن وضعىتىنى بالەلرنىنگ آتەسىگە سېر بېرمەيىدى او. اېرىدىن گپ اېشىتىشگە تابى يۇق.

«اېرىم آلىپ يىشىردىمى؟ -دېسەم، عقل باور قىلمەيدى؛ كتە-كتە اۋغىل-قىزىم بۇلمسە، بىر تارتدى قۇيدى اوزوگىمنى. قىين احوالدە قالدىم، اېرىمگە قچانگچە آتمەى يورەمن؟ مىلى بىر نرسە بۇلر. بىر ھفتە چىدەب تورەى، زارە تاپىلىپ قالر»، -دېگن اۋىلرگە باردى.

بوگونى مېنگلى خال سېر بېرمىسدىن تىشىنى-تىشىگە قىسىپ اۋتكزدى. اېرى ھەم، بالە-چقەلرى ھەم اوزوك يۇقالگىدىن بېخبر. رۇزغار يوموشىدىن سىرە بۇشەمس مېنگلى خال بىرى بىر، دىققەلرنى سىب اۋتكزدى. انە-منە دېگونچە تون ھەم اۋزى نىنگ قارە كۈلكەسىنى يايىپ قۇيدى. اوخلەمسدىن تونب چىققن مېنگلى خال، اېرتەسى توروب

توغرى فالچىگە باردى. مېنگلى خال-حال-حوال بارە ساليب بىردن مقصدگە اۋتە قالدى و بۇلگن گېنى آيتە باشلەدى:

- فلاكت باسيب تۇى اوزوگىم يۇقالدى آغم...

- آلتىن اوزوگىنگىزنى آنيق جىنلر اۋغىرلىشگن. اولر جمعه كېچقرون مېنىنگ يانيمگە تۇپلىنىشەدى. آتە گىنىنگىزنى تشلب كېتەبېرىنگ. جمعه گە چە بىر-ايككى خبر آلىنگ. قۇلىنگىز قوروق بۇلمەسىن؛ يەنە ارواحلرنى خفە-نازە قىلىپ قۇيىمىنگ، -دېدى فالچى قۇلىدەگى تىسبىحنى شرەق-شرەق آغدرە ياتىب.

- منە بو ايككى يوز پول سىزگە آتلگن تقصير؛ كېينى بار! نيمە بۇلسە ھم اوزوگىم تاپىلسىن آيلنەى سىزدن.

- خىرلى ايشنى آرتگە سورىب بۇلمەيدى. يىخشى عيال اېكنسىز، ھى، ھى، ھى! يقىنراق كېلىنگ قنى، منە بو آينە چە گە بىر قرەنگ، اوزوگىنگىزنى كىم آلگىنىنى كۇرەسىز، -دېدى فالچى.

مېنگلى خال اېسە شاشقە ناقلب دومە لاق كۇزگوچە گە تىكىلدى. مېنگلى خال ھىچ نرسەنى كۇرمەدى. بىراق، فالچى اونى آينە چە اىچىدەگى اۋزى تصور قىلەدىغان ايرىملرگە آيلنتىرىش بىلن آوارە. نفسى ھكەلك¹ آتىب، كۇز تگى بىلن عيالگە شھوانى، آچ بۇرى دېك قرر اېدى فالچى تاماغىنى تېز-تېز قاقىب. حىلەسى ايش بېرمىس اېكن، «اوزوك سىزگە كۇرىنەدى بېكەم، اما، سىز اونى كۇرمەيسىز. شاشمىنگ. منە بو قاغازنى آلىب بارىب، ياستىققە ساليب، كېچەسى باشىنگىز آستىگە قۇيىب ياتىنگ؛ دشمنىنگىزنىنگ كۇزىنى كويدرە باتگن منە بو ايرىم-دعالردن اۋقىنگ. بو كېچە توشىنىگىزگە آلىب كىرەمن اوزوگىنگىزنى انشالله!!!» -دېب مېنگلى خال بىلن خىر معذور

¹ ھكەلك آتماق: تېترەماق، اۋىنەماق.

قىلدى فالچى. و آخرده «بىر كتە سېر كەدەى خۇرازنى-دە، آيىب كېلىشىنى اونوتىمىس سىز
آى بى-بى» -دېب قويدى فالچى.

مېنگلى خال اوچ مرتە آتە گنلرېنى فالچىگە آيىب باردى. اما، نتيجه بۇلمەدى...
اوزوگىنى ايزلشدىن تۇختە گنى يۇق. گېنى كۇنگليگە سىغدىرە آلمە گن مېنگلى خال آخرى
اېرىگە آيتدى. بو گېنى اېشىتگن داستان نىنگ قانى بىردن قىنەى كېتىدى و آغزىدىن
كېلگىنىنى آيەمەدى، ساوورىب سۇكدى. ھلى قۇل كۇترگىنى يۇق اېرى.
- چىلە اوزوگىنگىمى؟! -

- ھە-دە، -دېدى قوبى اوازده بالەلر نىنگ آنەسى.

- ھىم! بو نې كۇرگوللىك! تاپەسن، تاپتېرەمن سىنگە، بىلدىنگىمى؟

- سىزگە يالغان تىنگرىمگە راست. شو يېردە كۇز اۇنگىمدە يوقالدى اوزوگىم.

- اوف ف ف! -باش چىقەدى داستان، -توشنرلى! -دېدى.

«نكاح اوزوك» نىنگ يۇقالىشى اونى ھر خىل اۋى-خىاللارگە آيىب باردى...

بىرى بىر عايلەدە بو حادثە سىر و جومباقلىگىچە قالەوېردى. مېنگلى خال يورەگىگە ساووق
سوو اورىب، اېندى اونوتىشگە حركت قىلەدى. نىمە بۇلگندە ھم اوزوك نىنگ يۇقالىشى
عايلەدە دلخىرەلىك توغدىردى، ھر خىل شېھە-گمانلرگە سىب بۇلەوېردى...

اوزوك نىنگ يۇقالگىنىگە ايكى ھفتە اۋتىب اېدى. يازىنىگ جىزىرەمەسى. قوياش تىفتىدىن
بىر اوزرە سىقى سىراب تۇلغىر؛ آدملىر اۋزلرېنى سايە-سلىقنىلرگە آلىش؛ دېوار كۇلكە سىدە
اوزون قارە اېىگە اۋخشىب تىزىلگن چوماللىر-تىرىكچىلىك تشوېشىدە يۇل قىتنە يىدىلر. شو
پىت كىم دىر كۇچەدەگى دروازە زلفىنى شق-شقتىدى. داستان تاغە اۋن ياشر اۋغلىنى
خبر آيىب كېلىشگە بويوردى. بالە كۇچەگە قرەب زىنغىللەدى و قىتتېب كېلىب:

- آتە جان-آتە جان، بىر گداى نان سۇرەپىدى، -دېدى اۋغىلچە.

- منە بو بىر بۇردە ناننى اېلتىب بېرگىن، بالەم، دېب اۋغلىنى كۇچەگە يوباردى مېنگلى
خال.

– آنە جان–آنە جان! گدای بیتتە بوتون نان بېرىشىمىزنى التماس قىلەيپىدى.
– خى! كېلە قال! منە بو ناننى خدانىڭ يۇلىگە تىلنچىگە آلىب بارىب بېرگىن بالەم، ثواب بۇلەدى.

بايەگى بىر پرچە ناننى بوتون نان اوستىگە قۇيىب اۋغلىچەسى ارقەلى گدايگە يوباردى مېنگلى خال. گدای «بو مېنىڭ نصىبەم» –دېيە بوتون آلرکن، «منە بونىسى سىزىنىڭ نصىبەنگىز» –دېب پرچە ناننى بالەنىڭ قۇلىگە قىتېرىب بېرەدى. اويىدەگىلەر هر ياقدن گپ–سۇز قىلىب تورىشىپىدى. تۇپلنىشگن عايلە اعضالرى اوقتلىنىب تورىشگن بىر پىتدە، بايە قۇلىدەگى بىر پرچە ناننى دستورخوانگە ايرغىتىدى. شوندا مېنگلى خال «بالە جان! ناننى اتمەگىن، گناھ بۇلەدى» –دېب دستورخواندن آلىب، كۇزىگە سورتىب، نصىبە دىيە بىر تىشلەدى. تىشى غرچىللىب كېتىدى. زىرقىرەب آغرىگىدن «تىشىم سىندى، وادى داد!!!!» دېب قىچقىردى مېنگلى خال. تىشلەگن ناننى آغزىدن چىقىرىب باقسە، نې كۇز بىلن كۇرسىن كە، اۋشە «يۇقاتىلگن آلتىن اوزوك» يره قلب تاولنىب تورىپىدى.

كوز فصلى، ۲۰۰۹

شىروروك، كىيىك – كانادا

يازوچى نىنگ چاپدن چىققن اثرلىرى:

۱. اۈزبېك ادبىياتى فرهنگى (استاد عالم كۈھكن بىلن بىرگەلىكدە)
۲. حاضرگى اۈزبېك تىلى (مارفولوگىيە)

مجازى ترماقلىر آرقەلى نشر اېتىلگن اثرلىرى:

۱. نوايىنى انگلش (مقالەلر تۈپلىمى)
۲. سىنىشتە (حكايەلر تۈپلىمى)
۳. چىراق (حكايەلر تۈپلىمى)

چاپگە تيار اثرلىرى:

۱. بىنە قىتەمن (مىنى رومان)
۲. اوچرەشە ياتگن تاغلر (شعرلر تۈپلىمى)
۳. بايقوش (صادق ھدايت نىنگ «بوف كور» رومانى ترجمەسى)
۴. بىر قىشلاق نىنگ كۈز ياشلىرى (قەصە)
۵. دوتار چۇغلىرى (قادر مرادى نىنگ «شرمە و خون» رومانى ترجمەسى)
۶. مقالەلر تۈپلىمى